



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

Es 5137

DIE DIETSCHÉ

LUCIDARIUS,

LEERDICHT DER XIV^e EEUW.

GEVOLGD DOOR

ANDERE GEDICHTEN

UIT HETZELFDE TIJDVAK,

UITGEGEVEN

DOOR

M^r. P^r. BLOMMAERT.



GENT,

BOEK- EN STEENDRUKKERY VAN L. HEBBELYNCK, KAMMERSTRAET, #

1856.



UNIVE



NT



90

DIE DIETSCHÉ
LUCIDARIUS.

EL 5137

DIE DIETSCHÉ
LUCIDARIUS,

LEERDICHT DER XIV^e EEUW,

GEVOLGD DOOR

ANDERE GEDICHTEN

UIT HETZELFDE TIJDVAK,

UITGEGEVEN

DOOR

Mh^r PH. BLOMMAERT.

AL-516452-10



GENT,

BOEK- EN STEENDRUKKERY VAN L. HEBBELYNCK, KAMMERSTRAET, 6.

1856.

De gedichten welke in dit deel voorkomen, zijn genomen uit een HS., toebehoorende aen de nalatenschap des heeren Van Hulthem, en thans berustende ter nationale bibliotheek te Brussel, n° 15642. Dit HS., zooals schrift, karakter en tael bewyzen, behoort tot het einde der XIV^e eeuw, en is op papier, hier en daer met perkamenten bladen doorschoten, van een langvormig smal folioformaet, behelzende 238 bladzyden (1).

By het uitgeven van hetzelfde hebben wy de aldaer bestaende orde der dichtstukken behouden, en ze alle overgenomen, ter uitzondering van het voorlaetste, dat reeds door Willems in het *Belgisch Museum*, VI, 94, werd uitgegeven, met opschrift : *Dit is van her Hughen van Tyberien, hoe hi den coninc Saladijn ridder maecte* (2). — Overigens zijn hier nog twee gedichten van Augustijnken bygevoegd, ontnomen aen een ander HS. des heeren Van Hulthem, n° 192; opdat, met de drie stukken in eerstgemeld HS. vervat, al de gekende lettervruchten van Augustijnken in dezen bundel verzameld verschynen mochten.

Ofschoon het HS., door geene goede hand geschreven zy, hebben wy hetzelfde zoo getrouw mogelijk uitgegeven met deszelfs vlekken en onkiesheden; daer wy dachten dat het beter ware de mistellingen en duistere zinnen te laten bestaan, zooals zy er in voorkomen, dan dezelve door gewaegde veranderingen of willekeurige byvoegselen op te helderen en te verklaren. Dit hebben wy ook in acht genomen voor de sterke en zwakke verbuiging der naemwoorden, die reeds door de afschryvers dezer eeuw onnauwkeurig werd gevolgd. Zelfs de eigenaerdige spelling dezes HS. hebben wy geëerbiedigd, als *door* en *dor* in den zin van *voor*; bl. 23, v. 1927 : « Die *dor* ons liet sijn leven; » en elders; *w* voor *v*, als; bl. 38, v. 3185 : *Vormen* in plaets van *wormen*; bl. 56, v. 4743 : *Wert uut* voor *vaert uut*; bl. 31, v. 2574 : *Te varen* voor *te waren*; bl. 81, v. 573 : *Valsch*

(1) Het werd reeds beschreven in de *Bibliotheca Hulthemiana VI*, onder n° 194, als ook in het *Belgisch Museum*, I, 333, en by Buddingh, *Geschiedenis van opvoeding en onderwijs*, II, 94.

(2) Zie *Dystorie van Saladine*, door de maetschappy der Vlaemsche Bibliophilen te Gent, uitgegeven.

voor *walsch*, enz. Ook *ae* voor *ee* en *ee* voor *ae*, als bl. 51, v. 4311: *Begaert* voor *begeert*, enz.

Werpen wy thans een oogslag op elk gedicht in het byzonder :

DIE DIETSCHÉ LUCIDARIUS, bl. 1. — De *Lucidarius* is eene middel-eeuwsche vertaling in vers van het latijnsche werk *Elucidarium* des heiligen Anselm, aertsbisschop van Cantelberg, die als een der ervarenste schryvers der XI^e eeuw bekend staet, en zich met kracht en kunde tegen de leeringen van den kanonik Roscelijn, over de Drievuldigheid, alsook tegen eenige grieksche afwykende kerkgebruiken, verhief (1).

Het bevat in samenspraken een kort begrip der christelyke godsgeleerdheid en der kerkelyke leer over de verhevenste onderwerpen, als over God, de schepping, de zonde, den ondergang der wereld, enz.; doch deze stoffen worden hier slechts zoo ver uitgelegd als ze wereldlyke lieden mogen kennen (2), als hy zegt v. 39 :

Alsoe verre voirt als den leeken lieden
Gheoorloft is te bedieden.

Men zou hier uit eenigzins mogen veronderstellen dat dan nog, in de middeleeuwen als vroeger by de ouden, eene zekere geheimleer bestond, verschillende van het algemeen volksgeloof.

De gansche verhandeling is in drie afdeelingen gescheiden : het eerste handelt over de Godheid, het ontstaen aller dingen, Adam's val en 's menschen verlossing door Christus menschwording. God wordt er als het almachtige, ongeschapen en scheppende wezen voorgesteld; en de Drievuldigheid (v. 109) als het eeuwige licht, met de drie eigenschappen der zonne vergeleken. De val van Lucifer zou de scheiding van het licht met de duisternissen geweest zijn (3); en als een der oorzaken van Adam's val,

(1) Deszelfs werken zijn door G. Gerberon verzameld uitgegeven, met titel : *Sancti Anselmi ex Beccensi abbate Cantuariensis opera; labore et studio D. Gabrielis Gerberon, monachi congregationis S. Mauri. Lutetiae Parisiorum, 1674.* In-fol.

(2) Zie v. 72 en 333.

(3)

V. 369 : Doe sach God dat 't licht was goet
Ende versciet metter spoet
't Licht van der deemsterhede;
Ende hier verstaen wi ter stede
Dat Lucifer met sire scaren
Versceden wordt al openbarc.

gelyk by andere volken, wordt een diefstal van geestelyke verboden spyze aengegeven, v. 1310 :

Om dat hi nam in den paradyse
Die geestelike verboden spise,
Die hi in die heilige stede stal,
Daer ons af quam den zwaren val.

De tweede afdeeling (bl. 29) handelt over den oorsprong van het kwaed, den vryen wil, de erfzonde, enz. De boetvaardigheid aenziet de schryver als een der grondslagen onzer godsdienst, en komt er meermalen op terug, als ten v. 4099, 4492 en elders; nogtans keurt hy de openbare boetvaardigheid, ongetwyfeld het gedrag der geeselbroeders of flagellanten af (v. 3295); en heeft overdrevene gedachten over de voorbeschikking des menschs, of onvoorwaerdelyke genade-keus Gods, daer hy zegt v. 3474 :

Jof die vereorne der sonden plegen
In aertrike, ende si daer jegen
Geene penitentie en hebben gedaen,
Sullen si nochtan Gods rike ontfanen.

De derde afdeeling spreekt over het toekomstige leven, den hemel, de helle en het vagevuur; over de teekenen welke den ondergang der wereld zullen vooraf gaen : de komst van Antekerst en het laetste oordeel. Als Antekerst gansch de aerde zal overheerd hebben, zal het einde der wereld naderen. De engelen steken de trompet (v. 5660) :

Ende d'elementen verstormen sere
Om den angst van Onsen Here,
Ende oec mede sonne ende mane
Sellen verliessen hare gedane.

En na het laetste oordeel en den brand des heelals (v. 5993) :

Sal God maken niwe aerde
Sceenre ende van mere waerde;...
Hi sel verniwen die sonne ende die mane
Mit sonderlingher gedane,
Ende die mane sal met eenen ringhe
Versiert sijn sonderlinghe, enz.

Het einde, zooals men ziet, heeft wat de grondgedachten betreft eenige overeenkomst met het slot der Voluspa.

Buiten het HS., waernaer wy den Lucidarius uitgeven, staet nog een bekend in het catalogus van M. Koning, 1853, bl. 31, n° 228, als in dat van R. Heber te Londen, onder n° 1435, p. 11, dat waerschijnlijk hetzelfde is. Het vervat de volgende stukken : *Gesprek des wyzen Sydracs met den koning Boctus*. — *Lucidarius-boeck*. — *Dit is dat edele lant van Cokaengen*. — *Die peregrinatie van Jerusalem*. — *Een moy sprake over sesterhande verwen*. — W. Grimm in de voorrede van Freidank, bl. viii, spreekt nog van een ander perkamenten HS., berustende te Cassel (*MS. philos.* 8, n° 5), in klein formaet, van het einde der XIV^e of aenvang der XV^e eeuw, waerin het gedicht Lucidarius voorkomt.

Het bestaet gedeeltelijk in proza en werd uitgegeven door den heer M^r L. Ph. C. Van den Bergh, in het werk over de Nederlandsche Volksromans. Ook treft men een bericht omtrent een HS. van het Lucidarius-boeck in het *Britisch Museum*, te Londen, door D^r R. P. A. Dozy in de *Verslagen en berigten der vereeniging ter bevordering der oude Nederlandsche Letterkunde*. Leiden, 1845, bl. 45.

De Lucidarius werd reeds vroeg naer het nederduitsch in het neder-saksisch vertaald en D^r Karl Scheller, in zyne *Bücherkunde der Sassisch-Niederdeutschen Sprache*. Braunschweig, 1826, maekt een HS. onder n° 253, en eenen ouden druk bekend n° 411, met opschrift : *Dit Bok het Lucidarius. Dat spricht to dude so vele alse ein vorluchter : id werd ook genomel Aurogemma. Gedrukt in der keiserliker stat Lubeck van Matheus Brandis. Anno Dni 1485. In 4^o*.

DIE NIWE DOCTRINAEL OF SPIEGEL DER SONDEN, door JAN DE WEERT, VAN YPRE, bl. 75 en 149. — Het is nu bewezen dat de schryver van bovengenaemd werk Jan De Weert is, en niet Willem, een Weert, die volgens het naschrift van het Leidsche HS. in 1451 slechts eene kopy van hetzelfde vervaerdigde. Dit naschrift wordt in het Brusselsche HS., dat ouder dan het Leidsche is, niet gevonden; in beide nogtans wordt Jan De Weert, ten beginne als dichter aengegeven.

Wylen de geleerde Willems gaf belangryke oorkonden uit over de familie De Weert, van Ypre, in het *Belgisch Museum*, VIII, 264, hem door den archivaris der gemelde stad, den heer Lambin, bezorgd, waerin een

Jan De Weert, lakenkooper, voorkomt, die ten jare 1372 zou overleden zijn, en welke door Lambin als waerschijnlyke schryver van den Nieuwen Doctrinael wordt beschouwd; bygevolg zou hy geen geestelyke geweest zijn, zoo men tot nu toe had aengegeven, maer een leek, een lakenkooper. Naer mijn inzien echter valt het nog zeer twyfelachtig of deze Jan De Weert wel onze dichter zy, en geenzins schijnt het my bewezen dat deze geene geestelyke of priester was, daer hy zich v. 2666 *arme, sondige cleric* noemt, en het woord *cleric* in gansch het gedicht in tegenoverstelling van *leek* in den zin van *geestelyke* wordt gebruikt, als ten v. 83, 343, 352, 356, 369 en elders. Over den dichter, zoo men ziet, is weinig anders gekend als zijn naem en zyne geboorteplaets, en hetgeen hy zelf meldt in dit werk dat hy nog eenige andere gedichten schreef (v. 19) en lui van aerd was (v. 888).

Het dichtwerk dat hier wordt uitgegeven noemde hy *Nieuwen Doctrinael*, naer deszelfs vorm, omdat het een leerdicht was in de wyze van den *Dietschen Doctrinael* opgesteld, die ten jare 1345 door Jan Deckers, klerk der stad Antwerpen, werd uitgegeven; hy noemde het ook *Spiegel der Sonden*, naer deszelfs inhoud; want het behelst uitleggingen over de zeven hoofdzonden, de tien geboden Gods en de belydenis. Het vervat eene volkomene zedekunde, richtige onderwyzingen en niet selden treffende byzonderheden nopens de dan heerschende zeden. De schryver, 't zy klerk of leek, verheft zich boven alle dwaelbegrippen zyner eeuw en laekt het kwaed, waer hy het vindt, zoo wel by geestelyken als wereldlyken, zoo wel by prelaten en gemeene klerken als by vorsten en leken. In den beginne van het gedicht reeds bestraft hy het toestaen en wegschenken om eer of geld van beneficien, provenden, enz.; en het afdwingen van schenkingen by uitersten wil berispt hy niet min hevig als het verkoopen van aflaten (Zie van v. 357 tot 414). Ook spaert hy de wereldlyke macht niet; de ambtenaers en rechters beoordeelt hy strengelyk; v. 513 en van v. 655 tot 700.

Hy klaegt bitter over de zeden zyner eeuw, die zeer vervallen moesten zijn; de ontuchtige levenswyze, zegt hy,

Maect aderen, been ende sianen
Soe ydel, soe droge dat si enghenen
Wasdom, noch cracht hebben te degghen,
Als si billecs souden pleghen.

Hier om wert die menscheit cranc
Dat si niet en mach leven lanc,
Noch cracht ghecreghen als si plach,
Mits der oncuusheit overdrach;
Oec bliven manne ende wijf ghemene
Onbedeghen ende elene
Bi wat dat si plaghen wilen eere.

In stede van de zondagen naer behooren over te brengen en naer de kerk te gaen, liep men ter traverne drinken en spelen (v. 1709), en de modedracht der vrouwen was zonderling v. 839 :

Die rike vrouwen maken groot behaghen
Aen haer hooft ende op haer haer :
Vergouden spellen ·VII· paer
Steken si op doeke van side;
Die ghelu haer ghevlochten wide;
Horen caken recht als cornetten;
Si scepen haer ansichte of blancketten
Als si sullen gaen ter feesten.
Het scinen bet ghehoornde beesten,
Daer si comen, dan anders yet.

Hy laekt ook de bedevaerten, maer niet in het algemeen, omdat het volk hierdoor van de gedachte en het aenbidden der almogende Godheid wordt afgetrokken, en tot den beeldendienst en afgodery overslaet, waer-toe hy een voorbeeld aenhaelt van O. L. Vrouw van Rosebeke en Ardenburch, en eindigt daerover met de volgende versen, v. 1614 :

Maer ic begripe die sotte riesen,
Die een stom beelde alsoe verkiesen
Dat sire al haer ghelove an setten,
Ende maken van den beelden mametten,
Ende aenbiddense voer onsen heer God.

Naer het Brusselsch HS. wordt de Nieuwe Doctrinael hier uitgegeven; de varianten in het Leidsche HS. voorkomende, welke my, door de vriendelyke tusschenkomst van den H. Gel. heer, Mr J. T. Bodel-Nijenhuis, secretaris van de nederl. letterk. maetschappy te Leiden, wien ik hierover hartelijk bedank, werden bezorgd, heb ik mede ter bl. 149 doen byvoegen. Het Brusselsch HS., ofschoon het oudste en tot het einde der XIV^e eeuw, naer tael en schrift te oordeelen, behoorende, is niet zeer keurig geschreven; integendeel schijnt het met groote haest vervaerdigd te zijn, daer het

g al vele schrijffteilen behelst en er verscheiden verzen werden in overgeslakt. Deze ontbrekende verzen kunnen door behulp des Leidschen HS. aenuuld, en meest al de slecht geschrevene plaetsen, weinige uitgezonderd, reklaerd worden. Een der belangrijkste plaetsen in het Brusselsch HS. ggelaten is zonder twyfel diegene betrekkelijk de leenheeren in deze rw, en derzelve geweldige handelwyze jegens onderhoorigen en reizis; deze volgt op v. 634 en is hier ter bl. 150 opgenomen.

De heer J. J. Nieuwenhuizen, van Amsterdam, trok de aendacht op dit rk door een artikel in den *Algemeenen Konst- en Letterbode*, n° 47, 1850, maekte dan ook een zeldzaam werk van J. Lelong bekend, die, byna e eeuw geleden, talryke uittreksels en brokken van dit leerdicht in uk deed verschynen, te samen 516 verzen uitmakende. Dit boekje, een 8 van 72 bladzyden, draegt tot opschrift: *Seer gewichtige getuygen der verheit, of nieuwe bewysen van oude waerheden tegen 't pausdom, door Leong, Alkmar, 1762.*

DIT'S VAN AUGUSTIJKENS SCHEEPKENE, bl. 105. — Wy hebben in zen bundel al de gedichten opgenomen, die den naem dezès dichters agen, en slechts tot vijf beloopèn :

1° Het hierboven aengegeven;

2° *De Schepping, zinspelende op 't getal zeven, bl. 120.*

3° *Dit's Sinte Jans Ewangelium, alsoe 't Augustijnken geepponeert heeft, . 131.*

4° *De borch van Vroudenrijc, die Augustijnken maecte, bl. 144.*

5° *Van der rijcheit ende van der doot, bl. 147.*

De drie eerste zijn uit het hooger beschreven HS. ontleend, en in dezelfde rde, als zy aldaer gevonden worden, hier ingevoegd; de twee andere ukken zijn uit den gekenden codex (*Biblioth. Hulth.*, n° 192), naer af-schriften van den heer professor C. P. Serrure, die de goedheid had my eze ter uitgave af te staen, overgenomen en hier achteraeen geplactst.

Over den dichter weten wy niets als 't gene hy-zelf in zyne gedichten ekend heeft gemaekt. Uit het eerste gedicht: *Het Scheepken*, ziet men dat ugustijnken eenigen tijd te Dortrecht moet verbleven hebben (v. 14), en at hy in gemeenzamen omgang met de aenzienlijksten des lands ver-

**

keerde (v. 65). Verder dat hy als een goed dichter, zelfs ten zynen tyde bekend stond, daer hy door een der afschryvers, waarschijnlijk een tijdgenoot op het einde van het gedicht *Van der rijkheit ende van der doot*, v. 81 : « Een constenare sijn » genoemd wordt. — Uit eene plaets van het gedicht *De Schepping*, die op de kroning van keizer Karel IV te Rome ten jare 1355 schijnt te zinspelen, zou men den leeftijd van onzen dichter nagenoeg kunnen vaststellen. De pauzen, die dan te Avignon verbleven, stonden, sinds eenigen tijd, door het franschē hof ondersteund, de keizers tegen over. Door de staetkunde van keizer Karel IV en door zyne kroning te Rome, werd eenigzins een einde gesteld aen de partyen, die het duitsche Rijk sinds lang verdeeld hielden. Gemelde plaets luidt als volgt, v. 150 :

Dyerste sal sijn een keyser,
Die sal wesen een voerreiser
Om te lichten kerstenhede,
Gelijke Karle, die coninc dede.
Daeromme es hi ghecroent scone
Op erden metten gulden crone,
Om datti sal des Heren Kerke
Van hemelrike met goeden werken
Bescermen in kerstenheit.

De heer F. Mone in *Uebersicht...* bl. 274, aanziet dit als eene toespeling op keizer Karel den Grooten; doch als men deze verzen met aendacht na-gaet, vindt men ze op Karel IV^e alleen toepasselijk; zelfs uit de wending des volzins zou men mogen veronderstellen dat het gedicht niet lang na de kroning dezes keizers geschreven werd, daer er seffens volgt : « Om datti sal des Heren Kerke... »

Onder de gedichten van Augustijnken zijn drie allegorien (1) of zinnebeeldige verhalen : *Het Scheepken*; *de Burcht van Vrouwenrijk* en *de Schepping*. — In het eerste waent de dichter van Dortrecht de Merwede af te varen; aen den buitenmuer van eene burcht marde hy zijn bootje, en door nieuwsgierigheid gedreven trad hy er binnen. Daer te midden uit het water hief zich 's vrouwen Eeren toren met zyne tinnen in den hoogen. Ten

(1) De allegorie was sinds de middeleeuwen hier te lande een zeer beminde en beoefende dichtvorm, waerin vooral Jan Van Hulst uitmunte, wiens gedichten onder den titel *Oudvlaemsche liederen en andere gedichten der XIV^e en XV^e eeuwen*, door de Maetsch. der Vlaemsche Bibliophilen werden uitgegeven. Men gedenke ook de spelen van zinnen der XVI^e eeuw en de talryke zinnebeelden der XVII^e en XVIII^e eeuwen.

hoogsten vensters zag hy zeven gekroonde koninginnen staen, die nauw met vrouw Eere verwant, uit het land verbannen waren, en op het daer liggende nieuw getimmerd schip, dat Zekerheid (1) heet, welhaest ter zee zich gingen begeven. Deze zeven koninginnen, die zoo zeer vervolgd en van vorsten en heeren verlaten worden, zijn : Bescheidenheid, Stadigheid, Schaemte, Trouwe, Gerechtigheid, Gematigheid en Mildheid :

Die heren, die op desen dach
Die lande regeren hier ende daer,
Die doen hem soe meneghe vaer;
Si moeten van node rumen dlant.

De borch van Vroudenrijc is op de zelfde wyze behandeld, en deze burcht is niet anders als eene schoone juffer; de burchtgraef Her Reinout is het hert, de vijf ridders (zinnen), die de burcht hoeden, worden genaemd : Hoernaer, Cleerbesach, Rouckaert, Smakelijn en Lichtgevoel. De mond wordt op de volgende wyze als eene zael beschreven, v. 32 :

Onder den pilaer stont eene sale,
Niet te cleine, te maten groet :
De muren waren met roesen roet
Wel ghemuert aen elke side;
Dat volprisen ware mi te wide.
Setelen wit ghelijc elpen beine,
Te maten groet ende niet te cleine,
Stonden uutgehouden daer;
Effene, slecht, suver ende claer
Bleven si ende altoes wit,
Van al der vulnesse ombesmit.
Ene harpe hinc in dese sale,
Niet van coperen, noch van metale;
Na den inghelen was haer gheclanc :
Soetere vele dan enich sanc
Was te horene dat ghelaut.

De Schepping is een gedicht, zinspelende op het getal zeven. Na de zeven dagen der schepping, de zeven planeten en de zeven tyden des daegs uitgelegd te hebben, haelt de dichter eene plaets aen uit de openbaring van Sint Jan, en vervolgt met zinspelingen op de zeven kerken, de zeven kan-

(1) De mast heet *Volherden*, de touwen *Vrouw Trouwen kinders*, het zeil *Heer Goetgelact*, de ree *Vry ootmoed*, de kabel *Helen*, de anker *Vasthouden*, de stierman *Kunde*, enz.

delaers en de zeven zegels op den driehoekigen schild, waerin overgegaen wordt tot de vergelyking der geestelyke en wereldlyke ambten en waerdigheden naer de gewoonlyke onderscheiding der twee zwaerden. De dichter Augustijnken moet een gibellijn of keizersgezinde geweest zijn; want in dit stuk klaegt hy meermaels over de hoogmoed en aenmatigheden der geestelyke overheid, als v. 134 en 214.

Het gedicht met opschrift : *Van der rijcheit ende van der doot*, behelst bespiegelingen over den wereldschen geest, die alles naer den rijkdom beoordeelt en de stoffelyke bezittingen boven de zedelyke hoedanigheden verheft.

Dit's Sinte Jans Evangelium is een glossengedicht en vervat eene uitlegging van gemeld evangelie. De dichter vangt met de schepping en derzelve oorzaak aen, onderzoekt opvolgenlijk al de grondslagen onzes geloofs, om met 's menschen verlossing door het vleesch geworden woord te eindigen. Soms volgt hy den tekst zonder begeestering, soms verheft hy zich tot de afgetrokkenste bespiegelingen in krachtige bewoording uitgedrukt; als waer hy de onbeperkte macht der Godheid afschetst (v. 40), en het toekomstige lot den deugdzaamen menschen beschoren beschrijft (v. 416), enz.

ZEDELESSEN, bl. 113. — Eene verzameling van goede spreuken en regels over den levenswandel en de zeden, in denzelfden trant als de Dietsche Catoen, doch in 't algemeen wat breeder uitgewrocht en niet onverdienstelijk behandeld. Ten v. 196 waarschuwt de dichter tegen de vlejende of smekende menestrels.

DIT IS VAN ·VI· VAERWEN ENDE ·VII· OUTHEYDEN, DEEN METTEN ANDEREN BEDIEDT, bl. 124. — Een niet onbelangrijk dichtstuk, door M. Bilderdijk reeds gedeeltelijk uitgegeven in de *Nieuwe Verscheidenheden IV*, bl. 67, met opschrift : *De Kleuren*, naer een handschrift der XV^e eeuw, zonder verdere aanwyzing, waarschijnlijk naer het reeds hooger genoemde HS. van den Heer Koning, waer de Lucidarius in voorkomt en ook bevat *Een moy sprake over sesterhande verwen*. Gedeeltelijk door Bilderdijk uitgegeven, zeggen wy, om dat het onderstaende 274 verzen

behelst, en Bilderdijk's by v. 192 eindigt, waerna de vijf volgende verzen, welke hier ontbreken :

Als die grijsheit mede brenet :
Kinder eenvoud siet men paren
Aen de simpelheit der jaren;
Ende die dese vaer erlanct,
Reden is 't hy Gode danct.

Wy zullen hier den lezer slechts aendachtig maken op enkele plaetsen in beide HSS., welke als bedorven mogen aenzien worden; als in Bilderdijcks uitgave, v. 46 staet : *Hebben sy goede macht ghetoghen*, in stede van *maghe-toghen*, dat wel het rechte woord zal zijn en by Kiliaen gevonden wordt : *Maghe-toghe*, Paedagogus. V. 52, by B. *menschenjaer*; in Br. HS. *meyenjaer*; v. 183, by B. *eerden*; in Br. HS. *ordenen*; v. 185, staet *te reve-rentien*; in Br. HS. *te regneren tien*; en vooral v. 88, waer het Br. HS. schijnt bedorven te zijn, daer de tekst van B. 3 verzen meer heeft :

Ende mit oerloghe dat betalen,
Ende varen met grammen moede
In enen heeten barnenden gloede
In hoer vyande lant,
Stichten roof ende maken brant.
Dan leeft een man in coenheit...

Het is eigenlijk eene vergelyking van de zes kleuren, met de trappen des ouderdoms, welke in zeven verdeeld worden, elk van 12 jaren. De eerste trap tot 12 jaren mag heeten *wit zilverijn*; de tweede tot 24 jaren *die groene cynopre vaer*; by den derden trap *soe comt die kele-varuwe roet*; by den vierden trap *die asure bla*; de vijfde trap heeft *die ghele varwe gul-dijn*; de zesde *dat swert sabelijn*; en de zevende *dat grauw ermijn* (1). Het

(1) Bilderdijk in de inleiding of voorwoord, voegt eene belangryke verhandeling er by over de heraldique kunstbewoording der kleuren, welke wy hier verkort overnemen. « Men merkte, zegt hy, by 't ontstaan en den bloei der invoering van de wapenteekenen der Middeleeuwen de kleuren niet aan als kleuren, maer beschouwde daarin de stoffen, waaruit de voorwerpen gesneden of gevormd werden. Het was niet wat wy thans schilderen noemen, dat is, door kleuren of kleurende vloeibaarheden verbeelden, maer een opleggen van een tot ruit, rondte, streep of diergelyke gedaante gefatsoeneerde en uitgesneden stof. Gelyk wy goud en zilver in eigen zelfstandigheid by wege van dunne bladen opleggen, lei men ook andere natuurlyke stoffen, zoo als b. v. wezend-lyk bont van dieren op, en noemde of roemde (blazonneerde, zei men), niet de kleur maar de stof zelve; en hieraan overeenkomstig was het ook dat men de verfstoffe-zelve als lichaem, en niet de kleur die daar eigen aan was, noemde. Hiervan dan de namen *sabel*, dat is zwartverwig bont, van den *sabel* (het *sabeldier*) genomen; (*zobil*

grauw rekent de dichter niet onder de kleuren, om dat dit een gemengde kleur is van wit en zwart, zoo als hy in den beginne zegt, v. 14 :

Wit ende swert te samen gemenet
Dat maect een gra onder hem tween,
Doch en eest gheen varuwe alleen.

In Maerlant's *Naturenbloeme* wordt ook eene beschrijving gevonden der verschillende tijdperken van 's menschen leven; doch gansch anders voorgesteld, zonder vergelyking met de kleuren en slechts in vijf trappen verdeeld.

DIT ES EN EXPOSITIE VAN DEN VIERE VINGHEREN ENDE VAN DEN DUME, bl. 128. — Een zedelijk leerdicht, waerin de vingers en de duim als vijf sporten worden voorgesteld, langs waer de mensch ter genade Gods moet opklimmen, wil hy tot de eeuwige zaligheid geraken :

zegt het oude HD); *hermelijn*, wezendlyke hermelijnhuid met staartjens van het dier; en de geschakeerde peltery die men *vair* noemt, waarvan zoo straks breeder. Twee *metalen* derhalve kent de Heraldie, naamlijk goud en zilver; en drie *bonten* reeds genoemd, maar hoe vele kleuren dan? Deze kleuren zijn als kleuren, drie in getal, naamlijk *blauw*, *rood* en *groen*. Alle drie delfstoffen. Het *Blauw*, dat men kwalijk en uit misverstand wel eens met het later fransche woord *azuur* noemt, is de *lapis lazuli*, de stoffe van dezen steen-zelve, en heet dus *lazuur*; en geen ander blauw kent de Heraldie. Het woord is zichtbaar Oostersch, ook zegt men daar *lagiurdi*, met de smeltende *g*, voor blauw. — Het *Rood* is desgelijks niets anders dan de verfstoffe, van welke het in het Fransch den naam van *gueule*, by ons *keel* voert, dat is de oudtijds gebruiklyke *chrysocolla*, een delfstof uit Macedonië aangebracht, uit welk *colla* naer de gewone verbastering der enkele en zwakke *o* in *eu* en *e*, beide dit *gueule* en *kele* ontstaen is. En deze verf was een eenigzins geelachtig rood; als onze *menie*; ja schijnt wel tot dit zelfde mineraal behoort te hebben. En dus was het rood van wapens, bannieren en vlaggen, oudtijds eigenlijk, wat wy thans oranje noemen, en zoo is dat onzer staatwimpels niet anders dan de kleur der goudkleurige *oriflamme* van Frankrijk, als ik elders aanwees. — Eindelijk het *synopel* is even zoo een soort van *terre verte*, die toen uit *Sinope* kwam. Men noemde deze verf ook *ereta smyrnaea*, en by de Grieken hiet zy *θεοδότη*, naar den gene die haar eerst by hen in gebruik bracht. — By deze drie verven kwam naderhand het *purper* (*purpura*), en het nog later ingevoerde *naturel* of *inkarnaat*, hetgeen in eene wezendlyke schildering van een voorwerp met volkomen nabootsing zyner kleuren bestaat, als by voorbeeld in 't schild van Milanen het *kindtjen* in den muil van sinopel. — Wat nu voorts nog het *vair* betreft, dit is, als gezegd is, mede een bont, en wel een grauw bont, bestaende in den huid van een soort van klein wezeltjen (ook wel grauwe hermelijn geheeten), blauwachtig grauw, doch werd, zekerlijk om de zeldzaamheid, nooit anders gebezigd dan met het blank van hermelijnwit in gelyke figuren doormengd, en het is eigenlijk deze mengeling of afwisseling of (wil men 't) schakering, die den naam van *vair* draagt, uit het Latijnsche *varius*, dat is *verscheiden*. Intusschen ging die naam by de Franschen buiten het Heraldique allengs over om het grauw of het lichtblauw te beteekenen, waardoor men aan de schoone vrouwen des ouden tijds *yeux vers* (dat is van de kleur van dit *vair*) toegeschreven vindt. Onze ouders noemden dit *vair* met den naam van *wecrblauw*. Zekerlijk van het Fransche *vair*, want anders moest dit woord *tuchtblauw* beteekenen. »

deze zijn het berouw, de belydenis, de voldoening, de liefde en de ootmoed. Allen worden in zoovele graden onderverdeeld als de vingers, waerdoor zy verbeeld worden, leden hebben.

HIER BEGHINT DEN AB RECHT ENDE AVERECHT; OP ELC LIT-TERE EEN VERS, bl. 113. — Na de letteren des alphabets volgen eenige regelen met verkortingsteekens vooraen, als *Z* voor *ende*; *9* voor *con*, enz., waeronder eenige slecht geschrevene. De inhoud van dit stukje is berispend en spottend; het eindigt met eenen uitval tegen de onrechtvaardige schepenen, die zich verryken en weelderig leven, v. 56 :

Ende dit betaelt die assissen van der stede.
Die arbeyder moet al betalen;
Hoeft hi notorft, hi moet halen
Bier, broet, vleesch, visch ende wijn;
Aldus verliest die arbeyder 't sijn.



DIE DIETSCHÉ LUCIDARIUS.

Wit es die dietsche Lucidarius, hoe die clerc den meester vraecht ende die meester antwert.

I.

Helpt, Maria, edel coninghinne,
Ende verclaert mine sinne,
Jhesu Cristo ics oec vermane,
Vrouwe, uwen heylighen sone,
Die verlostē den sondare
Met sijne passien sware,
Doen hi aen den cruce staerf,
Ende menschelike daer aen bedaerf.
Vader, sone, heyligh gheest,
U, soe biddic alre meest
Dat ghi mi u gracie sent,
Dat dit dichte worde volent;
Ende allen heylighen van hemelrike
Soe biddic oec ghetrouwelike
Dat si der heyligher drivoldichede
Voir mi doen haer ghebede,
Dat mi Goods gratie ontsteke,
Dat mi sin, nocht cracht ghebreke
Te dichten eenen Lucidaris,
Daer mi die reden of wel swaer is,
En haddic van hem gheene bate,
Daer ic mi dus op verlate,
Dat is opten hemelschen vader;
Aen hem staet mijn troest algader.
Apostelen, martelaren, ende confessoren,

Ende allen die ten hemel horen,
Hen allen biddic, ende vermane
Mi naernsteliken bi te stane,
Voir die heylighe drievoldichede
Eenpaerlike met hare bede, 30
Dat God minen sin soe verclare
Dat ic dichten moet tware
Dattie Lucidaris hevet in.
Dus vraecht di clerc in sijn beghin :

10 VRAEG. Meester, wat sullen wi gheloven in Gode,
Daer wi of houden sine ghebode?

ANTWOORD. Clerc, verstant mi, sonder vechten,
Ic sal u vele wel berechten,
Alsoe verre voirt als den leeken lieden
Gheoorloft is te bedieden. 40

20 Onse ghelove is dat die hemelse vader
Sonder beghin is alle gader,
Ende sonder inde oec sal sijn,
Else di werelt sal nemen fijū.
Wat soude hier of meer ghesproken,
Dese woorde hebben 't al beloken.

V. Meester, nu bericht mi des,
Wat dinghe dat God selve es?

A. God is een substantie sekerlike,
Altoes wouende in hemelrike,
Van soe groter mogentheit,
Ende van soe groter over-wijsheit,
Ende van soe groter clærheit
Als ons die Scrijfture wel seit,
Dat die inghelen van den trone,
Die woenen in den hemel scone,
Sijn ·VII· warf clare in 't ansichte
Dan die zonne mit haren lichte;
Nochtan begheren si onversadeliken
Te sien Gods anscijn van hemelrike;
Nochtan is dat alle gader niet
Bi der clærheit, die men an Gode siet.
Hi es so scone ende soe clare
Dat sire alle bi leven dare,
Mit groter blyscap, sonder verlanc;
Engheen wesen dunct hem lanc,
Die oyt daer mit hem hebben ghesijn,
Het en dunct hem niet dan een wijlkijn;
Dat doet Gods almachtichede,
Die al vuult die hogbe stede,
Onvertallicke glorie sal der wesen;
Nemmere sal mens den leken lesen.

V. Meester, men seit ons, sonder waen,
Dat God in drien personen is bevaen.

A. Clerc, verstan mi, sonder houe,
God is een maniere van ·III· persone,
Nochtan en cest maer ·I· waerachtich God,
Die over al hevet sijn ghebod,
In hemelrike, ende in die helle.
Verstant, clerc, wat ic vertelle,
't Selve haddi sonder beghinsel,
Ende sel oec hebben alsoe wel;
Eer hi die werelt maectte ye,
So waren dese personen drie.

V. Meester, dattie goet moet gheschien,
Hoe komt dat men deilt in drien?

A. Beschouwe, clerc, die sonne scone,
Die scijnt an des hemels troene;
Bi hare, soe willic dat proven,
So onse verstantnisse mach behoven,
Want in haer sijn ·III· dinghe,

Die men mach merken sonderlinghe,
50 Ende ic segdi hoe 't mach sijn :
D'eerste is een substancie vierijn,
't Ander scijnte, terde hitte.
Clerc, nu verstant wel ditte,
Dit moghen wi alle wel sien
Dat mer een sonne en is ouder hen drien;
Want waer d'een is van desen,
Daer moet dander ·II· oec wesen; 100
Also is oec, sonder spot,

In drien persone een waerachtich God;
60 Want is die Vader in eneghe stede,
Daer is emmer die Sone mede,
Ende waer die Vader ende die Sone si,
Der is die Heileghe Gheest oec bi;
Want dese personen alle drie
En sceden hem niet, no sceden nie.
Bi der sonnen verstaen wi alle gader
Gode, den almachtighen Vader; 110
Bi der scijnte verstaen wi dan

Den Gods Sone, houti hier an,
70 Ende bi den licht verstaen wi meest
Den almachtighen Heileghen Gheest.
Nu verstant hoe die Gods Sone
Mach sijn een God in drien persone.
Die Vader sende in ertrike den Sone,
Ende menscheit nam an die gone,
En waert bi den Heilighen Gheest ontfaen. 120
In deser wijs mach men verstaen
Dat dese personen allen drie,
In gheenre wijs en sceiden nie,
Noch d'een van den andren gbedeilt.

80 Dit ghelove ganst ende heilt
Elke ziele van haren wonde,
Ende gheeft haer bade ende gesonde.
Nu wachti van duvels rove,
Ende houti vast in dit gelove.

V. Lieve Meester, bericht mi
120 Twi God Vader gheheten si.

A. Verstant, clerc, wat ic di lere.
Om dat God, die rike here,
Es fonteine ende beghinsel
90 Van alle der werelt, weet men wel,
Ende alle dinghen uut hem comen

T'ouwer salicheit ende vromen,
Ende dat niemant was voer hem,
Daerof ic wel seker bem,
Ende hi die achterste sel wesen
Van alle der werelt, so wi lesen.

V. Bericht mi, meester, dattu God Ionc,
Twi God is gheheten Sone?

A. Clerc, verstant mi openbare;
Die schijute comt van der zonnen clare,
Also was die Sone alle gader
Gheformeert van den Vader,
Daer of ontfinc hi sine claerhede,
Daer hi die werelt verlichte mede.
Hier om is 't goed recht op dat hi
Vader ende Sone gheheten si.

V. Waerom hetu Heilich Gheest,
Die boven der werelt heeft volleest?

A. Clerc, die gene is die gone,
Die sprintc uten Vader ende uten Sone,
Ende ingheblasen van hem beiden
Dat si niet en moghen sceiden.
Dat comt van der Gods cracht
Des Heilich Gheest grote macht;
Dit moeten wi gheloven,
Sullen wi comen in 't rike der boven.
Die Vader is, die alle dinc ophoudt,
Mit sire moghender gewout,
Ende die duvel met sire lere :
Alle dinc met groter eren.

Men mach verstaen den Sone allegader,
Die emmer vast is an den Vader;
Die alle dinc maect levende meest
Betekent ons die Heileghe Gheest.

Soe wat die Vader doet,
Dats hi den Sone, des sijt vroet,
Maer die wille comt van den Vader,
Ende van den anderen ·II· allegader,
Ende elc van desen personen drie
Betekent een dinc, geloves mic.
Die Vader gheeft den heileghen wille,
Die Sone verstantesse lude ende stille,
Ende van den Heileghen Gheest
Comt ons gedinkensse meest.

Nu weetstu, clerc, geloves mie,
Wat si beteken alle drie. 180

V. Meester, ic waerts gherne vroeder,
Twi dat men tot Gode niet en seyt Moeder,
Also wel als doet Vader;
Des bericht mi alle gader?

A. Clerc, nu verstant mi wale,
Om die gheslachte principale,
Die in 't beghin quamen algader
Van den almaechtigen Vader.
Daer na hi sinen Sone sende
In ertrike, in sware elende, 190
Om dat hi soude ontsaen lijf,
Ende verlossen man ende wijf,
Ende om die sonden van Adame,
Die ons brochte in d'eerste blame.

V. Meester, segt mi noch ghereet
Waerom God niet Doechter heet?

A. Om dat die sone meest algader
Dan die doechter ghelijct den vader,
Des mogen wi wel wesen vroet.
Verstant, clerc, in dinen moet : 200
Die Sone is comen van den Vader,
Die hem altoes houden te gader,
Ende van hem beiden comt die Gheest,
Die alre gaven is vele meest,
Ende waer dat d'een persone sy,
D'ander twee sijne emmer by.

V. Bericht mi, meester, of ghi mi mint,
Twi die Heileghe Gheest niet heet Kint,
Also wel als die Sone doet;
Des so waer ic gherne vroet? 210

A. Des soe willic u maken vroeder,
So moeste 's vaders sone heten Moeder;
Want die Gheest comt van hem beiden,
Mits der groter godlicheide,
Derom heet hi Heilich Gheest,
Die over al heeft sijn volleest;
Also vele machten hevet hi
Also Vader ende Sone sonder si :
Dat d'een wille wil d'ander mede;
Dits vray gelove in kersteuhede. 220

V. Noch segt mi, meester, t'onser lere,
Waer woent God, onse lieve here?

A. Clerc, bi sijne groter moghentheit
Es hi in allen steden geleit,
Noch is hi lichamelike
Altoes woenende in hemelrike.
Sident dat God, die here groet,
Voer in den hemel na sine doet,
Sone quam hi in dese werelt niet,
Met sinen lichame, dat besiet;
Mer sine gracie ende goedertierenhede,
Die sijn al omme in elken stede,
Der die gerechtige mensche es,
Des sijt seker ende ghewes.
Daer men an roept met herten claer
Sine ghenaden comen daer,
Is 't in de zee, is 't in vloede,
Op 't lant of in viers gloede;
Altoes is hi gereet,
Wiene mint mit herten heet
Hem te helpen ende bi te stane,
Ende hem niet af te gane.

V. Bericht mi, lieve meester sijn,
Hoe vele datter hemelen sijn?

A. Clerc, •III• hemele sonder waen
Sijn boven der lucht gestaen;
Nu verstaet mi herde wel :
Ic segghe dat is een hemel
Der men die goede zielen in sal leiden,
Die hier van der werelt versceiden.
Een ander hemel is vele scone,
Daer die inghelen in wonen van der trone;
Die derde hemel es scoenste ende meest,
Der in woent die Heilige Gheest;
Nochtan scijnt Gods aensichte
Voer dese hemele herde lichte.
Die sielen leven daer sonder rouwe
Om die claerheit, die sier scouwen,
Want nouwer en hebben si breke;
Dit sal gedueren ewelike.

V. Meester, hoe komt dat God, onse Vader,
In allen steden is alle gader,

Ende hi selve is lichamelike
Woenende in hemelrike?

A. Clerc, God is in allen steden
Bi sier groter mogentheden,
Nochtan is hi lichamelike
Der boven in sijn hemelrike,
Ende also mogende in de helle
Als in den hemel, soe ic u telle. **270**
Bi deser reden is 't recht alle gader,
280 Dat hi sal heten die Hemelsche Vader.
Salich is hi die 't verdient
Dat deze here es sijn vrient.

V. Segt mi, meester wel geraect,
Wiste God, eer hi die werelt maecte,
Elke dinc, eer si gescien soude,
Onder d'eerde ende boven der monde?

A. Ja hi, clerc, wonderlike wel,
Hi wiste 't gepens ende nieman el, **280**
Der engelen sin ende hare namen,
Ende alle menschelike lichamen
Rekende hi te voren ende haer bediet
Eer hi de werelt worden liet.
's Menschen geluc ende sijn sneven
Voer wiste hi eer hi hem gaf sijn leven,
Ende wat men penst quaet of goet.
Nu besie elk wat hi doet,
Ende hi soe diene Onsen Here
Dat hi sine dinc ten besten kere. **290**

V. Na dat God was sonder beghin,
Meester, ende sijn heilige sin
Alle dinc maecte ende liet wesen;
Soe eest gelooflijc in desen,
Dat hi een enich leven lede,
Eer hi die werelt ye gerede?

A. Hets gescreven, sonder blijf,
Dat in hem was geestelic lijf,
Eer hi begonste maken yet
Van dat hem die geest riet. **300**
260 In scriture eest gelesen
Dat hi alle dinc voer hem liet wesen;
Ja, in visioen hijt al sach,
Eer hi yet te maken plach,

Ende oec die claeheit van den ingelen,
Die hi mit hem woude mingham.
Der werelt maessel dede hi al
Voer hem comen groet ende smal,
Ende den hemel sonder waen,
Ende die sterren diere an staen.
310 Sonne ende mane quamen alle gader
Voer den almachtigen Vader;
Dit was al eer hi maecte yet
Van dat hem die Geest riet.
Ghelijc enen timmerman die wil maken
Een werc, dat wel sal geraken;
Die timmeringe moet 't eerste staen
In sijn gedochte sonder waen,
Ende van den werke 't fundament
Sal 't goet ende vast sijn bekent.
Voer dien dat God die werelt maecte,
Ende alle dinc der in gestaecte,
Waest niet dan een deemsterhede,
Hiet caos, dits waerhede.

V. Meester, waer was die volmaecte
God, eer hi die werelt maecte?

A. Clerc, bi sijne groter mogenthede,
So is hi nu ter selver stede,
Daer hi doe was, geloves mi;
Want der werelt scepper was hi,
Ende voer hem en was gene dinc.
Daer omme heet hi Coninc,
Almachtig Scepper, waerachtich God,
Die overal hevet sijn ghebod.
Van hem en dorren wi niet bedieden
Te verre voer die leke lieden;
Derom willic dit achter laten,
Ende volgen der ystorien straten.

V. Meester, wet ghi die waerheit yet,
Twi God die werelt worden liet?

A. Clerc, dit hebbic wel vreescht,
Om sine goedertierenheit meest,
Ende dat niet wilde wesen allene
In sijn hoge zale rene;
Sonder geselschap soe en woude hi
Niet besitten sijn rike vri.

Der werelt maessel was gedaen,
Eer men ·I· oghe op soude slaen;
Dit was spacie herde cleine,
Der hi dus vele maecte alleine. 350
Nu laet ons besien ende gomen
Dat wi te sinen sittene comen,
Dat ghedueren sal sonder vergangen
Met solase, met sueten sängen.

V. Bericht mi, meester, des ic micke,
Maect God die werelt t'enen stricke?

A. Clerc, die here, die niene verstarf
Makede al t'eere waerf,
Beide hemel ende firmament,
Ende al datter loept omtrent; 360
Maer hi visierde in sticken,
In ·VI· dagen mogen wi micken.
Van niet maect God in 't beghin
Die hemel ende inghelen daer in;
Oec maecte hi aertrike mede,
Verstaen wi al hier ter stede.

Dit maecti al mit sinen woerde
Ende licht, als ic bescreven hoerde.

Doe sach God dat licht was goet,
Ende versciet mitter spoet 370
't Licht van der deemsterhede;

380 Ende hier verstaen wi ter stede
Dat Lucifer mit sire scaren
Versceden wort al openbare,
Mits hare hoverdigen sonden
Van dien ingelen tien stonden.
Des anderen dages, dus ist bekint,
Maecte God dat firmament,
Ende allen die planeten mede
Visierde hi hi ter stede, 380

Ende het is 't firmament genant,
Om dat dect der werelt rant.

340 Den derden dach lesen wi van Gode
Dat hi maecte, mit sinen gebode,
't Water ende verzament in ·I· covent,
Dat is onder 't firmament;
Der haer die droecheit openbaerde
Heten wi bi namen Aerde,
Ende des waters verzameniughe,
Al daer si te gader hingen 390

Heet hi bi namen die Zee.
Der toe dede hi noch mee,
Want hi sach al dat was goet,
Sprac hi aldus, des sijt vroet :
« Ic wille der werelt geven cruut,
Ende doenre groenheit comen uut,
Ende der toe menigherhande vrucht,
Die bescinen sal die lucht ! »
Al dat hi seide was ghedaen,
Na sinen wille mostet alle gaen.
Ten vierde daghe, also ic wane,
Maecti sonne ende mane,
Ende sterren, die hi omtrent
Geset hevet an 't firmament.
Ten vijftien daghe versierde onse Here
Waer, locht, mit groter eren;
Der ucht gaf hi dat vliegen conde,
Ende dat swam ghinc te gronde;
Visschen, voghelen, dats waer,
Waen oec ghemaect daer.
Ten esten daghe sprac God woert
Dat kisten souden comen voert.
Hi wste wel dat wesen soude,
Dat de mensche die van der moude
Gemect soude sijn sonder vallen,
Nochan ontfermes hem met allen,
Endewilde die mensche beesten geven
Om t verlichten sijn zwaer leven.
Daerna sprac God. « Maken wi den man ! »
Nu merke ende verstae die can, 420
Te wen sprac God : Maken wie?
Der ersonen, soe sijn drie.
Daera sprac die Drievoldicheit gemene.
Dan den mensche niet ere clene
Datta God maecte bi vorrade;
Al recte hi bi sire genade
Allelie ander creaturen,
Hi esprac niet t' hare naturen,
Alsoi ten mensche dede,
Endoec was hi gemaect mede,
Na de zielen na Gods beelde;
Dats en mensche grote weelde.
O mensche! nu pens ter vaerde
Om hem, die u maecte soe waerde,
Datt niet verboerts sijn rike,
Om te genuecte van aertrike.

V. Bericht mi, meester, in dine lesse,
Al dat God maecte hevet kennesse?

A. Jaet, clerc, verstant mine lere :
Al hevet beseffen in Onsen Here; 440
Sonne, sterren ende mane
Beseffen Gode in den omme ganc
Dat si van hem hebben ontfanen
Dat si niet stille en moghen staen.
Die erde beseffet, dats waer,
400 Mitter vrucht, die soe bringhet hare
Na haren naturen t'haren tijt,
Dits al waer, des seker sijt;
Soe doen der zee vlooden mede,
Die emmer keren t'hare stede, 450
Der si uut te comen plien;
Dit mach elc merken ende sien.
Soe doet znee, haghel ende wint,
Beseffen al der mæchden kint;
Die dode beseffen mede Gode,
410 Die verrisen mit sine gebode.
Die hille beseffet oec eenparlike
Die macht Gods van hemelrike;
Want soo wedergaf ten stonden
Die zielen, die soe had veralonden. 460
Soe doen oec alle vreeselike dieren :
Beseffen Gode na haren manieren.

V. Wel, lieve meester, laet mi horen,
Twi sijn van inghelen ·IX· choren?

A. Clerc, omdat elc in choren scoene
Dienen souden enen persone,
Ende om altoes t'sine gereit
Te dienste der Drivoldicheit.
Oec maecte God t'sinen winsche
Die ·X·^{de} scare van den minsche, 470
Die hem souden wesen onderdaen,
En te zinen dienste staen.
Ay, salich mensche, nu pijndi sere
430 Te vriende te houdene desen here;
Di salre afcomen groten loen,
Na dit leven die hoge troen.
Over die inghelen diere vielen,
Soe sijn ghecoren die goede zielen
Te besitten die volmaecte glorie,
Die volprisen can geen memorie. 480

V. Noch soe segt mi, meester rene,
Twi dat God niet bleef allene?

A. Verstant mi, clerc, wel gereit,
Om sine grote edelheit
Van der Drivoldicheit scone,
Soe wilde hi hebben in den troene,
Mit hem die inghelen ende den mensche,
Ende hem te dienen ten wensche,
Ende mit hem te sine eenparlike,
In sijn soete hemelrike.
Ay, wel salich wort die mensche,
Die sijn spel soe comt te wensche,
Die hi sal comen in die zale,
Die ghemaect is soe wale.

V. Meester, hoe menich nature speciale
Maect God al sonder hale?

A. Twe, den inghelen enen gheestelike,
Den ander den mensche vleeschelike.
Dese nature gaf hi hem beiden,
Om dat si niet souden scieden.
Den enghelen gelove gheestelike,
Den mensche bi gelove vleeschelike.
Clerc, verstant noch, wel gheraect,
Hoe die inghelen waren ghemaect,
Doe God seide : « Licht ! » Nu besie,
Waren si gemaect, geloef mie,
Soe overscone ende soe jolijs,
En mach men se volprisen in geenre wijs.
Noch verstaet ende hoort :
God en sprac te hem gene woort,
Also als hi ten mensche dede.
Hier bi verstaen wi ter stede,
Haer hoge edele nature,
Om dat God seide : « Licht si ter ure ! »
Die inghelen sijn gheestelike viere
Van Gode ontsteken in alre manieren.
God die se heeft gevisiert,
Heeft se met sinen ansicht versiert,
Ende soe gescepen van naturen,
Dat hem gene sonde mach geburen.

V. Noch segt mi, meester bequame,
Hebben d'inghelen enige name ?

A. Nu verstaet mi, clerc gereit,
Soe over grote wijsheit,
Soe leit an de inghelen bequame,
Dat hem behoeft genen name.
Michael, Gabriel, Raphael,
Dat sijn geen namen weet wel,
Mer toenamen, willic u bedieden,
Soe hem hebben gegeven die liede.

580

490 V. Meester, condy yet geweten,
Hoe d'eerste inghel was geheten?

A. Sathaneel seit die Scriture,
Die hadde God van siere nature
In hemel gemaect soe scone,
Dat der boven in den trone
Niemen en was sijn gelike
Van den inghelen geestelike;
Maer hi verhoverde sinen scepper al,
Bi siere scoenheit, die niet was smal.

540

500 Boven sinen meester, Gode,
Ende boven alle ingelen mede.
Doe was hi t'sire onzalichede,
In deser hoverde bedroghen.
Doe stacken God neder van hogen,
Ende hieten Lucifer tier stont.
Doe waert hi dat lelicste diet,
Dat God ter werelt ye worden liet,
Die te voren was soe scone,
Mit Gode in den hogen trone;

550

510 Die te voren was soe clare,
Die is nu soe lelic en soe ommaer;
Hine wiste van sinen valle niet,
Eer hi viel in dat verdriet.
God gehingde dese saken,
Dat hi daudere vaste woude maken
An hem, met clare verstanneesse,
Dor Lucifer gebrekennesse;
Want hine was niet vul 'I' ure,
In hemelrike, seet die Scriture,
520 Hi smaecte die glorie als niet,
Daer hi soe varinge ute sciet;
Want te hant dat hi gemaect was,
Soe viel die quade Sathanas.

560

V. Twy bleef Lucifer niet langer daer;
Des berecht mi openbaere ?

A. Om dat Onse Heere niet en woude,
Dat hi die blyscap smaken soude,
Daer boven in den hogen trone;
Ende om datti varinge woude
570 Gebod hebben menichfoude
In den hemel boven hem allen;
Daer om lieten God vallen.
Sommeghen ingelen, beclagende das,
Dat Lucifer soe scone was,
Ende sine hoverde ende verheffinge,
Ende pensden of hi sonderlinge
Gode mochte verwinnen, nu besiet,
Met sijre cracht, mer neen hi niet;
580 Hi wilde onder hem hebben, soe wi scriven,
D'andere ingelen, mer het moeste bliven.
Doe stacken God, mit sinen gesellen,
In der doncker put-hellen.
Hare geen was nie soe stout,
Dat hi dorst comen in Gods gewout;
Som bleven si hanghen in die lucht,
Die den mynsche doen grote vrucht;
Want si sijn die ons raden
590 Sonde te doene, ende quade daden.
Som sijn se in 't water belent,
Die doen ons tsnachts torment,
Ende bedwelmen soe onsen sin,
Dat wire cume bliven in.
Nemmermeere hebben si genade,
Dat si vlien bi haers selfs rade,
Si hebben oec den zege verloren.
Hets gescreven, men macht horen,
Om dat si daden bi niemans toedoen
Soe quade dade ende soe cone,
Ende si hem setten met hare macht
600 Jegen der drie personen cracht;
Daer omme moeten si ewelike
Verloren bliven in den slike.

V. Meester, ic wiste gherne die waerhede,
Twi die duvelen niet sijn tere stede ?

A. Om dat si pinen sullen, so wi here
Die met God, Onsen Here, behoren

In aertrike met haren curingen,
Om te beletten hemelsche dingen;
Maer die de coringe wederstaen
610 Sullen met Gode sijn ontafen,
Alsi sceden van desen live.
Maer die onsalige keytive,
570 Die horen na duvels raet
Meer dan om hemels staet,
Die sullen ter laetster uren,
Der hellen pine moeten besuren,
Die sal duren sonder verganc,
Mit tormente in den vulen stanc.

V. Segt mi, meester, of ghijt gebiet,
620 Waerom en verloeste God niet
D'ingelen, die van den hemel vielen,
Alsoe wel als menschen zielen ?

A. Nu horic seggen die reden sijn,
Om dat die inghelen onsterfelec sijn,
Ende van niete gemaect waren,
So vielen si mit lange misbaren.
Hadde God der ingelen vorme genomen,
En waer ons niet comen te vromen;
630 Want hem en hadde bi gere naturen
Enige doot worden te sure.

590 Daerom wast dat hi ontfinc
Menschelike vorme, ende aneghinc
Dat hi dor hem sterven woude,
Ende so bringen t'sine behoude
Die sterfelijc wort wielen eer,
Ende sal oec bliven emmermeer,
Tot dat hi vaert van deser werelt,
Die valsch is ende verdwerelt.
O menschen, waut dit verstaen,
640 Wat God door di hevet gedaen,
So bistu wel sculdich t' allen stonden
600 T' sinen dienste sijn gebonden.

V. Bericht mi van den ingelen, de bleven
In Gods memorie, sonder sneven ?

A. Clerc, doe en wiste hare geen
Een twint van desen helscen ween;
Maer si mercten te wat misquamem,
Mits der hoverde, d'ander quamen.

Doe vruchten si Gode meer dan si daden, 650
Ende bleven vast an sinen genaden,
Doe si beseven ende sagen,
Dat se God van diere plagen
Gebouden hadde te siere glorien,
Ende bleven vaste in haer memorien,
Ende seker staende sonder hoen,
Met Gode in den hogen troen.

V. Meester, twi God der ingelen stede,
Mit inghelen niet weder vullen dede?

A. Clerc, ic bericht di van desen, 660
Het hadde ongelic gewesen,
Dat een ander maniere van ingelen,
In den troen soudon mingelen,
Ende vervullen der geenre stede,
Die verboerde mit hoverdichede,
Of sine hadden geweest alsoe scone
Als Lucifer was in den trone,
Ende die gene die mit hem vellen,
In den afgront van der hellen;
Ende hadde anderwaerf onze sceppare 670
Ingelen gemaect also clare,
Si hadden hem anderwerven gezet
Jegen den here ombesmet.
Hi wiste wel hadde hijt gedaen,
Si hadden die hoverde mede bestaen
Van der steden, daer d'ander waren,
Die nedervielen mit haren scaren,
Daerom sone maecte hi
Geen ander ingel, seet men mi.

V. Noch segt mi, meester, sijt dijs vroet, 680
Weten d'ingel al dat men doet?

A. Clerc, sine weten gene dingen
Meer dan hem God wil gehingen,
Ende dat hem liet die Heilige Gheest,
Doe si vielen in der hellen tepeest.
Sine weten oec niet te nomene
Van dingen, die sijn toecomene;
Maer alle dingen, die sijn verleden
Weten si voer peusichede;
Maer haer subtile nature 690
Mach niement weten te geenre ure

Dan die godlicheit allene,
Die 't al maecte, groet ende clene.

V. Meester, mogen die viande volbringen
Haren wille in alle dinghen?

A. Clerc, engene goede dingen
En mogen si, no willen volbringen;
Sine hebbens gene macht te doen
Van den helschen bandoen,
Daer si in liggen ende braden, 700
Om hare grote overdaden.

Si hebben groten nijt op den mensch,
Dat hem sijn spel is comen te wijnsch;
Daerom pinen si t'allen stonden,
Den mensche te bringen in sonden,
Om dat hi die glorie hevet,
Daer si uut sijn gesnevet,
Ende sine hebbens niet te macht
Van den ingelen, die ons wacht,
Te tempteren na haren nide; 710
Des mach die mensch wesen blide.

V. Lieve meester, maect mi vroet,
Weten d'inghele al dat men doet?

A. Clerc, en is niet bi naturen
Sine weten 't al in cortere uren
Van dat comen is of comen sal,
In hemelrike, of hier in 't dal;
Want si scouwen wel bi dichte
Alle dinc in Gods ansichte;
Sonder pine doen si alle dinc, 720
Bi der graciën van den hemelschen coninc.

V. Twi was Lucifer ende sijn gesellen
Gemaect ter eweliker quellen?

A. Haren val was te voren voracht,
In der ·III· personen cracht,
Daer si worden so fier onder hem lieden
Dat si der glorien niet ontbieden,
Ende die valscheit, die d'ander hadden,
Ende vielen neder geliken padden;
Om haer verwanen wast al, 730
Dat si vielen in 't helse dal.

V. Lieve meester, maect mi vroet,
Wat vormen hebben d'ingelen goet?

A. Clerc, vorme nu besie
Alsoe God heeft, seit men mie;
Ghelikerwijs dat men 't was
In den zeghel duwet, sijt seker das,
Alsoe sijn d'ingelen allegader
Gheformeert uten ansichts des vader,
Ende dragen die vorme van sijn ansichte, 740
Dat volmaect is van allen lichte;
Want sijn ansichte is alsoe gedaen,
Dat sie alle voetsel of ontsaen.
God onne ons des voetsels rene,
Ende verde ons van den helschen weene.

V. Bericht mi, meester, wel geraect,
Twi die mensche was gemaect?

A. Clerc, om dat so vele ingelen vellen
Mit Lucifer in der hellen,
Ende 's vaders scare so gemindert was 750
Vanden ingelen, sijt seker das,
Soe moesten die menschen gemaect wesen;
Hierom wort die mensche goet
Die ·X· scare, des ben ic vroet.

V. Meester, segt mi, in corter uren,
Twi die mensche van soe crancken naturen?

A. Lieve clerc, nu waut mi horen,
Het was ghedaen om 's duvels toren,
Ende hem te scande, nu besie;
Ende dat die mensch, seit men mie, 760
Soude besitten t'sinen lone
In hemelrike d'ewighen trone,
Die de duvelen verboerden ter tijt,
Daer si noch of hebben nijt
Op den ghebreckeliken mensche,
Dat sijn spel is comen te winsche,
Daer hi mit sinen broschen lichamen
Sal besitten te sijnre vramen
Die stede, daer si den val of daden,
Bi hoverde t'haren scaden. 770

V. Segt mi, meester goedertieren,
Of God maecte alle dieren?

A. Ja hi, clerc, clene ende groet
Maect hijt al dor 's menschen noot;
Om sijn nutscap soe cest al,
Dat is op berghe ende in dal.
Luse, vloen, worme onwerde
Maect hi al dors 's menschen hoverde;
Alsine pinden, souden si weten
Datten die worme souden eten, 780
Ende souder omme hoverde laten,
Ende volghen der caritaten,
Datten soe clene ·I· wormekijn
Mach biten in den live sijn,
Ende niet heeft die macht van Ousen Heere,
Dat hijt wormekijn van hem were
Mit sinen gebode, als hi soude,
Eu dade die sonden menichfoude,
Die de mynsche over hem hevet, 790
Die hier op ertrike levet;
Ende hadde die mensche te genen stonden
Gode verwracht met sinen sonden,
Die wormen, diene dus bestaen,
Souden hem wesen onderdaen.
O mensche, hoverdich ende fier!
Doe dine penitencie hier,
Dattu niet wort verslonden
Van den wormen der helscher sonden,
Die altoes sullen biten ende cnagen,
Alsoe langhe als God op hemel sal dagen. 800
Men vindt in wormen sonderlinge
Grote nutscap ende leeringe;
Somme sijn si geveineert
Dat ons helpt ende niene deert,
Ende waren si niet, als ic calle,
Ghevenijnt, soe waren wi alle
Van der quader lucht gevenijnt,
Dus bliven si over ons gepijnt.
Crude, stene, vrucht ende bome
Maect God al t'onser vrome; 810
Vissche, voghele heeft hi gegeven
Den mijnsche, diere bi soude leven.
God maecte dinc ende gene,
Souder ons ter nutscap allene. 770

V. Wanneer was die helle gemaect,
Daer die menige bi ontraect?

A. Als Lucifer ende sine ghesellen
In der hoverde vellen,
Waren si, mitten godliken gebode,
Geworpen in der hellen node,
Die staet in der werelt ende.
Daer sijn si mit groten scende
In de deemsterheden, daer geen man
Van vulen stancke geduren can.
Oec willic dat gbijs seker sijt,
Si is boven nauwe ende beneden wijt;
Die wide en mach nieman weten,
Dan God die t' al hevet gemeten.

V. Bericht mi, meester, lieve geselle,
Hoe menege pine is in de helle ?

A. Clerc, van pinen ende van mesquame
So heeft die helle ·VII· name.
Men seit dat een helle is
In latine geheten *lacus mortis*,
Dat bediet ene zee der doot.
Die ziele, die coemt in dier noot,
En heeft nemmermere genade;
Wat saken men over haer dade,
So blijft ewelike in de stede.
Stagnum ignis hiet si mede,
Dat bediet een pine van viere;
Want soe is van sulker maniere,
Also heeft die steen die leet in de zee,
Die droge en waert nemmermee;
't Water blijft emmer boven.

Also eest bi der zielen verscoven,
Die ewelike sonder inde moet
Bernen in de helsche gloet,
Ende altoes coude ende hitten bevoelen,
Sonder lavenesse ende sonder coelen
Te hebben nemmermeer daer na.
Soc heet *oblivionis terra*,
Dat bediet een lang vergeten;
Want wie daer in wort geseten,
Die moeten ewelike als keytiven
Van Gode verghten bliven.
Tartarus so heet soe mede,
Dat bediet rouwe en serichede,
Weninge ende wringhinghe van handen,
Hellende ende krijskij van tanden.

Oec spreec die Scripture aldus,
Dat die helle heet *Heribus*,
Dat bediet een vierich drake,
820 Dats der zielen een zwaer wrake;
Want vierijn is sijn nature,
Die en bluscht te geenre uren.
Oec heet soe *Iehenna* mede,
Dats een vier ende heet stede.
Diere worden worpen in,
Bliven daer ewelike sonder gewin. 870
Hem en mach niet meere geburen
Lavenesse, te geenre uren.
Nu pens, mensche, ende merke,
Die biste gemaect na Gods gewerke,
880 Dattu scouwes dese pine,
Daer 't soe swaer is in te sine.

V. Meester, soudi berechten connen,
Wat lichte was eer quam de zonne ?

A. Clerc, verstant mine tale,
Ic sal di berechten wale; 880
Licht quam eerst van den claren
Steden, daer inghelen in waren;
Maer somme boken die lien mede,
840 Ende seggen dat God wesen dede,
Ende wolken licht hem verbaerde,
Daer die werelt mede verclaerde,
Tot dien datter sonnen claerhede,
Die werelt verlichte in elken stede.

V. Lieve meester, maect mi wijs
Wanneer God maecte 't paradijs? 890

A. Den derden daghe, doe hi uut
Comen dede bome ende cruut;
Het staet an der werelt beghin,
Dat is in 't hoechste mere no min,
Aldus soe hevet God gheset;
Aldus bescrivet ons die wet :
Die stede is scoenste ende wel geraect,
Die God ter werelt heeft gemaect,
Beide bi berghe ende bi landen;
Wt onser wandelinge gestanden, 900
Ende banter oec mede waerlike
Al dat na hem quam in ertrike;

Ende die minste sonde, sonder waen,
En hadde alle werelt niet of gedaen,
Sonder Jhesus Kerst allene,
Mit sinen heileghen bloede rene.
Het is gevest mitter zeere,
Dat men 't gewonne nemmermeere;
Daer en mach niemant in comen,
Al mocht hem al die werelt vromen.
Het staet toter manen hoge,
Des bleeft van der diluvie droge,
Daer gaet een vierijn muere scone,
Omtrent toten hogen trone.

V. Bericht mi, meester, als ic gome,
Of God in 't paradijs plante boeme.

A. In 't paradijs plante onse here God
Alrehande hout, na sijn gebod;
Oec seide hire diere niet om en loech,
Dat God plante in den hove hoech
Alder tieren froyt van smake sochte,
Om dat den man genoegen mochte,
Bede die sake ende dat opsien.
In de middewaert van dien,
Soe plante hi des levens hout,
Dat heeft die cracht ende die wout
Dat het groten vrucht mach geven,
Gesonde ende lange leven.
Noch seggen somme boeken meer,
Datti mach leven emmermer,
Wie dat nutte van der vrucht,
Die staet in 's paradijs lucht,
Die God oec plante daer binnen,
Den boem die quaet ende goet doet kinnen,
Die heeft daer om den naem ontfaen;
Daer om datter Adaem in heeft misdaen.
Daer is sulc boem, seit die vite,
Diere of ate, hi ware quite
Van honger, van dorste, nu hesie,
Daer is sulc boem, seit men mie,
In 't paradijs, sonder waen,
Die alle moetheit doet vergaen;
Daer sijn boeme tieghen alle quale
In den paradise geplant wale.
Daer sijn oec ·IIII· rivieren,
Hare namen willic u visieren :

Phison of Gangnes heet die een,
Diere dore loept herde reen;
Men vint gout in hare sant,
't Beste dat yeman vant.
Gyon of Nylus comt gelopen
Doer dat lantscap van Europen;
Dus hieten d'ander ·II· rivieren :
910 Tigris ende Efrates, dus eesser viere.
Dicke lopen si doer die aerde,
Ende doen hem wech hare vaerde;
Dese comen uut 's paradijs stat,
Also die boken orconden plat.

950

V. Waer was Adam onse eerste vader
Gemaect, berecht mi alle gader?

960

A. Clerc, nu geloeft mi das,
In dat lantscap van Damas
920 Was hi gemaect herde zaen,
Ende outfinc der mensche gedaen.
Maer Ebron hiet die pit,
Daer hi uut gemaect was, verstant dit;
Daer in was hi ende sijn wijf,
Bede begraven na haer lijf
In spelunca duplici;
Aldus vertelt die Bibel mi.
970 In dien acker versloech also wel
Caym sinen broeder Abel.
930 God droech Adaem van der aerden,
Van daer hine gemaect hadde werde,
In 't paradijs, om dat hi woude
Dat hi daer in werken soude;
Niet dat hi pinen soude door noot,
Maer ghenoechte hebben groot.
God geboet hem, wilt nu 't weten,
Dat hi van alder vruch soude eten,
980 Sonder die hinc an den boem,
Die goet ende quaet leert, men goem :
940 « Op wat daghe dat dure af eets,
Sprac God, ic wille dattuut weets,
Saltu sterfelijc mensche wesen;
Nu houti vaste an desen. »

V. Meester, maect mi des wijs,
Was Eva gemaect in 't paradijs?

A. Ja soe, in midden van den paradise;
Dat seet ons die Scripture wise.

God dede comen in Adame
Enen slaep van groten vrame,
Ende deden ligghen in een stede,
Ende nam een ribbe ende vleysch mede,
Ende maecter af een wijf allene,
Vleysche van vleysche, been van bene.

Doe set hi se voer Adame,
Om dat hi hoer woude geven name;
Hi sprac : « Dit vleesche ende dit been,
Is van den minen al in een,
Virago sal men se nomen. »

Desen naem isser van den man comen,
Aldus heet si voer die sonden;
Maer daer na in corten stonden,
Doe se de sonden hadde gedaen,
Hiet se Eva, sonder waen.

Verstant, clerck, sonder blame,
Twi soe gemaect was van Adame,
Om dat een vleesche ende een bloet
Soudede wesen, sijt des vroet,
Ende oec alle wille, nu besie,
Onder hem beden, seggic die,
Ende een genoechte moeten si houden,
Sullen si mit Gode sijn behouden.

V. Waeromme waren alle creaturen
Niet gemaect in eenre uren?

A. Om dat God woude openbare
Dat Adaem hem gelike ware,
Ende oec alle creaturen verre ende na
Van hem souden comen als dede Eva,
D'een van den andren geboren,
Also ghi hier na sult horen,
Vleeschelike van live te live,
Tot dat die stede der keytive
Vervult waren in den trone,
Mit saligen sielen scone.

V. Twi heeft God den mensche ghegheven
Dat hi emmer in sonden moet sneven?

A. Clerck, God heeft den mensche ghegheven
Dat hi emmer in sonden moet sneven, 1020

Om t'ontfane te meren loen
990 Met hem in den hogen trone.
Waer hi niet gesneeft, is mijn verstaen,
Sone hadde genen loen ontfanen,
Mit sinen gewerke in den paradise;
Des lieten sneven God, die wise.

Haddi niet gesneeft, sonder waen,
Sone haddi goet noch quaet gedaen,
Des waren haren loen te minder;
Wænt some 's heren Adaems kinder 1040
Die gaen nu om haer weldaden

1000 Mit haren meester te raden;
Die hem hier van sonden wachten
Ende ontsien der sonden geslachten,
Sullen voer God bet ontfanen wesen
Dan enich inghel, daer wi of lesen.

V. Meester, of Adam ware bleven
In 't paradijs sonder sneven,
Mit wat genoechte soude hi
Kinder ghewonnen hebben, segt mi. 1050

1010 A. Clerck, Scripture ons dus seit,
Ghelijc dat d'een hant in d'ander leit
Sonder ghenoechte, verstant diite,
Ende sonder enigerhande smitte,
Ende sonder pine oec voertbrocht,
En hadden si Gode niet verwrocht.
Ende oec willics u maken vroeder,
Else 't kint waer comen van der moeder,
Sout hebben gehat sine tale,
Ende ghesproken alsoe wale 1060
Else nu doen die kinder van ·XXXX· jaren;
Dit sijn reden claer t'waren.

1020 Die mensche en hadde in gere wise
Smette vonden in den paradise,
Dats sonde, die mensche hebben gedaen.

Ten boem gheeft mi te verstaen,
Die ghevet 't eweliken leven,
Mit solase sonder sneven,
Al toter tijt ende tot der uren,
Dat die stede der felle gheburen 1070

Met Adaems kinder waren vervult;
In deser reden hem niement verdult,
Dan soe souden si ewelike
Ghevaren hebben in hemelrike

Sonder enich wederstoet,
Ende hadde gesijn ingels genoet.
Dus hadt mitten mensche vergaen,
Hadde Adaem gene sonde gedaen.

V. Twi scaemdem Adaem meer,
Nader sonden dan hi dade eer?

A. Om dat hi misdede an die vrucht,
Die hinc ans paradijs lucht,
Nochtan wiste hi wel al bloet
Den overswaren wederstoet,
Ende 't quade dat der of soude gescien;
Aldus is 't gescreven van dien.
Si ondaden haer ogen met desen,
Niet dat si blint hadden gewesen,
Maer haer kint beroerde in desen,
Also als wijt hebben ghelesen,
In haren natuerliken leide,
Dat soe te voren niet en deide;
Ende begonsten hem te scamen beide
Van haren natuerliken lede.

V. Gaf hem enige cleidren God,
Als si braken sijn ghebod!

A. Ja hi, beide Yeven ende Adame,
Om te decken haren lichame.
Hi gaf hem ·II· rocken van beesten velle,
Daer bi verstaen wi, na mijna vertellen: 1100
Dit decsel is van doden dieren,
Ende dus sterfelic in allen manieren,
Ende al dat van di comen sal,
Sal ter doot, groet ende smal.
Doe stac hi se uten paradise,
Om dat si aten verboden spise;
·VII· uren of luttel min
Waren si ten paradisen in;
Maer hadden si Gods gebod gedaen,
Si waren daer in bleven, sonder waen. 1110

V. Bericht mi, meester, mit talente,
Twi waren si verraden van den serpente?

A. Clerc, nu verstant mi wel,
't Serpent is glat ende snel,
Ende luxurios boven allen dieren,

Ende subtijl in alre manieren.
Hier bi nam die viant 't serpens gedane
Om den mensche in sijn strec te vane;
Hi maect hem crom bi valschede,
Ende glat bi luxurien seden, 1120
Ende fel bi subtijlhede groet
1080 Om den mensche te bringen ter doet.
Verstant dit wel, op desen tijt,
Die viant hadde groten nijt,
Dat die mensche soude comen
Ten blijschap, die hem was genomen.

V. Segt mi, twi si t'haren onvramen
Soe saen uten paradise quamen?

A. Ic segt di, clerc, wel geraect,
Also houde als Yeve was gemaect, 1130
1090 Wrochte si bi des viants rade,
Ende beet in den appel, t' onser scade.
Doe gaf sone t'eten haren here,
Dat so sint becochte sere.
Ter selven uren, wildijt weten,
Sint soe vanten appel eten,
Dat soe ghemaect was van den man,
Dat was te middaghe, houti daer an.
Hierom balch hem God, die wise,

Ende stac se bede uten paradise; 1140
Voer 't paradijs sette onse here
Cherubine, dat hi den duvel kere,
Dat hire nemmermere in en come;
Dit dochte onsen here vrome.
God gaf hem te bant

Een vierijn swert in sijn bant
Toten hemel hoech ende breed,
Dat der niemant in en mochte,
Eer 't onsen here tijt dochte. 1150
Maer dat bloet dat sint liep,
Uut sijn heilege wonden diep,
Dat heeft menieghe ziele ghecocht,
Ende weder ten paradise brocht;
Ende pensde dat hijt soude beletten,
Ende hem bringen t' siere smetten,
Dat hi nemmerme en soude comen
Ter blyscap, die hem was ghenomen;
Daer sijn wi comen mit groter eren,
Bi der gracien Ons Liefs Heren.

- V. Meester, waer trac onse here Adam, 1160
Doe hi uten paradise quam ?
A. Clerc, hi ghinc ter selver aerde,
Daer ne God uut maecte waerde;
Ebron, soe hiet dat lant,
Daer Adaem in wert becant.
God, die stacken uten paradise,
Om dat hi na dorps wise,
Die cerde oefne soude, daer hi of te voren
Gemaect was, soe ghi moghet horen.
Doe hi hadde gheleeft ·XV· jaer, 1170
Waert geboren overwaer
Sijn outste sone Caym,
Ende Calmina, sijn suster mit hem;
Ende over ·XV· jaer, alsoe wel,
Waert geboren die goede Abel,
Ende sijn suster Delbora;
Ende over ·C· jaer daer na
Vermoerde Caym Abel, den goeden,
Dorpelike met fellen moede.
Dien beweende Adaem ende Yeve. 1180
C. jaer doer sine lieve;
Doene wilde Adaem met sinen wive,
Nemmermeer meenten met baren live,
Voer die wile dat hi vernam
Den ingel, die van Gode quam,
Die hem beval in sinen sermoen,
Dat hi met Yeven hadt te doen;
Want die vrucht, die na hem quame,
Soude God sijn bequame.
Doe was hi out ·CC· jaer, 1190
Ende oec ·XXX·, wet voerwaer;
Doe wan hi sone Seet.
Nemmeer en noeme ons die wet
Kinder, gewonnen bi sinen wive,
Dan allene dese vive.
Van Seths gheslachte quam God,
Die over al hevet ghebod.
- V. Meester, waest allene bi der vrucht,
Die hinc in 's paradys lucht,
Dat Yeva met Adame 1200
't Paradys ruumde t'haren onyrame?
A. Allene waest niet bi der vrucht,
Dat si dogheden den zwaren plucht,
- Het was van haren hoverdige saken,
Dat si Gods gebod verbraken,
Ende si Gode gelike wilde wesen
In vroesscapen, soe wi lesen,
Bi den verradenesse van den serpente,
Dat se brochte ten zwaren tormente;
Want God hadde hem vermeten, 1210
Ghingen si van den appel eten,
Dat hem beide tiere stonden
Ghevallen soude sware zonde,
Dat se die werelt al gemeen
Niet en brochte uten ween.
Clerc, duncti dat niet recht
Dat elc scalc ende elc knecht
Gode wesen onderdaen,
Ende te sinen dienste staen.
Dit en wilde Adaem niet weten, 1220
Ende viel in sonden mitter beten.
Clerc, en duncti oec niet recht
Dat elc besondich kuecht
Sinen scepper ere ende waerde;
Want hine sciep van der aerde.
Hier om soe en pensede niet
Adam, doe hi viel in 't verdriet,
Hine dede jegens Gods gebod,
Ghelike enen quaden sot;
Dat hi misdade, mogen wi scouwen, 1230
Dat ons alle dage mach rouwen;
Want van den sonden, die hi dede,
Sijn noch besmit onse lede.
- V. Bericht mi, meester, mit dier lere,
Was 't gebod groet van Onsen Here.
A. 't Ghebod van den hemelschen vader
Was so groet, dat die werelt algader
Niet mochte beteren die misdadt,
Dan God selve, dat verstaet,
Die 't gout in den cruce, doe hi starf, 1240
Ende menschelike doer ons bedarf.
Mere dan al die werelt is Gods wille,
Al daer hi sit in den hemel stille;
Bi reden willic dit proven,
Als der naturen mach behoven.
Besie : quame yemen te di gegaen
Ende seide : die werelt sel vergaen

En keerstu di omme niet;
 Ende God, die alle dinc besiet,
 Die verbode dat te doene;
 Dune souts niet sijn soe coene
 Di t'onderwinden van den ommekeren
 Jegen 't ghebod van Onsen Here.
 Dat mach men merken bi Adame,
 Die hem ommekeerde t'onser onvrane.
 Niet dat hi 't ausichte ommekeerde,
 Maer Gods ghebod niet en eerde,
 Als hi gebrac 't gebod Ons Heren,
 Mits vrouwe Yeva valscher leren;
 Want hi waende hebben geweest
 Ghelike sinen meester, als men leest.
 Hi dede meere sonde, sijts gewes,
 Dan alle die werelt groet es;
 Want in de bete van den appel,
 Dede hi ·VII· sonden, weet men wel,
 Ende banter oec mede waerlike
 Al dat na hem quam in aertrike;
 Ende de minste sonde, sonder waen,
 En hadde alle werelt niet of gedaen,
 Sonder Jhesus Kerst alleine,
 Met sinen heiligen blode reine.
 Nu verstant, mensche roekeloos,
 Hoe di God, die passi, doer di coes,
 Doer die groete minne van di.
 Ay! stenen herten, twine pensdi,
 Ende doe dor sine wille pine
 Hem te minnen ende dijn evenkerstine
 Ghelike dijns selfs lichame.
 Dat ware dijne zielen vrane
 So soustu varen sekerlike
 Mit Gode in sijn rike.

V. Meester, nu bericht mi das
 Welk die eerste sonde was.

A. Clerc, d'eerste sonde was Hoverde,
 In also vele, als hi begaerde
 Ghelijc Gode sinen scepper t'sine;
 Doe hi niet helt die gebode sine
 Was hi uten paradise gesteken;
 Dus horic in Scrituren spreken.
 Doe wort Adaem sonderlinge
 Die nederste alre dingen,

Die d'upperste was te voren,
 Ende boven alle dinc vercoren;
 1250 Wie dat hem hier verheft meest
 Wert voer Gode een onsuver gheest.
 D'ander sonde als ic las
 Dat hi niet onderdanich was
 Te houden sijns sceppers gebod;
 Doe plaechden Onse Here God,
 Ende wrac 't op hem ende op die sine, 1300
 Mit herde menegerhande pine.
 Die derde sonde als ic 't vant,
 Die was Ghiericheit genant,
 1260 Dat hi ghinc nutten, sonder waen,
 Dat hem God hadde heten laten staen.
 Hi begherde meer mitter herten
 Dan hem God gaf, des haddi smerte.
 Die vierde horic Sacrelege noemen,
 Die hem quam te groter onvromen,
 Om dat hi nam in den paradise 1310
 Die geestelike verboden spise,
 Die hi in die heilige stede stal,
 Daer ons of quam den zwaren val;
 1270 Ja, die vule sterfelike sonden,
 Daer wi mede sijn gebonden;
 Nu heeft hi ons daer uut verloest
 Mit siere passien ende vertroest.
 Gheestelike Keisdom was die vichte,
 Alsi vel in 's duvels plichte,
 Ende bi 't serpens rade misdede, 1320
 Daer al die menschelichede
 Of moet dogen zwaer verdriet
 Om dat hi sinen scepper liet,
 1280 Die hem gheestelike trouwe gaf,
 Ende daer boven zwaerlike snaf,
 Mit Lucifer in keesdoeme.
 Die seste sonde en mach niet bliven,
 Dats groot jamer, als wi scriyen;
 Want hi den ·XII· gheslachte groet,
 Mit eenre beten gaf den doot, 1330
 Ende omme die bete moeten varen
 Ter helle menich moeder baren.
 Van ghelike men delft in die aerde
 Den licham mitter vaerde,
 1290 Die nemmermere daer na mach comen
 Sinen vrienden t'enigen vromen;

Also delven die viande
Die sondige zielen, mit haren handen,
In die helle, daer groot torment
T'allen tiden is sonder ent,
Ende sone mach smelten no dwinen,
Soe ons seggen die divinen.

V. Twi God Adaem sijn sonden niet verliet
Als hine uten paradise stiet ?

A. Clerc, hadde Onse Here vergeven
Adam sijn zware sneven
So varinge, sonder eenige pine,
Men hadde geseit, dies anscine,
Dat hi niet wreken dorste die misdaet,
Die hi dede in 's paradijs graet; 1350
Dus dede God als die wise,
Ende stacken uten paradise,
Omme dat hi verpenitencien soude
Sine sonden menichfoude;
Waert niet becocht na mijn verstaen
So haddi Lucifer onrecht gedaen,
Die allene om een gepens
Verloes den hemelschen chens.
Hadde hem God thans vergeven 1360
Die hemel waer ongeordineert bleven.
Om dat dit niet wesen mochte,
Soe becochte herde onsochte
Jhesus Christus onse behout,
Mit sijne passien menichfout
Om of te doen 's menschen sonden,
Daer hi zwaerliken in was gebonden;
Tot dat 's vaders Sone af dede
Mit sire pure menschelichede,
Als hi quam in dit ertrike
Van sijn vaders hoge rike. 1370

V. Segt mi hoe Adaem te genaden
Hadde gecomen van sinen misdaden,
So dat hem God in gere wijs
En hadde verboden 't paradijs ?

A. Adaem hadde eer moeten verwinnen
Den duvel met crachte, wilt bekinnen,
Ghelike dat verwonnen was
Die quade felle Sathanas

Van Onsen Here van hemelrike,
Soudi hebben behouden Gods rike, 1380
Ende hebben gepijnt die waren verloren
Doer sine misdaet, wildijt horen,
Ende wederbrocht ten paradise,
Dat niemant mochte doen dan God, dien wise.

V. Meester, of God es volgenaden,
Twi en vergaf hi niet Adaems misdaden ?

A. Clerc, God mocht hebben gedaen,
Ende ten mensche weder ontfaen,
Ende vergeven sinen misdaden
Sonder te comen te genaden; 1390
Maer hadde hem God vergeven
Altebant sijn zwaer sneven,
Soe en ware hi nemmermeer
Ghekomen te alsulker ere,
Alsi nu mach gewinnen
In den Hemel bi der Gods minnen.
Hadde hi hem sijn sonden verlaten
Sonder te doen enige bate,
Soe waren dan die sonden bleven
In 't paradijs sonder sneven, 1400
Ende Gods rike waer niet volmaect,
Noch so scone noch so wel geraect
Als 't nu es, des ben ic vroet.
Verstant wel in dinen moet
Dat God noyt onsuverlike
Wilde laten comen in hemelrike;
Si moesten gesuvert sijn te voren
Souden si t'sire blyscap horen.
Hier om wilde die here God 1410
Ons suveren mit siere bitter doot;
Haddi die doot niet vercoren,
Soe waren wi allen bleven verloren.

V. Waeromme sende God niet hare
Apostel of propheten of martelare
Om te sterven voer Adame,
Die ons brochte ter sonden blame ?

A. Clerc, omdat niemant sonder hi
Hem mochte verlossen, geloves mi;
Want si waren alle tien stonden
Gheboren mit Adaems sonden, 1420
Daer om en mochte mensche eengeen

D'ander verlossen uten helsen ween;
Want alle die ye lijf ontvinghen
En hadden uter hellen niet connen bringen
Een ziele van Adaems valle,
Daerse God verloeste alle.
Propheten voerseiden in haer spraken
Dat niemant soude mogen wreken
Dan hi die gene die allene
Worde geboren van eenre maget rene, 1480
Ende maget na hem bleve dan,
Onbesmet van allen man.
Doe sende die vader tot den maget
Gabriele, ende heeft bejaget
Dat si bi den Heiligen Geest ontfinc
Den Gods Sone, dats ware dinc,
Die onsen pays heeft bejaecht,
Ende die duvelen alle verzaecht,
Ende heeft te broken hare macht,
Mits der ·III· personen cracht. 1440
Dits die redene, als ic merke,
Dat hi selve sijn hantwerke
Verlossen moeste met siere doot
An den cruce dor onsen noot.
Clerc, ons seit die Scripture
Dat sine pine te diere ure
Was meere in den crucen graet
Dan alle der wereld misdaet;
Want mit eenen dropel van sinen bloede
Haddi ons brocht te siere hoede, 1450
Haddi gewilt ende begaert.
Maer hi hadde ons soe waert
Dat hi zware passie wilde dogen
Openbare voer alle ogen,
Die hem daden die fellen Joden,
Die quade honden, die vule roden,
Mit zwaren slagen ende met grote in sijn ansichte,
Daer sine bespogen bedichte,
Ende liet hem in sijn herte steken
Datter bloet nut moeste leken. 1460
Soe, sijn wi dul en pensen wi niet
Om 't swaer vernoy ende verdriet,
Dat hi dogede ende wilde becoren
Doer onsen wille, die waren verloren,
Tottien dat hi over ons betaelde
Mit sinen bloede, ende wederhaelde.

V. Lieve meester, bericht mi scoene
Bi wat reden die Gods Sone
Meer vleischelic wert dan die Vader,
Of die Heilege Gheest algader? 1470

A. Clerc, om dat was voorseit
Van den propheten over waerheit
Dat die Gods Sone gelden soude
Mit sire doot des menschen scoude.
Dus vorseiden sijt, ende God wilt
Dat hi dragen soude 's menschen scilt,
Ende sijn geboren van enen wive,
Die maget ende reyn soude bliven,
Ende soude worden onse broeder;
Dit wilde God, onse behoeder; 1480
Want 's menschen grote misdaet
Moeste hebben vleeschelike afaet
Van des Gods Sone doot,
Soude hi comen uter noot,
Ende bringen in sijns vader rike
Mit sijne doot bitterlike.
Hadde die Gods Sone niet vleeschelike gewesen
Soe en haddi ons niet mogen genesen,
Niet te mere dan die Heilege Gheest,
Noch die Vader, maer haer volleest 1490
Is altoes een waerachtich God,
Die over al heeft gebod;
Dits die reden dat hi alle gader
Meer vleeschelic is dan die Vader.

V. Meester, in hoe vele manieren
Quam die menscheit, condijt visieren?

A. Clerc, in drie manieren deedse God
Vort comen na sijn gebod :
Ten eersten maecti, waerde,
Adame van der reynre aerde; 1500
Een ander van den man allene :
Evan van Adaems vleisch en bene.
In sinen slaep was soe gemaket
Dat hi lach voer Gode al naket.
In der derder maniereu, so icket vernam,
Comende van den wive ende van den man
Met vleescheliker genoechten gewonnen,
Comende van hem beide uut geronnen.
Des vaders Sone was allene

Gheboren van eenre maget rene,
Al sonder enich mans scout;
Dit is wonder menichfout.
Die prevelegie was hem gebonden
Dat hi sonder enichs mans scouden
Van eenre maget soude zijn geboren,
Om te verlossen die waren verloren,
Mit sinen menscheliken bloede,
Dier helscher armoede.

V. Twi en sende die Vader van hemelrike
Sinen Soen niet in aertrike,
Eer die duvele in die werelt geraecte,
Daer Noe d'erke om maecte?

A. Clerc, siere comste was geen tijt
Te verlossen die werelt wijt;
Want haddi doe neder gecomen
In aertrike t'onser vromen,
Ende hi ons doe hadde verloest
Mit sinen bloede ende getroest;
D'een hadde den anderen doen verstaen
Dat hare vorders hadden gedaen,
Daer si bat geloefden an
Dan an Gode, diese wan;
Ende waer hi comen na die vloet
Van der diluvie, als ic verstoet,
Si hadden gewaent dat Noë,
Abraham ende haer vorders mee,
Dat hi bi lieden waer comen
Den mensche te baten ente vromen;
Ende waer hi comen na Moyses tijt,
Des willic dat ghi seker sijt
Dat dan die onsalige Joden
Souden hebben geseit, die vule roden,
Dat hadde gesijn bi Moyses lere,
Niet hi der cracht van Onsen Here,
Ende van der craste des afgod der Sarasine;
Daer omme wilde God dese pine
Niet gedogen tien stonden,
Om af te doen 's menschen sonden.
Dus en was geen tijt zijn comen
Om den mensche staen te vromen,
Ende quame hi ten doemdsage
Om of te doene tsmenschen plage,

1510 Sone ware niet bekint
Sine passie ende sijn torment;
Men hadde niet geseit dat sijn macht
Den mensche uut sonden hadde gebracht.
Daerom quam hi ter rechter tijt
Om te verlossen den grote strijt,
Daer wi lagcn in groter werre,
Daer die duveleu om sijn erre;
Ende haddi lauger yet gemerret,
Wi waren alle bleven verwerret

In onsen souden sonder gheuaden,
Ende die hemel en hadde niet gewesen
Mitten saligen, als wi lesen,
Die nu mit Gode sijn vercoren,
Ende besitten dat was verloren.
Daerom quam hi ter rechter tijt
Om te weren 's menschen delijt;
Want die liede wareu in misdaden
In dier tijt soe sere verladen
Dat si souden daden boven naturen,
Dat zwaerlic wilde besuren
Onse here Christus onse behout
Om ons te benemen 't helsche cout.

1550

1560

V. Brochte enige sonde Gods lam
Na datti van den soudegen geslachte quam?

A. Clerc, God, onse here, was geboren
Van den suveren geslachte te voren,
Dat ye in dese werelt quam,
Daer die Gods sone lijf afnam.
Dat geslachte bilt hi vrie,
Daer sijn moeder af quam, Marie;
Maer niet dat si waren quite
Van Adaems sonden, seit die vite;
Maer si hielden hem bat van sonden
Dan els iemen te dien stonden,
Ende hier om seit men dat si
Meer van sonden waren vri.
Maer die maget was onbesmet
Van allen sonden, verstant dit;
Want die vader van hemelrike
Hadse der af gevriet sekerlike
Dat so, noch haer lieve kint
Mit sonden en waren besmit twint.

1580

1540

- V. Bericht mi, meester, of ghi mi mint,
Hoe Maria ontfinc haer kint ?
- A. Clerc, gelijc dat wilen ere,
Bi der cracht van Onsen Here,
Die droge roede ontfinc watere;
Also ontfinc si haers sceppers lede,
Mit ane den soeten woerde,
Dat soe van den ingel hoerde,
Als hi seide dat si soude
Dragen een kint, sonder mans scoude.
Mitten worde soe ontfinc
Den Gods Sone, dats waer dinc,
In haren gebenediden lichame,
Dat was ons allen grote vrame.
Belokenre dore quam hi nare;
Dit is alle der werelt clare,
Ende nam an hare menschelike nature,
Ende ghinc uut beslotenre dure.
Sonder pine genas si van hem,
Der af ic wel seker ben,
Ende die Gods Sone, onse broeder,
Lach ·IX· maende in sijne moeder,
In bekennessen dat hi die ·IX· coren
Wilde verlossen, die waren verloren,
Mit salige zielen ende met sconen,
Ende bringen in den hogen trone.
Ter minnacht quam hi ter werelt in
Om te verclaren 's menschen sin,
Die in die deemsterheden verdoelde,
Ende in die zwaren sonden vermoelde;
Maer sijn moeder, die suver maecht,
Heefter ons aflaet af bejaecht.
- V. Segt mi, meester, in u gedachte,
Waerom God quam bi nachte ?
- A. Clerc, hi wilde stillekine comen, 1620
Soe ic in die Scripture hebbe vernomen
Te verlossen die waren in deemsterhede,
Bi sijne groter oetmodicheden.
Hi togede oetmoedicheit in 't beghin,
Als hi quam ter werelt in,
Ende in 't ende daer toe mede,
Doe hi liet sijn menschelichede
Aen den cruce tusschen tween dieven,
Ende al om des menschen lieve.
- V. Meester, couste God alle wijshede, 1630
Als hi was in sijn jonchede ?
- A. Clerc, verstant te diere vrame,
Hi vorwiste in siere moeder lichame;
1690 Hi was triesor ende sciencie al
In hemelrike ende hier in 't dal.
Doe hi van siere moeder was geboren
Was hi alsoe vroet als na of voren.
Hi was vleeschelic sone, geestelic vader,
Daer omme wiste hijt alle gader
Dat was gesciet ende gescien soude 1640
In den hemelen hoven der moude.
Hi hadde wel mogen spreken ende gaen
Als hi was ter werelt onfaen,
1600 Also wel als t'einiger ure;
Maer dat hi die menschelike nature
Volgen wilde in der jonchede,
Also sijne moeder gheslachte dede,
Die starfelic waren in allen stonden;
Nu hebstu die waerheit ondervonden.
- V. Ghesciede enige miracle, doe onse behoeder
Gheboren was van sijne moeder ? 1651
- A. Jaet, ·VII· miracle herde scone 1610
Soe dede die Vader van den trone
Sinen wel lieven sone t'eren.
Nu hoert ende wantse leren :
D'eerste was dat die Vader van den trone
Dede verbaren een sterre scone;
Boven den andren was so clare,
Dat een wonder te telne ware,
Die leden die coningen te handen 1660
Om Gode te doen offerhanden
Te Bethleem, daer sine vonden
In armen luderkine gewonden.
In de sterre is betekent wel
Gods claerheit, ende niet el,
Als hijt mit sire passien verlichte
Die lagen in 's duvels plechte,
In lucifers stric gevaen.
D'ander mirakel was, sonder waen,
Dat die zonne hadde enen ommerinc, 1670
Goude gelijc, dat 's waere dinc,
Die der sonnen omme giuc,

Daerse sceen; en liege u twint.
Oec dochte den lieden dat leet
Voer die zonne een purper cleet.
Dese sonne bediet die genade Ons Heren,
Die ons allen wel mach leren,
Ende ons brochte uter hellen persse,
Daer wi allen in waren gewassen.
Wi verstaen bi den ommerinc 1680
Die passie, die hi anevinc,
Dat hi se soude moeten besuren
Over allen creaturen;
Want hi van lichame tederst was,
Was sine pine meest, als ic las,
Doe hi an den cruce starf,
Ende menschelike dor ons bederf;
Dus geleec die passie den ommerinc,
Die omtrint die sonne ginc;
Want soe liep die werelt alomme, 1690
Ende verlosset al t'enen zonne.
Die derde miracule, also ic las,
Oec van eenre fonteine was,
Die van water in olye verkeerde,
Alsoe was geboren die wel geleerde.
Die olye ende die fonteyne
Bediet sine oetmodicheit reine,
Dies hi noch overvloyende es,
Die 't an hem soect, sijn's gewes,
Met vrayer biechten, dat verstaet, 1700
Hi geeft den mensche aflaet,
Ende daer na gheeft hi hem te lone
In hemelrike die ewige crone.
Die vierde was volmaect vrede,
Die doe was in elke stede;
Want niemen was in die tiden,
Die op andren wilde striden.
Die Gods Sone mach wel vrede heten;
Want hi versoende die waren in veten
Mit sire sware bitter doot
An den cruce, door onsen noot.
Die vijfde miracule was
Dat die keyser geboot das
Dat men alle die werelt bescriven soude,
Bede die jonge, ende die oude,
Ende te sinen dienste staen;
Dat gebod was gedaen.

Die keiser die dat gebod,
Bediet die Gods Sone al bloot,
Die 't al maecte mit sire hant 1720
Dat was in der werelt rant
Om dat hem soude sijn onderdaen
Ende te sinen dienste staen.
Hi maecte alle zaligheid vri
Mit sinen bloede, geloves mi;
Wie sijn vriede wil ontfanen
Die moet dat dopsel ane vaen.
Die seste was dat hem te gader helden
Dertich manne met gewelden,
Die welke niet wilden geloven 1730
Dat hi here was van hier boven,
Ende riepen genade an haren Mamet,
Ende hilden hem an duvels wet.
Als hi dat sach die mochte meest
Sende hi onder hem een tempeest
Dat si alle lieten 't leven
Dat hi hem hadde gegeven;
Want si seiden in hare partijen
Dat hi gene heerscapien
Over hem lieden hebben soude; 1740
Dus geviel 't als God woude.
Daer mede togede hi openbare
Dat hi almachtich God ware.
Die ·VII· miracle, hoert her an
Dat een stomme spreken began.
Dat bediet stom volc ende dove,
Die te hem keren mit gelove
Bi der goedertierenheit van Onsen Here,
Ende bi sijnre disciplien lere, 1750
Die te voren doef waren in den sin
Ontfingen Gods gelove daer in;
Mittien gelove moeti ons erven,
Als wi van deser werelt derven.

V. Bericht mi, meester van den gedichte,
Twi God van den coningen nan gichte?

A. Ic segt di wel, lieve clerc milde,
Om dat God, onse here, wilde
Altemale trecken in sijn rike
Wat dat is in dit aertrike,
Ende mit giften comen te genaden, 1760
Also die ·III· coningen daden;

Want hi begeert gifte t'allen stonden;
Dats vray biechte over die sonden,
Ende penitencie te doen daer naer
Gewillike met herten claer,
Ende hem te hoeden van misdaden,
Ende Gode te bidden genade,
Ende hem te houden over here,
Ende hem te done werdicheit ende ere,
Ende te minnen mit caritaten;
Dat mach hem comeu te baten.
Die dus doet, God sal hem geven
Mit hem 't ewelike leven.
D'een coninc woende in Asya,
D'ander in Affrica,
Die derde in Europenlant,
Dat herde wide was bekant.
Dit sijn der werelt enden drie,
Daer 't al in es, gelovets mie.

V. Twi voer God in Egypten lant
Uut des quaets Herodes hant ?

A. Dat was omdat die here milde
Gheen heerscapie togen wilde.
Hi wilde plegen na Moyses done,
Die 't folc verloeste van Pharaone,
Ende leet uut siere felre vete
In 't soete lant van Behete,
Dat hem God hadde geloeft daer,
Te voren over menich jaer.
Also verloeste God die sine
Uter felre helscher pine,
Ende leedse in 't salige Jherusalem,
Daer si regneren selen mit hem
Eweliken, al sonder ende,
Sonder verdriet ende meswende;
Te dien rike doe ons God comea
Als hi die werelt sal doemen.

V. Meester, wetti die reden yet
Twi God in siere joncheit predicte niet ?

A. Clerc, in Lucase vinden wi bescreven 1800
Dat hi geenre predicacie wilde plegen,
Hine hadde den volke eer getoget
Sine miracule ende verhoget;

Ende oec gaf exempel Onse Here
Dat niemant soude prediken ere,
Eer hi t' sinen dage ware gehouden,
Ende Gods leeringe hadde onthouden,
Dat bi daerna mochte gewaerlike
Prediken Gods wort van hemelrike.
Die uter schrifturen niet castien,
Ende die rechte leringe niet en lyen
Van Jhesus Christus, onsen here,
Misdoen tegen hem alte sere.

1810

1770

V. Meester, wilt mi dat verdragen
Dat ic u nu hier sal vragen,
Ende twi hem God danne
Dopen dede van Sinte Janne?

A. Verstant mi, clerc, ende denc,
Om dat die hemelsche coninc
Wilde 't water mit hem wien,

1820

1780

Omdat soude den mensche vrien,
Ende ofdoen alle die smetten,
Die den mensche sere missetten.
't Water is contrarie den viere,
Ende 't folc gelijc den sonden fiere,
Dat altoes van herten is heet
En si dattet water wedersteet;
Alsoe doet doepsel oec die sonden,
Daer die mensche mede is gebonden
Tot dat hi es gewyct

1830

1790

Met Gods kersme ende gebenediet;
Want wi waren alle in 's duvels net,
Eer dat hi brac die oude wet,
Ende hi wiede mit sinen bloede
Om ons te bringen te sire hoede.
Niement en mach behouden wesen,
Also wi in schrifturen lesen,
En si dat hi waert gewiet
In de vonte ende gebenediet;
Ende daer na in groter oetmodichede
Sijn lijf ende sijn ziele bevrede.

1840

Ay, hoe oetmodich was die Here groet,
Doe hi dor ons ontfinc die doot!
Dat leerdi ons, so wi lesen,
Dat wi oetmodich sullen wesen,
Ende goedertieren, elc jegen andren,

Om dat wi in sijn rike wandren.
Doetstu dijn evenkersten anders yet
Dan du wilts datti gesciet,
Dat sal God an di wreken,
Daer di 't herte ontwe sal breken.

V. Waeromme gehingedi die doet
Ende die zware passie groot?

A. Clerc, soude die mensche genesen
Van der hellen, alsoe wi lesen,
Soe moeste die Gods Soue die doot
Gedogen om 's menschen noot;
Want hadde God niet gestorven,
Wi waren alle in die helle bedorven;
Maer na sine godlike nature
Mochte hem geen doot worden te sure;
Maer na der mensceit hi gewan
Die bitter doot, houti daer an.
In oetmoedicheden starf hi
Om den mensche te maken vri;
Voer hem selven starf hi niet,
Maer voer 't ferlorene diet
Weder te bringen ter straten,
Daerse Adam uut hadde gelaten.
Sine passie, cleric, nu merke
Leet hi door sijn hangewerke;
Daer waert die menschelike nature
Gode herde zere te sure;
Als die Gods Sone wort verbolgen
Sal hi der giericheit volgen,
Ende sal willen hebben vergolden sine doot,
Die hi ontfinc doer 's menschen noot;
Met open wonden bloedich sere
Sal toten mensche spreken Onse Here :
« Besich, dit gedoechde ic doer di;
Wat hebstu geleden doer mi ? »
Dan sal hi nemen sine vriende,
Die hem getrouweliken diende,
Ende setten se in sijns vaders riken,
Dat geduren sal eeweliken.
Hi sal oec spreken totten lieden,
Die sonden daden ende quaet rieden :
« Geëft in die ewelike pine greeet,
Die op u sal bernen heet ! »

V. Meester, wat misdede Judas,
Na dien dat 's Vaders wille was
Dat sijn Sone die doot coes ?
Des bericht mi, sonder loes.

A. Clerc, God wilde die doot smaken
Dor ons, dat sijn ware saken;
Om die grote quade felheit
Misdede Judaes, is mi geseit,
Ende om die verradenesse die hi dede,
Doe hi sijn evenkersten dede onvrede.
Niet allene om sijns sceppers doot,
Noch om sijn anxte groot;
Want vorsproken was Gods curinge
Van menige propheten sonderlinge,
Ende om dattet was alsoe voersien
Soe moeste sine doet gescien.

V. Waeromme starf hi an 't hout
Die here, die quite onse scout ?

A. Clerc, om dat hi verlossen wilde
Die lagen in 's duvels gewilde,
Die bi den houte waren verloren,
Ende moesten dogen den hellen toren,
Om dat Adaem in den appel beet,
Daer noch die duvel fel ende wreet
T'onswaert draecht groten nijt
Om dat wi lagen in sijn bijt,
Ende mitten cruce sijn ondregen,
Daer God, Onse Here, an was geslegen.
Dat cruce was van houte viere,
Dat dede God in dier maniere,
Datti mitten cruce die 'III' hoeken
Der werelt wilde besoecken,
Wie dat sine vriende waren
Ende hem sine doot openbaren,
Dat si souden pensen om die smerte
Haer leven dore mit goeder berten.

V. Wat sal die Vader den Sone geven,
Die dor ons liet sijn leven ?

A. Clerc, ten jonxten sal die Vader
Den Sone geven die macht algader
Van den vonnesse over sijn diet,
Ende dies hem onderwinden niet

Dat wert den Sone een scone sone,
't Fonesse te hebben in sijn bandone;
Dat sal den genen wesen goet,
Die hem hier of lof ende ere doet.

V. Waerhenen voer ons sceppers geest
Als hi sciet uter werelt tempeest ?

A. Mit Enocken ende Elyas in 't paradijs,
Dus maect ons die scrifture wijs,
Tot ·XL. wilen so was hi daer, 1940
Ende opten derden dach daer naer,
Ter tijt van der minnacht rechte
Verloste hi uter hellen sijn knechte,
Abraham ende sijn andre vrient,
Die niet der hellen hadden verdient,
Ende Adame, deu eersten man,
Ende menige, die ic niet genoemen can,
Unt den torment van der hellen,
Ende uter leeder duvele quellen,
Ende leedese in 't soete paradijs;
Des maect ons die scrifture wijs,
Ende die lichame bleven der aerde
Also es als God selve begaerde.
Clerc, Joden ende Sarasine
Daden Gode an den cruce pine.
Die Joden gaven den valschen raet,
Ende die heiden daden die daet.

V. Meester, waerom verrees God niet
Te hant, doe hi van der werelt sciet ?

A. Clerc, soe hadde 't joodsche geslachte 1960
Hebben geseit dat hi in onmachte
Hadde gesijn, maer niet al doot,
Ende waer ontfloen der vresen groot.
Het was voorsproken, sonder sage,
Dat hi soude verrisen ten derden dage
Na der pinen van sire curingen;
Dit sijn alle ware dingen.
Waer hi niet 't sire tijt verresen,
Si souden in twifel hebben gewesen :
Daeromme verrees hi ter rechter tijt, 1970
Des moet hi sijn gebenedijt.
Ende haddi langer ene ure
Gemerret, so en ware de scrifture

Nie vervult mit waren worden,
Soe men 't van den propheten hoerden;
Des verrees hi ter rechter ure
Soe ons orcont die scrifture.

V. Meester, segt mi, in u gedachte,
Twi hi was doot ·I· dach en ·II· nachte ?

A. Die twe nachte bedieden, seit men mie, 1980
Clerc, ·II· dode, dat segic die.
Als die ziele van den lichame sceiden moet
Dats een doot, des ben ic vroet;
D'ander doot, nu merct al hier,
Heeft die ziele in 't helsche vier.
Elc mensche wese wel vroet
Ende versta in sinen moet
Soe wie dat hier stervet reue
En starft maer een doot allene.
Clerc, dat God oec een dach 1990
In sijn graf besloten lach,
1950 Meent dat hi die goede ten doemsdage
Verlossen sal van 's duvels plage,
Ende oec bringen sal t' sinen lichte,
Dat comen sal uut 's vaders ansichte.

V. Twi verrees hi op des sonnendaechs nacht;
Berecht mi dat, oft u macht ?

A. Hi so wilde den sondach in alre manieren
Boven alle die andren versieren;
't Sware jugement sal oec comen 2000
Opten sondach, hebbic vernomen,
Ende wert op den Paesdach volent
Dat vreeslijc jugement.
Dit doen ons die gene weten,
Die de scrifture hebben gemeten.

V. Wat gedaente hadde die Here groot,
Doe hi verrees van der doot ?

A. Hi was ·VII· warf meer scone
Dan die zonne van den trone;
Maer in de vorme en vertogedi hem niet 2010
Sinen jongeren, dat besiet;
Maer in de zelve vorme gewaerlike,
Die hi hier hadde op aertrike;
Want sine hadden niet connen gedogen

Sine clærheit te sien mit ogen.
Hi hadde an cleder van der lucht,
Des sijt seker, sonder ducht.

V. Hoe dicke verbaerde hem Gods lam
Sinen jongeren, eer hi te hemelrike clam!

A. Twaelf werf vertogede hem die here groot
Sinen vrienden na sine doot : 2021

't Eerste was, soe ic hore lien,
Josep van Aramatien,
Daer hi in den kerker lach gevaen
Om dat hine van der cruce hadde gedaen;
Marien, sire moeder, ander warf,
Die bi hem was als hi starf,
Om te verbliden haren sin,
Daer ongetallic rouwe was in.
Derde waerf verbaerde hi hem 2030
Magdalenen, ic seker bem;
Ghine (*sic*) die minne, die so hadde groot,
An hem geleit vor sine doot.

Ter vierder warf den ·III· Marien,
Die quamen, soe ic hore lien,
Van sinen gracie wenende sere
Om die minne van Onsen Here.
Ter vijfter waerf vertogede Onse Here
S' Jacob, sinen rechts zwere; 2040

Want s' Jacop hadde vermeten
Dat hi binnen ·VII· dage en soude eten,
Hine soude sinen scepper sien,
Watter hem af soude gescien.

Ter sester werf die here milde
Vertogede hem Peter, als hi wilde,
Al daer hi sat in groten wene,
Buten sine gesellen allene,
Om die locheninge, die hi dede,
Daer men pijnde sijns sceppers lede. 2050

Ter zevender werf pilgrime twee,
Die gingen in 't lant van Galilee
In wene ende in tormente groot
Om Jhesus, haers sceppers doot.
Ter achter quam hi gevaren,
Daer alle sine jongeren waren,
Sonde allene s' Tomaes,
Die aldaer doe niet en was.
Daer quam hi in besloten dore

Dat sine sagen wel ter cure.
Ter negender werf, seit die scripture, 2060

Vertogede hi Tomas sine figure
Mit verschen bloedigen wonden,
Ende heet dat hi se soude gronden
Ende met vingeren tasten,
Ende hem hilde in gelove vaste;
Want hi ware die selve degen,
Die an den cruce was geslegen.
Ten tiende werf vertogeden Onse Here
Op die marine van Tybere
Sinen jongeren die vischeden in die marine 2070
Mit haren clenen scepelkine.
Ter elfter werf, dats noch mee,
Op den berg van Galilee,
Daer sine sagen mit oge ane,
Also men ons doet te verstande.
Ter twaefter werf daer si saten
Alle t' eenre tafel ende aten;
Dus vertogede die here groot
Twaelf werven na sine doot.

A. Twi gewaget die ewangelie das 2080
Dat Magdaline d'eerste was,
Die Gode sach na sine doot,
Mit hare begaerte groot?

A. Clerc, God dede vele tien stonden
Die d'ewangeliste niet bevonden;
Maer ander lieden brochten 't voert,
Die 't van den discipelen hadden gehoert,
Ende screven 't in vele boken,
Daer men 't noch mach soeken.
Dat dit is die waerhede
Dat hi vele dingen dede, 2090
Die ons niet orcont die tempele,
Van menigen sonderlinge exemple.

A. In wat vormen voer hi te hemelrike wert
God, die den mensche hadde so wert?

A. Clerc, toten wolken so voer hi
In die selve vorme die here vri,
Als hi van sire moeder ontfinc;
Dit is seker ware dinc.
Boven den wolke hi hem verbaerde

In die selve vorme ende verclaerde,
Als hi verrees van dode te live
Mit sinen bloedigen wonden vive,
Ende voerde met hem onsen vader Adame,
Die hi brochte uter helscher blame,
Ende leden ins sijns vaders rike,
Daer hi sal leven eewelike.

V. Segt mi, meester, of ghijt gebiet,
Bi wat saken en voer God niet
In den hemel also saen,
Als hi uten grave was gestaen ?

A. Clerc, God liet om drie saken,
Die ic di vroet wille maken;
Haddi gevaren mit sinen wonden
In den hemel op die stonden,
Sijn verrisen hadde te geenre stont
In de werelt geworden cont,
Also wel, alsoet nu es,
Des sijt seker ende gewes.
Dus so wilde hi hem vertogen
Dat men sien mochte met ogen
Dat hi waerlike was verresen,
Ende oec van der doot genesen.
D'ander sake was, sonder sage,
Dat hi na den ·XL· sten dage
Wilde betogen gewaerlike
Dat hi voer in hemelrike,
Ende dat al 't volc mochte weten
Dat hi 't belof der propheten
Hadde vervult hier op aertrike.
Die derde sake was sekerlike
Dat noch Antkerst gewerke
Grote pine sal doen die heilige kerke.
Die kerke betekent ons bequame
Jhesus gebenedide lichame;
Omme die plage die sal comen
Bi Antkerste, hebbic vernomen,
Daerom sal God na die plage
Die werelt laten staen ·XL· dage
In bekennesse al bloot
Dat hi bleef ·XL· dagen na sijn doot.

V. Meester is u yet bekant
Of God sit 's vaders rechter hant?

2100 A. Die Sone is rechter hant ende luchter bede,
Ende here van al 's hemels gelede,
Also is hi licht ende glorie
Boven alder werelt memorie.
Alle die ye spraken met monde
En souden sijn glorie niet gegronden,
Door dies wille, clerc, soe merke
Dat alle staet an 's Soens gewerke, 2150
Ende wat soe wille die Sone
Die Vader wil oec 't gone,
Ende soe wille oec die Heilige Geest,
2110 Nadat ic 't ware hebbe vor heest;
Want alle ·III· sijn si een God
Van wien wi houden ons gebod.

V, Hoe bidt Marien haren sone
Over die doechde sijn gewone;
Ende hoe die Zone bit den Vader,
Dies berecht mi alle gader? 2160

2120 A. Jc segt di, clerc, al sonder waen,
Hoe ic die waerheit hebbe verstaen;
Die moeder Gods comt sonder vorste
Ende toent den Sone haer borste,
Ende seit tot hem : « Lieve sone,
Nu penst dat ic was die gone,
Die di queecte hier mede.
Lieve kint, hore minne bede;
Ic bidde dattu in dijn arme
Den mensche nemes ende sijns ontferme, 2170
Ende vergift hem dat hi misvrochte

2180 Jegen di; want dune duer cochte. »
Dan keert hi hem ter moeder wert,
Ende doet al dat soe begaert.
Dan so gaen so bede te gader
Voer den almachtigen Vader,
Die soe toecht sine wonden,
Die hi ontfinc doers smenschen sonden,
Ende seit : « Lieve vader, siet
Dit vernoy ende verdriet, 2180

2140 Om sijn spel bringen te wensche. »
Daer soe seit die vader zaen :
« Neemten, die of hebt gedaen
Sine sonden door uwe minne,

Ende brincten ten hemel inne;
Ic salne blidelike ontfaen,
Ende doen dat ghi wilt hebben gedaen. »

V. Meester, heeft God blijscap groot
In den hemel sonder genoot? 2190

A. Jc segt di, cleric; volmaecte minne
Soe heeft God in allen zinne
Mit sinen Vader van den trone
Ende met sinen golliken persone,
Als hi siet 't geselschap onbesmit
Dat ter rechter hant sijns vaders sit,
Ende omdat wi bi sijre doot
Sijn comen uter helscher noot;
Maer als hi dan weder siet

Op 't gebreckelike diet, 2200

Dat hi liet na sine doot bliven,
Om wien hi hem liet ontliven,
Dat hier gene duechde pliet,
Ende oec emmer ten sonden tiet;
Ende oec siet dat die heilige kerke
Mede doelt in haren werke,
Ende die Sarasinen ende die Joden met

Niet willen ontfaen die nuwe wet,
Eade niet willen ontfaen die dope,
Die hi cost mit sinen cop, 2210

Ende hi menschelike vorme nam
Om ons te bringen uter hellen dam,
Ende wi emmer met onser quathede
Volgen den helschen onvrede,
Ende altoos die doecht laten,
Ende volgen der helschen straten,
Sone heeft hi niet na de menschelichede
In den hemel volmaecten vrede,
Ende omdat hem die mensche dus ontgaet,

Die hi cochte in der cruce graet; 2220

Maer na die gotheit gereet
Is hi altoos even blide, godweet,
Hie wast waent noch verblijt
Om gene saken, in geenre tijt.

V. Meester, nu wilt mi bedieden,
Wat segdi van geleerde lieden?

A. Papen, clerken ende canoniken,
Begeven lieden ende monicken,

Ende al volc van religione,
Die hem setten quaet te done; 2230

Van desen zijn een groot deel,
Die den duvel dienen geheel,
Ende zijn oec in allen stonden
In 's duvels strec gebonden,
Ende verlicsen den oppersten tempele;
Elc neem hier bi exemple :
Wie dat valt van hogen stadte
Vele te meer is siju ombate.
Nu besie elc dat hi hem houde
An Gods blijscap menichfoude. 2240

V. Proeft, meester, met dine gewerke
Hoe goed is die heilige kerke.

A. Clerc, verstant te dire vrame :
Also gelijc als die fichame
Van lichame wort getrect,
So blijft die lichame gestrect
Sonder bevolen op die aerde,
Else 't hoeft is sijre waerde.
Aldus was gemaect, nu merke,
Gods lichame, die heilige kerke, 2250

Ende waert al eens met hare
Op den berch van Monte Calvare,
Doe hi aen den cruce stoet,
Ende doer den mensche gaf sijn bloet.
Ghelijc dat die tonge den lichame berecht,
Ende met tallen daer over vecht;
Also sijn die liede op aertrike
Berecht van Gode van hemelrike,
Die hier dan sijn in sine stede,

Bi sire groter oetmoedichede, 2260

Else pausen, bisscopen ende papen,
Die hier sijn sine cnapen,
Ende vele leker liede mede,
Die hier besitten sine stede
Besien dat si geven sulc recht
Haren evenkersten nu ende echt,
Ende sulc recht van hem si gedaen
Als si van Gode willen ontfaen.

V. Meester, twi es Gods lichame
Betkent bi den brode bequame, 2270

Ende oec sine preciose bloet
Betekent is bi den wine goet?

A. Clerc, om dat die here groot
Sprac : « Ic ben dat levende broot,
Dat van den hemel quam allene,
Ende geve der sielen voetsel rene. »
Hi seide ten mensche in aertrike :

« Ic ben die wijngaert-rancke werlike. »
Daer omme is dat heilige bloet
Betekent bi den wine goet. 2280
Gelijke dats smenschens lichame
Gevoet es bi den brode bequame,
Also worden die zielen alle gader
Gevoet van den hemelschen vader.
Gelijk dat 't broot gemaect es
Van vele granen, sijts gewes,
Also was Ons Heren lichame
Gemaect te meneger sielen vrame.
Hier om is 't recht dat hi
Bi den brode betekent si.

Die wijngaert-raucke es lanc,
Ende gaet recht op haren ganc,
Ende 't sap es soete ende bequame,
Ende verblijt menigen lichame;
Also dede Ons Heren bloet,
Dat uut sire siden woet,
Doe hi dogede die zware smerte,
Dat menige ziele scoet in 't herte,
Ende droncken so vele van sijne passien in, 2300
Dat si verbliden in haren sin,
Ende si den duvel oec ontgingen
Mitter soeticheit, die si ontgingen,
Van sire passien die was groot,
Die hi ontfinc dor onsen noot.
Hier omme es dat bloet sine
Betekent bi den heiligen wine,
Ende bi den brode des gelike
Sijn heilige lichame waerlike.

V. Nu segt mi, meester, in uwer lere, 2309
Hoe die mensche mach comen t' Onsen Here?

A. Clerc, met peuitencien ende met vastene,
Ende met doechden 't herte te lastene,
Ende dattu does allen lieden,

Dattu wils datti gesciede.
Dat es die wech ende die strate
Daer die ziele af bevet bate;
Gelijk die spise in den lichame verteert,
Soe wert die ziele van Gode geleert.
Ja, metter doecht die es in hare;
Dits die rechte waerheit ende clare, 2320
Ende al hadden wi enige dingen,
Die ons tegen 't herte gingen,
Wi moeten nochtan verduhdich wesen,
Ende dancken Gode van al desen
Metter herten; eenparlike
Sullen wi besitten sijn rike,
Mit sinen vrienden algemene,
Om dat wi hebben doepsel rene;
Om hem geliken van genade,
Die onsen vorme wilen nam ane, 2330
Ende wort onse broeder, dits 't gelove.
Elc sie dat bi niet en dove,
Ende blive in dit gelove vaste,
Soe waert mit Gode sijn raste.

V. Meester, die ten outare gaen,
Ende Gods lichame ontfanen,
Sijn si des te heileger yet?
Daer af doet mi een bediet.

A. Clerc, ic segt di waerlike, 2340
Diene ontfanen gerechtelike,
Ende dan sonder hoeft sonden
In haren ende worden vonden;
Dobbel loen, dit es bescreven,
So sel hem onse here God geven,
Om dat sine oetmoedelike
Ontfingen in dit ertrike;
Maer die sondelike gaen te outare
Ende besmet sijn met sonden zware,
Die doen met haren gewerke
Jegen Gode ende die heilige Kerke; 2350
Ende si slachten oec sekerlike
Die Gode cruusten swaerlike,
Ende si besmetten oec de wet,
Die ons van Gode es geset,
Ende geven quade exempelen lieden,
Also si daden die Gode verrieden,
Ende vercopen anderwaerf waerlike,

Ende geven hem den duvel op ewelike,
 Ende verdueren hem so sere,
 Dat men se sal quellen emmerere **2360**
 In der hellen pine sonder ent;
 Daer waert hem een zwaer torment.

V. Hoe eest metten papen die in sonden
 Messe singen met haren monden?

A. Clerc, die sijn dan alre meest
 Verdoemt van den Heiligen Geest;
 Metten worden, die si spreken daer,
 Maken si Gods lichame voer waer.
 Gods lichame en es te minder niet
 Daten die paep in sonden tiet. **2370**
 Die goede worden en werden niet qwaet,
 Al hout die pape sondeliken staet.
 Van 't gelijc dat die sonne claer
 Scijnt op die vule modder verwaer,
 Nochtan ontfaet so gene smitte
 Van der modder, verstant wel ditte;
 Maer die modder waert van der sonnen haert.
 Al es die pape in sondelike vaert,

Ende bi handelt Gods lichame scoene;
 Hine es niet te heileger een boue; **2380**
 Te minder en es niet dat sakerment;
 Dit willic dat elc mensche kint.
 Al ontfinge oec een goet kerstijn
 Gode van den handen sijn,
 Het es Gode wel bequame,
 Ende den mensche groote vrame,
 Op dat hi es sonder hoefsonden;
 Maer ontfinge hine t' eniger stonde,
 Als hi in hoefsonde leeft,
 Herde zwaerlike hi dan sneeft. **2390**
 Also de blinde leit den blinden,
 Die niet en weten waer si belenden;
 Want elc leit anderen in den pit,
 Lieve clerc, verstant wel dit.
 Dus vallen se bede in die scade,
 Gevroeden si dat si niet en daden;
 Also eest recht metten sondare,
 Die valt in der helscher scare;
 Want waren si beide buten hoefstonden,
 Soe waren si vor Gode salich vonden. **2400**

II.

V. Meester, maect God die sonden yet?
 Daer af doet mi een bediet.

A. God en maecte noyt sonden,
 Dat hebbic wel vonden.
 Al waest dat Adam sonde dede
 Mit sijnre quader gulsichede,
 Als hi in de appel beet,
 So in de bibel bescreven steet;
 Hoe mochte die sonden mere sijn yet
 Dan dat men Gode te male tiet. **2410**
 Nemmermere en dade men fel sonde
 Helt men Gods gebod t'alre stonde.
 God heeft twee dingen gemaect
 Scoen, edel ende wel geraect;
 Dat ene es die nature,
 D'ander sceppenesse der creature.
 Die creaturen versieren, dat's waer,
 Den hemel scone ende claer;

Gelijc dat verwe, blauw of grone,
 Visieren die huse in haren done, **2420**
 Also versiert die goede siele wale
 Mit haren lichte Ons Heren sale.
 Nature doet ons oec verstaen
 Dat wi moeten sijn onderdaen
 Gode, sullen wi besitten sijn rike,
 Dat geduren sal ewelike.
 Sceppenesse bedieden d'ingel scone,
 Die vielen van den hogen trone
 Om die sonden, die si daden,
 Bi haren wille t'haren scaden, **2430**
 Ende werden soe afgriselic gedaen,
 Soe ons scripture doet verstaen.
 God, Onse Here, en doet niet
 Dat si dogen sulc verdriet;
 Maer die hemelsche coninc
 Laet gescien alle dinc.

V. Noch berecht mi, meester goet;
Eest zwaer dinc dat men sonde doet?

A. Nu verstant, clerc, t'alre stonde
's Menschen alre minste sonde,
Ja, hoeftsonde es mere werlike
Dan altemale dit aertrike;
Want die mensche verliester mede
Hemelrike, die hoge stede.
Eenre siele stede is mere geacht
Dan hier alle der werelt macht;
Als die mensche doet hoeftsonde,
Soe doet hi te diere stonde
Herde grote lelichede
Gode ende den engelen mede. 2440
Daer hi prove ic wel te rechte
Dat alle die Gods gader, die Gods cnechte
Sullen besitten in den hogen trone
Met Gode den eweliken lone.
Die in hoeftsonden bliven in den ent
Sullen hesitten der hellen torment;
Nochtan mach niemen, seker sijt,
Sonder sonde leiden sinen tijt.

V. Segt mi, meester, met uwen monde
Of manslacht is hoeftsonde?

A. Clerc, manslachte es dicke goet,
Die om Gode te wreken doet,
Also David dede, die here groot,
Die Goliase sloech ter doot;
Want hi plach te crancken sere
Gods volc in allen kere,
Ende sloecht doot, waer hi mochte;
Hier bi David dit niet becochte.
Of die Sarrasine over mere
Doot slaen om Onsen Here;
In deser wijs doen si vrome
Bede ter ziele en ten lichame;
Maer die kersten sielen slaen doot,
Die doen hoeftsonden groot
Dat si dengenen nemen 't leven,
Dor wien hem God wilde geven
Aen den cruce menschelike,
Om hem te bringen 't sinen rike.
Nu merke dan die es vroet

Wat hi jegen Gode misdoet,
Die den andren nemen 't leven,
Dat hem God hevet gegeven. 2480

2440 V. Twi es dat God die goede mint,
Ende die quade niet en kint?

A. Clerc, God mint alle dingen,
Die hi maecte sonderlingen;
Maer alle dinc, dat wel verstaet,
En set hi niet in enen staet.
Hi sal doen als die dorscher doet,
Die dorscht sijn coren metter spoet, 2490
Daer na neemt hi 't goede greyn,

2450 Ende leget al op een pleyn,
Ende dat caf datter afgaet
Soe leet hi elder, dat verstaet;
Ende also sceit God, die coene,
Elke dinc na sinen doene.
Hier om seit men dat God allene
Met alle dinc van sonden rene;
Ende die in aren sonde bliven
Sijn keitive alre keitiven; 2500
Want hi sent se ter hellen pine
Om ewelike daer in te sine.

2460 V. Bericht mi, meester, lude of stille .
Wat mach bedieden vri wille?

A. Wel, lieve clerc, vri wille dat es,
Des sijt seker ende wes,
Dat een mensche 't goede vor 't quade
Mach kieser bi sijns selfs rade.
Desen vrien wille, des sijt wijs,
Hadde die mensche in 't paradijs, 2510
Eer hijt verboerde mit sinen daden
Bi des serpens valschen rade.

2470

V. Bericht mi, meester, sonder swike
Dienen die duvelen Gode van hemelrike?

A. Nu verstant mi, clerc, ende lere,
Si dienen Gode, Onsen Here,
In also vele, alsi Gods viande
Pinen metten helscen brande;
Dacromme heefse God geset
Gelijke enen pinende smet. 2520

God sprac met sineu monde claer
In die scripture over waer :
« Ic sal maken eenen scalc in aertrike,
Die sal geduren ewelicke. »
Die welke scalc sal wesen
·I· begrijmt smet, als wi lesen.
Die smet sal hem tribulacie geven,
Die se verdienen in dit leven,
Met ongetemperde coude ende bitte,
Die sellen leggen in 's duvels pitte. 2530
Scripture seit ons gewaerlike
Dat hi die vercorne in aertrike
Pinen sal ende hem pogen
Te briugen uut Gods ogen,
Ende waer hi mach in sonden vellen,
Ende met tribulacien quellen
Dat si Gods souden vergeten.
Hier om pijnt hi, wildijt weten,
Te vallen in der hellen scende
Om te bringen met elleude. 2540
God bescherme alle die sine
Dat si niet comen in sulker pine,
Daer men heeft emmermere
Rouwe, droefheit ende sere.
V. Nu berich mi, meester vroet,
Twi hebben hier die quade soe groot goet?
A. God gedoget dat si worden rike
Om ·V· dingen sekerlike :
't Lerste es dat si begeren
't Quade goet jegen den wille Ons Heren, 2550
Ende qualic winnen ende bejagen;
Dies werden si ter hellen gedragen.
Dander es, wilt verstaen,
Of si iet goeds hebben gedaen,
Dat si der of hier in aertrike
Van Gode ontfaen haer hemelrike.
Dit aertsche goet es haer loen
Over des vaders hogen troen;
Al datsi doen ende begeren
Dat 's hoe si den scat mogen meren. 2560
Die derde dinc, dat seggic di,
Als doen si quaet hoe dat si
Daer in hem herde sere glorificeren,
Ende gaen haer sonden dobbeleren.

Die vierde dinc, willic u belien,
Dat es dat si sullen bevrien
Die zalige met haren gewerke,
Die si doen tegen die Heilege Kerke,
Om te nemen exempel te bet,
Om te scouwen haer sonden besmet. 2570
Die vijfte dinc mach niet bliven;
Maer ic willen di bescriven :
God latet oec somige sondaren
In sonden te regueren, te varen,
Om dat si in genen dingen
Connen geloven sire geselingen,
Die de vercorne in aertrike
Dagelix gedogen sekerlike.
Dat oec die quade t' sulker stede
Siecheit heeft in sine lede, 2580
Daeromme geeft hem God die plage
Dat hi hem bepense alle dage
Hoe bitter dat sijn die helseche dingen,
Die si met haren sonden bringen;
Want pensden si om de Gods genade,
Si souden hem iu bicchten beraden.

V. Meester, twi heeft God gegeven
Den enen meer pinen in dit leven
Dan hi enen andren doet?
Des soe waer ic gerne vroet. 2590

A. Clerc, God doet om ·V· saken
Den mensch dicke ongemake :
't Eerste es dat God, die goede,
Den mensch verleent armoede
Om dat hi sijn hoecheit sal laten sincken,
Ende te bat om sine ziele dincken;
Want hi hem in aermoeden meer ontmoet
Te Gode wert ende dogede doet
Dan hi in sijn rijcheit dede, 2600
Daer hi was verladen mede;
Want al 't gepeins ende sinen zin
Lach an den scat ende an 't gewin.
Als hi daer na in aermoeden vel,
Dancte hijs Gode ende peinsde wel
Dat hijt om sine bate dede,
Dat hi hem verliet die rijchede,
Eude oec meer penitencie ende pine
Dan hi dede in die rijcheit sine.

Aldus soe dede Lasaruus,
Die al verloes goet ende huus,
Ende dancte Gode soe lanc so meere
In sijn armoede vaste ende sere;
Daer om heeft hi den hogen loen
Met Gode in den hogen troen.
D'ander sake, dat es anscine,
Doet God om te proven die sine;
Want hi provet sinen sirjant,
Also men doet den diamant,
Die men op een anbilt leghet,
Ende slaeter op, soe men pleghet.
Blijft hi geheel daer ter stede,
Soe weet men wel die waerhede
Dat es een fray diamant;
Also proefde Joseppe sinen serjant,
Die men vele trubilacien dede
Om te bringen uut sire stede.
Wat pine hi dogede of laste,
Hi bleef emmer an Gode vaste;
Daer om soe mach hi wel wesen
Een vray diamant, soe wi lesen.
Die derde sake doe ic di verstaen;
Dat 's alse die mensche heeft misdaen
Dat hi hem wachten sal t' allen stonden
Voert meer van sonden,
Gelijc den sot, die men bint met banden,
Eer hi quaet doet metten banden;
Want liet men gaen ontbonden
Hi soude quaet doen t' allen stonden,
Hadde hijs gebruuct ende macht,
Ende van den hande waer onthacht;
Alsoe menich mensche gedoget
Meniche pine om t' sine verhoget,
Bede an ziele ende an lichame,
Om te vliene der hellen blame;
Die wel met mindren tormente
Waer geworden van Gods covente;
Soe mere pine soe mere loen
Van Gode, hier an en es geen hoen.
Die vierde sake hebbic ondervonden
Dat hem die mensche sal wachten van sonden,
Ende scuwen 't quade sonder waen, 2651
Ende voert an die vaen;
Gelijc dat die vader castijt sijn kint,

Soe doet oec God die hi mint;
2610 Die hier doget pine ende smerte,
Ende Gode danct met goeder herte,
Hi dwaet hier of sijn vagevier,
Dat fel es ende ongehier.
Die vijfte si di bekent
Dat die mensch hier doghet torment; 2660
Heeft hi vele hoeftsonden gedaen,
Ende hire niet of en wille staen,
Ende hem bekeren t' eniger doget,
Ende Gode kennen over voget.
2620 Dese sijn in de sonden genoecht,
Ende hebben hem soe wel gevoecht
Dat sire niet willen comen uut;
Des bliven si 's duvels brunt.
Dese hebben hier helle ende ginder mede,
Ende altoos rouwe ende serichede. 2670
Noyt was nieman in sonde bevaen
Op dat hire wilde ave staen,
Ende sine sonden wilde belien
Gode ende Sinte Marien,
2630 Ende willike penitencie doen,
God en vergaf hem sijn misdoen,
Ende aflact van sire misdaet;
Dats den mensch groot toeverlaet.
Hi es ontfermich die grote here,
Ende genadich utermaten sere. 2680
Ja, den genen die genaden
An hem roepen van haren misdaden;
Dus mach die sondaer t' allen stonden
Genade vinden van sinen sonde.
2640 Of onse paep es in sonden bevaen
Moeten wi hem sijn onderdaen;
Du biste sculdich dinen paep te minnen,
Ende in doechden te versinnen,
Ende hem onderdanich te sine,
Met alle den vijf sinne die. 2690
Al wert dijn paep also quaet t' tirant,
Als men vint in enich lant,
Du en selten niet jugeren
Met dinen worden, in gere manieren;
Want sire grote sonde doen an,
Die blameren Gods dienstman.
Niemen soude andren doen waerlike
Dan 's vader Sone van hemelrike.

Scripture, die papen bringen voert,
Is Gods wille ende sine woert;
Elc souts hebben ontfermichede,
Dat sijn paep dede quaethede;
Want hi van bloede ende vleesche es
Als een ander, des sijt gewes,
Ende heeft temptacie in sijn wandren
Van den duvel boven andren,
Om dat hi sit in de stede Ons Heren,
Ende moeten volke doget leren
Hoe si den duvel sullen ontgaen,
Ende Gods rike ane gaen.
Dan peinst die duvel in allen sinne
Mochte hi den herde verwiinnen,
Hi soude te haet lude ende stille
Die scape hebben t' sinen wille.
Herde van sinen prochiaenen es die paepe,
Ende prochiane sijn sijn scaepe.

V. Meester, twi heeft die salige mensche
Die eerste rijcheit te wensche?

A. Verstant, clerck, in dinen moet
Dat die salige hebben goet;
Dats om dat si alle goede dingen
Met haren goede sullen volbringen,
Ende met haren goede gewerken
Vorderen sullen die heilige Kerke.
Met altemale haer machte
Hebben si doecht in haer gedachte;
Si sijn oec boven alre sake
In haer herte wel te gemake,
Om dat si metten saligen sullen wesen
Van Gode gecroent, soe wi lesen,
Om dat si laten alle quaethede
Van sonden ende van onsuverhedē,
Darse die duvel te vele stonden
Tempeert om te bringen in sonden;
Sijn oec herde gans in haer lede
Om die grote gerechtichede,
Die si doen haren evenkersten
Om die minne van Jhesus Kersten.
Hier om en sinse, God weet,
Niet bedroeft van eniger siecheit,
Maer emmer in hogen ende blide
Om haer doecht, t' allen tiden.

2700 V. Meester, nu segt mi den sijn
Of si allen onsalich sijn,
Die onverduldich sijn in armoede,
Ende haer pine niet en nemen in 't goede?

A. Die haer pine Gode wanloven
Worden van den hemel verscoven,
Ende sullen die onsalichste sijn,
Die hier ter werelt nemen sijn, 2750
Ende sullen oec gecleet wesen
Met helscher blixme, so wi lesen.

2710 Also droge hout bernet hier
Sullen si bernen in dat helsche vier,
Dat nemmermere sal te gaen,
Als ons scripture doet verstaen.
Hier bi soude elc creature,
Die waren in trubulacien sture,
Gode loven in sijn pine
Om ewelic met hem te sine 2760
In sijn soete hemelrike,
Dat sal geduren ewelike.

V. Meester, hoe sal 't met hem staen,
Die gewillike penitencie ontfaen?

A. Clerck, die hier oefne haer leden
In penitencie met scaerphede,
Die worden gecleet weldelike
Met Gode in sine hemelrike.
Onse Here geselt die bi mint,
Also die vader doet sijn kint, 2770
Ende heefsten in wanckenesse gedaen,
Ende metter armode bevaen.

2730 Al es een mensche rike van goede;
Nochtan mach hi wel armoede
Al stille dragen in sijn herte,
Die hem doet grote smerte;
Van goede of van den vrienden sine,
Die hi weet in groter pine,
Ende hi niet gehelpen mach,
Sijn herte bloet nacht ende dach. 2780

2740 Dan dunct hi Gode dat hijt hem sent,
Soe waer dat hi belent,
Ende nemet goeden moede,
Ende danct Gode van allen goede.
Dese sijn wel met Onsen Here
Om dat si quaetheit haten sere,

Ende si verbliden eenpaerliken
Om 't gewin van hemelrike.
Men vint in scrifturen bescreven
Dat die salige sullen leven
Met blidscapen ten jouxten dage,
Daer God sel doen sine clage.

V. Wat segdi, meester, in uwen moet
Van hem die winnen 't quade goet?

A. Clerc, verstant wel mine woert;
Als die 't quade comt soe voert
Dat hem geluc overvloyt hier,
Ende hier wort weldich ende fier;
Soe slacht hi den vissche die vloten
Buten den andren met haren roten.
Dese verbliden dat si buten gaen,
Dan worden se metten engelen gevaen,
Daer men se doot t' haren onvromen,
Als si buten den water comen.
Of si geliken die gherne scinken,
Ende dicke soeten dranck drincken,
Ende die in 't ende bitter waert,
Daer toe onsuver ende haert.
Salc waert haren dranc ewelike
Dat si sullen drincken jammerlike;
Want om haer hoverde groot,
Die si hier drinken sonder noot,
Over haer verweende cleder hier
Worden si gewijst in 't helsche vier,
Daer vule wormen t' allen stondeu
Hem sullen crupen in den monde,
Ende al om over haer lijf;
Dus bliven si ewelije keytijf;
Want het 's aldus bescreven :
Die hier in sonden leiden haer leven,
Ende haren scepper niet en wiken,
Varen ter hellen eweliken.
Maer, clerc, die hier sijn versmacht
In armoeden, beide dach ende nacht,
Ende gedogen grote berste
Van coude, van honger ende van dorste,
Die sinen gelike den genen al,
Die 't eerst hebben sulc geval
Dat si moeten drincken ende smaken
Bitteren dranc in waren saken;

Ende dan alle die bitterhede
Verkeert in groter soetichede.
Also doet God dor sine oetmoede,

2790 Die des menschen armoede
Verkeert in bliscapen groot,
Ende maecse engele genoot;
Om haren honger ende derst
Salse voeden Jhesus Kerst.
Om die pine die si dogen
Sellen si sitten vor Gods ogen. 2840
Hier omme est dat d'arme sijn
Met God in sijn rike sijn,
Ende sullenre in bliven sekerlike
Sonder ende, oec ewelike.

2800 V. Meester, doet mi verstaen
Van hem, die kerkelic goet ontfaen,
Of van clerken die bekinnen
Die scrifture in haren zinnen,
Of si meer loens van Onsen Here
Hebben dan 't folc van minder lere? 2850

A. Verstant, clerc, van desen doene;
Al hebben lieden van religione,
Else pausen ende bisscoppen mede
2810 lu aertricke meer mogenthede
Dan leec volc of des gelike,
Sine comen niet te bat in hemelrike
Opdat si doen jegen Gods gewerke,
Ende tegen 't gebod der heileger kercke,
Dat si selve doen gebieden 2860
Die werelt dore allen lieden,
Ende gene goede exemple hanteren
Voer 't folc daer 't an' mach leren
Te comen ter hemelscher glorie,
Die soete es boven alre memorie.

2820 Onthouden si den volke Gods woert,
Ende sijt hem niet en seggen voert,
Si sullen hebben also vele te meer
In der hellen torments ende seer
Als si meer consten dan d'ander lieden;
2870 Dat horic in scrifturen bedieden.
Die heilege liede hebben bescreven :
Die misdoet in dit leven,
God sal over hem ten utersten dage
2830 Doen vele zware plage;

Ten doemsdage, ten lesten stonden,
Daer God sal togen sine wonden.
Van werliken lieden horic bedieden,
Coningen, graven of ander lieden,
Scepenen, scouten ende baeliuwen,
Eest dat sijt volc te sere verduwen
Ende achter steken van den rechte,
Si varenre om in 's duvels ploechte;
Maer berechten si die liede wel,
Ende haer ondersate niet sijn fel,
Si sullen te meren loen hier boven
Ontfaen, daer men Gode sal loven;
Daer die angelen mit sange
Altoes sijn sonder verlange.

V. Meester, die doecht node horen
Worden si in 't ende verloren?

2880

A. Die doecht in hebben, ende daerof keren,
Si verliesen den loen van Onsen Here,
Ende worden gesteken in den torment,
Daer nemmermere ziele weder went.
Die goede worde gerne leren,
Ende werken na der lere Ons Heren,
Ende toten ende daer in volstaen,
Die sullen Gods glorie ontfaen,
Ende sal gedureq emmermere
Met Gode, onsen Lieven Here.

2890

V. Bericht mi, meester wel geraect,
Waren alle die zielen te gader gemaect;
Of sijne gemaect bequame
's Dagelijcx ins 's menschen lichame?

A. God, die noyt geestelic verstarf,
Maecte alle dinc t'eenre warf;
Maer elc hadde haer nature,
Also ons seit die scripture.
God die alle dinc vorsiet,
Ende elken geeft sijn bediet,
Maecte die zielen van zulker naturen,
Dat niemen te geenre uren
Can geweten haer subtijlhede,
Mit geenre hande behindichede.
T' allen tiden die here vri
Soe confermeert zielen hi
Van sonderlingen gedane,

2900

2910

Ende sentse den mensche anc.
Dan soe seit die sone algader :
Tot nu heeft gewrocht mijn vader
Ende nu werke ic dageliken
An menschen ziele in aertriken.

2920

V. Wat segdi, meester, van onsen behoede;
Maecte God enige ziele dan goede?
Mi wondert herde sere t' waren
Datter soe vele ter hellen varen.

A. Clerc, God, der werelt sceppare
Maecte noyt ziele dan clare;
Die Heilege Geest versiert mede
Mit sire groter oetmoedichede,
Ende bi naturen te leiden haren tijt,
Ende te comen uter werelt strijt;
Maer also comt in haer onsuver vat,

2930

Wart soe trach ende soe lat,
Mit des lichamen geoechte,
Dat soe vergeet haers selfs behoefte
In overate, in overdrancke,
Die stinct boven alle stancke,
In luxurien daer hoverde in leecht,
Daer menige ziele bi es ontweecht
Te Lucifer, den helscen drake,
Niet bi Ons Heren make;

2940

Hi geefse den lichame suver ende claer,
Had soere haer gehouden naer;
Maer si minnen meer 't onsuver vat
Dan si doen die hemelsche stat;
Daer omme wijst hise uut sinen rike.
Ende beveelse den duvel ewelike.

V. Meester, segt mi of gi mi mint,
Of die ziele es wetende twint?

2950

A. Nu verstant mi, clere, in desen;
Men vint in boeken, soe wi lesen,
Dat Jan Babtiste kende Kerst
In sire moeder, daer hi in erste.
Hier an eest goet te verstante
Dat die ziele heeft vroetscap anc,
Wanneer dat se God bequame
Sent in der moeder lichame;
Maer dor die crancke nature,
Die heeft die jonge creature,

2960

Also comt ter werelt in,
Een cranc vleiscelic begin;
Hier omme willen die zielen binnen
Haer vroetscap niet laten kinnen
Voer die tijt ende die ure,
Dat die menschelike nature
So es comen t' haren dagen,
Dat se vroetscap mach dragen;
Dits die redene twi 't jonge kint
In vroetscepen niet en es bekint.

2970

V. Meester, waerom heet 's menschen lichame
Onsuver ende vul der blame,
Die van kerstine es geboren?
Dat soudic alte gerne horen.

A. Clerc, dat doe ic u verstaen,
Om dat hi met onsuverheden es ontfaen;
Dat sijn vorsprokene saken
Dat hem niement suver mach maken
En si met penitencie allene,
Sel si vor Gode worde rene;
Also seit David, die vroede :

2980

« Wie mach mi bringen te mere hoede,
Die es ontfaen in der onsuverhede,
Also als mi mijn moeder dede! »
Die mensch was te livreert
Van sinen sonden ende geclaereert;
Maer anderwerven, dat verstaet,
Es seder comen 's menschen zaet
In onsuverheden onbequame,
Metter genoechten des lichame,
Die hi doet te meniger uren,
Dat die ziele moet besuren
Also waert ter helscher glode
In tormente der armoede.
Men vint dat die liede in huwelike
Kinder winnen dagelike;
Nochtan dat hare liede staet
Onsuver es ende oec quaet.
Elc mensche versta in sinen sin,
Dat 's om die sonden daer si sijn in,
Ende si doen alle dage,
Als si hebben stede ende lage,
In luxurie ende in hoverde,
Daer die mensche in verleyt onwerde,

3000

Ende in vele andren dingen,
Daer si hem mede onder mingen;
Daer omme wort die mensec meest
Gevloect van den Heiligen Geest.
Dit 's die reden, dat verstaet,
Dat herde onsuver es 's menscen saet; 3010
Als d'een den andren vint in sonden,
Ende sie niet of werden ontbonden.

V. Indien dat nature der mannen ende der wiven
Sonder genoechte niet mach bliven,
Vleischelike comen van haer beide hitte;
Twi hevet kint van Adaems smitte?

A. Clerc, nu verstant wel ditte :
Dat elc kint hevet die smitte,
Dat 's om genoechte van moeder ende vader,
Die vloyt in 's kins geboert algader. 3020

't Kint en mach niet weder staen
Dat sine vorders hebben gedaen,
Het moeder delachtich an wesen,
Soe St. Ambrosius seit van desen.
Ghelike dat erve mach verwandren,
Comen van den enen op den andren,
Also comt die smitte van Adame
Hier an elxs menschen lichame.
Metten doepsel mach men afdwaen
Die sonden, daer 't kint mede es bevaen; 3030
Maer om sijn onsuverheit groot
Moeten wi alle smaken die doot,
Eude daer na te Gods vonnesse comen;
Dus hebbic 't int scrifture vernomen.

2990

V. Twi laet God ter werelt comen in
Kinder, die in der moeder doot sijn,
Of sterven eer si doepsel ontfaen?
Dat soudic herde gerne verstaen.

A. Clerc, Gods vonnesse ende sijn lere
Sijn so utermaten groot sere 3040
Dat icker af swige sonder bediet;
Want en can 't gegronnen niet;
Maer si hebben sonderlinge glorie,
Ende dancken Gode met alre memorie,
Dat si sijn ontgaen der hellen,
Ende der leder duvel quellen.
Si sijn in deemsterhede sonder pine

Daer hem lieden in staet te sine,
Tot dien dat God domen sal
Te Josephat in 't soete dal.

V. Hoe men in keesdom wint 'I' kint,
Hevet der sonden yet en twint?

A. Nu verstant, clerck, ende lere;
Het en deert hem min no mere
Op dat es also gedaen
Dattet doepsel hevet outfaen,
Ende daer na te genen stonden
En volget vaders, no moeders sonden.
Die scripture doet ons an scine
3060 Die bede vader ende moeder sine,
Die moeten ontgelden die soene
Jegen Gode van haren misdoene;
Dat si mit haren vulen werke
Daden jegen die heilige Kerke.

V. Meester, gi moet mi ontbinden
Of 's vader ende moeder deren den kinde,
Of des kints sonden yet den vader
Of der moeder, bericht mi algader?

A. Clerck, hets in scripture vonden
3070 Dat 't kint niet en wert gebonden
In ghere wijs in 's vaders misdaet,
Noch in der moeder, dat verstaet,
Ende sine worden oec niet verladen
Van haren kindren misdaden,
Op dat sise in haer jonchede
Leren te doen goede zeden,
Beide met worden ende met slane,
Om goede costume t' ontfane.
Eest dat 't kint moeder ende vader
3080 In quaetheiden ontfleet alle gader,
Ende niet willen doen bi haren rade;
So sijn si quite haren misdaden.
Maer willen si quaet gedogen,
Ende sijt hem verbieden mogen,
Te laten sijn quade daden;
Doen sijt niet, si bliven verladen,
Metter quaetheit daer si toecomen,
Die si hem mochten hebben benomen.
Daer omme souden si pinen sere
3090 Die kinder te leren goede lere,

Die wile dat sise mogen dwingen
Mit slane of mit andren dingen,
3080 Eer dat si uter joncheit terden,
Ende in haer quaetheit verherden.
En deerde Josuee niet alle gader
Dat hi hadde enen quaden vader,
Ende het deerde hem oec twint
Dat hi hadde een quaet kint.

V. Comter zware sonden of in live,
Die sijnre nichten neemt te wive? 3100

A. Na der nature die vleeschelic es
3060 En eest geen sonde, sijt gewes;
Maer bi den verbode van onsen sceppare
So eest groot sonde ende zware.
Bi reden willic dit betogen,
Ende di hier leggen vor ogen :
En had niet geweest sonde
Dat Adam den appel beet mitten monde,
Ende genut hadde die vrucht, 3110
Daer wi af hebben zwaer plucht,
En hadde hem God verboden niet,
Ende tegen sijn gebod niet verstiet,
Sone hadt gene sonde gewesen,
Also wi in scripture lesen.
Soe wie dat dan misdoet
Jegen Gods gebod, die es onvroet,
Ende sal daer omme dogen zware
Pine, dits seker ware.

V. Meester, ic hoerde gerne bedieden
3120 Waer omme hoge lieden
Haren magen nemen te wive
Dan ander lieden in desen live?

A. Clerck, verstant wel mi ter mate
In ouden tiden was 't karitate
Dat die neve nam die nichte
Om die maescap houden dichte.
Het was doe costume ende wet
Omme die maechscap te houden bet,
Dat si wel mochten leden haer leven, 3130
Dat es in ouden boeken bescreven,
Beide met magen ende met vrienden,
3090 Die si wilden ende dat verdienden

Dat si se souden doen in haren sin,
Also Deutronemie hevet in,
Ende doer haer mage vreemde laten;
Niet dat sise souden laten.
Het was karitate in allen zinne
Dat elc sijn evenkersten minne;
Dit was in d'oude wet scripture
Eer God menschelic nature
Van Marien hadde opheven,
Ende ter doot wart bedreven,
Als hij maecte die scone soene,
Tusschen middach ende noene,
Tusschen den Vader ende den mensche,
Doe hi sijn spul brochte te wensce,
Daer was die maechscap gevriet,
Ende 't huwelic gebendiet,
Ende menige ander regel goede,
Die ons God gaf uut sinen bloede,
Ende God sprac met sinen monde,
Die 't verbrake dade sonde.
Nu besie elc, eest wijf of mæn,
Dat hi houde wel sinen ban.

V. Bericht mi, meester, met uwen monde
Mach men ville trouwen sonder sonde?

A. Clerc, gelijc dat een wijf goede
Es moeder haers kints in vleesce ende in bloede,
Also es dijn wille dijn geestelic kint,
Des en twivelt niet en twint,
Ende dat kint der kinder broeder,
Ende dijn wijf sijn geestelic moeder.
Ende als een wijf heeft een kint,
Ende dat die heilige kerke bekint,
Dan es soe gevader staphans,
Eude geestelike suster des mans.
Villen te nemen in huwelike
Verbiet die scripture sekerlike,
Ende en es oec niet geset,
Noch geoorloft in de nuwe wet;
Ende God en wil oec niet gedoogen
Dat sulke huwelic wesen mogen.

V. Meester, laet mi uwe consciencie smaken
Van papen en van haren saken,

Ende van papen der beileger kerken,
Ende die in religione werken?

A. Clerc, verstant, dus eest bescreven;
Leden papen een goed leven,
Ende goede exempele den volke geven,
Ende hem wel houden sonder sneven, 3180
Ende si leden 't rechte voert
Den rechten wech ter hemelscher poert;
Ende dau sijn van goeder lere,
Ende 't folc bringen t' Onsen Here;
Gelijke dat sout wert der wormen stanc,
Soe wert die paep den helscen ganc;
Ende menigen mensce doet hi
Te hemel comen van sonden vri.
Leven si oec wel, ende niet en leren
Dien volke die woerde Ons Heren; 3190
So slachten si der colen die leget
In 't vier ende gene lucht en gevot,
Ende haer in d'assche verblint,
Dat so niet mach sijn bekint.
Leren si oec wel ende leden oec quaet leven,
So sijn si bi der clocke bescreven,
Daer scone lucht uut gaet
Ende haer selve metten clepel slaet,
Soe sere dat so breket ontwee;
Des gelike min nocht mee. 3200
Leren si qualic ende qualiken leven
So sijn si biden roeke beschreven,
Die 't fier verdoemt ende verblint
Datter geen lucht werd bekint.
Nu wese elc pape soe beraden
Dat sijn volc in geenre scaden
Bi sinen toedoen ne gha,
Daerse die viant mede va;
Want waert sijn volc bi hem ontraect,
Grote pine hem daer af naect; 3210
Want si sullenre om sonder eat
Besitten der hellen torment.
Maer eest dat volc hem selven deert,
Ende hijt na sijnder macht weert,
Met goeder leren ende met castien;
Die liede hem selve vermaledien,
Die paepe es van haren misdaden
Quite, maer si bliven verladen.

V. Meester, die in religione sijn
Hoe gedane wort aren sijn?

A. Verstant, clerc, na desen saken;
Eest dat sire genoechte in maken
Religioselike sonder hoeftsonden,
Ende si in 't ende so worden yonden;
S' Pauwel spiegel der heileger Kerken
Seit dat si met Gode werken;
Maer die ten hoeftsonden gaen,
Ende 't cloestelike gewerke laten staen,
En qualike hantieren haer abijt,
Die bliver omme vermaladijt,
Ende sullen die onsalichste wesen,
Daer wi in scrifturen of lesen,
Ende in 't helse vier belenden,
Ende nemmerme daer uut wenden.

V. Meester, nu wilt mi verclaren
Wat gi segt van desen ridaren?

A. Clerc, die hem met roven generen
Ende haren evenkersten deren,
Ende dustrueren met haren gewerke
Daer si mogen die heilige Kerke,
Ende vercauseren dagelike
Weduwen ende wesen jammerlike;
Van desen is dat David seit
Dat si leven in der onsalicheit.
Hier omme sal Gods gramheit comen
Op hem in 't ende ende salse domen;
Ende dan worden si geset
In der hellen uutende besmet.
Van andren seit die scrifture :
Die oetmoedich ende gerecht ter cure,
Ende gerne na goeden raden werken,
Ende weduwen ende wesen gesterken,
Ende die heilige Kerke houden te rechte,
David seit dat sijn Gods knechte,
Ende sullen hebben haer woeninge
In hemelrike sonderlinge.

V. Meester nu waut mi bedieden
Wat sal gevallen den coeplieden?

A. Wie in haren comenscap liegen,
Ende haren evenkersten bedrieggen,

Ende vervalschen haer comenscapen,
Daer si mede sijn begrepen,
Die dus 't goet te hope jagen
Valre mede in 's duvels plagen;
Want als si sceden van desen live
Soe bliven si ewelike keitive.
Den getrouwen coepman staet dus niet;
Die getrouwe comenscap pliet,
Ende hem geweert mit waren worden,
En sal niet besitten der hellen borde, 3270
En sal niet weten van der pinen
Daer den quaden staet in te sine;
Maer Gods blyscap bescouwen,
Mit hem ende met Onser Vrouwen,
Die den genen es gereet,
Die hier in weldoen volsteet.

V. Meester, nu doet mi verstanden
Van werclieden die werken met handen?

A. Clerc, die werken metter valscede,
Ende onthouden haer lede, 3280
Ende haer dachhure niet verdienen,
Desen sal haer dinc ontsienien. 3240
Van dustane eest bescreven :
Om dat si leiden een valsce leven
Dat het en es gene scande
Dat si vallen in 's duvels hande;
Maer die getrouwelike werken,
Die winnen haer broot zalich, dat merke.
In de scrifture es gestanden :
Die sijn broot wiut met handen, 3290
Hi es salich, dat seker sijt,
Als ons orcont Davijt;
Ende sullen hebben groot perdoen,
Die haer werc getrouwelike doen.

V. Meester, wat segdi van der scare,
Die penitencie doen openbare?

A. Lieve clerc, en sech dat niet
Dat si penitencien doen iet,
Dat openbaer penitencie hiet;
Dats el niet, dat verstaet, 3300
Dan dat si bespotten die heilige Kerke,
Ende oec Gode met haren werke, 3260

Ende bedriegen haer ziele mede,
Ende comen daer mede ter helscer stede.

V. Wat segdi van hem die doen sonde,
Ende daer in bliven tot alre stonde?

A. Het staet bescreven in een sermoen :

Die verbliden in quaetdoen,
Ende glorieren in haren misdaden,
Daer si mede sijn geladen,
Dat haer sonden worden twivout;
Dats hare ziele zwaer scout.

Ende gaen si dan t' haren preester;
Van haren sonden, die sijn deester,
Wil hi se dan te penitencie bringen,
So gaen si jegen den pape dingen,
Ende seggen dan en mach niet vasten,

Noch mi selven soe verlasten;
Maer geeft mi dat ic mach doen.

Ende maken dus een lanc sermoen

Om te hebben peniteucie cleue

Over haer sonden onrene,

Ende geeft hi hem iet te vele

Daer si mede verbinden haer kele;

Dan eten si ende drincken te bat,

Ende maken hem te penitencie lat,

Ende doen met haers papen bevelen;

Daer omme moeten haer zielen quelen.

Die genoechte van den lichame

Die maect die ziele onbequame;

Die dus hunne penitencie laten achter

Sullen besitten der hellen lachter.

V. Meester, wat sal hem geburen,

Die dul sijn van naturen?

A. Clerc, si waren in der kinderscare,

Die sterven beneden ·III· jaren;

Want sine kennen geen misdoen,

Des sijn si ter hellen ontfloen.

Omdat si van sonden sijn onbekent

Laetse God dogen gene torment;

Maer en segge niet van den sotten,

Wien toe comen is met lotten,

Ende vroet waren in haren begin,

Ende daerna dul in haren sin;

Dat si geliken sellen den andren,

Die mitten jonge kindren wandren;

Want die scripture gewaecht niet

Dat si dogen sullen yet

Anders dan die innocente,

Die ontgaen sijn den tormente.

3350

V. Wat segdi van kinderen die jaren ·III·

Of ·IIII· sijn out, berichtes mie?

3310

A. Verstant, clerc, ende wille gedogen

Alle die niet spreken en mogen

In de mate van ·IIII· jaren,

Of oec jonger te waren,

Ende die dan op haer lede

Hebben ontfanen t' heilegc Kerstenhede,

Die worden alle gewaerlike

Gecroent in t' soete hemelrike,

3360

Ende in Gods rike gesent

Sonder t'ontfane jugement,

3320

Ende sonder pine haert hier ane

Sullen si hebben engle gedane.

Ende die kinder die van ·V· jaren sijn,

Als si doen haren sijn,

Of die daer boven sijn van ouden

Sullen becopen hare scouden,

Ende van goede werken werden gedoemt

Wien dat scaet of vroemt.

3370

So nauwe is die helsce straten

Dat daer niemant af hebben mach bate,

3330

Sonder die ten ende worden vonden

Vri ende suver van allen sonden.

Dit willic u in een bispel

Bedieden ende proven wel :

Het was een man ende had ·I· kint,

Dat met herten hadde gemint;

Omrint so wast ·V· jaren out

Dat sire becochte sine scout.

3380

Dat kint was van sulker sede

Quam hem toe enich onvrede,

So sprac t' lachter ende onnere

3340

Der mogethede van Onsen Here,

Dat alte sware te noemen es;

Des kints vader en rocht niet des,

Ende liets hem gebuiken al,

Daer t' af had zwaer misval;

Want daer t' sat op 's vaders scoet,

Ende hadde bliscap groot
Quam die duvel, doe wast genee,
Ende brac hem den hals ontwee,
Ende vordet mit hem ter hellen;
Dus gevielt, als ic telle.

V. Wat segdi van hem die houden 't lant,
Alle dage winnen mitter hant?

A. Nu verstant mi, clerck, van desen
So sulre vele behouden wesen.
Ja, die gene die eenvoudelike
Ende simpel sijn hier in aertricke;
Want si voeden 't folc Ons Heren,
Ende mit pinen si hem generen,
Alsoo 't ons David, die prophete,
Doet verstaen bi Gods behete :
« Die gene die mit sire pinen
Hi voet den lichame sine,
Ende nuttet, als bepijnt es,
Die es salich, sijt seker des. »
Die de pine van sine leden
Nut in sire menscelichede,
Ende Gode daer in es onderdaen,
God sal hem in sijn rike outfaen.

V. Betekent mi, meester, met uwen rade,
Jof God starf dor die quade,
Also hi dede dor die goede;
Des berecht mi dor oetmoede.

A. God, Onse Here, en starf niet
Over dat verloren diet;
Nochtan seit men dat die here groot
Over alle mensche smaect die doct.
Verstant mi, clerck, in dinen moet :
God die storte sijn heilige bloet
Over die vercoorne sekerlike,
Om dat hi se bringen wilde t' sinen rike.
Eer God dor die mensche liet sijn leven,
Was 't folc in so sware sneven
Dat se an den Sone niet wilde geloven,
Eer sine van den live sagen roven
An den cruce dor den mensche,
Om sijn spel te bringen te wensche.
Daer om seit men over waer
Dat hi starf over alle sondaren.

3390 Hi starf oec ende liet sijn leven
Over alle die gene die sullen leven;
Niet over die levende in dien tiden
Dat hi die doot wilde liden,
Ende niet om die doe waren
In der doncker hellen gevaren.
Jhesus sprac selve dese tale :

« Ic liet mijn leven altemale
Dor mine vercorne, wet dat wel,
Van den huse van Israhel. »
Israhel beduut Gods sale,
3400 Scriture betekent ons dat wale;
Die vercorne scape sijn diegone,
Die met hem sellen dragen crone,
Om wien die Gods sone quam,
Ende nam menscelike vorme an.
Hi sprac : « Mijn bloet stort ic saen
Om mijn vercorne, die waren gevaen. » 3430

Dits 't selve bloet dat afdwaet,
Sijn wi vroet, alle onse misdaet.
Die scriture leert ons aldus
3410 Dat die doot Jhesus Christus
En starf anders niet den quaden
Te verdomene om haer misdaden.
Die vermaledide ontsien herde zere
Die doot van Onsen Lieven Here,
Dat hise op hem sal wreken
Om hare besondige treken;
3460 Si sullen in die helscen riviere
Om haer sonden ongehiere.

V. Na dat die vercorne hebben verdient
Dat si sijn Ons Heren vrient;
Twi laet hem God dan, die rike,
Torment gedogen in ertrike?

A. Om dat si sullen te mere loen
Hebben met Gode in den hogen troen,
Om 't fernoy ende om den vaer,
Die si hier dogen over waer.
3470 God wille dat si afdwaen
Die sonden die si hier hebben gedaen;
Want hine wil niet dat die sine
Ginder no hier gedogeu pine.
Jof die vercorne der sonden plegen
In aertricke, ende si daer jegen

Gene penitencie hebben gedaen,
 Sullen si nochtan Gods rike ontfaen.
 Clerc, noch verstant mi bet :
 Gods predestinatie is dus geset
 Dat si behouden sijn rike
 Die 't verdienen in dit aertrike;
 Want het 's aldus bescreven
 Dat si besitten 't ewige leven,
 Die hier penitencie ontfaen;
 Ende des willen achter gaen
 Moeten 't becopen in 't ander lijf,
 Sijn si man ofte wijf.
 Men vint in scripture ter stonde
 Dat God sprac met sinen monde :
 « In mijns vaders huus so staen
 Vele woeninge sonder waen,
 Ende elc mensch na sine pine
 Sel besitten die woninge sine.
 Die dor God meest arbeit
 Sal mit hem hebben meest werdicheit;
 Die dor hem meest pijnt in dit leven
 Wert mit hem meest verheven;
 Ende die minst bliscpen heeft te lone,
 Daer boven in 's vaders trone
 Hem sal dincken dat hire heeft meest,
 So groot wart sijn volleest.
 Niement mach doen die pine gene
 Sonder bi Gods gracie allene,
 Niement en mach met genen dingen
 Van Gode gecrigen woningen,
 Dan hem God ordeneerde, die rike,
 Eer hi maecte dit aertrike;
 Want hemelrike en es niemens niet
 Dan des geens dire omme spiet,
 Ende die gene die Onsen Here
 Ontsteken wille mit sire lere.
 Daer omme en mach geen quaet
 Mensche doen goede daet,
 Sonder bi der gratie allene,
 Die hem geeft 't kint van Nazarene;
 Noch niemen en mach doen pine
 En si bi den wille sine.
 Van elken mensch es Gods wille wel
 Dat hi afsta der sondeu spel;
 Want wil hi der sondeu afstaen

God salne gerne ontfaen,
 Ende oec houden over sijn kint
 Dat hi met alre herten mint.

3480 't Heilige vonnesse hadde God te voren
 Geordineert eer hi waert geboren,
 Ende eer hi maecte wijf of man,
 Wiste hijt al, houts hier an.
 Den mensche maect hi van sconen leden
 Om dat hi in allen steden 3530
 Deen den andren souden minnen,
 Ende over broeder ende suster kinnen,
 Ende doen so hi wilde dat men hem dade,
 So soude God hebben sijns genade;

3490 Want hie wilde niet gedogen
 Dat d'een den andren soude verhogen,
 Ende onder voete leggen ende doen onwerde.
 Wie dat doet, God belges hem herde;
 Of die hordom ane vaen,
 Of die manne doot slaen, 3540
 Of ander sondeliken daden,
 Dies men niet en soude sijn beraden,
 Die wilde besitten 't paradijs,
 Dat werweent es ende jolijis.

3500 V. Meester, bericht mi gereet
 Wat es 's vaders mogentheit?
 A. Soete clerc, verstant wel mi,
 Het 's ene keunnesse waer om dat hi
 Alle dinc voerseit behendelike,
 Die hi maecte in dit aertrike, 3550
 Ende die gescieden van beginne,
 Hier of dar, sijt wel in inne;
 Want gene aertsche creature

3510 En mach comen te geenre ure
 Uten state daer so in was geset;
 Dus is 't bescreven in d'ouwe wet.
 Maer dat vorsien heeft die here vri,
 So heeft hi geordiniert, dat segic di,
 Dat hi bede dach ende nacht
 Te verwandelen hevet macht. 3560

V. Es die doot t' allen stonden
 Ene ziecheit over 's menschen sonden?
 3520 A. Die doot en es t'allen tiden niet
 Gemact om 's menschen verdriet;

Om den goeden mensce is si gemaect
Te comen ter glorien, die soete smaect,
Als hi sceet uter werelt nide,
Die sine ziele hilt in stride.
Also lange als hi hier regneert,
Raet die duvel datter zielen deert;
Daer om was gemaect die doot,
Die salige te bringen uter noot,
Ende daer na te Gods rike comen,
Daer geen ende wort genomen.
Ic rade elken mensch te siene,
Ende om dese glorie te verdiene.
Clerc, die doot es oec gemaect
Dore den sondare ongeraect,
Die altoes pijnt nacht ende dach
Hoe hi sinen wille volbringen mach
In sonden ende in quaetheden,
Om te vorderen sine vule zeden;
Dese wille God ter werelt niet laten
Omdat si doen den goeden onbate,
Ende hars selfs ziele scaden
Mit haren sondeliken daden.
Desen geeft God die doot,
Dat es der jamerliker noot,
In de helle mitten duvelen wreet
Ter pinen die nemmermere vergeet.
Van deser pine, van deser noot
So verde ons die Here groot,
En moet ons bringen in sijn rike,
Dat geduert ewelike.

V. Nu segt mi, meester, in welker maniere
Dat siec worden die wilde dieren?

A. Nu merct, clerck, al sonder ducht,
Si worden siec vander quader lucht.
Het sijn oec scercklike
Negeen beesten in dat aertrike,
Die siec sijn en die doot ontfaen,
En es bi Gods wille gedaen.
Al sterven beesten ende dieren
Dicke elke na sire maniren,
Sine hebben der zielen twijnt
Na hare doot, dat wel bekint;
Want die geest die si hebben in
Sterft mitten vleesch meere no min;

Ende alle beesten waren gescepen
Om des menschen nutscepen.

3610

V. Bericht mi, meester, mit allen
Gescien alle dingen bi gevalle?

3570 A. Clerck, bi gevalle sciet twint,
Maer bi Gods wille, dat bekint,
Ende bi ordenacien uten vader,
Uut wien spruten alle dinc te gader.
Dit mogen wi merken alle dage,
Beide an vriende ende an mage.

V. Meester, waerom gesciet dat,
Dat kerken verbernen ende heilige scat? 3620

3580 A. Clerck, men vint gescreven werlike
Dat hier in aertrike
Gesciet dinc sonder redeue geen,
So wat het si, groot of clenck.
Dicke gevalt dat kerken of clusen
Verbernen ende ander Gods husen,
Daer dat goet qualic was gewonnen,
Daer si mede waren gebonden.
Als 't kerkelike diet sondelike leeft,
Gevalt dicke dat die kerke sneeft

3630

3590 Om dat si hem souden castien,
Ende haer sonden te het belien.
God geeft oec den weerliken mensch
Om dat sine dingen gaen te wensch,
Om dat hi hem soude bedincken
Van dingen, die de siele versincken,
Ende pensen dat hem doet die scade,
Dat es om sijre zielen genade.
So wat die mensche te rampe heeft
Dancke emmer Gode dat hi leeft,
Met goeder herten, met bliden sinne,
So blijft hem Gods bliscap inne.

3640

V. Gi segt : God es vol genaden;
Twi staet hi dan niet in staden
Hem, die haren tijt leiden in sonden,
Dat si ter hellen niet werden vonden?

A. Nu verstant, clerck, wat God doet;
Hi toent den mensch ontfermige moet,
Die hem selven kennen in armoden,
Ende hem dancken mit oetmoede;

3650

God es outfermich op hem lieden,
Die bekennen hare quaetheden,
Ende diere vroet of willen staen,
Ende gewillige penitencie outfaen,
Ende vroet ter doget sijn gereit;
Hem geeft hi sine onfermicheit;
Maer die doecht wanen hebben in,
Ende te verre betrouwen haren sin,
So dat si hem daer op verlaten,
Ende hem selven doen gene bate;
Dese bedriecht hare fierhede,
Ende verliesen Gods outfermichede.
Niement soude wesen te fier
Om weldaet die hi doet hier;
Want gene weldaet blijft ongeloeft.
Elc sie dat hi hem selven niet en hoent
Mit fierheden of met andren sonden,
Die sine ziele mogen wonden.
God geeft den gerechtigen lieden
Sine giste ende sine miede;
Sine doecht gaet ter werelt dure,
Ende besnijt elke creature;
Want hi scinen doet wel clare
Sine sonne op menige sondare,
Ende voet hare lieder lede,
Ende sent hem reyn, ende dan mede,
Ende ander menige scoen teyken,
Daer hi sine macht doet aenschijn.
Dus toecht hi sine outfermichede
Dagelix an de menschelichede;
Ende na dien dat God es gerecht
So dade hi den duvel onrecht
Opdat hi hem name die gone,
Die geenre weldaet sijn gewone.
Hi laet elken gebruiken 't sine,
Is 't in den hemel of in die pine,
Daer hiet hi gerecht coninc;
Want hi beghert gene dinc
Dan hem toe comt mit rechte;
Dus bliven die duvelen sijn knechte.
Nu laet ons pinen ende clagen
Dat wi sine hulde bejagen.

V. Lieve meester, leert mi merken
Te kennen die goet sijn in 't gewerke,

Of die fel sijn van naturen?
Dat wist ic gerne, mocht mi geburen.

A. Nu verstant mi, clerck gereet,
Die gerechtige hebben in hem sekerheit:
Sine sijn niet in hare ansichte
Fel noch suer, seit 't gedichte. 3700
Goede maniere sonderlinge
Hebben si in haer wandelinge,
Ende van soeten worden altoes;
Want si sijn al sonder loes,
Ende hebben menigerhande doget,
Daer haer evenkersten bi verhoget.
Die poertieren sijn in haren sin
Hebben vele quaetheiden in;
Donckere ansicht hebben si,
Mit valschen opsien, dat segic di. 3710
Ter quaetheit dapper ende snel,
Traecht ter doecht, dat wet wel.
Dat over quade venijn
Dat hi draecht in 't herte sijn,
Mit quaden moede bedenckelike
Dat stort hi uut grammelike.
Fel sijn si oec van gelate,
Beide in huus ende op ter strate,
Snauwende op meisniede, op wijf;
Dit 's die maniere van den keytijf. 3720

V. Meester, hebdi yet ondervonden .
In hoe vele 's menschen sonden
Hier ter werelt worden vergeven
Van Gode, die ons gaf dit leven?

A. Clerck, bi VII manieren segic di,
Wert die mensch van sonden vri :
Doopsel, is 't eerste begin,
Dat vele doechden bringet in;
Want het dwaet of 's menschen sonden,
Daer hi mede es gebonden, 3730
Tot hi heeft die heilige dope,
Die God cochte te diere cope.
Wie niet wert gedoopt in sinen name
En heeft van sinen rike gene vrame.
Gerechte biechte es d'ander graet,
Mit penitencien, diere toe staet,
Als wi vinden van Davite;

Die se wel doet wert van souden quite.

Martelie 't lichame es die derde,

Die doet die ziele grote verde

Jeguen den fellen Luciferre,

Dat hire dick om es erre,

Als hem die siele daer mede ontgaet,

Ende comt in des hemels staet.

't Fierde is van berouwenesse der tranen,

Dat bluscht die sonden, so ic wane,

Ende brinct die ziele ten hogen rike,

Dat geduren sal ewelike.

't Fijfte is mit almossen te done,

Also men ons seit in den sermoene;

Also blust dwater 't vier;

Also blust daelmossen de sonden hier;

Also men gevet mildelike

Om den Here van hemelrike,

Daer omme worden oec verlaten

Vele sonden utermaten.

't Seste es dine evenkersten te vergevene

Dat hi misdoet in dit leven;

Also God vergaf sine doot,

Doe hi dogede die pine groot;

Want God spreekt dat si sijn

Salich die haren evenkerstijn

Dor Gode vergeven sine misdaden;

Onse Here sal sijns hebben genade.

't Sevende ponte is gemate,

Mit gerêchter karitate;

Want si es der doechde vrouwe,

Ende verloest die siele van allen rouwe;

Want men seit t' allen stonden

Dat so bluscht tsmenscen sonden.

Dit sijn die goede poynte VII,

Die ons bringen van allen sneven.

V. Noch so segt mi, meester sijn,

Hoe vele dat vonnesse sijn?

A. Clerc, 'II' hoerdic bedieden

In scrifturen voer den lieden.

V. Meester, somme seggen gemene

Dat maer een vonnesse es allene?

A. Clerc, daer moeten ummer 'II' wesen :

Deen es biechte, die ons doet genesen 3780

Van allen sondeliken daden;

Daer wi mede sijn verladen.

3740 Als een tot den paep seget

Sine sonden, die de ziele verweget,

Dan is die pape der zielen domere,

Ende hi van sinen souden nomere.

Die penitencie es oec mede

Orkonde al der stede;

So wie dat hier die papen domen

Van haren sonden, die tot hem comen, 3790

En worden daer of nemmermeere

Gedoemt vor God, onsen Here.

Het 's bescreven dat so sal comen

Dat God niet twewerf sal domen;

Want hi houter hem gepayt mede,

Die hier die pape doet in sine stede.

Die hem hier in biechten wrogen,

Ende hem te penitencien voegen,

Worden ten jonxsten dage outladen

Van alleu sondeliken daden. 3800

S' Pauwels seit, dat heilige diët :

« En doemen wi ons selven niet

3760 In rechter biechten voir die pape,

Weder het here si of kuape,

Of in wat maniere si sijn van state?

Hare sonden en worden niet verlaten

Ter tijt dat God, onse Here, sal comen

Mit siuen jongeren die werelt domen. »

Ten doemsdage sal daender sijn,

Dat seget ons scrifture sijn;

Daer wert geexamineert gewerlike

Al dat ye quam in aertrike.

Daer sal God recht rechter wesen,

Dat seggen die 't hebben gelesen;

Daer sal die duvel t' allen stonden

Wroeger sijn van 's menscen sonden.

Diere dan mede worden bevonden

Worden in de helle gebonden.

God sel seggen : « Vermaledijt si di hier;

Gaet in dat ewige vier,

Dat u sonder ende sal pinen! »

Dat sal hi seggen tot den sinen :

« Comt, gi gebenedide, te hant

Tc mijns vader rechter hant,

Ende ontfaet daer sine glorie, 3810

Die soete es boven alre memorie,
Die u sal geduren sonder sijn. »
Dit sel der saliger loen sijn.
Nu sie elc, jonge ende oude,
Dat hijt niet verliese bi sijre scoude.

V. Meester, dat u God geve al goet,
Is penitencie aver toe goet,
Alset die mensch also staet
Dat hi die sonden niet en laet?

A. Clerc, verstant ende hore na mi;
Een exempel so segic di.
Nu verstant wel mijn bediet :
Gelijke dat arsater niet
En mach genesen te genen stonden
Des menscen diepe wonden,
Eer dat yser, al sonder waen,
Uut sinen wonden es gedaen,
Ende binnen en buten gedwegen,
Mit saken diere goet sijn jegen;
Also en helpt penitencie niet,
Also lange als men der sonden pliet;
Maer wil men der sonden afstaen,
Die penitencie, die men heeft gedaen ,
Sal hem dan comen te baten,
Als men die sonden heeft gelaten;
Want so ons seit Solomoen
Van den genen die sonde doen,
Dat si sijn scalke sekerlike
Der sonden alhier in aertrike;
Niemen mach mit genen saken
Den besondigen scalc vri maken,
Sonder met weldaden allene;
Die mach men vri maken ende rene.

V. Meester, bericht mi gereet
Van den onvroeden 't ondersceet?

A. Clerc, verstant mijn bedieden;
Drie manieren sijn van onvroden lieden :
t' Eerste es onwetentheit van zinne,
Als hem die mensch niet wilt bekinnen
Wat dat hoert ten gelove,
Ende hout hem vaste in duvels rove,
Ende niet te kerken wille gaen,
Daer hi 't gelove mach verstaen.

Dese sijn ter werelt so verwerret
Dat God op hem es vererret. 3870
Van dustanigen lieden seit die prophete
In den souter, bi Gods behete,
3880 Dat haer woerde sijn quaet ende loes,
Ende haer leven valsch ende boes;
Want sine willen niet bestaen
Euige doecht, noch anevaen.
Desen worden niet vroet van zinne
Ten jonxsten dage, so ic kinne;
Want si veronwerden die weldaden,
Daer om en sal gescien gene genade, 3890
Ende hare pine sal dobbeleren
In de helle, sonder cesseren.
O mensce, onwetende van sinne,
3840 En verlies niet die Gods minne
Om 't quade goet van aertrike;
Maer pine altoes om Gods rike.
Dander onwetentheit van lieden
Is, die Gods lere horen bedieden,
Ende al eest dat sijt verstaen,
Sine laten 't niet in 't herte gaen, 3890
Ende en soeken niet Gods gewerke
Te sermoen noch in de kerke.
Dese bliven vermaledijdt mede
3850 Of en doe Gods ontfermichede.
Ons seit Jeremie, die prophete,
Die 't voerwiste, bi Gods behete,
Dat si hem meer te quaetheden
Gereden dan ten goeden zeden.
Bi redene prove ic dit
Daer 't folc zwaerlic of es besmit; 3900
Want hadden si van cledren berste,
Ende oec hunger of dorste,
Si souden hem pinen mere
Om te gecrigen haer lijfnere;
Sone beiden si niet toter stont
Dat men 't hem stake in de mont.
Omdat die ziele is beter dan die lichame,
Waren wi sculdich te doene hare vrame
Om hare te bringen ten leven,
Dat ten zaligen es gegeven. 3910
Die derde onwetentheide van lieden,
Die willic u al hier bedieden;
Dat sijn die so beestich sijn van sinne

- Dat sy gene doecht hebben inne;
Waut wat men hem seit met monde
En connen si twint gegronde;
Want si en connen goet noch quaet.
Dese vinden voer Gode ofelaet;
Hare dulheit ende haer blame
Quam hem van den eersten Adame; 3920
Want en hadden sine sonden gesijn,
Wi souden te male behouden sijn,
Ende hadden vol van docchden gewesen,
So wi in schrifturen lesen.
Hierom radic elken ter vaert
Dat hi die sotte niet veronwaert;
Want hire die helle an mach winnen,
Wille hijs hem niet bekinnen.
- V. Wat loen sal hebben die sondare
Van sinen sonden, maect mi clare? 3930
- A. Van den weldaden, die hi heeft gedaen,
Sal hi emmer loen ontfaen,
Eest in dit leven, sijt 's gewes,
Of in 't ander, dat beter es.
In dit te wesen rike van goede
Dat hi hier hout in sier hoede,
Of dat sine name wort geëert
In hoecheiden ende gemeert,
Dit es die loen in dit leven,
Die God den sondare pleget te gevene, 3940
Ende in die helle wort oec sijn pine
Te minder om sijn weldaet sine.
God, die here is van den trone,
Geeft elken sonderlinge lone
Na sine verdiente in hemelrike,
Of in de helle wrake des gelike.
Die in de helle minste pine heeft,
Hem dinct datti meest sneeft,
En donslichste is van hem allen,
Die daer in de helle vallen. 3950
In den hemel eest niet des gelike;
Want daer besit elc sijn rike.
Elken 't sine soe wel genoecht,
Alsoot onse here heeft gevoecht;
Die minste heeft van 's vaders trone
Want sijn van den meesten loen.
Soe wel genoecht elken 't siue,
Ende dat comt al bi Gods ausciue.
- V. Meester, wat segdi van den gonen,
Die pelegrimagen sijn gewone 3960
Te doene t' Aken of t' ander stede,
Daer sijt beloven mit haesticheden?
- A. Het ware beter dat men 't gelt gave
Den armen ende daer mede lavede,
Dan sijt verteren achter straten,
Daer 't hem luthel count te baten.
S' Daniel bevroet ons des
Wie dat sonder hoeftsonden es,
Ende den Heiligen Geest hevet ontfaen,
Die mogen pelegrimagen gaen. 3970
Ja, met haren properen goede,
Dat hem es comen van goeder hoede,
Of hebben gewonnen mit labure,
Ende onder hem es worden t' sure,
Ende dan deilen van dien goede
Diegene die hebben armoede,
Die op hem roepen ende kermen;
Diere sullen si van herten ontfermen.
Dese sijn die in de heilege kerke 3980
Delachtich werden mit haren gewerke,
Ende oec bidden in den wech mede
Om alre hande zalichede.
Dustane pelegrimage es goet,
Dat weet ic wel in minen moet.
Vond men lieden diese dus daden
God soude hem doen genaden;
Maer diese doen om prijs ende lof,
Dese hebben haer loen daer of
Op den wech t' siene diverse dinge,
Of si vinden sonderlinge 3990
Busschen, merscen, castele ende port,
Ende ander dinc weder ende voert.
Ende t' etene sonderlinge spise,
Die si vinden in menigerhande wise,
Daer in nemen si haren loen;
Maer desen wech es al hoen,
En en baet hem niet een twint,
Also men bescreven vint.
Die oec pelegrimagen beginnen,
Ende 't goet mit woeker winnen, 4000
Of mit causeren of mit liegen
Pinen hem Gode te bedriegen,
Ende si worden Gode also bequame,

Ende sinen sancten also gename,
Also Herodis was den wiven,
Wies kinder hi dede ontliven,
Ende mit sinen bloedigen handen
Hem lieden sloech mit haren tanden.

V. Meester, wane quame die gebode,
Die men hout van den afgode?

4010

A. Clerc, uten torre van Babel
Quamen deerste afgode wet men wel.
In dien torre was gemaect werlike
D'eerste coninc van aertrike;
Nemroth was sinen name :
Hi dede maken een beelde bequame
Scone ende suver van finen goude
Om dat 't folc dat aenbeden soude.
In 't ende dwanc hi sinen vader
't Folc te aenbedene alle gader;
Alle die gone die tot hem quamen
Anbeden hare afgoden t'samen,
Also deden si oec te Romen, sonder spot,
Anbeden si Romeluse, haren afgod,
Ende aldus waren die afgode
Eerstwerpen verheven boven;
Ende die duvelen daer na quamen
In der afgoden lichamen,
Ende spraken uut hem openbare
Ende bedrogen de liede claer,
Ende noch alle dage doen,
Die hem houden an haer sermoen.

4020

4030

V. Meester, segt mi, dat u God lone,
Waer staet die torre van Babilone?

A. Verstant, clerc, ende niet en laet,
Daer nu die grote Babilone staet,
Die boken seggen ons aldus
Datten dede maken die coninc Semiramus.
Het waren gigante, die maecten 't so vast;
Want sinen wilde gene gast.
Si waenden hebben so hoech gemaect
Dat hi ten hemel hadde geraect,
Ende waenden also Gode gekrigen;
Mer haer waen moesten bliuen.
Daer sende God onder hem lieden
Talen van ·LXXII· manieren;

4040

Doe verstont niemen anders tale;
Dus bleeft achter toren ende sale.
Die tor was lanc, wijt ende so gedaen
Dat hi ·XL· milen hadde bevaen. 4050

Noch so volget daer meer na :
Die muer was hoech ·XLIII· stadia,
Ende elc stadia, wie dat vondert,
Hout passie ·XXV· hondert,
Ende elc passie, als ic bescrive,
Die so hout voeten vive,
Ende elc ·XXV· stadie maken die mile,
Die hout ·II^m· passie, sonder gile.
Ten naesten dat wijt seggen mogen,
So was die muer ·IIII· milen hoge, 4060

Des muers dicke soe ic vinde in boeken
Was. C. en. L. gelachten, wies roeke.
Elc gelachte was een vadem lauc,
Die mi seide hebbe'danc.
Men seit dat uut deser stede sal gaen
Een slange, die sal bevaen
Al aertrike mit hare macht;
Dat sal gedogen die Gods cracht.
Het 's bescreven, also wi lesen,
Dat Autkerst die slange sal wesen 4070
Mit worden sal hi venijn
Alle die werelt ende oec pijn,
Ende hem maken aelmachtich God;
Die aen hem geloven die sijn sod.

V. Bericht mi, meester, sonder sneven,
Twi mensce niet mach leven
Achte dagen mit enen male.
Bericht mi dies, so doedi wale?

A. Clerc, hadde die mensce te gere tijt
Honger noch dorst, des seker sijt, 4080
Op dat hi met enen male
·VIII· dage mochte leven wale,
Sone soude hi de lede sine
Niet willen geven t' eniger pine;
Hier om heesten God gescepen
Dat hi mit honger is begrepen,
Ende oec moet dorsten, sonder gile,
Op dat hi heeft enige wile.
Ambrosius seit, die God hadde wert,
Dat honger es een scarp zwaert 4090

Ende dat hi coemt t' allen stonden
Van 's menschen vule sonde;
Daer om gaf hem God in desen
Dat hi van honger bedwongen soude wesen,
Ende gaf den lichame die macht
Dat hi moet pinen met sier cracht,
Ende den duvel daarmede ontgaen,
Diene gerne soude vaen.

Wet dat sonder pine sekerlike
Niemen mach comen in hemelrike; 4100
Daer omme doecht hi honger ende coude,
Ende ander pine menichfoude,
Dat hi Gods rike sel verwerven,
Als hi siere sielen sel derven.

V. Segt mi, lieve meester mijn,
Is elken geset sine termijn
Hoe lange hi hier leven sal;
Des bericht mi van al?

A. Clerc, elc mensce groot ende smal
Is geset hoe lange hi leven sal, 4110
Ende boven sier tijt, sonder gile,
Mach niemen leven gene wile;
Maer elc mensce mach wel sijn leven
Corten voer sine tijt

In vele manieren, des seker sijt :
Eest in water, of in strijt,
Of verbernen in viere,
Of verbeter worden van diere,
Ende verhangen oec met linen,
Dat corten doet sijn termine. 4120
Dustane dingen en sijn niet
Van Gode geset, die 't al gebiet.
Desen slachten den huerlinge,
Die haren loen verliesen met quade dingen

Dat men hem vor tijt orlof geeft;
Dus doet God die qualiken leeft
Hier in aertrike mit vule sonden;
Hi geeft hem orlof vor sine stonden,
Ende cort hem sijn rechte telt 4130
Om die sonden, daer hi in quelt.
Niet dat si alle Gods rike derven,
Die in deser maniere sterven
Sonder penitencie ende confesse;
Dat waer een zwaer lesse;

Maer die sterven in goede memorie
Die varen in 't fier van purgatorie;
Daer sijn si seker van Gods rike
Mitten saligen sekerlike.

V. Segt mi, meester, met uwen moude,
Doet die rechter enige sonde 4140
Om dat hi die quade verdoet?
Des soe waer ic gerne vroet.

A. Ic segt di, clerc, al sonder waen,
Hi dede sonde liet hi se gaen;
Want hi es geset in de stede
Te rechten over die verboerde lede.

V. Doet die mensch enige sonde,
Die se hanct, blint of wonde?

A. Clerc, verstant wel mijn bediet,
Hine doet daer an sonde niet 4150
Op dat hi bevelet 't gerechte;
Hine heefs vor Gode gene plechte,
Is hi mit rechte gejugeert
Omme die quaetheit die hi anteert.

V. Meester, ic soude gerne weten
Die met sonden sijn beseten,
Ende om die sonde gewijst ter doot,
Ende berouwenesse hebben groot
Van haren sondeliken daden,
Of si vinden sellen genade? 4160

A. Clerc, ic sal di berechten sciere :
God es erde goedertieren
Ende ontfermich t' allen stonden.
Als die mensch claget sine sonden
An den here van hemelrike,
Hi vergeefse hem vriendelike,
Ende ontfaen mit beiden handen,
Ende setten in purgatorie te banden,
Ende daerna in den hogen troen;
Dits der berouwenesse loen. 4170

Also purgierde God te hant
Den dief, die hinc ter rechter hant,
Als hi op hem riep genade
Van sinen soudeliken daden.
Hi vergafse hem vriendelike,
Ende senden in sijn vader rike;

So doet hi hem allen, niet hem somen,
Die te genaden willen comen,
Ende ten ende berouwenesse ontfaen;
God, onse here, ontfaucse saen.

V. Twi die juonge kindren bet leren
Dan die oude, dats mijn begeren?

A. Clerc, die jonge hebben nuwe sin,
Daer geen gepens en es in
Van genen dingen namelike
Dan om hare leren eenlike.
Die oude delt sijn gepens
Om sijn goet, haer ende gens,
Bede bi der zee ende bi lande,
Om winninge meneger hande.
Daer omme comet dat si
Niet so vele leren, dat seg ic di,
Also die van haren sinne
Vri sijn ende van goeder minne,
En nouwer om hebben morkelinge
Dan allene om haer leringe.

V. Meester, wisten die propheten te voren
Alle dat si seiden, laet mi horen?

A. Ja, si wel, lieve clerc goet,
Si vorwisten 't al in haren moet.
Twi sijn spraken so doncker, care,
Si en hadden 't bet geset op hare;
Si waren niet sculdich haer gepens
Den lieden te seggen, hare ende gens.
En betaemt niet den wercman, clerc,
Dat hi alle lieden vorseit sijn werc;
Want waer elc sijns wercs vroet,
So en waer si conste nouwer toe goet.
Het waren patriarken die 't fundament
Eerstwerven maecten mit genent
Van der Heileger Kerken allegader;
Dit mogen wi merken bi den vader.
Propheten waren niet ontweget
Die vorseiden 't sacrament, dies men pleget
Bi scrifturen ende bi wetten,
Die de vader hem lieden setten.
D'apostel, die daer na quamen,
Brochtent tgelove alte zamen;
Mit predicacien ende mit leringe

Brochten sijn tfolc te goeden dinge, 4220
Ende leren hoe men die niwe wet houde
Van Jhesus, onse behoude.

4180 Scripture is op dat bescreven
Dat alle die gene die leven
Sullen merken ende verstaen
Wat God dor ons heeft gedaen,
Ende wi moeten houden die gewerke,
Die God gaf die Heilege Kerke
Op dat wi behouden sullen sijn,
Als wi doen onsen sijn. 4230

Die Heilege Kerke es moeder allene
Van allen die hebben doepsel rene;
En soe ne willen niemand ontfaen
4190 Die gene doepsel ane vaen.
God es selve die Heilege Kerke,
Die ons leert mit goeden werken.
Dat dede hi ons wel anscine
Doe hi leet die zware pine,
Ende an den cruce storte sijn bloet
Om ons te bringe in sijn behoet. 4240
Die desen God niet en minnen,
Ende sine werken niet willen kinnen,
Also sterven sal hise saen
Uut sinen ooggen heten gaen;
Ende geven hem d'ewelike pine,
Daer hem altoes in staet te sine.
Op hem sullen sine worden sniden
Gelijke zwerden an beiden ziden.

V. Meester is 't waer, als men seget,
Dat elc sijn engel te hebben pleget? 4250

A. Clerc, elc mensce ende elc poort
Heeft enen engel, die hem toehoert,
Diese achterwaren ende leeren
4210 Hoe si hem van sonden bekeren.
Die engel die de stede wachten
Pinen hem bi dagen ende bi nachte
Dat d'een den andren te rechte hout,
Ende niet verburen bi sire scout;
Ende si elken doen recht ende wet,
Eest an lijf of an let. 4260
Ysidorius, die meester, seget :
Alle dat die ziele te hebben pleget
Heeft enen engel, diene wachte,

- Bede bi dage ende bi nachte,
 Hare te geven solaes ende troest,
 Hem te dienen, die se heeft verloest.
 Dingel vertellen Gode, daer 't al an staet,
 Der zielen doecht ende haer weldaet,
 Ende also starft in die doget
 Soe ontfactse die hemelsce voget; 4270
 Dan es haer ingel herde blide
 Dat hise heeft brocht uter werelt stride.
- V. Twi vertrect dingel onsen sceppare
 's Menscen weldaet ende maecse marc,
 Ende hi selve alle dinge weet;
 Des bericht mi gereet?
- A. Clerc, verstant mi ten wensce :
 D'engle dienen den mensche,
 Ende bringen die weldaet also saen
 Voor Gode, als sise hebben ontfacen. 4280
 Oracius, die meester, seget
 Dat d'ingel Gode te seggene pleget
 's Menscen doecht ende sijn gewin,
 Eest dat hire genoechte hevet in.
 Van onsen weldaet dancken si eenparlike
 Gode, den Here van hemelrike;
 Ende si bedroven alsoe sere,
 Als hem die menschen te sonden keren,
 Ende hi den duvel dienen gaet,
 Daer hi die helle om ontfact. 4290
 Maer dewangely seit ons dat,
 Als die mensce es besmit
 Met sinen quaden vulen sonden,
 Die de arme sielen wonden,
 Ende hi dan te biechten gaet,
 Ende penitencie daer of ontfact,
 Ende hi se doet met goeder herten
 Over die sonden, die sere smerten;
 Dan so verblijft sijn engel sere,
 Ende danckes Gode, onsen Here, 4300
 Dat hi den duvel es ontgaen,
 Die hi was worden onderdaen.
- V. Meester, of die engel eenparlike
 Mitten mensche sijn in aertrike;
 Wanneer comen si voor Gode,
 Daer si houden sine gebode?
- A. Clerc, als die mensce heeft te doene
 Van sinen engel om te maken soene
 Van sinen fellen zwaren zonden,
 Daer hi mede es gebonden, 4310
 Ende hi sinen engel begaert,
 Dan comt hi neder metter vaert.
 Mit enen wensce so comen si
 Die mensce te maken van sonden vri
 Van den hogen troen hier neder;
 In corter stont keren si weder,
 Als si den mensch hebben beraden
 Van sinen sonden ende ontladen;
 Ende haer glorie en es niet te minder
 Waer dat si sijn, hier of ginder. 4320
 Gods glorie ende sine gichte
 Scouwen si ende sijn ansichte
 Van hier beneden in aertrike,
 Alsi waren in hemelrike.
- V. Meester, berecht mi ten wensch,
 Heeft die duvel macht over den mensch?
- A. Clerc, verstant ende wes vroet :
 T'elken dat die mensce misdoet,
 Die duvel bescrivet also saen
 Als hi die sonde heeft gedaen. 4330
 Dan temteert hine voert
 Om te brengen in mere moert,
 Mits den sonden heeft hi over hem macht
 Bi den gedoge des Gods cracht,
 Ende trect ons emmer te quaetheden;
 Dus heeft die mensch luttel vreden.
 Danne vertrect elc Luciferre
 Met groten scerne 's menscen werre,
 Ende sine sonden blidelike
 Daer hi mede verboert hemelrike; 4340
 Maer als die mensche weder staet
 Die sonden, die de ziele verslaet,
 Mit biechten ende met weldaden;
 Dan comten sijn ingel beraden.
 Dan worden die duvelen in corter stont
 Geworpen in der hellen afgront
 Van sinen oppermeister in groter werre,
 Ende waert op hem herde erre,
 Om dat hem die siele sijn ontgaen,
 Die hem te voren was onderdaen; 4350

Om dat die mensch liet die sonden,
So blijft hi in de helle gebonden;
Want God wil niet gehingen
Dat die duvel mit enige dinge
Den goeden mensch meer quellen
Daer hine mede bringt ter hellen;
Maer die mensce die t' allen stonden
Vaste blivet in sinen sonden,
Ende hem niet wille ter doget keren,
Die verliest die hulde Ons Heren,
Ende die helle sal siue wesen,
Daer hi nemmermere mach genesen;
Dan sijn die duvelen in groten rivele
Dat hem die ziele es worden te dele.

V. Meester, berecht mi dan ter stede,
Ende segget mi die waerhede,
Of si 't fat der kersten lieden
Mogen besitten; wilt mi bedieden?

A. Clerc, sine mogen te gene termine
Besitten 't fat der suver kerstine,
En si dat hem wille orloven
Die hoge ooninc van hier boven.
Wat hi doget, dat verstaet,
Dat een wort gepijnt om sijn weldaet;
Dat comt hem daer na te groten lone,
Dat hi wederstaet des vians bone
In penitencie ende in weldaden,
Die emmer blijft in goeden staden.
Betide heeft oec die duvel macht
Van den ingel, die den mensch wacht, 4380
Dat hi den quaden mensch maect ongesont,
Ende neemt hem 't lijf in corter stont;
Dat comt bi den vulen sonden,
Die hi doet te meniger stonden;
Dan leet hine onder die sine.

.
's Goets menscen lichame is gewiet,
Gelijke den tempel die God vriet,
Ende sacreert mitter heileger dope;
Des wi mogen sijn in hope.
Bi olye, hi kersme, sonder waen, 4390
Sijn ons vele sonden afgedaen;
Want die Scripture seit aldus
Dat die tempel Jhesus Christus

Es die goede kersten mensche,
Als hi sijn spel set te wensche.
In desen tempel rust t' allen stonden
Hi, die mach vergeven sonde,
Dat es Jhesus, onse behout,
Die af dede onse scout,
Mit sire zware bitter doot; 4400
Dancken wijs hem, wi hebben 's noot.

4360 V. Segt mi, meester, mit genuede,
Helpt yet den mensche in sijn ende
Dat hi die olye ontfaet,
Als hem die doot ane gaet?

A. Ja soe, clerc, al sonder waen :
Die penitencie hebben gedaen,
Ende in berouwenesse sterven
Si helpt hem Gods rike verwerven.
Die olie es een sakerment, 4410
Dat den duvel sere verblent,
Ende leet die siele uter helle pade,

4370 Mits haere ander weldaden;
Alsoe sceet uten lichame
So hefser of grote vrame.
Hem waer beter sonder waen
Dat hi geen olye hadde ontfaen,
Die mit hoeftsonden es geladen,
Want so hem niet staet in staden;
Maer dagelix sonden doet si af, 4420
Als die wint doet vliegen caf.

V. Berecht mi, lieve meester goet,
Is penitencie iewer toe goet?

A. Doet een mensce ten lesten stonden
Penitencie over sine sonden,
Ende grote berouwenesse hevet
Van den sonden, daer hi in clevet,
Die vindt emmer ontfermicheit 4430
An Onsen Here, vor waer geseit;

4390 Want ons leert die Scripture,
Wanneer ende te welker ure
Dat een versucht om sine sonden,
Ende genade bidt t' allen stonden,
So salse hem wel vriendelike
Die Here verlaten van hemelrike,
Ende setten in den wech te hemel waert,

Daer hi sal comen al onvervaert;
Dat 's in vier der purgatorie.
Dat seggen die heiliger liede memorie
Dat men die vule sonden hier
Af moet doen in 't vagevier.
Noch segt ic di, sonder vragen :
Die gene die hier haer sonden dragen
Totten ende, ende die wille laten niet,
Die sonden laten in 't verdriet;
Bi di waende hi langer leven
Sine hadden die sonden niet begeven;
Maer die quade vule sonden
Laten den mensch ten lesten stonden; 4480
Dan willen si niet langer sijn
Mitten sondare, dats ansijn.
Dit sijn die hare sonden vercopen,
Ende altoes ten sonden lopen,
Ende hem selven niet willen reden
Jegen dat zware henesceden.
Van desen is 't geaventuert
Sine hebben Gods rike verbuert.

V. Berecht mi, meester, wijs man,
Wanne dat d'eerste sonde quam ?

4460

A. Clerc, van den beete die beet Adam,
Daer hi om uten paradise ran,
Daer af quam ons d'eerste val,
Ende dit grote ongeval.
Oec isser ons af comen die doot,
Die den mensce doet pine groot.
Clerc, verstant mine gebode :
Ic segge dat sijn drie dode,
D'een hebben die kinder clene;
D'ander die jonge liede gemene;
Die derde die oude liede gedogen.
Dus hebben wise alle drie vor ogen;
Elc hevet sine pine sonderlinge
Vander doot hi Gods gebinge.

V. Berecht mi, meester, ic hebs hope,
Mits dat die sonde ende die cope
Werden vergeven ten lesten stonden,
Ende die doot es 'I' pine van sonden;
Twi laet God die vercorne kerstine
Die doot gedogen ende die pine?

4480

A. Clerc, hadde God den mensce gegeven
In den vonte onsterfelike leven,
So soude die mensce gebrekelike
4440 Hebben geweest narstelike.
't Doopsel om d'onsterfliche
Te gecrigen, oec daer mede
Gegeven so heeft God gemene
Elken mensce die doot allene,
Ende dat haer niemen mach ontgaen,
Hine moeder of sijn gevaen. 4490
Nu verstant, clerc, sonder hoen :
Te meere pijn, te meere loen,
Die meest pinen heeft in aertrike,
Ende des danct Gode van hemelrike;
Sinen loen sal wesen twivout,
Dit gelove vaste hout,
Also wi bescreven lesen :
Sone macher niement behouden wesen,
Of hi en si anderwerven geboren.
4500 Dat bediet doopsel, als wi horen.
Wie doopsel in de vonte ontfaet
Heeft van Adams sonden aflaat,
Ende es geset in den wech mit eren
Te comen ter blijscap Ons Heren,
Ende macher bi winnen saen
Die glorie, die niet mach vergaen.

V. Meester, ic hoerde gerne bedieden
Twi dat wilen eer die lieden
So out waren van gedane,
Eer sijn tgelove vingen ane? 4510

A. Clerc, doe wast tgelove so clene
Dat niemen wilde ontfaen doopsel rene;
4470 Hine wiste bede quaet ende goet,
Ende dat den doopsel bestoet.
Het was doe costume mede
Dat men elken 't gelove sede.
Als doe wiste 'I' Sarasijn
Wat sculdich was te doen een kerstijn,
Ende docht hem Gods wet
Beter sijn dan sine Mamet, 4520
So dede hi hem dopen in der namen
's Vaders, Soens ende scheilichs Geest, amen.
Aldus dede sinte Mertijn,
Die in 't gelove wert goet kerstijn.

Nu hevet die Kerke anders geset;
Want vele kinder storven besmet,
Ende mochten der hellen niet ontgaen
Eer dat si doopsel hadden ontfaen,
Ende hier omme is 't jonge kint

Gedoopt eer 't sonde bekint.
Scripture seit ons warlike :
Die ongedoopt verliest Gods rike.
Elc mensch die wil sijn behouden
Moet in 't herte twe poente houden :

Dat 's doopsel ende vray gelove;
Hier in niemant en dove.
Niemen blijft behouden bi den doopsel allene,
Hine hebbe goet gelove ende rene;

Ende 't gelove mach niet sonder doopsel sijn,
Dat seget sinte Augustine, 4540
Of en comtoe sonderlinge

Bi Gods gracen in waren dingen,
Also propheten ende mertalaren,
Die vor Gods geborte gepassijt waren,
Die niet mochten hebben die dope,
Ende storven op Christus hopo.
Hadden sy tijt gehadt in dit leven
Sine waren niet sonder doopsel bleven.

Van dustane seit die scripture
Dat si behouden sijn ter ure. 4550
Men heeft vonden dat gesciede
Van selken ongedoopten diede
Dat si oec hadden oflaet,
Dor 's vaders ende moeders weldaet.

In dewangelii mach men lesen
Dat God, Onse Here, dede genesen
Een maget, die noyt hadde bekint
Van den gelove yet een twint,
Noch diese ter werelt brochte in,
En hadde doopsel meer no min;
Maer also gelovede an Jhesus mede
Dat hi se genas dor haer bede.
Wie vray gelove wille ane gaen
Moet in 't herte ·III· pointe ontfaen.
Wie vraye gelove in 't herte draecht;
Sijn mont toent dat ende gewaecht,
Ende sine werken doen 't anscine
Alomme sine evenkerstine.
Oec moet hi hebben ontferme,

Bede op crancke ende op arme, 4570
Ende getrouwe sijn in siere werke
Sallen minnen die Heilige Kerke.
Clerc, wie dese pointe wel hout,
God sal hem vergeven sine scout,
4580 Als die ziele ente lichame
Sceden sullen mit groter scamen,
Die van andren moeten sceden,
Sonder twivel, onder hem beiden.

V. Lieve meester, wilt mi bedieden
Ende seggen of ter quader liede 4580
Sonden sijn vergeven also saen
Alsi 't sacrament hebben ontfaen?

A. Clerc, in de vonte, dat verstaet,
Vergeeft hem God alle misdaet;
Maer vallen si weder in de sonden,
So dobbelaren si 't allen stonden,
Ende werden weder zwaerlijc bevect
In sonden, daer si uut waren getrect.
God sal seggen mit sinen moude : 4590
« Ic verliet di dine sonde,
Wel onsalich kersten mensec,
Ende dijn spel was comen te wensce;
Maer dor die sonden, daer du quames an,
4550 Bistu comen in den helscen ban;
Daer di in staet te sine
Ewelike, in groter pine. »

V. Bericht mi, meester, te wensce
Of yet deert den goeden mensec,
Dat hi starf haesteliken doot
In desen waerliken noot? 4600

A. Clerc, verstant wel mijn bediet :
Die goede en sterven qualike niet
Na der zielen, dat verstaet,
Hoe dat mitten live gaet.
Wat dode die gerechtige sterven,
Dus soe moeti hemelrike verwerven.
Clerc, vele lieden hebben pine
Dat si jugieren haren evenkerstine
Ter hellen, mit haren worden fel;
Want niemant weet die waerheit el 4610
Dau God, die 't al jugeren sal,
Ten jounxsten dage, groet ende smal.

Ik rade dat elc vorsie sijn sake,
Ende late sijn evenkersten mit gemake.

V. Noch bericht mi, meester vroet,
Of die quade yet es goet
Dat hi hier legge ende bederve,
Ende daerna op sijn bedde sterve?

A. Clerc, wat dode die quade smaken
Sine kennen Gode in gere saken, 4620
Ende haer leven es alte quaet
Om dat si niet belien haer misdaet
Den pape, ende haer vule sonden,
Die se leden ter hellen gronden.
Hare pine, die si hier dogen,
En machse ginder niet verhogen.
Die pine en helpt den quaden niet,
Die altoes der sonden pliet.

V. Meester, helpen die messen yet
Den levende in sijn verdriet? 4630

A. Men heeft vonden te meniger stede
Dat messen ende ander bede
Den levenden heeft goet gedaen,
Als hi in node was bevaen;
Dat heeft men ondervonden wel.
Nu hore hier af ·I· bispel :
Een man was van sinen vianden
In prisone mit zwaren banden,
Ende wet dat sijn wijf plach
Over hem t' offeren op silken dach. 4640
Als die man quam t' sinen wive
Seide hi haer : « Doe ic was keitive,
Gevaen, daer ic zwaerlike lach,
Soe was emmer somige dach
Dat ic was onbonden ende vri;
Maer ic en weet die reden twi. »
Doe hi haer vertrac sine clage,
Doe pensede soe om die dage
Also messen ende gebede
Met offerande over hem doen dede. 4650
Die misse staet oec in staden
Den doden, op dat hi niet te seere es verladen
Mit vulen sonden in de doot,
Niet te zwaer, noch niet te groot;
So mach die messe met offerande

Den doden wel in staden standen,
Opdat die mensce begerte groot
Daer toe hadde voor sine doot.

V. Nu segt mi, meester, ·I· bediet
Of den goeden mensce deert yet 4660
Dat menne graeft buten kerchove,
Ende buten der stede van groten love?

A. Clerc, verstant te dire vrame :
Eest dat men des goeden lichame
Begraeft buten der heileger kerken,
Men sel verstaen ende merken
Dat die ziele niet wort ontfaen
Om quade dat so heeft gedaen
Na die doot ofte oec te voren;
Maer omme die sonden wort verloren. 4670
Als elc goet mensce doet sijn ende
In wat steden dat hi belende,
Die stede es emmer gebenedijt
Daer af ende wel seker sijt;
Want God, Onse Here, die goede,
Wyede die werelt mit sinen bloede,
Daer hi ane den cruce starf,
Ende menschelike dor ons bedarf.

V. Hebdire yet gelesen of,
Of men den lichame in 't kerchof 4680
Begraeft oft der zielen helpt yet;
Daer af doet mi een bediet?

A. Vele lieden begeren ende seggen
Dat si in kerken willen leggen;
Het comt hem dicken in bederven
En si dat si in hoeftsonden sterven,
Helpt den goeden ende staet in staden;
Want si teer worden verladen
Van sonden ende van quaetheden, 4690
Mits den goeden heiligen steden.
Ende mits der messen, die men daer doet
In de kerke, des sijt vroet;
Want goede liede voorwaer
Soe vergadren dicke daer,
Ende vrienden ende mage so men pleget
Comen ten grave, soe men seget,
Ende bidden over haer vriende sere
Den hogen coninc, onsen here,

Dat hi der zielen vergeven moete
 Van haren sonden die zware boete,
 Ende soe saen worde beweget
 Ter glorien, daer men ons af seget.
 Den quaden deert vor waerheit
 Dat men in heileger steden leit;
 Want die duvel, hets t' alre tijt,
 Bede gramscap ende nijt,
 Soe dat si dicke mit groter ouwerde
 Den lichame worpen uter erden,
 Also ic u sel bedieden wel;
 Want dat wilen eer gevel.
 Een bisscop was die Felix hiet,
 Die eens sede ende ne loech niet
 Dat hi een nonne kende,
 Die haer suverhede minde,
 Maer haer tonge was t' allen stonden
 Tspotten ente scernen onbonden;
 Dese starf ende wart geleit
 In de kerke, also men seit.

's Nachts sach die coster die visioen
 4700 Den lichame ontgraven, ende staende doen 4720
 Vor den outaer in ·II· sticken sniden,
 Ende d'een helft bernen tien tiden,
 Ende d'ander helft bleef ongescaet.
 's Dages daer na dat hi op staet
 Vertelde hijt den covente daer,
 Ende leedse vor den outaer,
 Aldus hise bernen sach.
 Op den steen, die der lach,
 Sach men 't litteken van den viere,
 4710 Noch mere noch min in dier maniere, 4730
 Of daer hadde gesijn te hant
 Eens menscen vorme verbrant.
 Clerc, noch bedinge noch ween
 En helpt den quaden niet en sleen.
 Maer verloren so en blijft si niet,
 Die men doet over 't ferloren diet;
 Want so keert op die gone,
 Die der weldaet sijn gewone.

III.

V. Segt mi, meester, uwen raet
 Hoe dat mitter zielen staet,
 Die hier versceden bede gemene,
 Ziele ende lichame mit groten wene?
 A. Ghelijc ·I· brudegom, die wert uut
 Verweendelic om sine bruut
 Mit scone geselschap t' ontfaen,
 Ende mit liefliker gedane;
 Alsoe doen die ingelen scone,
 Die comen uten hogen trone;
 Als die goede mensce is versceden
 Nemen si die ziele ende leden
 Mit groten sange, blideliken
 T'ons liefs Heren hemelrike.
 Dat rike sal hi den genuu geven,
 Dies verdienen in dit leven;
 Maer die ziele die hene gaet,
 Ende sonder weldaet uten lichame sciet
 Die wert oec mit feesten groot
 Ontfaen in d'eeuwelike doot,
 Ende geworpen in der hellen pine;

Daer haer altoes in staet te sine. 4760
 4740 Van der pine verde ons God,
 Die over al heeft gebod.

V. Bericht mi, meester, op minne groot,
 Hos God die sine troest ter noot?
 A. Clerc, dicke gevalt dat
 Dat heilige liede rumen haer vat,
 Die vor haer doot vervaert sijn sere;
 Want si ontsien den groten Here.
 Weet dat een heilig man lach
 4750 Vervaert op sinen sterfdach; 4770
 Na sine doot hi hem verbarde
 In een abijt, ende hi verclaerde
 Sinen jongeren, ende dede hem verstaen
 Hoe vriendelike hi was ontfaen;
 Licht in dien vaer tiden stonden
 So dede hi of sommige sonden,
 Die hi, wanic, vor sinen inde,
 Licht over hem niet bekinde;
 Want bede stille ende openbare

Vertroest God die sijn in vare,
Dat si gene vrese te groot
En sullen hebben vor hare doot.
Een monic was in ·I· covent te samen,
Die Anthonis heet bi namen;
Die themelrike tiden began
Mit vele tranen vort an.

Die scripture hi ondersochte,
Also hi alre beste mochte,
Niet dat hi clergie in scouwe;
Maer alle worden van berouwe
Dat sijn sin daer bi ontsteke,
Als hi selke worde spreke
Hoe hi comen mochte daer boven.
's Nachts na sijn bidden ende loven
Soe quam hem an een visioen,
Ende men sprac te hem : « Reet dijn doen !
God die hiet di hene varen. »

Hi antworde : « En hebbe te waren
Gene troest te vaerne mede. »
Ende men antworde hem ter stede :
« Mac van dinen sonden gescal,
Si worden di vergeven al. »

Doe hi dit eens hadde gehoert
Doe bleef hi in ware vroet.
Ter naester nacht daer naer
Was hem gedaen so groten vaer
Dat hem an quam enen rede,
Daer hi sijn ende in dede,
Ende voer ter glorien van her boven,
Daer die engelen Gode loven.

V. Bericht mi, meester, lieve man,
Welc sijn die volmaecte zielen dan?

A. Clerc, die met genen hoeftsonden
In den ende worden vonden,
Ende die oec houden die gebode,
Die ons sijn comen van Gode.
Die dan doet meer goeder gewerke
Dan gebiet die Heilige Kerke,
Ghelike liede van religione,
Eude maechden van heilegen doene,
Die de werelt laten dor armoede;
Dese sijn in Gods hoede,
Om dat si leiden een zwarer leven

4780 Dan ons die ·X· gebode geven.
Al dusstaen volc al sonder waen
Waert mit Onsen Here ontafen.
Clerc, noch willic u bedieden
Van der oerder der gebuwede lieden;
Soe wie har huwelic wel houden,
Haren loen wert hem wel vergouden, 4880
Ende elc man is sculdich sijn wijf
Te minnen als sijns selfs lijf;
Ende 't wijf oec weder baren man,

4790 Mit alre herten, soe si can.
Ende moeten beide sijn een wille,
Onder hem tween, lude ende stille.
Dit 's d'ordinancie, die Onse Here
Selve maecte mit groter ere.
Soe wat mensche heeft ontafen
Dien bant van huwelic, ende bestaen 4840
Die pine hem dat hijt so houde
Dat hi die ziele vor Gode behoude,
Soe datten God niet en sent

4800 Ter hellen, als hi dit leven ent.
Wie dat desen staet wel hout,
Ende niet brect bi sire scout,
Ende hem wel hout in weldaden
Vor Gode vint hi geuade;
Ende es ter selker tijt geboren
Dat hi mit Gode es vercoren. 4880
Die haer penitencie niet hebben gedaen
Moeten in de purgatorie gaen,
Ende leiden pine vor har sonden

4810 Vort an al toten stonden,
Dat si mogen wesen vertroest
Mit weldaden eu verloest
Van haren vrienden, die na hen bleven
In dese werelt, na haren leven.
Ne maer si sijn nu herde dinne,
Die ane die dode leggen minne, 4880
Ende die aelmossen over hem geven
Van dat hem bleef na dit leven.

4820 Daer om dincken si sere hinderen,
Dic hare ziele bevelen hare kindren,
Die liever hadden een scoep met wine
Dan die ziele van vader ende moeder sine
Uter pinen waren verloest,
Ende met Gode waren vertroest.

Hier om soudē wi keitive
Ons bepeinsen binnen onsen live
Om hemelrike t' ontfane,
Ende op geen aedinge te laten stanc;
Want hebben sijt goet bi den ende
Hem en roect waer die ziele belende,
Al waer se in der hellen gront;
Dit 's groet jamer t' alre stont.
Sulke werden ter purgatorie gesent
So ons scripture doet bekent,
Die werden verloost binnen ·VIII· dagen
Met weldaden, hoer ic gewagen. 4880
Sulke binnen ·XX· dagen ende ·III·,
Also scripture orcont mie;
Sulke sijne in der jaren hondert,
Dit 's waer, wien dat wondert.
Selke moeder oec in staen
Tot dat jugement worde gedaen;
Dese mach sere verlangen
Na deser werelt vergangen;
Want alse haer purgatorie es leden
Comen si ter eweliker vreden;
Der moet ons onnen te commene
Hi die 't almachtich es te dommene.

V. Meester, ic soude gerne vragen
Waer omme dat sijn ·VII· dagen
In elke weke ende nemmeer?
Berecht mi des, ic hebs gear.

A. Verstat, clerc, en bevroet di des
Dat ·III· ende ·IIII· sevene es;
Bi den ·III· dagen verstaen wi gereit
D'almachtige drievoldicheit,
Ende bi den andren dagen te samen
Sijn betekent onser alre lichamen,
Die gemaect sijn van substancien viere,
Dat seit ons scripture al hire.
Drie crachten in den mensch sijn,
Also men vint in 't latijn :
D'eerste crachte es, dat verstaet,
Dat soe heeft wille t' eniger daet;
D'ander dat so met haren rade
Kiesen mach 't goede vor 't quade;
Die derde cracht es sonder waen
Datse gedenckenesse heeft ontfan

Van der godlicheit Ons Heren;
4870 Dit mach men merken ende leren.
In scripture hore ic gewagen
Dat die weke loept ·VII· dagen;
Daer omme willic u visieren
Twi men den lesten dach moet vieren,
Ende eren boven alle die andren;
Om dat men sel ter kerken wandren, 4920
Ende God bidden om genade
Van allen sondeliken daden;
Of die ziele heeft gedaen diinc
4880 Mit haren ·III· giften, die so ontfinck,
Vander drievoldicheit scone,
Die es woenende in den trone,
Dat soere pardoen of moeten ontfan,
Ende voert aen in doechden volstaen;
Ende of die lichame es besmet
Jegen Gods, Ons Heren wet, 4930
Dat hijt op den sondach boete
In de kerke mit goeder moete.
Elc kersten mensche es gebonden
4890 Den sondach te weiren van sonden,
Ende jegens Gode in baten staen
Van dat hi in de weke heeft misdaen;
Want op den gebenediden sondach
Verrees God uten grave daer hi in lach;
Daer bi soudē wi den sondach wel
Van sonden wieren quæt ende fel, 4940
Ende horen sermone ende messen,
Met alle onser verstanneesse.
Die dus doen sullen ontfan
Pardoen van dat si hebben misdaen,
4900 Ende worden te Gode geweget,
Als ons scripture seget.

V. Meester, nu berecht mi hier
Of purgatorie es een vier,
Of wat mach purgatorie wesen?
Nu bevroet mi van desen. 4950

A. Clerc, verstant mijn bedieden;
Ic segdi dat selke lieden
Alhier purgatorie dogen
4910 Om grief, die si hebben vor ogen.
Eest van hongre of van naecheden,
Of van couden an haren leden,

Of onwarscip van magen;
Die dese vriendelike verdragen
Op dat si dancken van desen,
Soe macht wel purgatorie wesen.
Noch es een purgatorie groot,
Die de ziele doecht na der doot;
Maer dese en es niet dier gelike,
Die men gedoecht in aertrike;
Want der purgatorien vier
Gedegede niemant ·I· dach hier,
Al ware hi van stae te hant,
Also haert als die diamant,
Hinc moste dwinen ende sterven,
Ende te pulver verbernen;
Want purgatorie es so heet
Dat artste vier her scade heet.
Bi reden prove ic di dit hier :
Of men scerve ·I· vier
An de want, verstant wel ditte,
Daer die ziele in den purgatorie sitte;
Soe comen her heilege liede te voren,
Dese in dese werelt hadde vercoren,
Ende ere daden ende gichten,
Dese hare purgatorie lichte,
4960 Mit soeten roke, mit troesten goet,
Dat haer pine lichten doet.
Dit doen si dicke, sonder waen,
Tes si der pinen sijn ontgaen,
Ende sitten mitten saligen gesellet,
Daer alle torment is gevellet.
Niement mach Gods rike ontfaen
Vor sine sonden sijn of gedaen
Mit weldaden, hier in aertrike,
Of met purgatorien in 't ander rike.

V. Bi wat reden eest dat comt
Dat God den lichame soe doemt ?
A. Clerc, om dat hi hier veronwerde
God te doen ere ende werde,
Ende hi liever had sine genoechte
Dan der armen zielen behoefte,
Ende hi die zielen te sonden trechte
Meer dan so selve mecte;
Want die ziele soude dicke bestaen
Doecht, wилte de lichame ane gaen.

Daer om wert God verbolgen
Dat die ziele den lichame moet volgen.
Dat radic den meusche gebreckelic
4960 Dat hi sijn vleesce houde soberlic,
Dat sine ziele ten lesten stonden
Vor Gode salich worde vonden.
S' Ambrosius die seget :
« Gelike dat een lants here pleget,
Die op sine viande wille striden,
Wat hi mach mit allen nide, 8010
En als hi hem comt naer
Soe doet hi hem pine zwaer;
Hi bernt hem of die woenstede sine,
4970 Ende daer na doet hi hem mere pine;
Want hine slaet toter doot;
Dat doet hem doen die nijt groot.
Also sel God wreken op den lichame
Die vule sonden ende die blame,
Ten jonxsten dage, als hijt sal domen
Dat van den eersten man es comen. » 8020

V. Meester, hebdi iet vernomen
Hoe vele zielen die sullen comen
Te hemelrike ende worden ontfaen,
4980 Als dese werelt sal te gaen ?
A. Clerc, ic segdi sonder waen
Dat in Gods rike worden ontfaen
Also menige ziele, dat bescreven,
Als ingelen vielen, die waren verheven
Met Lucifer, den overmoeden,
Die leget in der hellen gloede, 8030
Ende die met hem waren verdult;
Als haer steden werden vervult
Soe sel der werelt ende sijn;
4990 Dus ist bescreven in 't latijn.

V. Meester, waer staet die helle,
Daer onsaliger zielen quellen ?
A. Clerc, ·II· manieren van helle sijn,
Daer die ziele in dogen carijn;
D'ene boven der andre gestaen.
Van den ·II· hellen, sonder waen, 8040
Wet dat opperst helle staet
In 't nederste van der werelt graet;
5000 Dat nederste is een put sonder gront,

Dat maect ons scripture oont.
't Opperste es soe vreselic,
Men mach gepensen haer gelijc;
Want haer vier es so gedaen
Dattet niet mach te gaen;
Daer es krijslinge van tanden,
Ende wringinge van handen,
Ende weninghe van ogen
Om den rou die si dogen
In dat vreselike vier,
Dat anxstelike es ende ongebier.
Die nederste put es in d'aerde
Gemaect, mit groter onwerde;
Gelijke dat men den lichame
Mit vleesch ende ... delvet t' samen;
Also delven oec die viande
Die zielen in den put met haren handen; 5060
Want hem mogen gene weldaden
Nemmermere staen in staden.
Hier sach die rike vrecke,
Die broot ontscheiden den Gods knechte,
Lasaruse, den heiligen man;
Dit soe seit ons Sinte Jan.
Daer es een sonderlinge vier,
Dat vreselic es ende ongebier;
Al liep in alle die werelt fonteine,
Ende al 't water dat God doet reinen, 5070
Sone sout blusscen nemmermeere;
Het 's so heet ende bernt so sere.
Noch min geliken hem onse viere
Dan men een screve in deser manire.
Daer es oec vier, des sijt wijs,
Dat couder es dan enich ijs,
Ende bernt so sere sonder waen
Als stro in een oven gedaen.
Al leit men in dat coude vier
Een yser berch, verstant hier,
Hi soude verwandelen wel lise
T' enen coude verbernen yse.
In desen vier hebbic verstaen
Dat daer grote draken in gaen,
Die vreselike sijn ende gopen,
Ende laten die ziele niet slapen
Van der pinen, die si hem doen;
Si gheven hen menigen vul prisoen.

In desen put es sonder wanc
Uter maten zwaer stanc; 5090
Die torment es alte zwaer,
Die de zielen dogen daer;
Die duvelen slaen se eenparliken
Mit yseren roeden jammerlike.
5050 Dus dogen si dach ende nacht gereet
Menich torment ende menich leet,
Ende alle pine es hem vor ogen,
Die dese pine moeten dogen.
Noch soe es daer een torment,
Die si dogen al ongehent, 5100
Dat es deemsterhede soe groot;
Men mach gepensen haren noot,
Ja, soe dicke dat men se tasten mach,
Ende die geduret nacht ende dach.
Dat om die sonden daer si in bleven,
Als si lieten dit aertsce leven;
Dese sonden sullen sonder waen
Ten jonxsten vor har hoeft staen.
Daer brieschen die duvelen mit monden
Dach ende nacht t' allen stonden, 5110
Gelijke stieren, die sijn verwoet,
Ende altoes qualike gemoet.
Daer toe sijn der zielen handen
Gebonden met yseren banden,
Die heet sijn gelike den viere;
Dit es pine ongehiere.
God late dier pine ontgaen
Alle die kersten sijn gedaen.
V. Ay, meester, es u yet bekend,
Twi die ziele dogen sulc torment? 5120
A. Dat si 't geslachte van hemelrike
Soe onwerden in aertrike;
Dies wille God dats die viande
5080 Veronwerden ende doen scaude;
Want alsi waren in desen live
Veronwerden si die Gods keitive;
Ja, mitten vier der onreinichede,
Datter zielen bejaecht onvrede
Mitten duvelen in 't helse vier,
Dat vreselike es ende ongebier, 5130
Ende waren vercout in de doecht al;
Des si besitten 't helse dal.

V. Meester, wie sijn die in der hellen
Gepijnt sijn ende dus quellen?

A. Clerc, in desen zwaren torment
Sone es el niemant bekent
Dan die haer lijf in hoeftsonden enden,
Ende haer misdaet niet en bekenden;
Also hoverdige ende nidige mede,
5140 Ende luxurie ende gierighede,
Ende die de lieden raden van bachten,
Dies hem niemant en can gewachten,
Ende hordom doen ende valschede orconde,
Ende altoes quaet spreken mit monde,
Ende hem oec van haren sonden
Niet biechten te gene stonden,
Ende gene weldaet willen ane gaen
Over die sonden, di si hebben gedaen;
Dit sijn si die worden bekent
Mitten duvelen in haer torment. 5150

V. Berecht mi, meester, lieve geselle,
Wie is die rechter van der hellen?

A. Clerc, ic saltu seggen nu :
Lucifer es daer baeliu,
Ende die duvelen, die met hem vielen,
Die tormenten 's menscen zielen.
Van Gode hebben si die macht
Die zielen te pinen nacht ende dach
Vor hare quade vule sonden,
5160 Daer si mede waren bevonden.
Dit sijn die rechters Ons Heren,
Die de quade tormenteren
Mitten helscen vier heet,
Dat hem altoes es gereet.
Clerc, ic segge dat men seget
Dat 't uterste vier van der hellen pleget
Lichter te bernen sonder waen
Dan stro, dat in den oven es bevaen;
Ende t' selker stede, des sijt wijs,
5170 Soe is 't couder dan enich ijs.
Die zielen die in deser pinen staen,
Die moeten eweliken gaen
Van den vier mit groter coude;
Dus dogen si pine menichfoude,
Ende van der couden de hitte;

Elc es sculdich te merken ditte,
Ende hem te pinen naerstelike
Hoe dat hi come te Gods rike.
Die propheten doen ons gewach
5180 Dat die quade vor domsdach
Sellen die zalige sien in hemelrike
Mit haren ogen sekerlike.
Daer sal 't kint kennen den vader,
Moeder geslachte alle gader,
Ende die salige d'onsalige al,
Doe si sellen leggen in 't helse dal.
Die zalige sellen hebben bliscap groot,
Daer si ontgaen der hellen noot,
Ende d'onsalige droefheit ende toren
5190 Dat si Gods rike hebben verloren.

V. Meester, als die goede gesellen sien
Der quaden groot torment gescien,
5200 Sullen sijs hebben gene ontfermicheit?
Des bericht mi gereit.

A. Clerc, als siet 't kint in de helle der moeder,
Of sinen vader, suster of broeder,
Ende 't wijf haren getrouweden man,
Die soe mitter wet gewan,
In de helle dogen zwaer verdriet;
5210 Si en sullenre een twint op micken niet;
Niet te meer dan si sagen spelen
Visschen in 't water ende velen.
David seit ons, die prophete,
5220 Dit al wiste bi Gods behete,
Dat die goede werden te make,
Als si sullen sien die Gods wrake
Over die besondige zielen,
Die hier in hoeftsonden vielen.

V. Noch segt mi, meester, 'I' bediet
5230 Of die zalige bidden yet
Over die gene die sijn gedaen
In der hellen, mit pinen bevaen?

5170 A. Clerc, en ware niet betame;
Want nemmermeere gene vrame
Noch genaden, dat si u cont,
En wort hem in der hellen gront.
Want men over hem lieden bade
En mochte doen gene stade;

Want haer jugement is comen
Dat hem gene weldaet mach vromen;
Diere in sijn bliver ewelike
Van Gode vergeten in den slike.
In scrifturen hebbic gelesen
Dat die zalige selen wesen
Soe vaste an Onsen Here gevoecht
Dat hem al wel genuecht
't Founesse dat God den quaden
Doet dor haer sondeliken daden.

V. Noch segt mi, meester lofsam,
Eer God in de werelt quam,
In wat hellen waren die gerechte,
Die uutvercoren Gods knechte?

A. Clerc, nu wille mi verstaen,
Si waren in enen stede gedaen
Daer d'een den andren was onbekent;
Maer sine hadden geen torment;
Nochtan waenden si hebben geweest
In de swaerste helle, soe men leest,
Om dat si waren gemeenlike
Gesloten buten hemelrike;
Maer daer na als God gebood,
Ende hi gesmaect hadde die doot,
So brochte hi sine vercorne knechte
Daer boven buten alle gevechte;
Maer die helle en brac hi niet,
Daer inne was 't ferloren diet.
Clerc, die in de nederste helle staen
Waren si in de opperste gedaen,
Hem soude dincken sekerlike
Dat si waren in hemelrike.

In 't donckerste lach die vracke rike,
Doe hi bat een droppel waters oetmoedelijke
Lasaruse, Gods gestade vriend,
Dies jegen Gode hadde verdient.
Lasaruse, Gods vriend, doe sat
In Abrahams scoot, hijs hem bat.
Abrabam antworde ende sede
Den riken vrecken, dat sine bede
Lasarus niet soude horen;
Want hi die al hier te voren
Een luttel van den crumen bat,
Ende du wederseit hem dat,

5220 Ende bussens op hem die honde dine,
Die of litten de roven sine.
Daer omme wert di niet gesent
Mede te minren dijn torment.

V. Meester, kent d'een den andren,
Die in d'ander werelt wandren?

A. In 't uterste vonnesse, so men seit,
Sel elc andren kennen gereit;

5270

Noch so willic di meer bedieden
Dat dan alle die gerechtige lieden
Sullen andren kennen also saen
Dat si in hemelrike sijn gedaen;
Ende haer geslachten ende haer magen,
Ende haer vriende, die si oit sagen,

Die dan sijn in hemelrike,
Sullen andren kennen gewerlike,
Ende har namen ende haer gewerke,
Ende wat si deden dor die Heilige Kerke.

5280

Die quade die in de helle wandren
Sullen oec kennen malcandren,
Ende haer sonden ende haer misval
Sullen si kennen groot ende smal.

5240

V. Meester, die sijn in hemelrike
Bidden si over die sijn in aertrike?

A. Clerc, so ons seggen boeken,
Soe bidden si over die versoeken,
Ende die se mit bedingen openen,
Ende op hare hulpe hopen.

5290

Ende si bidden oec herde zere
Over die dieneu Onsen Here,
Dat se Gode hoede over die viant,
Die den sinen doet groten pant;
Ende dat si mit salicheden
Moeten comen ter hemelsce steden;
Ende of sy sijn in dolingen
Datse God daer uut moet bringen,
Ende sinen vader worden gesent
In den troen daer alle rouwe ent.

5300

V. Meester, hebdi yet gelesen
Hoe daer der goeder bede sellen wesen?

5260

A. Ic seg di, clerc, sonderlinge
Al haer begerte is bedinge;

Ende sine begeren gene dinc
Dan selve wille die hoge coninc.
Al dat si bidden ende begaren
Dat geeft hem God sonder sparen.

V. Meester, die in hemelrike sijn gedaen
Hebben si volmaecte bliscap outfaen? 5310

A. Clerc, ic does di een bediet;
Volmaecte bliscap hebben si niet
Eer leden wort dat jugement;
Dan wort hem vol blijscap bekent.
Si slachten hem die sijn geseten
T' eenre maeltijt, daer si eten
Mit bliscepen ende hebben delijjt;
Also eest mit hem, des seker sijt.
Alsi pensen om hare gewaden,
Die si t' huus lieten onberaden, 5320
Sone doet hem die feeste geen goet,
Als hem dit coemt in haren moet.
Also sorgen die zalige al
Om haer vriende in 't aertsce dal
Hoe si de glorie sullen ontfaen,
Ende den duvel wederstaen.
Als die volmaecte te gader comen
Wert elc blide om 's anders vrome,
Ende dit waert dat jugement
Dat hem vele bliscap wert bekent. 5330

V. Segt mi, meester, sonderlinge
Welc es der zaliger woning?

A. Der zaliger zale es Gods ansichte;
Dat 's volmaecte van allen lichte;
Daer wonen si in die zalich sijn
In dat soete claer ansijn.
Gelijc dat 's menschen sielen leget
In den mensche ende levens pleget;
Soe leeft die zalige ziele rike
In Gods ansijn van hemelrike, 5340
Al sonder pine ende verdriet,
Also ons scripture te seggene pliet.
Die meest sonden heeft gedaen
Die wert vor Gode best ontfaen.

V. Meester, ic warts gerne vroet
Weten die zalige al dat men doet?

A. Die in hemelrike sijn geraect
Weten al dat men in aertrike maect,
Ja, als si willen in haren moet;
Nu verstant, hets di goet. 5350

Noch segic di, wilt nu 't horen,
Die ter purgatorien behoren
Die en weten twint niet
Wat in dese werelt gesciet,
En si dat hem worde bekent
Bi den engel die hem God sent,
Of bi sonderlinge vrienden,
Wien si in dese werelt dienden.
Maer die in de helle sijn geseten
En mogen van der werelt niet wetten; 5360
Niet meer dan ons es bekent
Waer dat die ziele belent.

5320 V. Meester, seg mi sonder sparen,
Die ziele die hene varen
Comen si weder ter werelt yet
Te segne wat hem es gesciet?

A. Die in de purgatorie comen
Mogen niet uut, al sout hem vromen,
Si hadden van haren ingel ontfaen
Orlof, wien si sijn onderdaen; 5370
Maer als si orlof mogen gewinnen

5330 Soe comen si mit allen sinne,
Ende seggen die mensch haren staet
Van der purgatorien graet.
Dan bidden si om weldaden,
Die se daer uut mogen ontladen;
Ende als die weldaet es gedaen,
So wort so verloest saen.

Dan bidt so over hem vaste,
Die se van der pinen ontlaste; 5380
Maer die sijn ter bliscap Ons Heren,
Daer en es geen wederkeren.

5340 Wie daer comt en mach niet uut,
Daer in es een so groot dedut;
Die oec ter hellen sijn gevaren
Mogen hem niet openbaren
Te geenre wilen, in geenre stont;
Sine bliuen in der hellen gront,
Ende gedogen der hellen plage
Daer in toten doemsdage. 5390

Sine mogen gene orlof outfaen
Dor d'ondaet, die si hebben gedaen;
Al scijnt dat si hem verbaren
Die sijn in der duvel scaren,
Hets een duvel in haer gelike,
Oft een ingel van hemelrike.
Om den mensce te bedriegen
Peinsen si alletoes om liegen,
Hoe si den mensce mogen deren,
Ende van der glorie Gods keren,
Die sijn verloren dor haer hoverde,
Ende vielen in groter omwerde.

V. Noch segt mi, meester, t' onser vrome,
Wane dat comt die drome?

A. Clerc, het gevalt wel ode
Dat si dicke comen van Gode;
Als den saligen sel gescien enige dinc,
Soe sent hem die hemelsche coninc
In drome wat hem gescien sal,
Ende latent vor weten al.
Aldus quamt hem in drome te voren
Joseppe, dat bi was vercoren
Here te sijn in Egyptenlant,
Dat scripture wel bekant.
Bi wilen gevallet oec wel
Dat drome comen van den duvel,
Ende brinct den mensche in dolingen,
Daer hi sel vorderen quade dingen.
Dus quam Pilatus wijf te voren
Dat so beletten soude den toren
Tusschen Jhesum, den milden,
Ende die Joden, diene cruceu wilden.
Oec gevalt wel dat men siet
Wat den mensch dagelix gesciet,
Ist in sprake of in horen,
Comt hem gerne 's nachs te voren.

V. Meester, ic soude gerne horen
Waer Antkorst worde geboren.

A. Clerc, nu verstant ende hoert :
In Babiloine, in de grote poert.
Hi sal in hebben 's duvels geest,
Ende vermogen Satanas vulleest.
In de stede van Corosan

Wert hi gevoestert, seit St. Jan,
Ende opgehouden met duvelien,
Ende gequeect mit nigramacien.
Hi sel hem maken Here ende God,
Eude over al doen houden sijn gebod;
Hi sal ·XXXIII· jaer te voren comen
Eer God die werelt sal domen;
Van Caymes geslachte wert hi geboren,
Dat 's der werelt een groot toren.

5400

Over alle die werelt sonder spot
Sel hi hebben sijn ghebod.
In ·IIII· maniren, dus is 't geset,
Sel hi 't folc bringen te sire wet :
In 't eerste sullen hem edel ende rike
Dor sinen groten scat wiken.
Die scat die heeft sijn verloren
Sel hem dan alle comen te voren.

5440

5450

5410

't Gemein volc wert hem onderdaen
Of het sel die doot outfaen;
Hi sel van hoven ·I· vier doen comen
Herde vreselic, hebbic vernomen,
Dat die gene sal verslaen
Die hem niet worden onderdaen.
Papen, clercken groot ende smal
Sel hi uten gelove bringen al
Mit sire overgrote cleergien,
Soe sel hise alle vermaledien;

5460

5420

Alle scripture worden hem onderdaen,
Die der duvelen bestaen;
Alle subtielheit sel in hem wesen,
Also wi bescreven lesen.
't Fierde poynt es dat hi sal
Die van religione bedriegen al
Mit miraculen, die hi sal togen,
Die si sullen sien mit ogen,
Ende sine teeken sullen hem doncken so claer
Dat sise houden sellen over waer.

5470

5430

Hi sel ongedoept op doen staen,
Aldus doet men ons verstaen;
Maer die doopsel hebben outfaen
Sel hi niet mogen op doen staen;
Want God en sal 's niet gehingen
Dat hi soude volbringen
Dat hi se soude doen verrisen
Mit sire cracht, in gere wisen;

Maer den ongedoopten lieden
Sel hi wel mogen gebieden
Dat si dor sijn gebod opstaen;
Als hijt gebiet wert gedaen.
Die levende sellen sinen wille
Alom orconden lude ende stille;
Dus wert hem al onderdaen,
Dat die werelt heeft bevaen.
Daer na sal Lucifer comen,
Also als ic 't hebbe vernomen,
Ende sel in een onsuver vat gaen,
Dat noyt doopsel hadde ontfanen,
Ende sal hem doen prediken sijn gebod.
Hi sel seggen : « Du biste God
Waarachtich, dat weet ic sonder loes. »
Dus worden die liedre radeloos.
Vele tekenen sal hi togen,
Ende den volke leggen vor ogen.
Den blinden sel hi geven licht,
Ende den cropel doen gaen richt;
Die vor hem stom ende doef staen
Sel hi doen spreken ende horen saen.
Te Jherusalem sel hi geraken,
Ende den tempel doen weder maken,
Ende salre in setten een outaer,
Ende hem selven offeren daer,
Ende maken altoes hem selven God,
Als of hi over al hadde gebod.
Also die Joden dit hebben vernomen
Sullen si alle tot hem comen,
Ende aenbeden oetmoedelike
Also over God van hemelrike.
Dan sellen comen prediken sere
Enoc ende Elyas 't wort Ons Heren,
Dat dan bede groot ende clene
Sullen ontfane gelove gemene,
Ende weder bi predicacie keren;
Dat sullen doen Gode t' eren.
Geere predicacie sel hi plegen
Vor bi ·XXX· jaer heeft gedregen;
Daer na sel hi regneren sekerlike
Twee jaer in dit aertrike.
Dan sel hi climmen op enen berch
Die keitjif, die vule dwerf,
Ende seggen ten volke : « Compt te mi,

Hemelrike es u eygen vri. »
5480 Ende dan sal hi opwert vliegen,
Ende hem selven bedrieggen.
Op die lucht sal hi willen rusten
Dan sal hi neder vallen ende bersten,
Ende varen in der hellen pine
Ewelike, ende oec die sine. 5530
Daer salne God mitten monde
Vermaledien te dien stonde,
Om dat hi die Heilige Kerke
Vellede mit sinen gewerke;
5490 Ende die an sine gelove bliven
Werden verdoemt, soe wi scriven,
En si dat se hem bekeren
Weder ten gelove Ons Heren.

V. Meester, hebdi yet vernomen
Hoe Enoc ende Elyas sullen comen? 5540

A. Clerc, in dier maniren, in dier wijs
Datse God sette in paradys,
In dien gelike, in dien gedane,
5500 Sullen si wesen, dat ic wane.

V. Als Antkerst sinen wille heeft gedaen
Sal dan die werelt yet lange staen ?

A. Ja so, clerck, achter die plage
So salse staen noch ·XL· dage,
Ende dat sal doen gewaerlike
Die hoge Here van hemelrike. 5550

Dor die gene, wilt verstaen,
Die Antkorst uten gelove liete gaen,
5510 Om dat si bliven den selven stonden
Mogen beteren hare sonden,
Ende sullen geloven gewaerlike
Dat hise bedroech zwaerlike.

Als die ·XL· ste dach neemt sijn
So sal der werelt inde sijn;
Ende als soe ende heeft genomen
Dan soe sullen ingelen comen, 5560
Ende blasen seere mit bosinen,
Ende doen 't der werelt dorscinen

5520 Dat een vreselic vonnesse sal sijn
Op den mensch, dat wert anscijn.
Hare horne sullen ropen over al :
« Staet op, gi dogen, groot ende smal ! »

Ter minnacht salt verrisen, so wi horen,
Alle dat ter werelt wert geboren.
Si worden verresen alsoe saen
Dat men een oge op soude slaen.
Die scripture doet ons gewach
Dat sel wesen op enen sondach.
Dan sellen vergaderen alte zamen
Die zielen mitten lichamen.

V. Lieve meester, maect mi vroeder
Of een kint van sire moeder
Doot ter werelt wort geboren;
Sal men 't daer sien ende horen?

A. Clerc, het 's aldus bescreven
Dat alle die ye hadden leven,
Ende in der moeder haer lijf ontgingen,
Sellen comen te dien gedinge
In der zelve gedaen t' waren,
Als of si waren van ·XXX· jaren.
Al wer oec een mensch geboren
Van enen wolf, als wi horen,
Ende oec ander beesten verslonden,
Het soude verrisen tien stonden,
Bede in vleesce ende in bloede,
Ende oec comen vor Gode, den goeden; 5590
Want al dat mensch heeft gewesen
Sal dan van der doot genesen,
Ende 't fleesch dat van den beesten quam
Blijft der aerden, als ic vernam.
Niement sal daer hebben gebrekenesse
Van sinen leden, dit 's waer lesse.
Clerc, ic sal di seggen mee
Al hadden die vissche in der zee
Enen meusce geeten al;
Weet oec dat hi verrisen sal,
Soe dat an hem niet sal missitten
Van genen dingen, no van smitten.

V. Meester, 's menschen haer ende sijn naghele,
Die aen hem staen so behagele,
Selt dan an den mensche staen,
Als hi ten vonnease moet gaen?

A. Nu hoert, clerc, ic sal 't di wisen
Dat si also niet sullen verrisen,
Eude togen bi exempel dan

Wat Onse Here den mensche jan. 5610
Gelijc enen die maect een vat,
Ende niet wel geraect dat;
5570 Soe maect hi van der selver aerde
·I· beter ende van mere waerde.
Also sel oec God, die hoge coninc,
Wel mogen maken een aeder diuc
Over des menschen lichame,
Also sijn wille es ende bequame,
Ongelijc der eerster vormen,
Die lach in der aerden onder die worme. 5620
Hi sel den mensche enen lichame maken,
Dat van der aerde niet sal maken;
Sonder onsuverheit sel hi wesen,
Ende vol claerbhede, so wi lesen.
Al hadde een meusche ter werelt ·IIII· banden,
Ende ·II· hoefden op sinen buuc standen,
Ende oec vinger ·VI· of ·VII·
Het gaet al of ten andren levene;
Want ele wort daer al volmaect
En van lichamen wel geraect, 5630
So dat hem niet sel missitten,
Noch oec letten gbene smitten.
Dat hem gebrect sal God meren;
Heeft hi te vele hi salt weren;
Die zalige sullen dit lichame bringen
Onbesmit van allen dingen,
Ende sullen sijn soe over clare
Dat een wonder te seggene ware.
Onsterflic sellen haer lichamen sijn, 5640
Dus leert ons die scripture sijn.
Die quade sullen daer vor ogen
Haren lichamen moeten togen,
So lelijc ende soe zwert van sonden;
Men mocht gepensen te stouden.

V. Meester, hebdi yet vernomen
Hoe God ten vonnesse sel comen?

A. Hi sal comen als ·I· keyser rike
Mitten geselschap van hemelrike.
Die ingelen, soe ic hore wagen,
Sellen cruce ende crone dragen, 5650
Tsere ende nagele mede,
Die dorwonden sine lede.
Dese tekene sal hi togen

Elken mensche vor sine ogen.
 Bi den teeken wort hi bekent
 Dat hi sal doen vreselic jugement.
 Dan sal opstaen over al
 Alle die doden, groot ende smal,
 Om te comen gemeenlike
 Jegen den Here van hemelrike.
 D'elementen sellen verstormen sere
 Om den anxst van Onsen Here,
 Ende oec mede sonne ende mane
 Sellen verliesen hare gedane.
 Die sterre die wi an den troen sien
 Sullen Gode mede ontsien.
 Al aertrike sal beven dan
 Om die vrese die men sal sien an.
 Daer sel elc redene moeten geven
 Van dat hi misdede in dit leven;
 Te Josephat sel gescien
 't Fonnese dat wi mogen ontsien.
 Josephat, dat es een dal,
 Daer God die werelt doemen sal;
 Boven dien dale, des sijt wijs,
 Staet dat aertsce paradys.
 Clerc, nu wille mi noch verstaen :
 't Fonnese wert in de lucht gedaen;
 Daer sullen wesen die mertelaren,
 Ende oec der apostelen scaren,
 Confessore ende volc van religione,
 Die wederstonden 's duvels bandone.
 Si sullen sitten maken van der lucht,
 Des sijt seker, sonder ducht;
 Haer concienzie, haer heilige leven
 Die sullen hem daer sitten geven.
 Daer sal God maken sijn sitten gereit
 Op den stoel der almachticheit;
 Daer sal hi roepen sine vriende,
 Die hem in deser werelt diende,
 Ende salse setten t' sijnre rechter hant,
 Ende doen hem sine glorie bekant,
 Ende sal seggen : « Gi gebenedide,
 Gi wert die gene, die mijns belide,
 Als ic achter straten ginc,
 Ende mi zware coude bevinc,
 Ghi cledet mi ende voedet wel;
 Ic was dorstich gi gaeft mi voetsel,

Herberge soe gaef di mi,
 Ende mine voete soe dwoech di, 5700
 Ende gi versoentet mi mede,
 Als ic hadde serichede.
 Daer omme si di gebenedijt
 Met minen Vader t' alre tijt;
 5660 Want mine glorie sal versienen,
 Ende mijn engelen sellen verdienen ! »
 Ter luchter side sellen die quade staen
 Herde droeve ende sere ondaen.
 God sal tot hen seggen dan :
 « Ic was naect, gi ne gaeft mi niet an; 5710
 Hongerich ginc ic achter straten,
 Van u quam mi niet te baten;
 Van dorste dogedic groot leet,
 U herberge was mi ongereet;
 5670 U en ontfermde niet mijne lede
 Vol hoverde verdi mede,
 Ende gierich om 't aersche goet;
 Daer om seldi in der hellen gloet ! »
 Noch sal hi spreken te hande
 Tot sinen leeden vianden : 5720
 « Waerdi comen t' eniger stonden
 Te genaden van uwen sonden;
 Ic hadde u getoecht gereit
 Mine grote ontfermicheit;
 5680 Dor uwe sonden staet u te sine
 Ewelike in der hellen pine.
 Nu gaet van mi, vermaledijt
 Moeti wesen in alre tijt ! »
 Dan sullen si sien van daer si staen
 Dat die helle sal sijn ontdaen; 5730
 Dan sullen si vallen als een loet
 Mit haren anschijn op d'erde al bloet,
 Ende sonden gerne daer in vlien
 Mocht hen 't geluc gescien;
 5690 Want hare pine sullen si sien vor ogen,
 Die si ewelike moeten dogen;
 Sine vercorne, dus is 't gesciet,
 Sel hi geven sine ontfermicheit,
 Ende hi sal togen sine vianden
 Hem te lachter ente scanden 5740
 Sijn cruce ende sijn wonden,
 Die hi ontfinc dor onse sonden.
 Hi sal 't vier van boven doen comen,

Also als ic hebbe vernomen,
Ende doen verbernen wel sciene
Alle die werelt met enen viere.

V. Meester, nu bericht mi scone
Bi wat reden die Gods sone
Sal doen 't uterste vonnesse;
Dat wistic gerne te mijne lesse?

5750

A. Het 's recht der pinen ane vaet
Dat hi die bate daer af ontfact;
Die sone ontfinc die bitter doot
Den mensche te lossen uter noot;
Want hi wiste wel ende sach
Dat die mensche in sonden lach,
Ende jamerlike was bedrogen
Bi den viant, die viel van hogen
In der dieper hellen crijt,
Des hi op den mensche hadde nijt,
Dat hi die glorie soude ontfacen,
Die hem hi hoverde was ontgaen.
Doe pijnde hi hem ende pensede
Hoe hi enich dinc geveinsde
Daer bi den mensch mochte mede
Doen vallen van der weerdichede,
Ende nemen dat hem God had gegeven.
Doe dede hi den mensch sneven;
Des beclagede hem de zone den vader,
Ende seide : « Moet emmer ter hellen algader,
Dat ye in aertrike quam
Van Adame, den eersten man;
Dat waer rouwe sonder genoot.
Ic soude eer die bitter doot
Dor den armen mensch ontfacen,
Vader, docht u goet gedaen. »
Die vader merct ende bekint
In den sone wie hi mint
Dat hi wille mit sinen leden
Behouden 's menschen erfachticheden;
Dus wert die sone, soe men saget,
Geboren van ere suver maget,
Ende wilde daer na sterven
Dor den mensche ende bederven.
Om dese dinc, om dese clage
Sel die vader ten doemsdage
Te Josephat, in 't soete dal,

5760

5771

5780

Den sone geven die macht al
Mede te doen al sijn gevoech;
Dit 's den mensche eren genoech
Datten 's vaders sone sal doemen
Als hi ten vonnesse sal comen;
Want hi weet wel te voren
Dat hi dor den mensch wert vercoren;
Hi sal te genadiger wesen
Den mensche, so wi hopen in desen.

5790

V. Meester, hebdi yet verstaen
Hoe God die goede sel ontfacen?

A. Die goede sullen hebben haren ganc
Onder die quade al gemanc,
Ende die quade sullen hem mingen
Onder die goede ten gedinge.
Daer werder vele over goet bekint,
Die quaet worden in jugemint,
Ende vele salre quaet schinen op 't velt,
Die God sel nemeu in 't gewelt.
Clerc, daer sellen ingelen wesen,
Die sellen onder lesen
Die goede uten wieden;
Dus horic scripture bedieden.

5800

5810

Gelike dat die ackermanne
't Coren sceden mitten wanne,
Ende 't caf leggen op een plein,
Ende op ander side dat goede grein;
Also sullen d'engelen die goede sceden
Bi ordinacieu onder hem lieden;
Ja, in vier partien, dat 's waer,
Worden si versceden daer :
D'eerst geselschap hore ic nomen
Sel volmaectelike te Gode comen,
Ende sellen oec over 't fonnesse wesen;
Daer men die quade uut sal lesen,
Die vermaledijst sullen bliven,
Bede mit ziele ende met live.
D'ander geselschap hore ic lesen
Die gecrone in haer huwelic hebben genesen,
Ende getrouwe sijn elc andren,
Ende hier sonder hoeftsonden wandren,
Ende biechte spreken mit haren monde,
Ende rouwe hebben haren sonde,
Ende daer af penitencie ontfingen,

5820

5830

Die si voldaden in waren dingen;
Dan sal elc goet kersten sijn bekent
Vri ende quite in 't jugement,
Ende over liden 't fonnesse zwaer,
Dat den quaden sel gaen te naer;
Ende omme haer quade vule sonden
Worden si in de helle verslonden.
Derde geselschap, dat 's anschijn,
Sel sonder vonnesse verdoemt sijn;
Dat sullen wesen die sonder wet
Waren, ende in sonden besmet,
Gelijke Joden en Sarasine,
Die Onsen Here daden piue,
Doe hi t' sinre passien giuc,
Ende hem niet en helden over coninc,
Ende niet gelofden an sine gebode,
Ende aenbeden haer afgode.
Op desen sal geen vonnesse gaen,
So ons scripture doet verstaen;
Daer si ten vonnesse sellen standen
Sellen si Gode sien t' haren scanden,
Ende sellen verdoemt van hem gaen,
Alsi sijn ogen op sal slaen.
't Fierde geselschap moegedi horen
Sel mit Gods vonnesse sijn verloren,
Dat worden die vermaledide kerstine,
Die hier Gode deden omwerde anscine,
Ende valscheit der Heileger Kerken
Mit haren quaden, bosen gewerke.
Als God dese sal sien mit ogen
Sal hi hem sine gramschap togen,
Ende sal tot hem seggen ter tijt :
« Nu gaet van mi, vermaledijt,
Ic hadde honger ende dorst groot,
Gine gaeft mi niet te mine noot ! »
Nu verstat ende sijt des vroet
Dat die quade kersten meer misdoet
Jegen Gode dan die in 't gelove es bekint
Ende oec Gode niet en kent. 5870
Nu wachti, kersten, wat gi does;
Want du wets wel alstu misdoes,
Ende alstu sonde heves gedaen
Saltu gereet te biechte gaen,
Ende hebben rouwe van dinen sonden,
Daer du mede worts gebonden;

Want dese kennesse en heeft niet
't Onsalige, ongelovige diet;
Daer omme en sullen si niet die pine
Hebben gelike quade kerstine. 5880

V. Meester, bericht mi van desen
Of God yet tornich can wesen ?

A. Clerc, men dede noyt die saken
5840 Daer men gram om mochte maken.
Die here heeft so bliden gedane,
Hem en gaet geen belgen ane,
Noch gramschip in hem,
Daer af ic wel seker bem.

Clerc, ic hebbe wel vernomen
Dat God, Onse Here, sal comen 5890
Mit bliden anschijn in den crijt,
Daer hi de werelt sal maken quijt.

Hi sal in dat domen sijn
5850 Sochter dan 'I' lammekijn;
Maer als die verdomenesse vallen sal
Op d'onsalige in 't helseche dal,
Sullen si seggen mit wenenden ogen
Dat si Gods gramschap moeten dogen,
Ende oec sine verbolgen sprake,

Ende wert gene gramschap maer wrake 5900
Van den sonden, die si hier daden,
Doe si daden gene genaden
Haren armen evenkerstene,

Ende sine gedochten niet der pinen,
5860 Die God dogede om haer sonden,
Doe hi ontfinc sijn heilege wonden
An den cruce herde bitterlike
Om te verlossen al aertrike.

Clerc, verstat mi te wensche
Gelijke dat die sonne siet elc mensche 5910
Mit sinen ogen herde scone,
Daer so gaet an den trone;

Also sullen dan sonder waen
Alle conciencie sijn ondaen;
Daer sel elc andren sonden kennen wel,
So wi doen die sonne an den hemel,
Weder so doncker es of claer;
Des mach elc hebben vaer.

Is oec iemen die hier sine sonden
Den pape seit mit sinen monde, 5920

Ende penitencie gedaen op enich dach,
Van den sonden wert geeen gewach.
Ay mensche, peinse ende micke
Dattu so beters dine stricke,
Dattu ten jonxsten dage wert vonden
Claer ende suver van sonden.

V. Bericht mi, meester, na dine lesse
Hoe 't wesen sel na 't fonnesse ?

A. Alst 't fonnesse wort gedaen,
Soe worden alle die duvele gevaen,
En geworpen in gront
Van der hellen, dat si u cont,
Ende die vermaledide mit hem leden;
Dat segic u over waerheden,
Ende sellen daer ewelike bliven.

God sal metten saligen cliven
In dat heilege Jherusalem;
Daer bliven si ewelike met hem;

Daer sellen si t' elker uren
Bescouwen 's vaders figure,
Die sal wesen sonder genoot,
Ende in hem hebben glorie groot.

Daer sal dan die menschelichede
Rusten in de godlichede,
Ende sine bliscap sal dorgangen
Elke ziele sonder verlangen.

Alle bliscap wert daer anschijn
Elke na die verdiende sijn.
Die dan wert van den miusten loen
In den hemel, in Gods troen,

Hem sal dincken dat hi es
Van den meesten, sijn seker des;
So wel sal 't hem genoegen,
Daer se God te gader sal voegen;
Want haer bliscap wert alte gader
Dat si bescouwen den hemelscen Vader,
Die verclaerde haer ansichte
Mit sinen glorie, mit sinen lichte.

V. Meester, hebdi yet vorsien
Wat metter werelt sal gescien ?

A. Clerc, God salse met enen viere
Te pulver verbernen sciere;
Also sal gescien dese dinc,

Gelike dat wilen die diluvie ginc
Boven alle berge ·XV· cubitus,
Ende geduerde ·XL· dage aldus;
Also sal 't fier boven alle berge gaen,
Also ic 't in 't waer hebbe verstaen.

In deser wijs so wert gedaen
Der werelt wandelinghe saen, 5970

Ende der werelt armoede mede,
Dat coude, hitte ende serichede,
Dese vernoy sellen te gliden;
Maer d'elementen sellen verbliden,
Ende werden gesuvert van der donckerheit
Mit overtalliger claerheit.

Noch verstant mi herde wel,
God sal maken enen niwen hemel,
Die scoenre ende clare sal sijn
Dan nu es dat sonneschijn. 5980

Hi sel verniwen die sonue ende die mane
Mit sonderlingher gedane.

Oec vint men, als wi lesen,
5940 Dat die sonne claere sal wesen
·VII· werf an 't firmament

Dan soe met ons es bekent,
Ende die sterre in haren schijn
Sellen ·VII· werf clare sijn,
Ende die mane sal met enen ringhe
Versiert sijn sonderlinge, 5990

Die men noyt an haer gesach
In dese werelt op genen dach.
God sal dan maken niwe aerde
5950 Scoenre ende van mere waerde
·VII· warven dan so nu es,
Des sijn seker ende gewes.

Dat d'erde ontfinc Ons Heren bloet,
Dat uut sinen wonden woet,
Ende der heileger martelaren,
Die in aertrike gepassijt waren; 6000

Daer omme salse die hoge coninc
Versieren mit vele scoenre dinc,
Dat nemmermere mach vergaen;
Dit doet ons scripture verstaen.
5960 God salse versieren, des sijn wijs,
Gelike dat was 't aerdsche paradijs,
Ende 't water dat Ons Heren lichame
Dwooch t' onser alre vrame,

Ende niet stille mach staen;
Dan sal sijn lopen sijn gedaen.
Scrifture seit dat water al
Clare sijn dan enich cristal.
In de werelt sal dan nemmermere
Comen soude, rouwe, noch sere,
Maer bliscap ende groot delijt;
Des willic dat gi seker sijt.
Watter God mede doen sel daer naer,
Dat waer mi te seggen zwaer.

V. Meester, segt mi die reden al
In wat vormen die mensch verrisen sal? 6020

A. Hi sal ·VII· warf clare sijn
Dan nu es dat sonneschijn,
Ende sal oec in de oude verrisen
Dat onse scepper dede, die wi prisen;
Maer omme dat es een soeter sauc
Te hoorne d'oude ende die jonghe gemanc,
Ende die kinder metten wiven,
Des willen sommige clercken scriven
Dat elc sel verrisen in den ouden
Gelijke dat hi voer ter moude. 6030
Daer sal men mogen sien ende boren
Also naect als hi wert geboren.
Des sullen si hem scamen niet
Gelijke d'een engel den andren siet;
Si sullen scemeren van scoenheden,
Die sullen bedecken hare leden.
God sal cleden den lichame gereet
Mitten cledren der salicheit;
Ende sine ziele sal God versconen
Mitter salicheit der drie personen.
Si sullen haren wille volbringen
In allen maniren, in allen dingen;
Want haer wille wort ·I· parlike
Te lovene Gode van hemelrike.
Si sullen hebben wel bedechte
Vor hem lieden Gods ansichte.
In wat steden si hem besetten
Sullen si wesen sonder letten.
Haer gepeins, wille ende wesen
Sel emmer in Gode gevoech wesen,
Daer om sal al haer gedochte
Volbringen in soetheden sochte, 1

Ende gedincken haer pine te zamen,
Die si doechden mit haren lichamen;
6010 Gelike als een keyser rike,
Die comt uut enen wige blidelike,
Ende vertelt dat hi hadde geval
Dat hi den strijt verwan al;
Also blide worden si te waren
Dat si den duvel sijn ontfaen. 6060

V. Nu bericht mi, meester rike,
Wat bliscepen hebben die zielen in hemelrike?
Ic wiste gerne sonder waen
Hoe hare bliscap is gedaen.

A. Clerc, hare bliscap hore ic gewagen
Es sulc dat noyt ogen zagen,
Noch oren hoerden sekerlike
Van soetheden dies gelike.
Noch noyt mont vertellen mochte,
Noch herte gepeinsan gedochte 6070
Die scoenheit ende die verweende dingen,
Die hem God sal geven sonderlingen.

Clerc, ic doe di noch verstaen
Dat die salige sullen ontfanen
·XIII· glorien herde soone
Mit den vader in den trone;
Daer wert hem lieden wel bequame :
·VII· der zielen, ende ·VII· den lichame.
Die lichame sel hebben gereit
Scoenheit, dapperheit ende stracheit, 6080
Weelde, vroetscap ende gesonde,
Ende ontsterflic in allen stonden.

Die ziele sel ontfanen mere
·VII· giften van Onsen Here,
Dat es minne ende wijsheit,
Vroetscap ende mogentheit;
Grote sekerheit ende bliscap
Sel die ziele ontfanen in nap,
Ende ewelike sal 't haer bliven
Sonder nemmermere verdriven. 6090

V. Meester, nu doet mi verstaen
Hoe elke bliscap es gedaen?

A. Nu verstat wel dese woert,
Die ic di sal bringen voert,
Clerc, of di God gawe te lone

- Die scoenheit van Absoloue,
 Die welken hadde smette no blame
 An sinen sconen lichame :
 Zijn haer was gelike den goude,
 Dat hem stont op sine moude.
 Wie dese scoenheit bleve geheel
 Die hadde een scoen vordecl;
 Ende waerstu daer toe also snel,
 Also was die dapper Asel;
 Want hine vant dinc gene,
 Hine verliepse wel met enen bene,
 Ende hine vincse wel gereit;
 Dat was grote dapperheit.
 Ende waerstu also starc in dinen doen
 Also was die sterke Samsoen; 6100
 Hi was die ·M· gewapender man
 Allene met sire hant verwan,
 Ende doot sloech op een velt,
 Dat was wonder ende gewelt;
 Ende hadstu daer toe in dijn bedwange
 Also keyser Augustis hadde lange
 Alle de werelt, ende waer dijn eygen goet,
 Dats al niemen hadde enen voet;
 Ende waerstu also wijs in dinen doen
 Also was die coninc Solomoen, 6120
 Die met sire wijsheit vroet
 Al volbrochte dat hi bestoet;
 Ende waerstu daer toe also gesont
 Also Moyses was t' eniger stont,
 Die noyt siecheit hadde gedragen,
 Als van enen tant te wagen;
 Hine hadde noyt zwaer verdriet,
 Dat hem sijn ogen donckeren yet;
 Ende hadstu oec van Gode gegeven
 Dattu also lange soutstu leven 6180
 Also Mathusalem, die wel naer
 Oec levede tien hondert jaer;
 Ende waerstu ter werelt gemint met vlite
 Also Jonatas was van Davite;
 Hi mindene boven wijf ende man,
 Ende boven hem selven nochtan;
 Ende hadstu hiertoe oec allene
 Die wijsheit van der werelt gemene,
 Ende soe vordi waer ondaen,
 Ende in dijn herte woude gaen, 6140
- Soe waerstu vele vroeder dan
 Dan Salomon, die wise man;
 Ende waerstu also gemint te hant
 Also Josep was in Egipten lant,
 Wien 't folc aenbeden mere
 Dan Gode, Onsen Lieven Here;
 Ende waerstu oec een leitsman
 Boven alle der werelt dan
 Also Moyses was van die van Israel,
 Soe waerstu mogende weet ic wel; 6150
 Ende waren 't alle dine vriende,
 Die omtrint di waren ende dienden,
 So moestu sijn van goeden moede
 Getrouwelike in seker hoede;
 Ende hadstu oec des verdient
 Dat alle die werelt waer dijn vrient,
 Ende du oec mochte volbringen
 Alle dat die werelt mocht volstringen;
 So mochstu mit rechte wel
 Hebben jolijt ende spel; 6160
 Ende waerstu also seker in 't herte dijn,
 Also Enoc ende Elyas sijn,
 Die seker sijn van desen liven
 Dat si altoes levende bliven;
 Want niemen mach hem 't paradijs
 Nemen in geenre wijs
 Dan God, dieser in mede,
 Dit es grote sekerhede;
 Ende du mochts volbringen
 Alle dese vorseide dingen, 6170
 Ende alle dat ware onder den trone;
 Dit waer geyften vele ende scone.
- V. Ic segge, meester, in mijn gedochte,
 Die dit al volbringen mochte
 Dat hi van Gode meer hadde te lone
 Dan die ingel van den trone.
- A. Clerc, dijn gepens ende dijn waen
 Es min dan niet, waut verstaen;
 Want alle dese werlike sticken
 En mach men niet ·I· caf micken 6180
 Jegen die bliscap die God bereet
 Der zaliger zielen, also men sceet.
 Alle die ye spraken met monde
 En geseiden niet te gronde 6140

Wat haer God hevet bereit
 Mitten sone der drievoldicheit.
 Hare bliscap ende haer glorie
 Sal sijn boven alre memorie;
 Ay, edel creature, nu siet
 Dat ghi dese glorie en verliest niet,
 Die u God heeft gegeven
 Als gi sceet van desen leven.
 Du prijs die giften van der werelt,
 Die valsch sijn ende verdwerlt
 Jegen die scoenheit van den trone,
 Die de zalige hebben te lone.
 Ic segge dat Absalons scoenheit
 Waer der zielen een donckerhede;
 Die zalige sellen daer clare sijn
 Dan nu es der sonnenschijn.
 Asahels grote dapperhede
 Waer der zielen een traechede;
 Want so wert alte snel
 Also gepeins, dat weet ic wel.
 Sampoens stracheit, dat verstaet,
 Waer met hare een crancke daet;
 Want der zaliger zielen cracht
 Sal sijn van soe groter macht
 Dat soet al sel verwinnen
 Wat iegen es met onminnen.
 's Keyzers Augustus mogentheit,
 Als ons scripture seit,
 Waer met hare, sijts gewesse,
 Een zwaer vangenesse;
 Want machtiger man dan hi
 Mochten vaen, dat seg ic di,
 Ende niemen mach te genen stonden
 Die zalige zielen houden gebonden;
 Niet te meer dan die Joden gemene
 Mochten gebieden van Nazerene
 Jhesum, den coninc milden,
 Te verrisene, als hi wilde;
 Niemen machse vaen no deren;
 Si sijn altoes daer si begheren,
 Si sijn daer si willen, hier ende ghins,
 Snelre dan enich gepeins.
 Dit es weelde ende mogentheit
 Alle dat ic hier hebbe geseit.
 Salomoens grote wijshede

Waer metter zielen dulhede; 6230
 Want ertsche vroetscap es el niet
 Dan t' onneerne 't aersch diet.
 Moyses gesonde waer siechede
 Der zielen in alle hare lede;
 6190 Want siecheit noch ongesonde
 En mach haer deren te geenre stonde;
 Niet te meer dan een kersten
 Mach dor houwen 't sonneschijn,
 Dat hem deert of nose;
 Dits daer af die rechte glose. 6240
 Van deser werelt 't lange leven
 Waer met hem een cort beweven,
 Ende ene wel gallike doot;
 Want haer bliscap es so groot,
 6200 Ende haer leven sonder verganc,
 Ende sonder enich verlanec;
 Want so sal leven ewelike
 Mitten vader van hemelrike. 6250
 Meere vroetscap dan men mach peinsen
 Heeft elke ziele sonder veinsen;
 Ende die vroetscap sal geduren
 Ewelike in allen uren.
 Enoc sekerheit ende Helyen
 Eu es niet yegen der zielen vrien;
 6210 Want hare vriheit es so gedaen
 Dat so niet mach vergaen.
 Van Joseppe oec die miune,
 Waer hier tegen te prisen dinne; 6260
 Want die minne der zielen goet
 Blijft ewelike, des sijt vroet.
 Die ere die Moyses ontfinc,
 Doe hi mitten kindren van Israel ginc
 Om te leidene 't Israhelsch diet;

 6220 Die ere waer oec herde clene
 Jegen die heeft die ziele rene.
 Dat alle die werelt mach volbringen
 Ware herde clene dingen 6270
 Jegen die macht der zielen vri,
 Die Gode comen es al bi.
 Alle dese bliscapen sijn al niet
 Jegen dat men vor Gode siet.
 Grote genoechte sal daer wesen,
 Dat seggen sijt, die 't hebben gelesen.

Si sullen sien ende mogen togen
Alle bliscap met haren ogen;
Wat si willen ende begaren
Sel hem niemen mogen deren.
Si sullen hebben groot delijt
In onsen sceppare t' alre tijt,
Ende die ingelen allegader
Die wonen mitten vader.
Clerc, noch willic mi vermeten
Dat die zielen sullen weten
Elc anders bliscap daer,
Daer si worden in den hemel claer;
Ende sullen kennen haer vianden,
Die sijn in der hellen bande.
O wi, wat bliscepen sel daer sijn!
Daer die sonne in haren schijn
Sal sijn ·VII· werf claerre,
Ende scoenre en openbarre
Dan si nu es op enigen dach,
Des doet ons schrifture gewach.
Elc salre hebben wenschen wout,
Na sijnre begerte jonc ende out;
God sal hem daer geven gereit
Sine grote ontfermichede.
Daer sal men bliscap gedichte
Sien in Jhesus Christus ansichte;
Grote scoenheit sal men daer scuouwen
An Marien, Onser Vrouwen;
.

Aldus gedaen soeten edelheit.
Ay verstant, edel creature,
Dattu niet verboeres t' eniger ure
6280 Die bliscap, die di es gehouden
Mit dinen sonden, mit dinen scouden,
Die mochs winnen in corter stont
6310 Ende wachte van der hellen gront,
Daer zielen pine en es so clene,
Sone heeft also vele rouwen allene
Also die hemel glorien hevet;
Dits also waer als God levet,
Ende die ziele diere in staet te sine
Hebben altoes also grote pine,
6290 Also die zalige hebben weelde,
Die sijn versiert mit Gods beelde.
Mensch, peinst om dine sonden hier
6320 Dattu niet besitte 't helsche vier,
Dat nimmermere sel te gane
T' eniger stont sonder waen.
Mit cleenre pinen in dit leven
Machtu blusschen dat zware sneven.
Marien kind, die Gods sone,
Die alre doechden es gewone
6300 Moet ons bringen, daer siju die sine,
Ende verde ons van der hellen pine,
6330 Na dit arme corte leven,
Ende moet houden sonder sneven;
Des jonne ons die Hemelsehe Vader;
Nu segt amen alle gader.

DIE NIWE DOCTRINAEL.

Hier beghint een goet boec van den .vii. dootsonden ende van den
.x. gheboden.

Gode biddic, in mijn beghin,
Dat hi verclare minen sin
Ende crachte, dat ic volcomen
Te dichten dat ic heb an ghenomen,
In dutscher tale uten latine.
Al eest een cleyn werc in schine
Ic hope dat icker in sal setten
Daer ic die sonden mede sal beletten,
Ende die ghene ter doget keren
Die volgen sullen mijre leren,
Om Gode te dienen ende sijre moeder,
Die onse wech es ende onse sterroeder,
Ende van gracien riviere :
Haer biddic dat si mi stiere
Van hare gracien een deel,
Dat ic volmaken moet gheheel
Sulc werc daer si in si gheheert.
Dæt biddic VAN YPERE JAN DIE WERT.

Sint dat ic dichtens eerst began,
Hebbic ghedicht soe ic best can,
Daer der werelt genuechde te lesen.
Nu ben ic af gekeert van desen,
Ende mi es 't begheren bleven
Te scriven des menschen leven,
Waer hi in te mesdone pliet,
Na dat men alle dage siet,
Daer hi die sonden menteneert.
Soe hebbic gheordineert
Te bescriven in 't generael

Desen *Niwen Doctrinael* 80
Daer in dat elc mach wesen vroet
In wat manieren dat hi mesdoet.
Na dat ic vinde in 't latijn
Salt hier in dutschen bescreven sijn.
In drien pertyen sal ic dit boec
Deilen, in sijn ondersoec.
Teerste deel sal beconden
Van den .VII. dootliken sonden,
10 Elc geset met haren graden,
Daer men in sondicht bi mesdaden; 40
Dander pertie sal u leren
Van den .X. gheboden Ons Heren,
Hoe dat men daer tegen mesdoet;
Daer na sal ic u maken vroet
Welc sijn dagelijcsche sonden,
Ende welke die ziele ter doot wonden;
Die derde partye es van drie saken,
Die den mensche zalich maken :
20 Dats biecht, rouwe ende voldoen
Der sonden, die men heeft gheploen, 80
Ende hoe hem oec elc sondare
Sal biechten moeghen, wel ende clare,
Met .VI. poenten, min no mee.
Daer na sal ic u scriven twee
Die der biechten volgen na,
Na dat ic in 't latijn versta;
Ende oec in dat selve deel
Sal ic bescriven al gheheel

- Van testamenten, van sulken saken
 Als die lude in haer leste maken,
 Ende van der kerssen, die men hen gheeft,
 Den luden, daer die penninc in cleeft,
 Ende dat men over die doode doet,
 Of hiere bate of boete heeft of goet,
 Ende daer mede wort des een eynde.
 Gode biddic dat hi mi sinde
 Gracie, dat ic dit boec ter stonden,
 Dat welke mach heiten *Spiegel der sonden*
 Of *Doctrinael*, in rechte name,
 Volbringen mach, ter zielen vrame,
 Hem allen die sonden willen scuwen.
 Nu willic mijn dichten vernuwen
 Ende steken die penne in den boren,
 Dat si met Gode moeten behoren
 Die hem aen dit werc bekeren.
 Ic beghinne te Gods eren.
 Some quaetheit, some sonde
 Sijn soe ghemeine, nu ten stonde,
 Als lieghen, zweren, sulke zaken,
 Dat lude gheen misdoen en maken
 In sweren, als si sweren waer.
 Och lacen, dit es al te swaer!
 Ende die leeke met, als si merken
 Dat hoe leven papen ende clerken,
 Daerop maken si haer ooccusoen:
 Hen dunct dat si geen sonde en doen.
 O wach! dus leyt die blinde den blinden,
 Ende varen beide in elenden.
 Papen sijn soe verblent, sine mogen
 Prediken 't ware, no durren togen;
 Want si duchten te sine verstecken.
 Die selve sermone, die si spreken,
 Bringhen si in sconen exempelen voeren,
 Die ghenuelijc sijn te hoeren
 Ende bequamelijc sijn den leeken.
 Si moeten loven ende smeeken
 Die leven moeten op die luden.
 Elc merke wat dit wille beduden.
 Ic en segghet op enen niet allene,
 Noch twe, noch drie ic oec niet meene; 100
 Mer op hem allen, ende niemant daer buten,
 Die de waarheit decken ende sluten.
 Wy vinden 't ghescreven in 't latijn,
- Na dat seit Sinte Augustijn,
 60 Dat dode ghewercke niet en leven,
 Noch levende worden, dus eest bescreven;
 Mer levende werc dats noch meere,
 Dat en stervet nemmermere.
 Verstaet wat glosen men hier op heeft.
 Soe wie in dootsonden leeft 110
 Dese rekenen wy al bloot
 In die Scripture over doot;
 Want wie levet in dootsonden
 Is doot, al voedde hi in den stonden
 70 Alle die arme die nu leven;
 Mair waerde hem dair na gracie ghegheven,
 Als hi in gracie ware brocht,
 Die almosse hadde haer cracht ghewrocht.
 Nu hoert, ic sal u doen verstaen:
 Weldaet, in hoestsonden gedaen, 120
 Wat orbere si bedrijft,
 Na dat Sinte Augustijn beschrijft.
 In vijf zaken es het goet
 Dat men doeghet in sonden doet:
 80 Deerste, doe ic u bekinnen,
 Si doet den mensche gracie ghewinnen;
 Dander orbaer, die si doet,
 Si doet meren aertsche goet;
 Terde si wederstaet die sonden,
 Die men doen soude in dien stonden; 130
 Dat vierde es si ghevet mede
 Den lichame ghesondichede;
 Dat vijfte, make ic u bekint,
 Si minren der hellen torment,
 90 Die de ziele dogen moet.
 Hier om es het altoes goet
 Dat men wel doet t'allen stonden.
 Al lage een mensch in dootsouden
 Weldaet helpt hem, hoe dat comt,
 In enich van desen vieren vornoemt; 140
 Mer die hem van dootsonden hoet,
 Ende dan enich weldaet doet,
 Die selve weldade algader
 Bliyen ghescreven vor den vader,
 In 't boec der ewigher hueghen,
 Daer Gods vercorene te stane in vueghen,
 Ewelike, sonder wijt planen.
 Dit moet elc weten ende niet wanen.

Elken, die sine jare vol heeft
Ende 't sacrament ontfanghen heeft
Des doopsels, es hi sculdich van noede
Dat hi kinde die ·X· ghebode,
Die God Moyses gaf bescreven,
Om dat wi gheestelijc souden leven,
Die hier in dietschen staen bescreven,
Hoe datter in mach sculen quaet,
Elke sonde op haren graet,
Dats hoverde, nijt, ende ghiericheit,
Traecheit, luxurie, ende gulsicheit,
Ende gramscap, die menich quaet
Toe brinct, in woorden ende in daet.
Dit sijn die ·VII·, die al bloot
Die ziele bringhen ter langher doot;
Daer omme schrijft men in 't latijn
Dat si dootlike sonden sijn,
Daer God ons allen behoeve voren.
Nu suldi van der hoverden horen.
Hoverde dats een verheffen
Ende een onredelijc beseffen,
Ondrachelijc allen creaturen,
Mit stilre hate in 't berueren :
Van allen sonden was si 't beghin;
Bi haer quam die doot eerst in :
Si en liet den enghel niet wiken
Sinen sceppere in hemelriken.
Nabugodonosor, oec mede,
Verbief hem in die hoverdichede
So sere, in sijne moghenthede,
Dat Gods stemme tot hem sede :
« Coninc, dijn rike sal over liden !
Du worts versteken, in corten tiden;
Met wilden beesten in die woestine
Sal wesen die conversatie dine;
Du sulds gars eten metten coyen,
Tot du hoverde wijt lates vloyen.
Het sullen liden der jaren seven
Eer du comst weder in menschen leven,
Op dat du Gode kinnen wilt. »
Ende recht aldus soe gevielt.
Ach lacen ! ende dat volc es heden
In vulre hoverden soe ghetreden,
Dat come yemant es, op ertrike,
Die den andren houdt voer sijn ghelike,

Ende dit es een vreselijc leven !
150 Want dat staet aldus bescreven :
Dat hi sal dalen die hem verheft;
Ende niemant dat in hem beseft !
Uyt deser hoverden spruten quaden
Achte telgen, oft acht graden :
Hoe mense noemt soe latic 't sijn; 200
Mer aldus heeft mense in 't latijn :
Vana gloria, Elacio, Contumelia, Contemptus,
Insolencia, Contemcio, Presumpcio, Inobedien-
Hebdire achte. Nu willic ontladen [cia : aldus
160 Uten latine dese achte graden.
Van dese sonden die eerste graet
Is vana gloria, dat verstaet,
't Bekinnen van der sonden mach wesen
Als 't herte van binnen es opgheresen 210
Sonder uterliken ghelate;
Nochtan begheret in allen state
Vordeel, ende te sine verheven :
Dats vana gloria bescreven.
Die ander hiet Elacio;
170 Dese exponere ic also :
Als een hem selven verheft allene
Boven alle andre ghemene,
Die bi hem sijn of sijns ghelike;
Dit es elacio properlike.
Die derde graet volghet hierna; 220
Die heet Insolencia.
Men vint vele lude die plien
Dat si ghemeine costumen vlien,
Ende ordineren nieuwe dinghen
180 Omdat si willen sonderlinghen
Dat nieuwe te kennen gheven,
Om daer bi te sine verheven,
Ende prise ende siet hem na;
Dese sonde hiet Insolencia.
Contencio hiet die vierde graet; 230
't Bediet van deser es, dat verstaet,
Hi vorsienre een willicheyt
Te stridene tegen die waerheit,
Ende men wel weet dat es also;
190 Desen graet heet Contencio.
Contumelia volghet na desen
Ende mach die vijfde graet wel wesen,
Dats als ic tegen meerre dan ic

- Mi stille te kinnen om een stic,
 Weder si loghen si oft waer,
 Hoe goede redene oft hoe claar
 Dat men mi te voren legghen.
 Ic houte mi emmer an mijn segghen,
 Ic en wille niet wiken van hoverdien;
 Dit 's Contumelia in cleergien.
 Die bi gaet es Contemptus,
 Die ic wel mach bedieden dus :
 Nernstelike wel dit merc
 Als ic te doeue hebbe enich werc,
 Ende ic 't versinne bi roekeloesheden,
 Pensende meerre hoverdicheden,
 Al eest oec qualijc bestiert,
 In werder niet af ghecorregeert
 Dat ic 't werc laet te doene dus;
 Dese sonde heet Contemptus.
 Den sevenden graet maec ic u vroet :
 Dat 's als yemant een werc doet,
 Dat voer hem heeft geweest gedaen,
 Ende daer af wille den name ontfaen,
 Also oft hy hadde vonden so;
 Dese hoverde heet Presumpcio.
 Die ·VIII· graet, als ic versta,
 Heet Irreverencia;
 Dat 's als een mensche niet mach dogen
 Dat men seit ende bringhet vor oghen
 Prijs van die over hem es,
 Dat 's Irreverencia, ende na des
 Soe comt Inobediencia;
 Dat 's onghehoersaem, als ic versta,
 Sinen anderen broederen of beteren te sine; 270
 Dese twee trecken al een line,
 Ende hoeren in den lesten graet;
 Die beste van beyder es quaet.
 Dese achte uter hoverden spruten;
 Sal men 't waer hier af sluten
 Dese moghen, in sulken stonden
 Soe werden ghedaen, het sijn hoeftsonden,
 Ghelike der gheenre uut wien si risen.
 Hier na salic 't u bewisen
 Wanneer sijt sijn, wanneer niet.
 Wel lieve kindere, nu besiet
 Of yemant so clare merct op dit
 Hi en es in enich van desen besmet;
- Nochtan als comt ter Paesschen stont
 240 Te suverene der cousiencien gront,
 Soe en brinct men den pape niet el te voren
 Dan gheloghen oft ghesworen;
 Si en letten met worden noch met daden
 Op enich van desen vorseiden graden.
 Ghierecheit es een tempeest van moede 290
 Om hope van ghelde oft van goede
 Te crighen, die altoes doet gapen
 Die herte hoe hi 't gelt mach rapen,
 Weder met rechte of qualike;
 250 Dit 's een sonde, die op ertrike
 Sere regneren nu ten tiden.
 Ic sal 't verclaren in 't overliden
 Hoe vele graden hier uut comen
 Ende die in 't latijn noemen.
 Ambicio heet die eerste graet; 300
 Symonia hier na staet;
 Die derde graet hiet Usura;
 Die vierde Latrocinia;
 Die vijfde hiet Presuria;
 260 Die ·VI· Rapina;
 Die ·VII· hiet Injusta Iudicia;
 Dit sijn die grade, als ic versta,
 Der ghiericheiden in 't latijn;
 Negheen vreselike venijn
 Was nie ter zielen behoef ghevonden; 310
 Want van allen anderen sonden
 Moghen die papen wel onbinden
 Die zielen, sonder daer si vinden
 Onrecht goet te gader ghedreven;
 Dat moet men emmer wedergheven,
 Oft 's papen hant gheleecht op 't hoeft
 Helpt der zielen niet, des gheloest,
 Ende dese sonde es soe ghemeyne,
 Al en ware sonde al engheyne 320
 Dan allene ghierichede,
 Daer bleve menich verloren mede,
 Soe ic hier na sal ontladen
 In 't bediet van desen graden.
 Ambicio is die ierste graet,
 280 Die uter ghiericheiden gaet;
 Dit es als een te ghevene pliet
 Om dat hi euen andren gheven siet,
 Ende na der ghiften es hem leet

- Dat hem die penninch om werelt ere,
Ende ghenen dauc wcets hem Ouse Here; **330**
Al ghift hi in caritaten
Hi scaemt hem dat hy soude laten;
Die ghifte comt niet uter herten,
Mer om der werelt ere begherten.
Den andren graet volcht hier na
Dien noemic Symonia.
Desen graet mach men wel merken
In gheleerden, papen ende clerken.
Wat metter gheestelecheit omgaet
Daer mach men vinden desen graet. **340**
Die beneficien sijn meest ghestelt
Te gheven om eere ende om ghelt :
Men gheeftse ghenen armen clercken,
Diese selven verdienen metten werken,
Als si verstiven meer den riken :
Dit siet men over al nu bliken
In allen provenden, meer oft minder :
Het sijn al riker lude kinder
Die 't gheestelike goet besitten :
Si en connen dammen, graven, no spitten, **350**
Noch doen enighe hantgewerken :
Men gheeft hen crune, so sijn si clerken.
Die proeven' (*sic*) doet hem segghen niet mee
Dan in den souter een vers of twee
Also men doet in leeken scole.
Die leeke die clergie siet dolen
In desen : si meenen, in haren sin,
Datter gheen mesdoen es in,
Ende segghen 't oec in 't openbare :
Waert dat so grote sonde ware, **360**
Als die papen segghen in 't scermoen,
Si en soudens selve niet doen,
Soe vele als si ghemeynlic pleghen.
Dus gaen die blinde die crome wegghen,
Ende leyden elc andren in den vliet;
Mer dit en salse ontsuldighen niet,
Als God ten ordele come sal :
Haer werken sullen hen volghen al,
Also wel den leeken als den clerken.
Dat mach men in Jobs boec merken : **370**
Dit scrivet tot elken, ende niemant los :
Opera enim illorum sequuntur illos.
Die leeke sullen volghen ende merken
Die papen woorde in der kerken;
Mer haer ghebrec dat sullen si vlien,
Ende op haer ydele werke niet sien.
Dat meeste deel der predicaren,
Wanneer si staen ende opeubaren
Hoe men sal scouwen alle quaethede,
Soe swigen si van der ghierichede; **380**
Want spreken si van hare te vele
Si nopen hen selven bi der kelen.
Ic hebbe prochipapen belent
Die selve maecten dat testament,
Daer haer prochiane ziec laghen;
Haer ondanx ende oec der maghen
Waest beseghelt ende bescreven,
Eer si 't sacrament wilden gheven.
Men vint noch wel sulken cappellaen : **390**
Als hi tot enen zieken sal gaen,
Ende hem niet en wille gheven
In sijn testament bescreven,
Soe gaet hi bidden ende claghen sere.
Ic en soude niet dorren voer minen Here
Comen met desen testamente.
Dus crighen die prochipapen renten,
Ende maken Gode om vercoopen.
Daer sijn noch Judase bi hopen,
Die Cristuse, ghinghe hi noch op derde,
Verraden ende doen souden onwerde, **400**
Op datter hem testament af quame.
Owy! der jamerliker blame!
Al heeten si gheestelike prelaten,
In haer werken sijn 't meest Pilaten.
360 Deseu selven graet es oec ghestelt
Den ghenen die prediken om ghelt,
Ende hueren't woert Gods, om voert te vercoopen,
Als dese questeerts, die omme lopen
Ende loven aslaet, ende scelden quite
Al tsmeuschen sonden, om een mite. **410**
Wee hen! ende tot hoerre scanden,
Ende oec der gheenre diese uutsanden,
Dat si 't folc aldus bedriegghen,
Haer ghelt af tuyschen ende ontliiegen!
370 Die derde graet hiet Usura,
Dat 's woeker, als ic 't in 't latijn versta,
Dat 's als men meer ontfaet oft gheeft
Van ghelde dat men gheleent heeft.

Daer es sulc die ghelt te nemen ontsiet;
Maer bid menten eten hine weyghers niet, 420
Of wilt men hem andere hoefscheit doen :
Eest causen, rocken, oft hemden, oft scoen,
Dat neemt hi, maer hine wille niet woekeren;
Maer desen telle ic vore den cloeckeren;
Want wat men hem ghevet hi wille meer,
Ende sulke weten enen auderen keer :
Men set hen voer haer ghelt in hant
Coren, beesten, huys, erve oft lant,
Dat deerdendeel beter es oft bet;
Dit heet in coop tot jaren gheset; 430
Want dieghene die 't ghelt ontfact,
Maecht lossen, binnen der tijt, daer 't op staet;
Staet langher soe es sijn tijt verloren,
Ende die 't ghelt leent bruucten voren
Alle die bate ende 't ghenot
Des goeds vore dat overscot
Van der baten van sinen ghelde.
Overdunct die wel te rechte spelde
Datter woeker es oft also quaet.
Nu es daer een ander graet 440
Van ouden luden of jonghe kinderen,
Of ledighe menschen, die node minderen
Haer goet; maer gheen ambacht connen;
Dese sal men quanchuys gonnen
Dat si haer ghelt redelijc leenen
Dat si ·X· penninghe om eenen,
Ja, sulc van achte, sulc van viven,
Ende dit sal men voer renten scriven,
Om dat si hen des woekerens scamen;
Alwaer 't dat si van ·M· eenen namen, 450
Soe sal 't voor Gode woeker beten.
Wee allen den ghenen, die 't wel weten,
Ende daertoe raden en consenteren;
Si sijn sculdich der wraken Ons Heren;
Men saelt goed winnen met goede,
Met avonturen ende met voerspoede,
Als God der op verscinen laet;
Maer die een naelde wert goets ontfact
Sekers om ghelt dat hi leent,
Het woeker, siet wel wat ghi neemt; 460
Ghi richters, die hier over sit
Soe waerlic ghi u ziele besmit,
Ghi lijt ende bringhet in eenre zeden,

Daer 't folc selven verdoemt mede,
Ende daer God om plach te plaghen
Lant ende steden, in ouden daghen,
Ende noch, al beidt hi, wat sal doen,
.
Nu es der woekers broeder voorcoop, 470
Die nu sere heeft allen loep
Daer men comenscape doet;
Want nu men quans niet woekeren moet
Voor die boete die daer op staet;
Soe vinden si enen anderen raet;
Si doen huse ende kelnaers vollen
Met yser, met vlasse, coren, oft wollen,
Ende vorderen coopwif oft coopman.
Ghemate lude comen dan,
Die des goets hadden wel een deel,
Ende niet verghelden moghen gheheel, 480
Soe moeten sijt coopeu jeghen desen,
Of si moeten daer sonder wesen.
Siet hi dat si sijn in sorgheu
Hi troestse ende seit : « Ic sal u borghen! »
440 Daer vercoopt hi ende gheeft
Dat hi selve niet en heeft;
Dats dach ende tijt, also diere als 't goet;
Want men den derden penninc moet
Diere coopen dan 't es wert
Om dat men des dages beghert; 490
Ja, sulc dat noch quader si
Vercoopt sijn goet op daghe, ende hi
Coopet wider om ghereet ghelt,
Den derden penninc min, oft die helft;
450 Of heeft hijs selve te doene scame,
Hi doet eenen anderen doen in sinen name;
Maer der sonden en acht hi niet.
Dit 's al woeker, wie soos pliet;
Al maken si Gode eenen vlasse baert,
Si varen allen ter hellen waert. 500
Die vierde graet volcht hierna,
Die heet Latrocinia.
Dat 's diefte, als goet te nemen met vare,
Daer mens niet en wort gheware,
460 Te stelene in heimelike steden,
Of valsch ghelt op ketel smeden,
Borsen sniden om dat ghelt,
Of van den riemen 't selver smelt;

Of beesten bi daghe of bi nachte
Stelen, ende villen se om smeer oft om vachte;
Want dit moeten al met vresen doen, 511
Ende decke crigen si haren loen.
Die ooc beleit hebben van steden,
Ende dan bi nachte van ghierichede
Nuwe assisen ende scalke ocketten
Op 't folc visiren ende insetten
Op dat sire af ghenieten moghen;
Of van den beleyders, die daer poghen
Dat si der ghemeenten goet van der poort,
Dat totten ghemeynen orbaer hoert, 520
An haer selves bate legghen;
Dat 's quader dan diefte, moch men 't segghen;
Want si stelen 't al den ghemeynen armen,
Die 't met pinen besweten ende becarmen.
God haetse allen, die des pleghen,
Ende algemeene bet es hen jegen;
Elc haetse oft vloexe lude oft stille.
Oec valt dicke, wachts hem die wille,
Dat si in haer sonden smoren,
Sonder biechte, soe blijft verloren 530
Die ziele, dat 's te duchten zere.
Dat goet en sal oec nemmermere
Op haer oer ten derden erven;
Dus laet God die quade verderven;
Want men mach met lichten dinghen
Die quade ghewoente niet weder af bringhen;
Soe wort die ghemeente dan verwoet
Om 't groet onrecht dat men hem doet,
Ende maken ghevecht ende discort,
Daer dicke af comt ghewelt ende moert; 540
Ende van al datter in messciet
Es oersake, die 't ierst makede of riet.
Die oec om gonst oft om scat
Die ghemene vribeit van der stad
Pinchieren ende breken laten
Sijn ghierich, valsch, voer Gode verwaten.
Die corn, oft wijn, oft ander goet
Valscht anders dan God wassen doet,
Olie, botere, wolle of vlas,
Dats grote sonde; elc hoede hem das. 550
Die wijn bereiden, of maken claer
Die droevelant es ende swaer,
Si dooden die lude ende maken cranc;

Als si mesvallen in den dranc,
Daer sijn si allen occusoen.
Alle die 't raden of die 't doen
Sijn van der gracien Gods versteken;
Ende al eest dat sire biechte af spreken
Elc pape si te absolveren hem wacht,
Ten busscope of busscops macht. 560
Die vunsch coren minghet met nieuwen,
Of dat droghe met water bescreyewen,
Soe dijnt het ende waert te mere vele;
Of backers, die gruyts doen in haer mele
Meer dan die scoef op 't felt uut gaf,
Of hoer broet bachten te laf
Van water, op dat hi te meer sal weggen.
Dat 's al valsch; wachts hem des pleghen.
Die den andren sijn erve ontmet,
Of palen uut trecht oft verset, 570
Of wie anders ghevet quade mate,
Of goet ontweghet om sijn bate,
Ic segt hem hi es dunsch of valsch.
.
Een joncman die een huwelijc doet
Aen een out wijf om haer goet,
Daer hi gheen kindre an mach winnen;
Dat 's ghierige sonde ende luttel minnen;
Ten ware kenlijc openbare
Dat orbarlike sonde ware
Die hoep of winstet om anders doot; 580
Om sijn doot, dat 's sonde groot.
Comans ofte wisselaren,
Die hen metten ghelde ghenaren,
Ende den goeden penninc uut wieden,
Ende den lichten quaden wider bieden,
Ende brenghet dat goede ghelt van weghe,
Dat 's een quade, ghierige pleghe.
Wisselhouden, dat 's wockers quader;
Want hi es des goeden pennincs verrader,
Hi weet altoes wat hi hem haet, 590
Eer hine wisselt oft ontfaet.
Die 't gelt scroden ofte besniden,
Moghen oec aen desen graet wel riden;
Het sijn die sondichste dieften, die men doet,
Want si stelen alder lude goet,
Eest rijc oft aerm, leec oft clerc,
Dus ghiericheit ende 's duvels werc.

Die vijfte sonde, dier hier uyt gaet,
Die ic hete den vijften graet,
Die der dieften volghet na,
Die noemic Perjuria,
Dats in duutschen gheseyt Versweren,
Hier mede hen vele lude ghenere.
Dese diefte es argher in velen
Dan daer men met anxste moete stelen;
Want si roepen totter stonden
Gode te hare valscher orcouden,
Also ic sal verclaren hierna,
Als ic ten ·X· gheboden ga.
Die ·VI· graet hiet Rapina,
Ende es een sonde, die verre ende na
Over die edele liede wel es bekint,
In dietschen heet men Casament.
Die sijn onscamel edelinghe of boeren,
Die haer volc roven ende transeueren.
Als edelinghe hebben arme maghen,
Die se in hare quaetheit draghen,
Soe worden si volghende desen graet.
Soe wie nu hevet enighe staet,
Die en scamet hem niet een blat
Dat hi sine gheburen bescat :
Het dunct hem eere dat hijt doet.
Een simpel man hi en heeft lijf no goet,
Die enen onscamelen here heeft;
Eest dat hi hem niet en gheeft
Dat hi hem heischet van sinen goede,
Hi slaten metter langher roeden,
Of raet op hem valsche loeghen;
Dander en can soe vele niet toeghen
Daer jeghen, dat hem iet mach baten,
Hi en moet daer van den sinen laten,
Also vele als den heren ghenuecht;
Hi wort bedraghen ende ghewroecht
Van soe vele quader saken,
Dat sire gheen consience en maken;
Si nemen, na haren werken, dunct mi,
Dat God noch hemel noch helle en si,
Noch dit leven, dit lijf hier boven;
Want elc levet gherne na sijn gheloven.
Deu sevenden van desen graden
Wille ic u in dietschen ontladen
Wat hi es, watter in misdoet :

Menich richter waer hijs vroet
Die vele liever mochten laten,
600 Die onreeht wist om enigher baten,
Die volghen desen graet na :
Dit's Injusta Iudicia.
Hier af es die verstannessen
In dietschen talen Vonnisse.
Leid een scepen of raet in scouden 650
Jeghen enen, dien hijt wille onthouden,
Sijn gheselle, die by hem sit,
En weet gheen vonnisse op dit.
Al heeft hi goede vriende; nochtan
610 Men seit : « Wildus bliven, ran
An Gods segghen, hets u goet,
Ende wi raden u dat ghijt doet. »
Blijft hijs, soe moet hi gheven dach,
Ende of hijt dan ghecrighen mach,
Dats scoene; ende eest dat hijs niet en doet, 660
So heeft hi ondauc ende evelen moet.
Wil hi dan metten rechte voert
Soe es sijn reden qualic ghehoert;
Die rechter nemet op sinen danc
620 Sijn beraet, ende settet op lanc
In vorsten, dat hem des lopens verdriet,
Ende heeft liever half recht dan niet;
Soe gaet men plaesteren ende maken.
Aldus eest met vele anderen zaken
Datten riken ane gaet : 670
Den enen biet men't recht, d'ander moetet zoeken.
Si versuptilen ende vercloeken
't Recht in soe menigher manieren
Met niewer consten, die si versieren,
680 Ende maken 't onrecht soe ghemeen
Dat men recht ende onrecht gheen
Vaerinc onderkinnen sal,
Het dunct mi, nu overal.
Wijst mi den man, ic wise u 't recht;
Die taelmanne hebben hier plecht, 680
Ende moghen hier in vele verboren,
Om dat si haer tonghe verhueren;
Want si die richters dicke verblinden
Metten vonden, die si vinden,
640 Dat si sitten als dwase of doeren,
Die niet ghevroeden wat si hoeren,
Of dincken dat si sweren den eet

- Recht te doene om lief, om leet,
Dat niet te laten spade noch vroe
Dat God hem hulpen moet alsoe;
Ende God sal hem also dan
Helpen, daer nes geen twivel an.
Verstaen sijs niet, als menichen doet,
Soe leeren dan, dat sijs sijn vroet,
Eer dat si ten rechte comen;
Want wien si met onrechte doemen
Dat sal God op hem selven houden :
Haer onwijsheit es gheen onscouden.
Daer es oec sulc die swighet ende hoert,
Ende laet een onrecht driven voert, 700
Ende neemt dat hijs en bevet ghene scout;
Maer alsoe sculdich es hi, die se hout
Die coe, als hi es diese vilt.
Swighet, ghi richters, oft ghi wilt,
Elc sit voer hem selven daer :
Laet ghi 't onrecht maken claer,
Ende swighet sonder spreken,
God en salt niet min an u wreken
Dan oft ghijt selve wiset of daet; 710
Siet ghi anders hoe ghi ten rechte gaet.
Och sijn somighe rike lieden,
Die ter doot restoor ghebieden,
Als quans ic wil wedergeven
Dat ic onthiel in mijn leven.
Als dan die arme luden comen,
Wye men 't ierst heeft afgenomen;
Dan gaet men jeghen visieren ende dincken
Om dat men iet daer uut mocht wringhen;
Soe gheeft men van viven twee,
Ende sulc tijt eer min dan mee. 720
Die armen, die niet waenden hebben gehad,
Sijn blide dat si ghecrighen wat;
Met dat si hebben si henen trecken.
Dan comt die doot en steckt den vrecken,
Die testament dus heeft beseden,
Ende stierten ter langher droefheden.
Andere stichten voer haer doot
Mit quaden goede, met sanghe groot,
Of capelrien, of outaren;
Dat sal ic hierna verclaren 730
Wien dat daer af comt profijjt;
Hoert van Invidia, dat's Nijt.
- Nijt dat 's een sweer al vol rouwen,
Die 't herte doet te stucken knouwen
Den ghenen, die se binuen houdt.
Dese sonde ghelt gherechte scout;
Want si doet den ghenen allene quaet,
Die se draghet, niet die men haet;
Want hoe zeere mi yemant benyde,
Ic en slaeps te wers tot ghenen tide; 740
Maer die ghene die mi haet
Es so verwerret dat hem en laet
Die nijt rusten in ghenre zaken;
Dus doet die sonde rechte wrake.
·VI· graden uut hare comen,
Die ic u hierna sal noemen :
Detractio, Susuracio, Privacio, Ingratitudo,
Die vijfte es Inventio mali,
Die seste Evidencia si.
Ic waenre luttel op ertrike leven 750
Si en mesdoen hier iu of sneven.
Detractio is die ierste graet,
Die uut nideghen herten gaet.
Als ic, bi nide dien ic draghe,
Sie comen scande, scade oft plaghe
Op die ghene, die ic hate;
Nochtan en hebbicker af ghene hate
Anders dan icker om ben vro;
Dese graet heet Detractio.
Susuracio dander heet, 760
Dat 's als ic yemant hebbe leet,
Ende ic tusschen hem ende sinen vrient,
Bi nide dat hijs heeft verdient,
Quaet brouwe ende onruste make;
Om dat mi leet es die zake
Dat yemant minen viant mint;
Dits Susuracio bekint.
Die derde hiet Privacio :
Mi es leet dat spade of vroe
Yemant van minen viant seght doghet, 770
Of in weldoene sijns ghehoghet;
Ic straffe haer woerde, ic en machs niet horen,
Al eest waer, ic setter een loghen voren.
Ingratitudo comt hier na desen;
Als nijt in mi soe es gheresen
Dat ic die rike lude hate
Om dat ic aerm ben ende ghemate;

- Si hebben lant, ghelt ende goet :
 Dat can verdraghen niet mijn moet;
 Mi dunct ic ben also goet als sy,
 Ende God ware also wel sculdich my
 Als hen te gheven eere of goet,
 Die dienen, pinen oft slaven moet.
 Hoe ic mijn broot ghewinnen sal,
 Ic en dancke Gode, groot no smal,
 Dat hi mi gheeft ghesonde ende sin;
 Ic en gheve die oec meer no min,
 Ic en vaste noch en viere,
 No en doen doghet gheenretiere;
 Ic laetse gheven, bidden ende loven,
 Die renten hebben ende hoven.
 Eer ic ter kerken om weldoen ghinghe
 Ic soude liever met terlinghen
 Gaen dobbelen, of spelen met tafelsciven,
 Of coeten, of clossen, of bedriven
 Enich loes spel, daer ic mede
 Ghelt avontuerde, of stold of strede
 Om enen andren t'ontkinnen 't sijn;
 Ende verliese ic dan dat mijn
 Soe zwere ic vele quader eede,
 Ondancke ende vloeke Gode mede,
 Of sinen heilighen om enen penninck,
 Die ic verliese; om dusdane dinc
 Mach men alle daghe sien
 An die gherne spelens plien.
 Twee hoeftsonden ligghen daer in :
 Gram om 't verlies, gherich om ghewin;
 Dat 's Ingratitudo na dlatijn.
 Die vijfte graet hier mach sijn
 Inventio mali, ende dit bediet :
 Als ic minen viant niet
 Der bestaen oft ane vechten,
 Soe willic mi aldus berechten
 Soe dat ic valsche vonden visiere
 Op hem in enigher maniere,
 Daer icken mede in scaden drive,
 Is 't an goede oft an live,
 Pine ic mi te doene quaet.
 Van nidicheden den sesten graet
 Es Evidencia, dat een beniden,
 Dat ic niet en can gheliden
 Dat ander lude, mijns ghelike,
- Draghen oft hebben, al ben ic rike
 Ende alre welden hebbe ghenoech;
 780 Nochtan eest mijn onghewoech
 Ende een benidende wanhaghen
 Dat si ghelijc mi willen draghen;
 Desen graet regneert nu sere up erden,
 Ende es gheminget metter hoverden.
 Besiet papen ende clerken, 830
 Mannen ende wive, ende al haer werken :
 Van clederen dien niwen snede,
 Nauwe gheployt ende daertoe mede
 Wijt ende lanc ghevoedert wel
 790 Met martelen ende met bonten vel.
 Elc wil doen als d'ander doet :
 Dat laken en can niet sijn soe goet,
 Die ghemene mans wiven willen draghen.
 Die rike vrouwen maken groot behaghen
 An haer hoeft ende op haer haer : 840
 Vergouden spellen ·VII· paar
 Steken si op doeke van side;
 Die ghelu haer ghevlochten wide,
 Horen caken recht als cornetten,
 800 Si scepen haer ansichte of blancketten
 Als si sullen gaen ter feesten;
 Het scinen bet ghehornde beesten
 Daer si comen dan anders yet.
 Si en achten Gods, no anders niet
 Dan haer stinckende hoverdichede; 850
 Ende haer manne die sijn mede
 Soe sot dat sijs hen volghen al.
 Hier af comt decke groot mesval
 Van sonden, van scanden diere in ghesciet.
 810 Die manne en connen haer selver niet,
 Nocht haer gout langher sluten;
 Si naye 't op haer cleeder buten,
 Of an groten breedten riemen;
 Elc wil draghen of hebben dat niemen
 En heeft of draghet, can hijt gheraken; 860
 Dus doet hoverde 't folc hem ontmaken.
 Traecheit, dats een drayen van herten,
 Die doet verwandelen die begherten,
 Ende bringhet verbeiden in den sinnen
 820 Der dinc, die men sal beghinnen,
 Of na dien dat men se began
 Dat men ten ende niet comen en can.

Uut deser sonden comen ·V· graden,
Die ic u wille in dietschen ontladen :
Die ierste heet Disidia,
D'ander Pigrisia,
Die derde Negligencia,
Die vierde Imprudencia,
Tepiditas volghet hierna;
Die seste heet Ignavia.
Ic wane nu luttel lude leven,
Si en doen menich of sneven.
Desidia es d'eerste sonde,
Dat 's als lude versinnen die stonde
Der dinc, die si willen maken,
Of daer toe niet en connen gheraken;
Maer als si hem daer toe setten
Si volmaectten 't sonder letten.
D'ander heet Pigrisia,
Als ic een dinc te maken besta
Ende icker af ga, ic en can
Niet weder so saen wedercomen dan
Dat ic volmake na 't beghin;
Dit's Pigrisia; hier in
Ben ic decwile besmet;
Ic waent oec anderen luden let.
Die derde Negligencia heet;
Dat 's dat ic willens ende welweet
Verroekelose bi traghen ghedochte
Die dinc, die ic wel doen mochte,
Ende my noot ware dat ic se dede.
Die vierde graet volghet hier mede,
Die wi Inprudencia heten,
Dat 's gheen eynde te voren weten,
Als men dat werck te doene bestaet,
Mer men werct, val goet of quaet,
Sonder discrecie ofte vorsien;
Si dwalen decke die des plien,
Dat als 't hem staet soe rouwet hem na,
Dit's Imprudencia.
Die vijfste heet Tepiditas;
Men vint menighen dwas,
Die vertraghet te wiinnen sijn broot
Met sinen ambachte, daer hi ter noot
Op moet leven ende hem gheneren;
Mer ledich gaen es sijn begheren,
Langhe slapen ende drinken ende spelen;

Dat's grote mesdadighe sonde ende vele;
Want als die man niet willen winnen;
870 't Wijf en cans niet al verspinnen,
Soe ghebricten broot of bier,
Hine bringhet niet ende si en heeft niet;
Soe rijst daer ouruste ende verdriet;
Soe moeten 't borgen daer si bi leven,
Ende worden daer vore te banne ghedreven 920
Decke eer sijt te tide betalen.
't Wijf ware oec gherne, wist sijt verhalen,
Ghebavent van clederen ende van scoen,
Ende moeder dicke sonde om doen;
880 Als si haren noot laet bliken,
Coppellersen of haren ghelike
Diese vercoppelen ende verleden
Aen manne, die se scoeden ende cleden
Om die ghenuchte van haren live;
Ende die onsalighe traghe keytive 930
Slaen oec haer wifs ende mesvoeren;
Al waren si goet, si makense hoeren;
Ende gheven hen och van vulen zaken,
Al hadden sijs ghene scout, smaken;
890 Daer na daer an, bi sulken dinghen
Dit can Tepiditas volbringhen,
Si doen oec ledigher traghe gheselle
Hem an quade wive bestellen,
Of leren morellen met valschen spele,
Sweren ende lieghen, onreken en stelen, 940
Of ommegeaen met valschen terlinghen,
Ende menighe andere quade dinghen,
Dat hem decke loent met quade.
Nu hoert van den sesten grade,
900 Die es Ignavia gheheten :
Menich wil een dinc wel weten
Te maken, sonder enich vragen,
Ende maket na sijs selves behaghen
Sonder raet, recht toe recht an;
Ten lesten hijs niet volbringhen en can, 950
Een ander moets hem maken vroet,
Hoe wel hijs hem van ierst verstoet,
Als hem dochte, doen hijt began;
Ic wane nu luttel eest enich man
910 Hi en es van desen besmet;
Gheestelic mach men al dit
Toten dienste Gods oec keren;

Nu willic van der luxurien leeren.

Hets wel recht die redene kint

Dat eene vule moeder wint

Eene dochter van vulen gronde.

Luxurie es eene vule soude,

Si comt uut euen vulen ghewiele,

Si ontsuvert die edele ziele,

Niet die ziele oec allene

Mer den lichame alghemene

Quetst si ende onsuvert en faliert

Van hem die se vele hanteert.

Si rijst uut enen stinckenden brande;

T'ende van hare es eenrehande

Bitterheit in die maderen;

Al 't wasdom, dat si vergaderen

Moghen oec of hicken van manieren;

Dat doet begherte der luxurien

Hem uutgheven ende meer nochtan

Dans nature verdraghen can,

Ende maect aderen, been ende sinnen

Soe ydel, soe droghe dat si enghenen

Wasdom, noch cracht hebben te deghen

Als si billecs soude pleghen.

Hier om wort die menscheit cranc

Dat si niet en mach leven lanc,

Noch cracht ghecreghen als si plach,

Mits der oncuusgheit overdrach,

Of bliven manne ende wijf ghemene

Onghedeghen ende clene;

Bi wat dat si plaghen wilten eere

Vercouden die jonghet soe zere,

Die hitte ende wasdom pleghet te gheven

Mits der luxurien, daer si an cleven,

Dat si cume menschen gheliken;

Dit siet men alle daghe bliken.

Die menighe willen ten ·XII· jaren

Emmer mynnen of qualijc varen;

Daer doen si toe al haer moghen

In den ghelate dat si toeghen,

In moyen clederen, in valen scoen;

Dorstent sijt van scanden doen,

Si souden 't bidden op der straten;

Dat siet men dicke an hare ghelaten.

Die jonghe knechte die dit merken

Bi rede der luxurien werken,

Maken hem moy ende fray daer teghen

Ende leggghen hen laghen ende in kerkea, in

960 Hoe dat syse hemelijc moghen spreken, [wegghen

Loesheit, loghene ende nauwe trecken

Bringhen si hen soe vele te voren

Dat sire na beginnen te hoeren,

Ende maken met hem dach ende stonde.

Dit brinct decke in scaude ende in sonde; 1010

Sulc tijt bi dage, maer meest bi nachte.

Dese soude heeft graden achte;

Tweemin, den iersten noemich soe,

In 't latijn Fornicacio.

970 Adulterium die ander si;

Incestus die derde, soe comter bi

Peccatum contra naturam;

Gheen soude maect Gode so gram.

Die vijfste hierna heet Stuprum,

Ende die seste heet Raptum. 1020

Fornicacio es die ierste ghenoeemt;

't Beste dat van desen coemt

Dat 's dat si alle meest ontsien

Dat si kint te draghen plien;

980 Ende en wart dat men kint daer af draghet

Men vonde cume enighe maghet.

Fornicacio dat sijn die sonden,

Die niet in huwelike sijn ghebonden;

Men vint vele knecten die in haer leven

Beloven trouwe ende gheven, 1030

Ende en zoeken niet wat si lieghen,

Moghen si die wijs bedrieghen;

Ende dese bedrieghen hem selven meer;

Want al en namen sise nemmermeer,

990 Nochtan en ware 't belof niet quite

Noch geslachte van eenre mite.

Dit sal ic noch verclaren bet

In den graet hier na gheset.

Die andre graet hier ane cleeft

Luxurien na dat latijn in heeft, 1040

Die heet Adulterium;

Dat 's te segghen Hoerdom.

Dat sal men aldus bedieden :

Weetic twe ghebuwede lieden,

1000 Ende ic mach minen live

Vleeschelic sijn met des mans wive.

Die soude, die ic doe met hare,

Heet Adulterium openbare,
 Of 't wijf met enen ghehuweden man; 1080
 Ende moniken of papen doen hier an
 Dobbel sonde, als sijt bantieren;
 Ende dat comt to bi deser manieren :
 Si gheloven suverbede,
 Ende trouwen die heilghe kerke mede
 Alai priesterscap anevaen;
 Hieromme eest meer van hen mesdaen
 Dan van andren leeken lieden;
 Want si sonden 't ons verbieden,
 Ende goede exempel gheven;
 Doch al sijn sulke die hier an sneven 1080
 Dan sal niemant jugeren no werken;
 Elc sal loen hebben na den werken.
 Dat si in 't sermoen u raden,
 Dat doet; mer niet na haren daden;
 Wie hoerdom doet es in doetsonden,
 Dat's dat die in huwelic sijn ghebonden,
 Beyde die 't doet ende die men 't doet.
 Ander knechts setten in haren moet
 Om een loechene wijfs te bringhen in scaden,
 Ende gheloven hant in handen, 1070
 Hemelijc elc andren trouwe;
 Al hadden sijs beide daerna rauwe,
 Men mach die trouwe nemmermere
 Quite scelden bi gheenere kere :
 Si bliven een vleisch, 't bloet voortan;
 Mesdade 't wijf met enen andren man
 Dan die si ierst trouwe gaf,
 Daer en es gheen twivel af
 Die sonde wert also ghevouwet
 Op hoerdom, al badse die pape getruwet. 1080
 Nochtan es sulc onsalich katijf
 Die zoeken gaen een ander wijf
 Om goet of om ander zaken,
 Ende waent die ierste trouwe ontmaken
 Om datter niemant en was bi;
 Ende croent 't wijf op hem, soe gaen si
 Ter bisscops hove ende versceyden
 Die ierste trouwe dan onder hen beiden.
 Die biscop hevet also vele macht,
 Als hi alle 't water binnen eenre nacht 1090
 Van der zee soude drinken moghen;
 Nochtan sijn si soe bedroghen
 Ende hi es so vermalendijf,
 Ende metten ghelde soe verblijf
 Dat hi die rouwe doet scheiden
 Ende quite scelden tusschen beyden.
 Gaet die man verhuwen nochtan,
 Ende neemt 't wijf enen andren man,
 So wat kinder die een of dander
 Na dien dat si doen den wander 1100
 Dat sijn hoerbaren altemale,
 Met orlove, segghe ic dese tale;
 Nochtan deilen si des vaders goet,
 Dat hem van rechte noyt toe en bestoet.
 Die derde graet heet Incestus,
 Dien willic dietschen nu aldus;
 Dat 's als ic met iemant mesdone,
 Die mi gaet van sebben toe;
 Want dats in de wet verboden,
 Ten waren zaken van groten noeden 1110
 Datter heilgher kerken dochte
 Dat men dispensieren mochte.
 Om mere nutschap so mach men dan
 Bi wette versamen wijf ende man
 In huwelike, mer anders niet.
 Die vierde graet es aldus bediet :
 Peccatum contra naturam;
 Om dese sonde es God gram;
 Want daer omme versanc Zodoma,
 Adama, Gomorra ende Vala, 1120
 Die soe waren dat elke stat
 Enen coninc hadde diese besat.
 Dat's als man ende wijf
 Andersins deilen haer lijf,
 't Si elcs met andren of allene;
 Of met beesten sijn ghemene;
 Dat's dootsonde boven al,
 Ende der zielen den swaersten val,
 Ende scamenisse elker creaturen;
 Ja, die duvel ende sine naturen 1130
 Scamen's bem ende willens niet sien.
 Dit's die ene die sonde van drien,
 Daer God selden ghenaden af doet;
 D'ander es Wanhope, die en was nie goet;
 Die derde Onghelove of Heresy;
 Want soude men beteren dese drie
 En weet ic hulpe, troest noch raet,

- Ja, diere met willen in volstaet.
 Ipcrisie es nochtan
 Alsoe quaet als mense ghescreven can. 1140
 Die vijfte graet, als ic weet
 In latine Struprum heet,
 Dit's maeghden, die suver sijn, bringhen te valle.
 Hier na staen die manne meestdeel alle,
 En als haer es volbrocht,
 Soe sijn si te hans bedocht
 Een ander te sueken in sulken doene.
 Och leyder! dat si sijn so coene,
 En si niet en dincken hoe saen, hoe cort
 Die ghenuechte ten ende wort 1150
 Van der oncuuscheiden ganc,
 Daer si in der hellen stanc
 Ewelijc om moeten smoren;
 Dese hoeftsonde waer goet omboren.
 Raptum heet die seste graet,
 Die vele uut ghiericheiden gaet
 Als ic onleyde yemans kint
 Om sijns goets wille, dat mi mint;
 Al wille ic 't niet te valle bringhen,
 Ghiericheit brinct mi te desen dinghen. 1160
 Och armen! al dat men mesdoet
 Is om dit ongevallighe goet.
 En es cume soe sconen wijf
 Si en hout te cope ziele ende lijf
 Den ghenen, die hem ghelt wilt gheven,
 In scanden ende in sonden leven,
 Ende haer ziele te nemen Gode,
 Die se sciep na sinen ghebode,
 Ende te bringhen in 's duvels ghewelt;
 Dit doen si moghen, si hebben ghelt. 1170
 Dusdanighe coopmanscap dunct mi
 Is nu ghemene verre ende bi;
 Ja, vele esser van den sotten,
 Diere mede spelen ende spotten,
 Ende dies hem beroemen plien
 Dat hem sulc voerdeel mach gheschien;
 Daer toe es sulc onsalich keitijf,
 Die laet sitten sijns selfs wijf,
 Die hi ghesworen hevet trouwe,
 Ende gaet bi eenre vulre vrouwe, 1180
 Daer hi sijn goet al mede verteert,
 Ende laet t' huys enen cauden heert,
 Ende hebben hongher in haren bec

 Ende oft 't wijf mesdade dan
 Bi armoede aen enen andren man;
 Wiens ware die sculde dan des mans?
 Dus gater vele aen 's duvels dans
 Om die vule onreynne luxurie;
 Ende sulc out wijf ter droever uren, 1190
 Die rijc es neemt enen joaghen man,
 Die gheen kint draghen kan nochtan;
 Dits een onsalighe huwelijc.
 Alsoe die arme man dan es rijc
 Valtet decke dat hi verdoet
 In sondeliken ghenuechten 't goet,
 Ende versmaet sijn wijf, die oude.
 Dan keert in rouwen alle die vroude,
 Dan eest al screyen ende vloeken.
 Dus mach men 't vinden die 't wil zoeken 1200
 Dat luxurie comt uut vulen gronde.
 Nu hoert van der gulsigher sonden :
 Gulsicheit, dat 's boven der maten
 Van drancke te nemen of van ate.
 Dese sonde wilt dat men heeft
 Welriekende spise, mer si gheeft
 Vulen loen in alre wise;
 Want soe bet riet of smaect een spise,
 Hoe vulre es datter af comt.
 Wat baet den lichame ofte vroemt 1210
 Si doet der leeken smooch uut blaken,
 Die onghveochghelijc sijn in 't smaken,
 Grof, ombequamen dicken luut
 Jaghet gulsicheit ter kelen uut.
 Gulsicheit sloet ierst 't paradijs
 Doer Adame, dus ben ic wijs;
 Bi gulsicheit, des gheloest,
 Was Sinte Jan Babtiste onthoest;
 Daeromme make ic u allen vroet
 Dat gulsicheit meneghe sonde doet. 1220
 Overyloedt eude gulsicheit
 Es voester-moeder der oncuuscheit.
 Oec rijst uut hare verstormicheit,
 Daer toren af comt ende menich leit.
 Den rechten name gulsich mach sijn
 Gastrimargia in 't latijn;
 Dese heeft graden vive,

Die ic aldus scrive :
Die ierste heet Gulositas,
Die ander Prodigalitas,
Die derde Inabstinencia;
Die vierde, die hier volghet na,
Heet men Iohnonestas;
In 't latijn ic 't aldus las

Dat die vier ierste grade risen
Uut gulsicheden van der spisen.
Ebrietas, dat 's die vijfde graet;
Uten drankte comt dese misdaet,
Ende uten selven risen mede
Drie ander grade der quaethede :
D'eerst heet Invericundia,
D'ander, diere volghet na,
Vaniloquium hi heet.

Die derde es na dat ic 't weet
Gbeheten Inprudencia.
Dese achte volghen na
Der gulsicheit, als ic 't na sal bedieden.

Heeren, vrouwen ende ander liede
Mesdoen hier in herde vele.

Men vint lude die haerre kele
Vele sijn sculdich boven der maten,
Het sy in dranke of in ate,

Dat si els niewer om en dincken
Dan om eten of om drincken.

Dese hebben God el negheenen
Dan om haren vulen sac allene,

Nu ghesoden, nu ghebraden,
Nu pasteyden, tarten, nu vladen,

Nu maleviseye, nu bier, nu wijn,
Nu gbinghebaers of specie fijn,

Ende menighe cost den si versmoren,
Dat overdaet es ende verloren.

Nu hoert van den vierden grade, die risen
Uut gulsicheit van der spisen,

Daer die ierste graet af was,
Als ic vorseide, Gulositas,

Daer hem elc vroet mensche sal scamen;
Hi heet Crapula bi namen;

Dat 's als men et soe vele
Dat hem wederstaen dunct ter kelen

Ende cume smake vint daer an.
Ic kende selve enen man,

Altoes als hem soe gbeviel
Dat hi t' etene hadde wel,

1200 Ende hijs soe vele in hadde ghesteken

Dat hi cume mochte spreken,
Ende hem wederstont der herten,

Stac hi den vingher in sijn storte
Om dattet wederkeren soude

Dat hi geswolghen hadde soe houde, 1280

Ende als hi hadde bekeert dat,
Spoelde hi sinen mout ende at
Dat hem was te voren bleven.

Ic kenden in sinen lesten leven;

1240 Een cleine wile voer sijn doot
Hadde hi die armoede so groot

Dat hi starf als een keytijf;
Hi brachte te valle menich wijf.

Ic kende kinden die van hen bleven;
God moet hem alle soude vergheven. 1290

Prodigalitas die es

Die ander, dies sijt ghewes;

Met wien dat ic ben beseten

Om drincken ende om eten,

1250 Kiesich dat beste moorseel, eest vleisch

Of ander spise, om den heisch

Te volghene van der gulsichede;

Desen graet mach oec mede

Wel gbekeert na mijn dincken

In gulsicheiden gedaen in drincken, 1300

Dat 's als ic den nap volre scinken

Dan ic selve uut sal drinken;

Dat's eens bi wien ic ben gheseten.

Dese gulsichede, modi weten,

1260 Plegghen lude herde vele

Als quisquans ic doet in spele;

Mer si nemen 't metter herten

Te troesteu haer gulsighe sterten.

Die derde graet, als ic versta,

Heet in latijn Inabstinencia;

Dat 's als men hantiert in elken tijt

Ongheordeneerde maeltijt;

Mer in menighen ghelaghe

Vallen si binnen enen daghe;

Dan als si wanen gaen eten,

Ende si ter tafelen sijn gheseten

Comt sulc luut uut haren balghen

1310

Dat daer elc af mochte walghen,
Die hem lude saten na;
Dat 's Inabstinencia.
Die vierde graet, gheloeft mi das,
Bescrive ic Inhonestas;
Ben ic bi yemant gheseten,
Uut wiens scotelen ic sal eten,
Dat ic die goede zoete morsele
Uutkiese ten minen deele.
Desen graet, als ic sede,
Es sonde ende scande mede;
Dus hebdi die ·IIII· graden, die risen
Uut der ghulsicheden ghedaen in spisen; 1330
Nu laet ons ten graden gaen,
Die uut der gulsicheden in dranken staen.
Den iersten heet ic, sijt seker das,
In latine Ebrietas,
Dat 's in dietscen Dronckenhede;
Dit 's grote scande ende sonde mede.
Uut haer risen drie grade,
Die ic u aldus ontlade :
Invercondia heet die ene,
Ouscamelheit ic bi deser meene;
Die droncken en scaemt hem niet
Van aldien dat hem gesciet,
Al saghe men al dat an hem ware.
Die ander graet es na dat ware
Gheheten Vaniloquium;
Dronckenscap maecht niemant stom :
Hi doet elken wel ghereet
Clappen, dies hi niet en weet.
Uut hare risen vele ydele spraken,
Die decwile scande ende werringhe maken. 1350
Die derde graet heet Imprudencia,
Die wort, als ic versta,
Luut also vele als Onvroetscap,
Ende drinct soe vele in sijne verwoetscap,
Soe dat hi neemt over boert;
Soe worden sijn synne also versmoert
Van den domen ende van den stancke,
Die rijst uten sterken drancke,
Soe dat die mensche niet en wort
Van vroetscapen can bringhen voert. 1360
Dit 's die sondelike quaethede,
Die rijst uut der gulsichede,

Soe wel den beesten die water drincken;
Want si nature meteen vermincken,
1320 Die God in hem ierst brochte;
Mer die mensch set sijn gedochte
Alleene om te sine versaet :
Dat hem die spise wederstaet,
Dan heeft hi ghenoech gheten.
Wine connen anders gheen mate weten; 1370
Dus playstere wy ons telker ure,
Ende als verladen es nature
Dat si die spise niet en mach verdraghen,
Comen daer af vele plaghen :
Coortsen, walghen ende spuwen,
Eer sijt verteeren ende verduwen.
Dan als wandelen die materien,
Soe neemt men puzoene of set clisterien,
Als si hebben torsioen, 1380
Of dwater of menizoen,
Ende menicht ander ongheval
Die comt van gulsicheden al.
Och ! dat hem die mensche verslaet
Met dus groter overdaet,
1340 Daer hi ziele ende lijf verderft,
Ende menich mensch welna starft
Van noetdursten die hem gebrecht,
Ende bi hem niet die hant recht
Die sijn broeder es voor Gode.
Ic segghet hem, als hoert hijt noede : 1390
God salt scerpelijc an hem wreken
Ende van sijne ghenaden verstecken,
Als hi sijn scerpe ordel hout,
Ende daer en sal baten gheen ontscont;
Want het eene gherechte scult
Dat overvloet ghebrech vervult;
Daer om gheeft, ghi gulsige zade,
Doer God, soe doet hi u ghenade.
Gramscap es ene verstormichede,
Die brinct den mensche ter haestichede, 1400
Die 't herte in vele ghepense doet wandelen
Altoes in ombaten van den andren.
Gramscap doet met haren machte
Uut hare spruten graden achte :
1360 D'eerste noemich Odium,
Den andren Omicidium;
Den derden Discordia,

Den vierden Injuria,
 Den vijften Contumelia,
 Den sexsten Impaciencia;
 Den sevenden, sijt seker das,
 Heet in latijn Malingnitas;
 Die achte es, na dat ic 't weet,
 Verwoetscap, die Furor heet.
 Dese achte graden risen
 Uut gramscap in menigher wisen.
 Dese sonde es nu weder ende voort;
 Nyemant en mach nu horen een woort
 Dat yet teghen hen es of gaet,
 Hi en volcht te hant an desen graet,
 Ende trecket swert uut of knijf
 Ende wilt den andren nemen dlijf,
 Ende doer dustane ghelike saken
 Sal God noch sware wraken
 Senden ende plaghen van sonden,
 Die niemant en soude connen ghegronden
 Hoe swaer dat si sullen vallen,
 Niet op een mer op ons allen,
 Ten si dat wy ons beteren leeren.
 Nu laet ons ten graden keren;
 Van der gramscap es d'eerste graet,
 Die Odium in latyne staet.
 Dit es een verwoede gramlichede,
 Die doerlopen alle die lede :
 Tot in 't herte soe loept die;
 In dietsch noemen wise Hatye.
 Desen graet in allen tiden
 Mach gheseghet sijn met niden.
 D'ander graet Omicidium heet,
 Dat 's Manslacht, als ic 't weet.
 Dat 's verboden in 't wise ghebod
 Dat in dese tafele screef God.
 Die derde heet Discordia,
 Dat 's in dietsche, als ic 't versta,
 Als ic tusschen lieven vrienden,
 Die ghene quaetheit en verdienden,
 Jeghen elken andren maken onvrede;
 Dit 's een herde grote quaethede.
 Injuria es die vierde graet,
 Die uter gramscap gaet.
 Dese ghevallet nu ende echt
 Uut gramscepe te doene yemant onrecht;

Dit 's 't gebrec van desen grade;
 Menich beraet eenen scade
 1410 Om datti gram op hem sy.
 Die vijfte graet, hoert na my,
 Heet Contumelia in 't latijn;
 Dese sonde die moet sijn
 Als mi yemant gramscap doet,
 Ende ic anders nemen moet, 1460
 Ende mine gramscap niet en can wreken,
 Dan ic quaet van hen gaen spreken.
 Die seste graet die moet sijn
 Impaciencia in 't latijn;
 1420 Dat 's Onghevoechsamighede.
 Al en mach ic mine gramhede
 Niet wreken te ghenen daghen,
 Nochtan can ic se niet ghedraghen.
 Ic legse soe langhe in mijn herte
 Datter decke af comt groot smerte. 1470
 Die sevende es Malignitas,
 Dat es in dietsche, sijt seker das,
 Als ic enen quaden wille
 Op yemant draghe in 't herte stille;
 1480 Eist dat hi yet mesdoet dan,
 So wien het si wijf oft man,
 Ic sal dat quade wroeghen voeren,
 Ende aldus wreke ic minen toren.
 Desen achsten graet diere toehoert
 Es besloten in dit woert, 1480
 't Welke es Furor in 't latijn;
 In dietschen moet ghenoeent sijn :
 Woetscap, ghebrech van sinne.
 Dese hebben den duvel inne,
 1440 Die hem ghevet sulke cracht
 Dat twee lude ghene macht
 Hebben teghen enen verwoeden;
 Ende al ghevalt dat si daerna vroede,
 Nochtan en crighen si gaerna verstaen
 Soe goet, als si ierst hebben ghedaen. 1490
 Hier mede sijn die ·VII· dootsonden
 Volcomen, die de zielen wonden.
 Nu hebbe ic in dietschen ontladen
 't Bediet van der sonden graden,
 1450 Om dat elc in allen stonden
 Hem soude te bat wachten van sonden.
 Die 't herte hadde ter doot waert

Hen alrehande volchen spaert,
Gheenerhande soude als nu
Teghen andren, dat segghe ic u,
Die sermone die de lude hanteren;
Dat 's dat si andren jugeren.
Elc wil wesen in alre uren
Die beste van sinen ghebueren;
Niemant en kint sijns selfs quaethede,
Als ic hier te voren sede,
Ende elc verdraecht andren noede.

Nu willic op die ·X· ghebode
Letten, ende dichten na den latijn,
Ende beschrijven wat si sijn,
Ende wie dat mesdoet daer in
Nadien dat God minen sin
Sal bestieren ende bekeren

.
Den leeken die 't niet en weten,
Of die 't moghen hebben vergheten
Dat si te kennisse weder gheraken.
Wi dat ic hier sal maken
Dat si quaet scouwen hier ende daer;
Dit sijn die ·X· ghebode claer.

Wy vinden in die heileghe scripture
Dat Moyses in eenre ure
Enen brambosch sac bernen claer,
Ende doen hi quam het naer
Sach hi dat hi niet en brande.
Doen ghinc hi daerwaert te hande
Omdat hi wilde 't wonder verstaen.
Doen hi ten bome quam ghegaen
Riep tot hem in deser ghelike
Een stemme van hemelrike :

« Onscoydi, Moyses, eer du voort gaets, 1520
Die stede es heilich daer du op staets! »
Moyes claerlijc meteen verstont
Die woerde, die quamen uut Gods mont;
Dede sijn scoen uut, daer hi stoet.
Doen bleef hi al barvoet
Opwert siende herde zeere;
Doen verclaerde hem Onse Here,
Dat hem die stemme hiet afdoen
Van sijne herten die haerde scoen.
Dat ware die verhaerde sinnen
Om dat si souden moghen bekinnen

Dat hem worde ghetoent van Gode.
Daer outfinc hi die ·X· ghebode,
1500 Die ic na den latine hier naer
Sal beschrijven openbaer.

Dat eerste ghebod was in der ee :
Non habebis Deos alios coram me;
Dit es dat dietsch van desen ghebode :
« En hebbe voer mi gheen vreende Gode. »
Jeghen dit mesdoen die ghene, 1550
Die experimenten sijn ghewoene
Te werken met toverringhen
Om wijs of andre dinghen.

1510 Teghen dit ghebod mesdoen
Die beesten betoveren ofte coen
Om den luden t'evenen dat not.
Dese sceiden van haren gherechten God,
Ende gheloven an hem daer si mede werken.
Daer om pleghen meest die clerken
Hier in te dolen; maer leeke luden 1560
En weten niet wat die woorden beduden,
Ende gheloven dat es waer,
Dus wort haer wero haer afgod daer.

1520 Te dese mesdaet wil ic oec knoeppen
Die bedevaerden beloven, of loepen
Om iet te hebben dat si begheren
Dat hem helpen mach oft deren.
Dese hauden oec in afgoderien
Ende sceiden van Gode in heresien;
Want kenden si Gods almecchtighede 1570
Si baden an hem hare ghebode;
Mer si weten wel God en hoert
Nyemans ghebode noch sine woert,
Hine bade dat hem salich ware.

Hier om loepen si hare ende tare
Om vrienden troest ende laten Gode bliyen.
Ic hoerde eens scelden twee wiven
Soe seere als si vechten souden :
Die ene woude haer ghelove houden
By onse vrouwe van Rosebeke, 1580
Ende seide si halpse in eenre weken
So wel uut soe swaren laste.
Si soudse besueken oec, hoe sijt paste,
Met hare offeranden alle jaren.

1540 D'ander seide dat mechtigher ware
Van Ardenborch die Vrouwe;

Si hadse soe decke uut menigher rouwe
 Verloest ende soe wel ontheven,
 Si soudse eeren al haer leven;
 Want si ware mechtich boven al. 1890
 D'ander seide : « Si en sal
 Niet sijn boven haer van Rosebeke;
 Want si en laet niemant hebben breke
 Hare ghenade, soe wise beghert. »
 Doen seide ic dus ten wive wert :
 « Segt mi, ghi twe die scelt dus zeere,
 Hoe vele moederen hadde God, onse Heere? »
 « Ene, spraken si, ende niet meer! »
 — « Ende mi dunct ghi vinter twe : 1600
 Rosenbeke ende Ardenborch;
 Laet staen u scelden ende u gheknorch.
 Esser mer eene soe loefse ende eertse,
 Ende en verminderse noch en vermeertse :
 Si es even mechtich overal. »
 Dus stillede ic der wiven ghescal.
 Si scaemden hare om mine woort,
 Ende bleven wel te vreden voort.
 Dit en sal men niet verstaen in desen
 Dat ic ontrader des wil wesen;
 Men sal die moeder Gods eeren, 1610
 Ende alle die heileghen Ons Heeren;
 Want wi hem nemmermeere doen moghen
 Die ere, die si na waerden doeghen;
 Maer ic begripe die sotte risen,
 Die een stom beelde alsoe verkiesen
 Dat sire al haer ghelove an setten,
 Ende maken van den beelden mametten,
 Ende aenbedense voer onsen heere God.
 Hier in breken si deerste ghebod.
 Dat ander ghebod es ons bescreven 1620
 Van Gode ende aldus ghegheven :
 Non assumes nomen Dei tui in vanum.
 Ic ende anders menich dom
 Doen contrarie hier teghen decke.
 Dat dietsche ic ua latijn te scicke :
 « En noeme den name van dinen God
 Niet in ydelheit noch in spot. »
 Dit ghebod es nu so verghten
 Dat ic en can gheweten
 Dat van 'X' een mensche hout; 1630
 Die sonde es so menichfout,
 Daer men comenscap hanteert,
 Daer en wort een eet toe ghevisiert
 Van God of sijne hileghen een.
 Dit es over al soe ghemeen,
 Hoe cleyne die comenscape sy,
 Sweert men of liegheter by.
 Die coop en can niet wel gaen voert
 Seit d'een den andren nu toe een woert
 Dat 's hi den bloede of hi den wonden, 1640
 Het 's waer al waer oec loghen vonden.
 Och arme, dit es alte grote mesdaet
 Dat men Gode doet al an staet
 Ende sijn heilghen versweert
 Om niets of om niets wert.
 Ja, al dat hi doer ons leet,
 Sine bloet, sijn doot, sijn wonden, sijn sweet,
 Sine hoeft, sijn darmen, sijn oghen, sijn tanden,
 Sijn cruce, sijn naghelen, sijn menegheraude
 Martielie, die hi liden woude, 1650
 Versweert men ende verwit men menichfoude
 Tot sinen ondancke om clene zake.
 Och, der groter scepper wrake,
 Die hi noch op alle die ghene
 Doen sal die des sijn ghewoene,
 Ende dat 's wel recht ende grote reden;
 Want allen dat hi hevet gheleden,
 Dat 's sonder sijne verdienten scout;
 Mer onser alre behout.
 Elc merke of si ben dan wel quiten, 1660
 Die hem sijn liden in scanden verwiten,
 Daer si hem sculdich te dancken waren.
 Exempel wil ic hier bi verclaren :
 Een man hebbe eenen vriend och maech,
 Die der doot wel hevet verdient
 Ende es ghevaughen van leeliken saken.
 Men sallen hanghen of radebraken,
 Ende es met rechten ordel verwijst
 Ter doot, die sijne ondaet rijst.
 Men richter over in 't openbare, 1670
 Come enich man of wijf daer nare,
 Die hem des gheens doet verwijst,
 Of vermaent in sijn despijt,
 Die d'ander om sijn verdiente leet.
 Sijn bloet verroet hem ende es hem heet;
 Hi weets hem ondanc en ongonst,

Ende sulc doet macht daertoe ende const,
Dat hire wrake op hem afdoet;
Eest wonder dat God dan evelmoet
Ten ghenen draecht, die sonder noot 1680
Sijn bloet, zijn wonden, zijn bittere doot
Hem verwiten ende daerbi sweren.
Neen, hi salse condempneren
Ewelijc iu der hellen gront;
Want al dat hem te liden stont
Was voer ons menschelijc arm diet;
Om sijn verdiente en waest niet.
't Ware cleene ghenoech dat wijs hem dancken,
Ende sine gheboden niet en crancken;
Want also dicke al wi sweren 1690
Bi den minsten liden Ons Heren,
Of bi sijre Moeder of bi enen
Sijnre heilghen, groot of clenen,
Weder het es loeghen oft waer,
Dat ander ghebod breken wi daer.
Der loghene es vele die meeste sonde;
Want wi roepen t'ouser orconde
Gode of die heileghen, daer wi bi sweren;
Waren wi vroet wi soudens ontberen.
Dat derde ghebod dat es : 1700
Sabata santifices;
« Du salt die heileghe daghe vieren. »
Dus na der heileghe scrifturen manieren,
Van allen sondeliken werken.
Nu elc wil dit in hem selven merken
Of hi hem op die heileghe stonden
Wel wach van allen onreynen sonden
In werken, in woerden ende in ghedachte.
Hem waer beter dat hi wrachte, 1710
Weyede of vollede op heileghe daghe,
Also hi werkesdaghes plaghe,
Dan hi in die taverne gaet,
Ende des drancs soe vele in laet
Dat hi verliest alle sijn memorie,
Met lachene of met ydelre glorie,
Met sweren, met coepen ende met vercoepen.
Hoe si bedrieghen ende beloepen
Elc andren met loeser spraken,
Op dat si sconen licoep maken, 1720
Of andre die gaen in rolle weghe
Rusen, ofte spelene si pleghe

Met sciven, met dobbelen of met potreyen;
Dit 's nu al 't vieren van den ghemeynen :
Quaken, clossen, hancken, caetsen.
Die wive loepen dantsen ende traetsen;
Sulke drincken te samen een clene toeghe,
Ende worden ten lesten soe goeden hoegen
Dat si scelden eer si sceiden.
Daer vertallen si ende verbeiden
Al 't ghebrec ende al tuuslegghen, 1730
Dat si weten of hoeren segghen
Van andren luden hier ende daer,
Weder dat loghen es of waer.
Dus verdwasen si ende verrinnen
Mer dan si ter weken winnen,
Ende versinnen ende onthouden
Hem selven die doecht die si doen soudens,
Ende vertornen haren God
Met dat si breken terde ghebod;
Daer die om wachs hem elc die can, 1740
Ic segt hem, es hi wijf of man,
Die dit of des ghelijcs hanteren
Si moghten bet werken dan si vieren.
't Vierde ghebod gaf God uut hem :
Honora patrem et matrem.
Dat dietsch hier af es dus te gadere :
« Eere moeder ende vadere. »
Dat kinder dit ghebod verbreken
Dat doen decke hare ouders ghebreken,
Dese niet en leeren noch en dwinghen, 1750
Ende laten hen haers willen volbringhen
Sonder casteyen, al doen si quaet,
Ende en tellen 't voor ghene misdaet;
Mer sine kennen 't mede ende sterkense daerin,
Ende die jonghe kinsche sin,
Die men in weelden ende dus opvoet,
Sien selven quaet no goet
Anders dan men hen 't eersten leert.
Daer bliven si gherne an gheleert,
Het si dorperheit of doghet, 1760
Als si dan wassen uter joghet,
Vol haers willen sonder dwanc,
Soe en doen si nemmer an haren danc
Vader of moeder eere of goet;
Mer scade, toren ende wedermoet,
Is 't in woorden, of in daden,

Si veronwerdendse ende versmaden,
Ende van al dat sire in mesdoen
Sijn hun ouders ierst occusoen,
Ende dit en laet God niet ongewroken; 1770
Dus wordt dat vierde ghebod ghebroken.

Dat vijfde ghebod hier na es :
Neminem occides.

In dit ghebod menich mesdoet,
Dies nochtan niet en es vroet,
Mitten woorden sonder doen.
Wanneer ic vinde een occusoen
Op hem, dien ic mijn viant make,
Ende men op hem vervolghet die zake,
Al eest nochtan vonden waer, 1780
Sterft hi, ic ben manslachtich daer,
Al en sla icken niet metter hant;
Want ic make sijn feyt becant,
Daer hi den doet duer moet ontfaen.
Oft weet ic yemant oec ghevaen,
Ende mach icken met minen goede
Lossen nut sijnre armoede,
Doen ics niet, ende hi daerin sterft,
Sijn dootslach es op mi gheerft. 1790
Weet ic oec zieke ende ander arme
Nootdorstich, ende icker niet en ontferme,
Ende ic hem beteren mach haren noot,
Sterven si ic ben sculdich der doot.
Men vint oec sulke boese wiven,
Die heimelijc oncuusheit bedriven,
Ende willen maghet sijn openbare;
Alsi dan worden gheware
Of duchten dat si kint hebben ontfaen,
Soe zoeken si raet daer teghen saen
Hoe dat sijt wech moghen bringhen; 1800
Si loepen dansen ende springhen,
Ende moyen hem selven boven maten
Omdat si hopen dat hem sal baten;
Of si doen hem besweren ende vloeken
Met experimente in valschen boeken,
Of eten crude, of drinken cyroepen
Om die materie te ontknoepen,
Die gheminghet es metter naturen,
Soe en canre gheen doecht af dueren;
Nochtan eer dat in hem gheschiet 1810
Liden si sulke soe groot verdriet

Van groter siecten, van groter quale
Dat si na wel verderven te male;
Dus verderven si siele en lijf.
Mer dit en telle ic voer gheen wijf;
Mer mordenerse of argher vele;
Want dat men enen man afstict die kele
In 't wout of mort om sijn ghelt
Is vele min sonde voer Gode ghetelt.
Ende sulke legghen te vondelinghen 1820
Hare kinder, die si bringhen;
Werden si bevonden ende opgehouden
Te minder sijn der sonden scouden.
Versterven si, eer mense vint,
Het 's manslach, ende niet men een twint.
Dus mach men breken menichsijns
't Vijfde ghebod haer en ghens.

Dat seste ghebod ghescreven is
In die tafele : Non mecaberis;
Dats : « Du en salst doen gheen overspel. » 1830
Die meeste poenten hier af een deel
Gaen in der luxurien graden hier voren.

Dat sevendde ghebod laetich u horen,
Dat 's : Furtum non facies.

Van desen gheboden ghescreven es
In den vierden graden hier voren
Der ghiericheden al sijn behoren.

Dat ·VIII· ghebod gaf God Moyses :
Falsum testimonium non dices;
Dat mach men dus in dietschen legghen : 1840
« Dune salst gheen valsche orconde segghen,
Noch doen segghen, noch begheren,
Die dinen evenkersten deren;
Want die mesdaet es even groet. »
Sinte Pauwel seit al bloet 1800
Also vele mesdaet hi die quaet
Raet, als die doet die daet.
Also saen als een loghene sweert,
Hoe toecomt, wient hulpt of deert,
Als die mont 't woort heeft ghesproken 1850
Is dat achtende ghebod ghebroken.

Dat neghendde ghebod staet hier hi :
Non concupisses uxorem proximi tui;
« Du en salst, na dlatiju bediet,
Gheens anders wijf begheren niet,
Sijn huys, sijn erve noch sijn goet. »

Nu merct dan oft hi sere mesdoet,
Die met sijns evenkerstens wijf
In dootsonden deelt sijn lijf,
Of die enich wijf oncleit,
Ende neemt haer haer reinicheit
Om ghenuechte oft om haer goet;
Als sulc met crachte of anders doet
Haer ondanx ende haer vriende;
Of die eens anders huys of lant of tiende
Met vonden ontbinden of ontalen,
Of met onrechte haer erve ontpalen,
Is 't dat men 's niet ontberen en moet,
Soe en can die daet niet wesen goet.

Van den ·X· 't leste ghebod
Soe verbiet ons allen God :;
Non concupisses proximi tui servum,
Ancillam, nec bovem, nec azinum;
« Du en sulst van dinen evenkerstijn
Niet begheren den dienstknecht sijn,
Noch van sinen meysniden gheen,
Noch ossen, noch ezel, dat 's meen. »
In dit ghebod dat men niet moet
Begheren of willen enich goet,
Dat ousen evenkersten hoert toe,
Daer men enich onrecht an doe,
Of moyenisse, of verdriet, of scade,
Dat wi niet en wouden dat men ons dade.

In dit ghebod eest al ghetoghen
Daer wi God in dancken moghen,
Of met verwerken met onse ghebreken,
Ende nyemant en canre oech in getreken
Enighe poenten van ontsconden,
Wil hi hine maecht al wel houden.
Ic wilt bewisen ende maken 't waer
Dat gheen ghebod en es soe swaer
Van allen ·X·, daer wi af spreken,
Si en sijn lichter te houden dan te breken,
Ende ghesonder der zielen ende den live,
Ende waer omme willen wy dan, arme keytive,
Emmer doen dat God ghebiet.
Hi en behoeft onser doghet niet;
Want niemant en mach hem helpen no deren;
Mer wi en moghen sijns niet ontberen,
Ende hi verlore ons alte noede,
Daer bi heeft hi ons sijn ·X· ghebode

Ghegheven, dat wy vreetsam souden
Leven ende sijn vrintscap houden,
Ende met hen selven na dit lijf.
1860 Nu dinct, al over man ende wijf,
Die na uwes selves wille leven,
Of ghi menighe poente voerscreven
Vroekich of mesdadich si,
Ende betert die wile dat ghijs hebt tijt;
Want alse die tijt overlijt, 1910
Condijs niet beteren dan daer ghi sijt.
God gheve ons cracht wille ende sin
Ous selven te hauden hier in
Of te vallen den swaren val;
1870 Dit comt an ons selven al.
Nu wille ic u voert beconden
Van den seven dootliken sonden,
Welke dootlijc of dachlijc sijn,
Na dat beschrijft sinte Augustijn.
Somme sonden sijn soe belegen 1920
Dat si Gode alle gaen teghen;
Ander sonden sijn soe ghedaen
Dat si teghen den evenkersten gaen;
Ende andre sijn soe becondicht
1880 Daer een teghen hem selven in sondicht.
Dat sal ic u anders claelijc doen verstaen;
Die sonden die teghen Gode gaen
Sijn van drierehande manieren :
't Eerste als wy hanteren,
Of aenbeden vreemde Gode. 1930
Soe gaen si uten eersten ghebode :
Dat heet dus dat men Gode sal
Voer al minnen ende boven al.
't Ander dat wi bi roekeloesheden
Gods namen noemen in ydelheden.
Terde dat wi en vieren niet
Die heileghe daghe als God ghebiet.
Sullen wi beteren dat moet wesen
Metten monde bidden ende lesen
Begharlijc met innigher herten; 1940
Dus sal men slaken der zielen smerten,
Die si souden liden moeten;
Si sijn wijs diet hier wel boeten.
Dandre seven ghebode sijn
Gaende teghen den evenkerstijn,
Als moerden, stelen ende overspel,

- Valsch orconde ende te sine rebel;
 Vader ende moeder niet te eeren,
 Of anders yemans goets begheren,
 Anders dan die ghebode inhouden.
 Dese sonden, dese scouden
 Moet men beteren met rechten restore,
 Beraden van den confessore,
 Ende met aelmoessen te gheven.
 Sonden, die di selyen ancleven,
 Als luxurie ende gulsicheit;
 Dit saltu beteren met soberheit,
 Na dat die heilighe leeraers segghen :
 Met vasten, met onsachte te legghen,
 Met wollen gaen, met abstinencien,
 Met deser ende ander penitencien,
 Die men doet met 's priesters rade;
 Soe vercrighet men Gods ghenade,
 Daer alle verdiente loen sal ontfanen.
 Die sonde die teghen Gode gaen,
 Wanneer si also sijn ghedaen,
 Als die ierste dribode voerseit,
 Wanneer men se met voersienicheit
 Brecht, ende gheen mesdaet en telt,
 Dat's hoeftsonde voer Gode ghespelt.
 Die sonden teghen den evenkerstijn,
 Wanneer si also ghedaen sijn
 Dat si hem niet en scaden noch deren
 An live, an goed ende an eeren,
 Soe moghent daghelijsche sonden wesen;
 Mer scaden si hem an enich van desen,
 Soe eest voor Gode hoeftsonde;
 Mer niet ghelijc van gronde,
 Sulc meere, sulc minre in haren graet,
 Na dat groet es die mesdaet.
 Dat gaet sere teghen dieghene,
 Die gherne pleghen of sijn ghewone
 Maechden te nemen haer suverheit;
 Want allen der souden gebrekelecheit,
 Daer si namaels in mesdoen,
 Daer es hi al af occusoen,
 Ende sculdich die haer ierste plante den doren;
 Die wille wachs hem, het's beste ontboren.
 Nu wille ic u claer ontbonden
 In wat manieren dat men de sonden 1990
 Bekinnen sal, die men doet dicke,
- Ende elc sonde op haren sticke
 Gheset ende op haren graet,
 Hoe datter in mach luschen quaet;
 1950 Also ic belovede in 't boecs beghin.
 Nu willic voert verclaren hier in
 In wat manieren die sondare
 Hem mach beteren ende worden claer
 Van allen sonden die hem deren,
 Ende comen ter ghenaden Ons Heren. 2000
 't Eerste dat moet emmer sijn ghedaen;
 Dat's dat wi kersten doopsel ontfanen;
 Want onghedoopt blijft niemant behouden.
 Drie poenten die dus sijn ghestouden :
 1960 Contricio, Confessio, Satisfaccio,
 Die moeten wy dan hauden ho so
 Dat met ons gaet in enighe saken,
 Sullen wi den rike Gods ghenaken;
 Want van den sondeu die Adam dede
 Dwaet ons dat doopsel ende suvert mede; 2010
 Maer dan ons selfs sundighe daden
 Sal ons God daer af doen ghenaden
 Moeten wi eerst hebben contricio,
 Dat es wel recht ende daer toe so
 1970 Moeten wi confessio gaen;
 Dit's rechte biechte ende die moet staen
 Met ·VIII· poenten, sal si sijn claer :
 Bitter, scamel, ghehel ende waer,
 Voerdachtich, willende ende dicke, 2020
 Ende onderhorich; dit sijn die sticken,
 Daer biechte bi moet sijn ghedaen,
 Sal men's voer Gode loen ontfanen.
 Het moet niet weder micken,
 Weder te sondelike sticken,
 1980 Daer men biechte heeft af gesproken,
 Of 't recht der biechten esser in te sproken.
 Hier bi al gaet die woekenare
 Te biechten of te Gods outare,
 Ende keert dan weder ten quaden goede;
 Of andre die voer sine moede 2030
 In ontwette sitten te gader;
 Haer biechte es verloren ende quader
 Dan of si niet en wisten van God;
 Want si houden mit Gode haren spod;
 Ende van allen dootliken sonden
 Is 't des gelijcs. Nu willic gronden

Der biechten poenten : 't eerste moet wesen
Bitter, sal men daer bi ghenesen;
Dat's ons in die heilige kerke bleven
Op dat selve vers bescreven : **2040**
Recogitabo tibi omnes annos meos
In amaritudine anime mee.
Dat dietsch hier af mach men dus sinnen :
« Ic sal belyen ende bekinnen
Al mine jare in bitterheiden
Mijare zielen. » Dat's aldus besceyden
Dat ic die boesheyt ende die sonden,
Die ic ye dede in alle mine stonden,
Die sal ic belien ende Gode vermanen
In bitteren rouwe ende in tranen. **2050**
Dus moet die biechte bitter wesen
Salre die ziele bi ghenesen.
Si moet oec scamel sijn daertoe :
Dat's als die ic mijn biechte doe
Sal al mijn dincken sijn bescaemt
Om dat ic Gode soe hebbe begraemt
Met sonden, die ic teghen hem dede,
Willende ende wetende dat icken mede
Vertoernt hebbe ende verwrocht.
Dit's ons in die scripture voertbrocht : **2060**
Confessio est adducens gloriam.
Dat derde poent als ic vernam,
Dat's dat die biechte moet sijn geheel.
Men vint wel lude die een deel
Hare sonden den pape doen verstaen,
Ende daer na tot enen andren gaen,
Ende segghen hem dat anders dat si meer weten;
Dit's een scalke biechte ghepleghen.
Al sijn si tweewerf gheabsolveert
Die biechte es voer Gode ontweert; **2070**
Oec eest verboden in decretale.
Dat vierde poent es dat men wale
Voersiendelijc die biechte sal doen hoeren,
Ende wel voerdencke langhe te voren
Die sonden, die men sal belyen.
Dit staet ghescreven in Jheremien :
Memoria memor ero.
Teender andre stede steet oec alsoe :
Ponite corda vestra super vias vestras
Peccata vestra reducenda ad memoriam. **2080**
« Voerdenct ende recht in allen stonden

U herte op uwe voerledene sonden,
In uwen weggen daer ghi sult gaen;
Ghi sult een claer bekinnen ontfaen
Al uwes ghebrechs, daer sonde af comt,
Ende daer men om meest sijn verdoemt
Ter hellen waert in pinen comen. »
Dat vijfste poent wil ic hier noemen :
Dat's dat men met wille vromen
Te biechten sal gaen die sonden noemen : **2090**
Voluntarie sacrificabo tibi.
« Here, ic sal met willen vri,
Seit David, di offeren mijn offerande. »
Een dief die leghet ghepijnt in bande,
Allijt hijt dat doet bedwanc, **2100**
Bedi en heeft hijs loen noch danc;
Want hi doet met onwilligher herten.
Dat seste elc sal met volre beghten
Oetmoedelijc hem selven wroeghen
Van allen sonden, die Gode misnoeghen,
Daer hi hem misdadich in weet, **2110**
Al bloet, sonder enich ommeleest
Daer om te winden, oft te versconen.
Men vint wel lude als si toenen
Haer sonden, dat si na poghen
Hoe si hen ontsuldighen moghen,
Ende dit's mesdaen ende sonde groet.
Psalmista David seit ons al bloot :
Quanto peccator plus se excusat
Tanto Deus plus accusat. **2120**
« Soe hem die sondare ontsuldicht mere,
Soe vele meer wroechten God, onse here,
Daer af voer sinen hemelschen Vader. »
Daer omme en maecht u sonden niet quader,
Belijtse recht also ghise doet.
Dat sevende poent es dat men moet
Deckwile biechten, t'allen stonden,
Also dicke als men doet die sonden
Sal mense belien tijt en ure.
Hier omme seit die heilighe scripture : **2130**
Nichil offendit ita diabulum
Sicut frequens confessio.
« Gheen dinc mach bet wederstaen
Den duvel dan decwile biechte ghedaen;
Want langhe versinnen doet vele vergheten. »
Men vint vele lude die niet en weten

Als si den pape comen te voren
Dan gheloghen of ghesworen;
Nochtan en comen si maer eens in 't jaer.
Och, dit es der zielen een bordene swaer 2130
Dat men die eene sonde op d'ander lact,
Ende daer af niet te biechten en gaet
Ten tide eer 't van gherechten comt.
Dit leste poent es goet ghenoeemt,
Dat es onderhoericheit.
Die den pape sijn sonden seit
Sal onderhoerich sijn te doene
Die penitencie soene,
Die hem die priester set op dien tijt,
Met rouwen, met willen, met vlijt, 2140
Ende met also groten ghenuechten mede
Als hi die sonden te voren dede.
God seit : Qui se exaltat humiliabitur,
Et qui se humiliat exaltabitur.
« Hi wordt ghenedert die hem verhoghet,
Ende verheven die hem verhoeghet. »
Daerbi uter hoverdigheden
Spruten alle quade seden
Als ic hier te voren vertrac,
Daer ic van den sonden sprac. 2150
Noch volghen dan ·VI· poenten naer
Der rechter biechten, si sijn claer :
't Eerste hi moet weten wat;
Aldus sal men beduden dat
Weder die sonde mesdaen mach sijn
Teghen Gode of teghen den evenkerstijn,
Of teghen di selven oec, eest waer.
Minder sonde eest stille of openbaer,
Om dat die sulke mochte sien
Die oec mesdoen mochte in dien. 2160
't Ander poent es waer omme,
Daer luttel op merken die domme,
Die dicke swaerlike mesdoen
Sonder zake of occusoen.
Doe men sondicht om mynre zake
Soe meere es der sonden wrake;
Want te mesdone sonder noot,
Die mesdaet es dubbel groot.
Mer es een ghetempteert soe dicke
Datten die sonden vaen ende bestricken, 2170
Vallet hi, hi biecht ende betert bi rade;

Dat sijn menschelike dade,
Mer sonder vreesse altoes hantieren
Sonden, dat sijn sduvels manieren.
Paulus seit : Humanum est peccare,
Dyabolicum perseverare.
Dat derde poent dat hi weet hoe
Die sonde is, daer hi biechte af doe;
Want men daghelijsche sonden
Soe mach doen het worden dootsonden, 2180
Ende sulc dunct dat gheen sonde en sy
Mach men soe doen al eest ierst vri
Dat sonde wort in 't bighedueren,
Alsoe ic seide ierst van luxurien :
Dat's dat een man met sinen live
Hoeftsonde mach doen met sinen wive;
Dat's dat hire ghenuechte anders met heeft
Dan rechte nature orlof gheeft.
Dus behoert dat men weet hoe,
Dat in welc tijt dat men mesdoe; 2190
Want mere sonde waert dat men plaghe
Op vigilien oft op vastendaghe
Quaetheit te doene ofte sonden
Dan op andre simpel stonden.
't Fijfte poent es in wat steden
Men in den sonden es gheleden;
Want mere sonde es quade ghewerken
Te doene op kerchove ende in kerken
Dan in 't huys oft opter herden.
.
't Seste poent laet ons besien 2200
Van der biechten, dat's met wien
Dat men heeft ghedaen die sonden,
Die in huwelike ende ghebonden
Of begheven in religione;
Met dien eest argher te mesdoene,
Ende met maechden alre meest;
Want sneven na, soe eest ghevreest,
Hi es oersake van alleu mesvalle,
Die se eerst brochte te valle, 2210
Also ic te kinnen gaf te voren;
Daeromme eest vele beter ontboren
Dan maechden te nemen haer reinichede;
Dus eest van allen sonden mede.
Diefte es dootsonde ende verboden;
Nochtan sijn vele mindere die noede

Die stelen enen riken man,
Die een luttel niet scaden en can,
Ende niet en deert, en weet hijs niet,
Dan enen armen die groet verdriet,
Ende groet armoede daerom moeste liden, **2220**
Ende sijn broot van tide te tide
Moet winnen, daer hi bi sal leven,
Ende wijf ende kinders den nootdorft gheven,
Of van ghebreke bidden broot;
Ende die 't goet stal heeft hijs noot,
Ende hire hem mede wilt ghenen,
Hi maecht den riken wederkeren
Namaels als hem God beraet,
Ende het in sijnre consciencien staet,
Of sinen ernamen, ware hi doot; **2230**
Dus sal sijn die sonde groot
Also vele alser min af comt hinder,
Soe es dat beteren hier af minder;
Maer best waer leven onghesondicht,
Doch als die sondare biechte condicht,
Soe sal hi dese poente sesse
Hebben in sijnre ghedinckenisse,
Sal hi ghenade van Gode ontfan;
Want die een cleet scone wilt dwaen,
Hi moet die ployen al ontvouden **2240**
Of het sal smitte in hem behouden
Ende vulnisse, hoe zeere men 't dwoeghe.
Aldus eest noot dat elc hem dwoeghe,
Of hi wille te biechten gaen,
Wel te ontvouden dat hi wil dwaen;
Dat 's sine consciencie wel clare,
Die menighen winkel heeft in hare,
Met desen ·VI· poenten voerghenoemt,
Als hi voer den priester comt.
't Ander poent daer men mede
Comen mach ter zalichede,
Dat 's recht berou van allen mesdaden;
Allen scanden ende versmaden,
Die de ziele mach ontfan,
Can berauwenisse afdwaen.
Si es 't water daer men mede
Wort suver alre leelichede;
Maer berau sonder trane
Heeft ghene macht af te dwane.
Claerlijc alder sonden sneven **2260**

Met penitencien die ghegeven
Is in der biechten der sonden ghewach,
Die redelijc es ende men doen mach.
Bi enen pape ic dit opnam,
Daer een vrouwe te biechten quam,
Die levende kint droech al swaer,
Ende hi gaf haer penitencie daer
Te vasten te water ende te broede,
Daer si an quam alte noede;
Wantsine mochte 's vastens niet ghewesen **2270**
Ende bat hem dat si mochte lesen
Of almossen gheven voer 't vasten;
Maer hine woude anders niet ontlastea,
Noch absolveren, soe wat si bat,
Dan met vastine, ten ware dat
Si hem zielmessen dade singhen,
Of 't ghelt aen die paesse bringhen.
Die vrouwe wart zeere hier in ontstelt,
Ende meende eer si hem gave ghelt
Si wouder eer voer vasten, hoe God wilde **2280**
Opdat si 's papen ghebod hilde;
Soe wert si vastende boven hare macht
Soe langhe dat haer ontghinc die cracht,
Ende si ende haer vrucht der mede
2240 Wel na hadden bedorven bede;
Mer God help haer doen hadde sijt siene.
Dusdane papen radic te vliene,
Die de luden met vallen belasten
Sonder discrecie; is 't met vasten,
Of met gheven, of met lesen, **2290**
Voerder dan si wel moghen wesen;
Want God en heischet niemant meer dan sijn
Dat derde poent doen ic ghewach, [macht.
Dat ons ter zalicheyt bringhet toe,
2250 Dat's satisfactio; dat men voldoe
Van allen sundeliken zaken
Sal men ter zalicheit gheraken.
Dit voldoen es best ghedaen
Ghesonts lijfs, als men mach gaen,
Ende men sin heeft ende macht; **2300**
Want die kerse licht bat in der nacht,
Die men vore draecht dan achter;
Aldus eest vele beter ende zachter
Dat een, binnen sinen ghesonden live,
2260 Hem clare, ende al sijn smitte afwrive,

Daer sijn ziele es mede belast,
Dan na der doot, als hi es gast.
Alles des hi voren helt
Dan statet in ander lude ghewelt,
Al heeft hi hem sijn last bevolen, 2310
Het vallet dat si dicwile dolen,
Of dencken hoe en hadde hijt selve ghedaen,
Ende oec en maecht niemant nare gaen
Hoe vele dat hijt bevolen heeft,
Als den ghenen diet selve ancleeft,
Want niemant anders selfs en es;
Mer vele lude plegghen des
Dat si al d'een op d'andre kerven
Tot dat si comen an 't sterven,
Ende dat's der zielen een anxst groot; 2320
Want die vreesse van der doot,
Ende 't soeiden van den eersten goede,
Dat hem soe vast leit in den moede,
Ende dat si emmer moeten laten,
Ende dan die ziechten, die boven maten
Doorquellet dat herte en allen die lede.
Desc drie hebse also zeere bescreden,
Ende soe verwinnen dat si vergheten
Al ande zalicheit te weten;
Mer doch is 't beter in 't leste dan niet. 2330
Wanneer den mensche alsoe gheschiet
Dat hi siec wart, soe doet hi zien
Om eenen meester phisicien,
Die hem mach beteren dat hem mach deren;
Soe doet men den zieken clijsteren,
Ende gheeft hem recepten, cruye ende dranc,
Daer decwile luttel es anbelanc;
Maer macht hem helpen ende hi gheneest,
Hoe ziech, hoe cranc hi hevet gheweest,
Hine soect voort meer ghenen raet 2340
Sine ziele te suverne van sijne misdaet;
Mer levet vast quader dan ierst,
Ende es dat evel alsoe meest,
Soe en hulpt dat meesteren twint
In hem datten ziecken verwint;
Om den pape sent men dan,
Die de ziele ghenesen can
Van alre verdienten sonder pine;
Mer die rechte medicine,
Dat's boven al eea waer berouwen, 2350

Dat can God wel van binnen scouwen,
Al en toecht men 't niet van buten;
Want men mach voer Gode niet sluten.
Van node moet daerna dat sijn
Voldoen den evenkerstijn;
Dat's recht restoor, die 't wel bekennt.
Hier op maecht men dat testament,
Elc mensch gherne na sinen state,
Daer menich af heeft crancke bate,
't En ware oft men 't met rechten goede 2360
Dade, ende dan in hulpen stoede
Daer mede den armen, dies hadden noot.
Soe ontfatet God voer weldaet groot;
Mer 't rechte restoor moet vore gaen
Sal die almosse loen ontfanen,
Het si memorie, gifte ofte rente;
Dits 't slot van rechte testamente.
Nu vragnet men hoe die woekenare
Restoor sal doen moghen clare
Van sinen onrechten ghewoekerden goede. 2370
Ic wout hem segghen die verstoede
Hem boert toe dat hi ontbiet
Van wien hi t' onrecht heeft yet
Met leven, alsoe verre als hise kent;
Dus moet beginnen sijn testament,
Ende gheven 't hem wider des hijt vermach;
T' enden sijne macht heeft hijs verdrach;
Mer sijn herte sal altoes staen
In rouwen van dat hi hevet mesdaen,
Ende hadde hi meer dat hi meer gawe 2380
Den ghenen, den hijt ghewoekert heeft ave;
Ende blijft hem oec enich goet
Boven dien dat hi voldoet
Dat sal hi bi sijn priesters rade,
Op die ontfermighe Gods ghenade,
Almoessen gheven der heilegher Kerken
Opdat haer doogdelike werken
Den ghenen ende hem te staden staen,
Dies van rechte loen sullen ontfanen,
Ende die hi niet te bidden en weet. 2390
Voert sal hi wesen bereet
Dat hi vortane om ghene zake
Wedere dat goet an hem en trake,
No sulke neringhe meer anname
Of ghi gheuase van sijne mesquame

Als hi hadde ghedaen te voren;
Want anders soe waert al verloren
Dat hi gawe groot of cleene,
T'siere ziele bate is 't dat ic 't meene.
Had hi dat in sijn ghedochte
Of hi ghenase ende vermochte
Dat hi ter neringhen of ten goede
Begheerde weder ende daer na stoede,
Niet meer baten quame hem daer af
Storve hi, dat menne in 't kerchhof
Graven soude, dit wart al,
Ende al dat goet groot ende smal,
Dat sijn erfnaemen na hem besitten,
Dat salse besondighen ende besmitten,
Ende sullen varen, eest wijf of man, 2400
Also qualike als hi die 't ghewan,
Van ore ten ore ten tienden lede;
Scripture lieghet of dit 's waerbede.
Elc sie voer hem wat hi doet,
Die vrucht of besit onrecht goet.
Nu wat sullen die ghene pleghen
Die 't goet qualijc hebben vercreghen,
Ende qualijc hebben overbrocht.
Ja, sulc rekenet voer een ambacht
Drinken, dobbelen, oncuytheit driven, 2420
Wijf mit manne, manne mit wiven,
Poytriescap, stelen, valsch voerdeel, spel;
Qualijc ghewonnen verteert niet wel.
Quaet gheniet quade herberghe houden,
Dit sijn al vreemde sonden ghesconden;
Want met die principael allene,
Maer die herberghe hout al ghemene;
Dat spel of die sonden,
Die men daer in drijft tot menigher stonden,
Ende dan in vulre sondegheber oneeren
Dat goet qualike verteren, 2431
Ende in aermoeden sterven moeten,
Dat sullen si voer Gode dus boeten,
Ende recht berou uut herten gronde
Met tranen, dat dwaet af alle sonde.
Gheeft hi dat hi gheeft genoegh;
Want God, die sijn cruce droecht,
Vergaf den dief ter rechter hant
Met sinen berouwe der sonden hant,
Doen hi hem ghenade bat.

Alsoe wil God noch al dat
Vergheven, wil men 's hem vermanen,
Met rechten rouwe, met haren tranen,
Dat men mesdaen heeft in dit leven;
2400 Want die niet en heeft en mach niet gheven;
Daerom een recht berou ten lesten
Maect voer God alle dinc ten besten.
Men pleghet oec in menich lant
Dat men den ziechen gheeft in die hant
Een wassen kerse, bernende claer, 2450
Ende enen penninc daerin aldaer.
Hi cranc of legghet op sijn verscheyden;
Dat meent dat hi soe is bereet
Van allen sonden also claer
2410 Als dat liecht, dat bernet daer,
Ende met dier claerheit in ganser gheloven
Wil hi ter claerheit varen hier boven.
Die penninc bediet oec dat hi
Van alre scout es also vri,
Hadde hi yemans goet enen hollinc, 2460
Hi gaver hem voer enen penninc;
Mer zulc biet den penninc op waert,
Al bode hi een selver paet,
Of een gulden also groet als men nu rijt,
Hine vergolden niet opten tijt
Al dat hi van rechte sculdich es.
.
Dat hi den penninc op waert biet,
Het ware beter dade hijs niet,
Al maech hi Gode enen vlassenen baert,
Hi vaert den duvelvolen waert 2470
Mit sijnre kerse, met sinen brande,
Recht also Caynis offerande.
God bequame was die hi dede,
Soe es kerse ende penninc mede;
2481 Want die nu die werelt banteren sal,
Hoe recht wel hi hem regneert,
Hine can 't soe maken no bedriven,
Hine sal enen penninc te cort bliven.
Vergave God dat niemant ghinghe daerboven;
Mer salmen die heileghe Scripture gheloven
Men moet al wedergeven soe claer 2481
Dat 's niet en ghebrecht een haer,
Ja, die ziele, na dat wi lesen,
2440 Moet also claer van sonden wesen

- Als dat oghe van scouwe sy,
Sal hi Gode comen by.
Daeromme is die biechte goet;
Want si alle smette af doet,
Want soe wie wel biechten gaet
Ende penitencie ontfaet
Mit berouwe van sijnre mesdade,
Al storve hi heer hi voldade
Sine penitencie ende sine soene,
Des hi wille hadde te veldoene
Oftē God hier liete leven;
Nemmermeer wort hi verdreven
Vander ontfermigher Gods memorien,
Hine salne ontfanghen in sijnre glorien.
Sterft dan die mensche alsoet al moet,
Soe duncket den pape goet
2490 Dat men bega met messanghe
Opdat hi den offer ontfanghe
Hoe hi sterf of wat hem let
Des hi te sijn testament beset,
Ende hine daerin wel bewaert,
Hi acht luttel waer hi vaert:
Die meeste menighe es dus ghedaen;
Mer sullen si voer Gode volstaen
Daer mede, dat es nu verborghen;
Doch ic laet hem selven sorgben,
Si weten den wech gaen of si willen,
Die maghe sijn goet te stillen,
Die 't goet na hen selven deilen
Moghen si den pape die zielen bevelen,
Ende graven den doden, hets ghenoech;
Maer hi die allen die ziecheit droech,
Ende dient die was al onderdaen
Leit daer hi en mach rien no gaen;
Men draechten ende die ghebueren gaen mede
Om offeren, dat es nu die zede.
Elc offert daer der zielen te baten,
2520 Dat 's eēn werc van karitaten,
Ende meent of die dode lichame
Sine ziele met enigher mesquame
Belast hadde met onrechten goede
Dat noch onghebetert stoede,
Dat willen se metten offer quiten,
Met haren penninghe, met haren miten.
Sulke lude pleghen oec mede
- Te offeren van rechter zede,
Soe wanneer dat si misse horen;
Maer gherne bringhen si te voren
Den quaetsten penninc ten pape waert.
Dese maken Gode enen vlessenen haert,
2490 Mer si doen 't om der werelt name.
Dese offerande es Gode bequame,
Also hise van Caym begherde,
Daer die vlamme af sloech in d'erde.
Hine hadde gheen onrecht goet nochtan;
Want doen en waren meer wijf no man 2540
Dan sijn vader ende sijn moeder,
Sijn twe susteren, hi ende sijn broeder,
Van wien moch hijt dan hebben ghehad;
Maer het gheschiede allene om dat
Hi metten refuse van sinen lande
Gode wilde doen offerande.
Hi nam eenen argben scoef onclaer
Om te offeren op 't outaer;
Dat dede die vrecke kierichede.
Noch hebben zulke die zede, 2550
Die 't refuys van haren penninghen
Gherne ten outare bringhen,
Ende recht also si Gode begaven,
Also sal hise wider laven,
2510 Is 't in almossen oft in offerande;
Maer 't offer dat voer Gode sal standen,
Dat doet Sinte Matheeus verstaen
In 't ewangelie: « Alstu sult gaen
Ten outaer den offer bringhen,
2560 Bedinct di oft u enighe dinghen
Van onvreden mit dinen broeder beeft;
Keer wider eer du den offer gheefs,
Ende maect met hem een soene gave.
Dan offert u Gode een lieve have,
Is 't offerande oft ghebet. »
2520 Als wi met hoeftsonden sijn besmet,
Ende wi in caritaten staen
Soe es ons offer van Gode ontfaen.
Als oec een sijn offerande doet,
Ende onder hem hevet onrecht goet, 2570
Hoe sal hi Gode daarmede eeren,
Hine moet 't onrecht ierst widerkeren.
Hoe sal ich scone dwaen mijn anschijn
Mit minen handen, die slijckich sijn;

Clare di selven soe kent di God,
Ende en ghift hem niet quaetse lot
Also die vrecke Caym dede,
Is 't almoesse, offerande oft ghebede.
Ghevet minentlike, gherne ende goet,
Alstu wils datti God wider doet,
Na dijn vermoghen ende anders niet;
Want God den wille binnen siet.
Dese messe over den dooden
Sal doen als over stont gheboden
Die prochipape selve, oft hi
Die die kerke bevolen si,
Om dat hi es sijn prochiaen;
Mer dander mach een cappellaen
Doen bi beden of bi mieden;
Mer over gheenrande lieden
En mach die cureyt sijn leven dueren
Doen misse dan in sijre cure
Behoren; dit es een recht bescreven.
Nu vint men sulc die in haer leven
Bi machte of hulpe van loesen heren
Dat volc roeven of transineren,
Of ander die met onrechten vonden
Haer ghebuieren haer goet af stonden,
Stelen, woeken of uut voercœpe,
Ende bringhens also vele te hoepe,
Ende houdent also langhe onder
Dat sine weten, hier no ghinder,
Hem weder te gheven, dien sijt afnepen,
Ende worden also begrepen
Dat si stichten cappelrien,
Oft gasthuse, oft outare doen wien
Bi haren confessoren rade,
Diere meer baten af hebben dan scade,
Ende wanen Gode voldoen daer mede;
Mer salmen liden die rechte waerhede,
Al daden si allen die messen singhen,
Die men soude moghen volbringhen
In hondert jaren, in allen straten,
't En soude hem niet een hellinc baten,
't En ware, altoes buten gheseit,
Die grondelose Gods ontfermicheit,
Of die gheue daer 't goet af quam,
Ende die men 't met onrechte af nam,
Ende hadden ghehad verduldichede,

Ter tijt dat men hem onrecht dede, 2620
Ende Gode om gheue wrake en baden;
Mer die weldaet entie ghenaden
Sal den ghenen te baten comen,
Die men 't goet al heeft ghenomen
2580 Tot dat onrecht es ghedaen,
Ende staet daer iet over dat sullen ontfaen
Sine naeste vriende die t'sijre noot
Hem bi bleven totter doot;
Mer eest 't goet wel ghewonnen 2630
Soe sal hem God daer gracie gonnen
Dattie weldaet entie misse
Sijre zielen sal doen verlatenisse,
Ende tot sijre ghenaden ontfaen,
Al ware oec quaet die cappellaen,
2590 Die de misse over hem dede,
Te minder es Gods ontfermichede
Daer af niet van eenen cave.
Ghelijc dat men den armen gave
Broot, om die minue van Gode;
Al sent men 't met enen quaden bode, 2640
't Broot en salts te wers niet smaken
In die hongherighe kaken.
Also es die messe oec mede;
Al ware die pape quaet die se dede
Op dat die dode die volcomenheit
Van den drie poenten vore gheseit
Hadde, die ter zalicheit hoeren;
Mer over dien ghenen die es verloren
Soe en ghebiet die heileghe Kerke
Gheue caritatelike ghewerke 2650
Te doene, noch minre noch meere;
Want si sijn ghetorment zeere
Met ewigher pinen, sonder verlaet,
Dat hem mach hulpen gheue weldaet;
2610 Mer over die in purgatorien sijn
Sal men cleedren, broot ende wijn,
Ende andre weldaet doen den armen.
God sal bi sijre ghenaden ontfermen
Der zielen ende doense verbliden
Ter glorien, daer wi al toe tiden, 2660
Ende daer wi allen ghemaect toe waren.
Nu willic sonder sparen
Gode van sijre ghenaden dancken
Dat si minen armen sin ende crancken

Soe hevet bestiert dat ic dit werc
Volbrocht hebbe, arme, sondighe clerck,
Bi sijre ghenaden, met mijnre pinen,

Als ic best can na den latine,
't Welke in heeft ende al bisondert
Der verse ·XXXIX· hondert.

2670

DIT'S VAN AUGUSTIJNKENS SCEEPKENE (*).

Hi dunct mi wesen wael gheleert,
Die sijn ghenuecht in duechden keert;
Want sonder ghenuecht in desen leven
Es luttel yemant vroylijk bleven;
Doch reine ghenuechte ende vroylecheit
En is den goeden niet wederseit,
Wils hem ghehenghen die nature;
Maer elc menschelike figure,
Die sal met reden sijn ghenuecht
Eerlijk voeghen in die duecht;
Want God sal loen in vruchten gheven
Hem, die hier met doechden leven.

Ghenuechte hadt mi eens bevaen;
Eens morgkens was ic op ghestaen :
Die dach hadt die nachte verwonnen,
Het was in 't risen van der sonnen,
In julius maent, in den zomer.
Ic hadde vergheten allen commer,
Die mi voormaels ye ghescach.
Ic quam ghewandelt daer ic sach
In een reyvier een boetkijn cleen;
In sach daer niemant dan mi alleen.
Die Meerwede was si ghenant,
Daer ic dat boetkijn binnen vant.
Ic ghinc daer in ende lietet driven
Metten stroom, ic wouder bliven
Ene tijt : in hoerder niemen;

Selve ghinc ic metten riemen
Dat scepken stieren in 't water puer;
Daer quam ic driven aen een muer, 30
Die scoenste, die ic ie ghesach;
Nu moechdi boeren wes ic plach.
Ic dachte mocht mi wel ghescien,
Ic soude die scoenheit binnen sien.

Mijn scepkijn meerdic daer au 't lant,
Ende ghinc soe verre dat ic vant
10 In den muer een doerkijn cleen;
Daer ghinc ic in al moeder een,
Ende sach daer wonder boven wonder :
Uten water al van onder 40
Sagh ic enen toren reyn
Al ghewracht van jasperstein,
Met menighen hoghen riken tinnen;
Daer saghic seven coninghinnen
Boven ten hoechsten vensteren staen,
Ende hadden gulden cleyder aen,
20 Met riken perlen scoen besayt,
Menich ghesteint daerop ghenayt.
Noch saghic daer wonders mee :
Een springhende adere van der zee 50
Spranc daer ute bi den torne.
Aldaer saghic hoech gheborne
Twee waerf vijftich scoenre vrouwen,
Die allegader ginghen bouwen

(*) In een ander HS. van den heer Van Hulthem, N^o 192, wordt dit gedicht ook aengetroffen, met het opschrift : Een rikelijke scip dat Augustijnken maecte. De afwykende lezingen geven wy hier aen : V. 2. Die alle dinc in 't beste keert, Ofte die sijn ghenuechte int doeghden keert. — 8. Creature. — 9. Die sal altoes sijn ghevoeght Met eren keren aen die doecht. — 11. Sal loen van vrouden geven. — 14. Binnen Dorterecht was ic ghestaen. — 20. Mi dochte ic quam aldaer ic sach. — 27. Een stuc, ende ic en hoerder niemen. — 29. In 't water cleer. — 30. Daer quam ic aen enen viver. — 37. In den viver een doerkijn cleine. — 43. Met menegen hogen tinnen. — 45. Boven den veinstren staen. — 47. Met riken perlen daerop gespraeit, Menech goet steen daer in gesacit. —

Een scip van soe riken werden;
 Hi en leeft niet op der erden,
 Die dat volprisen mochte in goude,
 Al waert dat hijs hem pinen woude.
 Blodelijc ghinc ic toe daer;
 Een hovesche wijf wiert des ghewaer;
 Si sach wel ic was daer vreemde
 Ende ic te meer mi ghesceemde
 Om datter anders was gheen man
 Dan ic; si sprac mi goetlijc an :
 « Austijaken, nu ghi hier comen sijt
 Soe staet bi ons ter goeder tijt;
 Want ghi bi heren, bi hoghen vrouwen
 Te sijn pleecht; ghi sult hier scouwen
 Dat ghi selden hebt vernomen,
 Dus riken scep, noch soe volcomen,
 Als wi hier werken, wanic wel,
 Dat ment nerghent vinden sel. »
 Ic seide : « Werde, reyne vrouwe,
 Dit rike scip dat ic hier scouwe,
 Hoe gherne wistic sinen name !
 Oft u te segghen mi bequame,
 Ic wout weten groten danc. »
 Si antworde mi : « Eer iet lanc,
 Ic en wils di weigheren niet.
 Dit rike scip, dat men hier siet,
 Dat heit bi namen Sekerheit;
 Stoerm, hitte, noch gheenrande leit
 En can hem ghescaden niet ·II· peren.
 Ic woude wael dat alle heren
 Voerden desen cogghe groet;
 Soe waer clein orloghens noet.
 Wat laghe yemant aen brieven dan
 Oft sijn sekerheide hielde elc man;
 Die werelt souts te beter werden.
 Die rike mast, hi heyt Volherden,
 Dat can hi met hem selven tughen;
 Die stoerm doetene dicwile bughen,

Nochtan soe volhert hijt al :
 Hi hevet ere ende groot gheval,
 Die wel verherden can sijn liden.
 Het es ghesbiet in corten tiden
 Dat sulc om een cleyu genoech
 60 Al sijn beghin in dasschen sloech;
 Hadde hi volhert na sijn vermoghen
 Hi en were niet al bedroghen. 100
 Die rike corde die den mast
 Altoes houden staende vast;
 Dat sijn al vrou Trouwen kindere,
 Beide meer ende mindere;
 Na der moeder heten si,
 Wie trouwen vriende hem heeft bi
 Hi machs vele te vaster staen;
 70 Want comt hem een liden aen
 Trouwe vriende draghent mede.
 Het es ghesbiet tot menegher stede 110
 Als die coerde den mast begheven,
 Soe mach hi wel met anxe leven;
 Hierom en derf hem niet berouwen,
 Die hem verseilen aen den trouwen.
 Aen desen riken mast Volherden
 Hanct een zeil van groeter werden,
 Aen den ree wael vast gheknocht;
 80 Dat zeil heeft menich eer inbrocht
 Den sceppe ende oec den stierman;
 Want 't scep niet wael ghevaren can 120
 Sonder zeil in groten winde.
 Den name van desen zeil ic vunde
 Dat heiten sal Her Goetghelaet;
 Wanneer dat wel gherecket staet,
 Scep ende mast daer bi verscoent;
 Die in sinen liden vroude toent,
 Hi scoenter al sijn wesen mede,
 90 Ende die hem voeghet te serichede,
 Dat liest sinen vianden wreet;
 Maer den vrienden saelt wesen leet. 130

53. Twe werf ·XX· — 54. Gingen behouwen. — 59. Blodelijc gingic daer naer; Ene hoefsche vrouwe wert mijns gewaer. — 64. Mi vriendelijc an : Vrient, sint ghi hier comen sijt, Soe staet ons bi te goeder tijt. — 72. Dat men seldom. — 75. Ic sprac : Lieve, werde vrouwe. — 76. Oft u seggane waer bequame, Ic soudts u weten groten danc. — 82. Ghene storm, noch gheen leit En mach scaden hem ·II· peren. — 86. Soe en ware orloghe ghene noet. Wat laghe ane brieve ieman dan Als sine sekerheit hielde elc man. — 92. Dicke bugen. — 97. Om een clein onghewoech. — 99. In sijn vermoghen In doechden, hi en ware niet bedrogen. — 103. Dat sijn getrouwe eren kinder. — 109. Si hulpen 't alle draghen mede. — 111. Den mast begaven, dat hi moeste swingen in der haven; Als die vriende den man begaven Soe mach hi wel in anxe leven; Het en mach hem niet berouwen, Die hem verscilt metter trouwen. — 117. Aen die ree vaste geknocht. — 124. Wanneer dat wel recht gaet. — 127. Al sijn wesen verscoent daer mede, Waert dat hi oec anders dede; Die liefde sine vianden wreet. —

Hier op sal men met hopen leven,
 Ende in sijn liden meer vroude gheven
 Dan hem binnen te moede si.
 Die mast Volherden sal hem bi
 Metten trouwen corden staen;
 Dat es een minlijc aenvaen.

Die ree, daer men zeil aen slaet,
 Ende boven in 't alrehoecste gaet
 Aen den mast in 't cruse ghewise,
 Hi es wel wert dat menne prise;
 Sijn rechte name es Vri Oetmoet,
 Ende hi doeghet wes men hem doet,
 Hoe menne handelt, hi volghet mede.
 Hi leent oec lijf ende lede,
 Daer men 't seil Her Goetghelaet
 Metten coorden aen hem slaet;
 Nochtan heeftti die minste pijn.
 Wie hoechste wil verheven sijn
 Hi leer verdraghen in oetmoede,
 Soe doet hi seker als die vroede :
 Als men een dinc niet en can ghekeren
 Dan es oetmoet een scep vol eren.
 't Seil es goet gheknocht daeraen;
 Sulc heeft Overmoet bestaen,
 Die hi niet volbringhen en conste,
 Het was domheit dat hijs begonste.
 Hadde hi ghenomen in sijn raet
 Oetmoet ende Goetghelaet,
 Hi hadde eren meer ghehad
 Dan hi met Overmoede besat;
 En es altoes ghere hoverden tijt.
 Hierom behoeft men dat men lijt,
 Als meus ere heeft een deel. »

Al boven stond een copcasteel
 Aen den mast, die saghic werken,
 Die casteel heet Wael-merken.
 Al tocht een man goet ghelaet,
 Wie hem dochchden an oft quaet
 Es goet ghemerct na sijn vermoghen.
 Die wise man die sal sijn oghen

Altoes wide omtrent hem slaen,
 Ende merken heefti yet mesdaen
 Na sijre macht te beteren dat,
 Die hem in goeder gonsten lat.
 Voer dien heeft hem wel te hoeden
 Met nuwen werken dat bevroeden.

Een helmestoc ende een roeder,
 Eens vaders kint ende eenre moeder,
 Saghic daer onder hem beiden;
 140 Oec sijn hare namen onversceiden : 180
 Si heiten beide Vri Bedwanc.

Dat scep hadde selden goeden ganc
 En dede Bedwanc van hem beiden.
 Wie hem wil met dochchden cleiden
 Moet sinen sin van boesheit dwinghen;
 Want nature wilt niet ghehinghen
 In welden reden te ghewinnen
 En comt bi dwinghen van der minne.

Die voldoen wouden sinen eisch
 150 Ende leven na der naturen vleisch 180
 Sonder scemte oft sine dwanc,
 Het waer te duchten si souden eer lanc
 Moeten sneven in sorghen mee
 Dan sonder roeder een scep int zee.

Een cabel was daer aen gherecket,
 Onder dwater wael bedecket,
 Helen was die name sijn;
 Nie soe en saghic soe goet een lijn,
 Soe swighende noch soe wel verborghen;
 160 Des hielt hi dicwile buten sorghen 200
 Dat rike scep van hogher prise.

Hi doet seker als die wise,
 Die heelt ende swijcht om sijn ghewin :
 Quaet clappen brengt vele doghens in.
 Wie heymelijc swighet ende verdraghet last,
 Des meu hem bidt, dat es een goet gast.

Op den gront al in der erden
 Lach een anker goet van werden,
 Vast-houden hiet hi bi namen,
 170 Des en derf hi hem niet scamen 210

133. Dan hen van binnen. — 137. Dien roeder. — 139. In cruus gewise. — 140. Het es wel recht. — 141. Es Oetmoet. — 143. 't Seil Goetgelaet. — 148. Die hoegst wilt verskert sine. — 152. *De acht volgende versen ontbreken in dit HS.* — 161. Het es altoes niet kerens tijt. — 164. Een scopcasteel. — 167. Al toent een mensche. — 170. Die vroede man. — 171. Altoes omtrent. — 172. Ende peinsen. — 174. Die hem gader onsten is hat. — 176. Ende met merkene dat bevroeden. — 183. Moet hem selven te doeghden dwingen, Natuurlijc vleesch geeft hem onthinghen in weelden doeghden te gewinnen, Het en comt bi bedwanghe van sinnen. Die volghen wille. — 191. Ende sins bedwanc. — 193. Daer aen gerecht. — 198. Nicman en sach soe groten lijn, Soe hei-

Dat hi was also ghenaeamt;
 Metten cabel was hi versaemt;
 Al hielt hi vast, hi was milt,
 Zijn een hant hi altoes hilt
 Buten der erde om mildelijc gheven;
 Dander dede hi in d'erde cleven
 Om houdens wille, dat dede hem noet.
 Wie hem met gheven maect soe bloet
 Dat beide zijn hande ydel bliven,
 Men mach hem wel vor ghec beschreven 220
 Up datti gheen omset en weet,
 Ghelijc dat metten anker steet;
 En hielde die anker met gheene hant
 Soe soude 't scep ende ghewant
 Dicke in groter sorghen staen.
 Wie met eren wilt voert gaen
 Hi moet houden ende gheven
 Sal hi redeliken leven,
 Ende aen Helen, den cabel goet,
 Hem selven cnopen, soe es hi vroet : 230
 Waer si in node van anderen sceiden,
 Daer blijft in anxte deen van beide.

Daer saghic enen stierman,
 Daer grote doghet ende ere was an;
 Al zijn wesen mi wel behaghede.
 Dedelre vrouwen ic doe vraghede
 Om sinen name ter selver stonden;
 Si sprac : « Die stierman heit Conde;
 Coudich eest hem in der zee,
 Ende op den lande wegghen mee 240
 Dan enighen stierman, die nu leeft:
 Hi es die 't al doorwandelt heeft,
 En es alom voer vroet bekant.
 Dit scep ware al te sere ghescant
 En dede die conde die hi heeft in;
 Het waer cleyne zijn ghewin,
 Die vele ter zee varen woude

En wist hi niet waer hi heuen soude.
 Een here die ghene conde en droeghe,
 Dat ware een dinc van onghoevoghe 250
 Sinen lieden ende sinen lande,
 Datti hadde in der bande;
 Want hi soude den bosen eren
 Ghelijc hen die sijn best begheren;
 Ghene conde en soude hijs draghen,
 Dat ware een onverwonlijc claghen;
 220 Want gherecht ende ongherecht leven
 Sonder conde, dat quade hem even.
 Een stierman die ghene conde en draghet
 Als sijn scep voer winde jaghet; 260
 Hi heeft varinghe op een lant ghescilt,
 Daer hijt heeft haerde onghedeilt.
 Conde draghen ende daer na werken
 Doet in weldoen doecht sterken;
 Oec doet conde die liede risen
 Die hem selven doecht bewisen;
 230 Maer enen die cont es goet en quaet,
 Ende willens na der boesheit staet,
 Hi mesdoet meer, waer mens ghewoeghe,
 Dan oft hijt gheen en droeghe. » 270

Doen mi die vrouwe hadde berecht,
 Ic seide : « Vrouwe, ic wil u knecht
 Gherne sijn, waer ghi mi vint.
 Nu segt mi hoe heet die wint,
 Die in dit zeil bem zelve spreit? »
 Si sprac aldus : « Ghenendicheit 240
 Es siuen name in scepts boert;
 Oesten, westen, suden, noert
 Es hi mechtich over al.
 Wie daermede zeilen sal 280
 Hi en mach sijn tijt niet verslapen,
 Het sijn heren, ridderen, cnapen,
 Si moeten om die ere arbeiden
 Ende met ghenendicheiden

melijc noch soe verborgen. — 204. Want clappens. — 205. Ende heelt last. — 210. Dies en dorst. — 213. Al hiet hi Vasthouden, hi was milt. — 217. Om vaste houden, het dede hem noet. — 220. Men mach hem vore gec scriven. — 221. Op dat hi geen verhalen en weet. — 223. En hielde hi niet met eenre hant. — 225. Die wile in aventuren staen. — 231. Ende waer dese twee van andren sceiden. — 234. Ende ere lach an. — 236. Der edelre maget. — 243. Ende hi es over goet bekant. — 244. Tscip ware altemale gescant. — 246. Herde cranc ware sijn gewin. — 247. Ter zee wert. — 251. Sinen volke. — 253. Want hi soude die boeven eren Gelijc hen die sijn best begheren. — 255 en 256 ontbreken. — 268. Sonder conde comen heven. — 264. Es varinghe. — 262. Daer hijt hevet ongedeilt. — 263 en 266 ontbreken. — 269. Men doet vele meer daer mens gewoeghe, Dan oft hi geen conde en droege. — 271. Als si mi dit hadde berecht. — 273. Daer ghi mi sent. Berecht mi nu hoe heet die went. — 276. Si sprac : Vrient, Ghenendicheit. — 278. Oest, west, suden ende noet Es hi bekent overal. — 280. Wie dese winden volgen sal En sal sine ghetide niet verslapen, Sijnt vrouwen, heren oft knapen. — 284. Ende met

- Vervolgen daer haer sin aen staet,
 Als hem die wint gbelike gaet.
 Wie sijn gheluc siet voer hem vast,
 Ende soe crachtelijc daer in tast
 Dat hem ontvliecht bi sinen scouden,
 Hi mocht hem liever vaster houden
 Ende met ghenende daer aen bliven
 Al die wile dat hem die sciven
 Van avonturen effen ghinghen. »
 Doen si van desen dinghen
 Hadde bericht ende al gheseit,
 Ic seide : « Vrouwe, op hovescheit
 Ghi hebt mi noch soe wel beraden;
 Waer mede sal men den cogge laden ? »
 Si sprac : « Hoer, dat saltu scouwen,
 En saegbestu niet •VII• vrouwen
 Heden morghen staen ten tinnen,
 Ende allen ghecroenden coninghinnen?
 In desen cogge, die ghi hier siet,
 Sal mense scepen ende el niet
 En sal men daer in laten mee.
 Op den lande ende in die zee
 Selen si varen in allen hoeken
 Om avonture te besoecken.
 Si sijn ghebannen in menich lant :
 Die heren, die heerlijc ghewant
 Voeren souden in der eren,
 Ende anderen lieden doghet leren,
 Die willen se sien noch hoeren;
 Des blijft menich doghet verloren,
 Ende menich rein wijf bedroghen,
 Buten scoude sere beloghen;
 Daertoe menich edel lant
 Wort verderft ende verbrant
 Dat wel met rusten soude bliven,
 Blevan in 't lant die edel wiven;
 Dat, leider, niet ghescien en mach.
 Die heren die op desen dach
- Die lande regeren hier ende daer,
 Die doen hem soe meneghe vaer,
 Si moeten van node rumen dlant.
 Dese edel cogge, dat diere ghewant,
 Dat daer in hoert, dat moet al mede,
 290 Dat es grote jamerhede,
 Ende ter werelt grote scade. »
 Ic seide : « Vrouwe, op ghenade 330
 Hoe sijn die namen van der vrouwen,
 Der ghi dus sere om sijt in rouwen ? »
 Si sprac : « Het wort di gheseit;
 Die ierste hiet Bescheidenheit,
 Die nie mense onbescheidenheit en dede;
 Alle ruste ende alle vrede
 Sprac si altoes na hare macht.
 300 Nu es si, leider, clein ghehacht;
 Si moet uten lande varen;
 God moetse in alre tijt bewaren. 340
 Dander vrouwe heet Stedichede;
 Alles dat sy ye ghedede
 Was in stedecheit volbrocht;
 Nie quam twivel in haer ghedocht,
 Noch wankelheit grote noch clein.
 Si bleef ghestede altoes op eyn,
 Het was in welden oft in zeer,
 310 Ende alsoe blijft si emmermeer;
 Want si in doechde vercoren heeft,
 Ende laet se niet om al dat leeft. 350
 Haerre ere wel behoet,
 Altoes was si dus ghemoedt;
 Nu es si met vele lieden vreemde.
 Die derde vrouwe beit Sceemde,
 Die den lieden plach te gheven
 Exempel, hoe si souden leven
 In scheemheit, met reynen moede,
 320 Ende hoe die doghet bi sceemte stoede,
 Langheduerech in groter eren.
 Hoe hem cnapen ende heren 360

groter. — 285. Die dinc vervolgen die hem ane gact, Als hen die wint gelijc staet. — 288. Ende tragelike daerna tast. — 294. Als si mi. — 299. Si sprac : Vrient, dat seldi scouwen. — 305. In laden mee. — 310. Die gene die ridderlijc gewant. — 312. Ende van haerre minne leren. — 314. Dus blijft meneghe minne verloren. — 316. Ende buten scouden beloghen. — 318. Wert verherijt ende verbrant Dat al achter soude bliven. — 326. Dese rike cogge, dit dier gewant. — 332. Daer ghi dus om sijt. — 335. Die noit mense ombesceet en dede. — 337. Halp si sterken na hare macht. — 341. Dandre vrouwe die heet Stede. — 345. Was in doeghden wel volbracht. — 345. Noch wankel gepeins groot noch cleine. — 347. Waest in weldoen oft in seer. — 351. Ja, haerre ere wel behoet, Al es si nu aldus ghemoet, Nu wert si metten lieden vremde. — 357. Sceemlijc in reinen morde. — 360. Ende hoe dat hem die grote heren. — 365. Dat si moet varen in ellenden. — 372. Dies moet die

Scamen souden boser daet.
 Ach, dat nu soe ter werelt staet
 Dat sceemte moet dwalen in elinde;
 Dat mach hem deren diese ye ghekinde.
 Die vierde dat es een edel vrouwe,
 Ende heet Volmaecte Trouwe,
 Die haer selven nie veinsde,
 Noch nie in haer ghedachte en peinsde
 Enech ontrouwe meer noch minder;
 Die moet benen ende al haer kinder;
 Metten andren es si verjaghet,
 Dat moet der werelt sijn gheclaghel.
 Die vijfde heit Gherechticheit,
 Die om alle die werelt breit
 Niement onrecht hadde ghedaen
 Die wile, dat plach aen haer te staen :
 Si es verbannen, si moet van stede.
 Die seste was van reinen seden
 Doen si in machte was gheseten,
 Vrouwe Mate was si gheheten.
 Si leerde hoe elc na sinen staet
 Leven soude in goeder maet,
 Heren, riddersen, knapen, knechten;
 Si plach elken te berechten
 Wat hem betaemde na sijre oerden,
 In cleiden, in werken ende in woerden.
 Nu es 't folc in allen steden
 Buten maten verre ghetreden;
 Want elc wil wesen effen goet,
 Ende elc prijst datti selve doet,
 Weder het si goet oft quaet;
 Dus es ghebannen mijn vrou Maet,
 Ende moet in ellende wanderen
 Verre henen metten anderen.
 Vrouwe Miltheit es die sevende,
 Die te sijn plach soe levende
 Onder rike heeren t' elker stede.
 Ach, si moet oec varen mede !
 Dat es menegher heren scande,

Vaert si dus uut desen lande,
 Sonder enich keren weder. »

Met desen quamen die vrouwen neder
 Alle ·VII· van den torne;
 In 't scep ginghen die hogheborne.
 Die ·C· vrouwen die by hem waren
 Saghic screyen ende mesbaren
 Also sonderlinghen sere;
 Het moet ontfermen Oasen Here.

370 Doch si eu wouden niet langher beiden;
 Het docht mi djamerlijcste scaiden 410
 Dat ic ie van vrouwen sach.

Die stierman rouwelike plach;
 Sijn zeil want hi met haesten boech
 Aen den mast ende daer aen vloech
 Die ghenendeghe snelle wint.
 Ach, leder! ic en sach nie sint
 Soe berf een scep, noch nemmermeer
 En wordt ghesien, des ducht ic seer.

380 Sekerheit voer sinen ganc;
 Daer na stondic herde lanc 420
 Ende sach den riken cogghe naer.

Die ·C· vrouwen die waren daer
 Ghinghen ter borch met groten wene,
 Sonder dat goede wijf allene,
 Die mi hadde berecht van al.
 Haren rou en was niet smal;
 Doch ic troeste se als ic best conde.
 Vraghen ic doen haer begonde :

390 « Werde vrouwe, ende hoghe gheboren, 430
 Wie hoet nu desen vasten toren ?

Soe rike en saghic nie enghenen
 Ghewracht van durbaren stenen. »
 Si antwerde mi : « Vrou Ere
 Die woenter op met groter sere :
 Herde clein es haer ghesinde;
 Die daer ewech zeilen metten wiude,
 Dat sijn haer naeste maghen,
 Die de hereu dus verjagben.

werelt sijn goplaecht. — 383. Heren, vrouwen ende knechten. — 385. Wat betaemte der maten toehoerden Beide in werken, ende in woerden. — 388. Sere getreden. — 397. Onder dat heerscap. — 399. Dat es alder eren scande Vaert si aldus uten lande. — 405. Die selve vrouwen. — 408. Het mochte. — 409. Doch si en wilden daer niet beiden. — 411. Dat ic ter werelt ie gesach. Die stierman Conde niet anders en plach, Dat hi 't seil met haesten toech. — 415. Ghenendicheit, die snelle wint. — 416. — Ach, men en sach noit sint soe goeden scip, noch nemmermere Eh wert gesien, dat ducht ic sere. — 422. Alle die vrouwen die waren daer Streken ten torre allegemeine. — 428. Te vragene ic haer begonste : Lieve vrouwe, uutvercoren. — 431. Soe rijlicje. — 432. Ghe-wracht van dieren marbersteen. — 433. Si sprac : Vrient, vrouwe Ere Woent daer in met groter ore. — 439. Dat

Ic hebbe ghesien dat cnapen, heren
 Hier boven quamen tot vrou Eren,
 Ende waren bi haer metten bliden;
 Mer trouwen, dat was ten tiden
 Doen die ·VII· vrouwen waren
 Mechtich, die nu henen varen.
 Doen gaf die vrou Ere menichfout
 Daer duchten cleyder ende onthout
 Ridderen, cnapen na hare werde;
 Sulc te voete en te perde
 Was onthouden in vrou Eren hof.
 Menich goet man stont doe na lof
 Met sinen werken, nu eist leden;
 Dorpen, borgghen ende steden
 Sijn soe vervullet met quaetyen
 Dat luttel yemant derf belien
 Dat hi nu vrou Eren kant.
 Si hadde lesten uutghesant
 Haren bode Waerheit;
 Die heeft haer niet waer gheseit
 Dat noch wel eemande liede leven,
 Die hem gherne souden gheven
 In vrou Eren dienst, op dat si dorsten
 Van hem, die bi den hoghen vorsten
 Nu regneren in menich lant,
 En vrou Eren viant
 Hebben ghewesen haren tijt.
 Dierste es Ombesceide Nijt :
 Die niet ruect wien dat hi haet
 Op dat hi riken mach sinen staet.
 Hi verdreef Besceydenheit,
 Met sijne vulre nidicheit;
 Haer goet, herve ende haer leen
 Besit hi al groot ende cleen.
 D'ander es Loghen van Loesheit,
 Die haren bode Waerheit
 Hier in den torn wederjaechde.
 Ic en sach nie engheen soe versaechde

Als Waerheit was, en es gheen wonder
 440 Want die meeste hoep bisonder
 Van den lieden willen haer deren
 Met bedwanghe van losen heren. 480
 Die derde die heit Onscemelheit,
 Die de werelt nu beleit,
 Dat hem luttel yemant scaemt
 Datti es voer loes ghenaeht.
 Die vierde es in hoghen staet,
 Hi heet Ontrouwe van Onmaet,
 Die Trouwe ende Maet heeft verdreven,
 450 Ende es voer hem beiden bleven.
 Die vijfde es in worden wel cont,
 Hi heit her Ongherechte Vont, 490
 Die vele op sinen dume heeft;
 Hem ontsiet wel half dat leeft
 Op der erden hier beneden.
 Der riker vrouwen Gherechtecheden
 Dreef hi met vonden uut haren,
 Ende doerrijt haer lant met scaren
 Van den bosen lieden, die hem volghen,
 460 Altoes effen seer verbolghen.
 Die seste es her Ghier-besant;
 Hi regneert al over dlant, 500
 Hi en laet niemant met ghemake,
 Hi doet fel ongherechte wrake
 Over dedele vrouwe der Miltheit,
 Die den vrienden was bereit
 Altoes ende allen goeden lieden,
 Ghelike als haer ghespelen rieden :
 Bescedenheit, Mate ende Sceemde,
 470 Als goeden lieden wel beteemde.
 Nu es Miltheit quyt van haren palen;
 Mijnheer Gier moet hem verhalen 510
 Van dies hi langhe heeft verzumet,
 Nu dedele vrouwe es dlant gherumet.
 Die rike cogghe es oec mede,
 Die bi namen heit Sekerhede.

die heren Hier diewile quamen om hoveren. — 445. Doen gaf mijn vrouwe menichfout haer cleder ende haer gout Knapen, knechten na hare werde. — 451. Na sijne macht, maer nu eest leden. — 453. Sijn soe vervult met quadien Dat luttel ieman der belien. — 457 en 458 ontbreken. — 459. Dat noch sulke liede leven. — 461. Tot haren dienste op dat si dursten Van hem die met den fellen vursten. — 465. Hebben gheweest al haren tijt. — 468. Op dat hi meerret sinen staet. — 473. Dander es Logene ende Boesheit, Die mijne vrouwen dochter Waerheit. — 484. Voer boes genaemt. — 485. Es een van hogen state. — 494. Mijne vrouwen Gerechtecheden. — 495. Uut den haren. — 497. Van bosen lieden. — 499. Die seste es her Ghier genant. — 502. Hi doet ene verkeerde wrake Over mijne vrouwen Miltheit. — 509. Si es quite van. — 510. Her Ghier die moet hem nu verhalen. — 512. Mijn vrouwe die heeft lange gecueht Om dat si moet aldus van stede. Die rike cogghe die es mede;

Sulc seghelt seker, ende sweert
Te hauden, dies hi al ontbeert;
Wie ere oft edelheit waent ontfaen,
Ende boeslicje leeft, hem liegt sijn waen. »

Met desen verscrite dit edel wijf
Dat mi derde over al mijn lijf;
Si sprac : « Austijnkijn, ic moet weder,
Daer ic was, eer ic quam neder,
Ic liet u gherne medegaen,
Het moest also daer boven staen.
Mer het is daer soe t'onrusten,
Hi en derfer niet om lusten;
Die gherne vroude ende bliscap siet
En doech bi droeve liede niet. »

Ic seide : « Vrouwe, dat's mi leet
Dat also daer boven steet;
Ic woudt anders met u ware.
Nu bid ic u, wel soete care,
Om uwen name, maecht sijn gheseit. »
Si seide : « Vrient, Ontfermicheit
Hetic, daer men mi noemen sal;
Ende dat sijn mijn susteren al
Die vrouwen die daer boven ghinghen,
Ontfermelijc haer hande wringhen :
Onser alre namen sijn eens.

Met di mach ic niet meer ghemeens
Met woerden hebben, ic moet gaen,
Sprac die scone wel ghedaen,
Ic beveel di den selven here,
Daer haer leen of hout vrou Ere,
Dat es God ende niemant ander. »
Mettesen dede si enen wander
Ter borchwaert die weerde scoen;
Ic seide : « Vrouwe, des sy u loen,
God selve ende niemant el,
Dat ghi mi hebt bericht soe wel
Hoefschelijc al mijn begheren. »
Aldus begonste ic wederkeren
In mijn boetkijn daer ic 't vant,
Daer ic 't gemeert liet aen 't lant.
Ic ghinc daer in ende royde weder

Jeghen stroem, want hi neder
Sere liep te dale waert;
Doch ic corte mine vaert
Soe ic alre ierste mochte.

Des avons spade ic gherochte
520 Binnen der stat, daer ic uut quam.
Ic ghinc te hans daer ic vernam
Goet gheselschap van der stede,
Daer ic mine ghevaernis sede,
Doen wi in goeden hoghen waren,
Hoe dat ic sach henen varen
Scep ende vrouwen wel gheboren,
Ende van der riker vrou Eren toren,
Daer nu luttel iemant vaert.

Ach, ridderen, knapen van hogher aert, 570
530 Die hebben wilt den naem van eren,
Scaemt u der jamerliker meren,
Die u vrou Ere ontboden heeft
Dat ghi in sulker wisen leeft,
Dat ghise horen wilt noch sien,
Ende dat van u moeten vlien
Die seven vrouwen, hoech geboren.
Laet ghise aldus bliven verloren
Langhen tijt uut desen lande,
Dat es uwer alre scande. 580

540 Pijnt u dat ghise wederhaelt;
Want bliven si aldus verdwaelt,
Ghij selet temale ontghelden,
Ende met eren leven seldom.
Hier om verwaret soe te tide
Dat uwe vriende werden blide,
Ende ghij sulken danc bejaecht
Dat haer vrou Ere men beclaecht.

Austijnkijn heeft dit om 't beste gheseit
Den lieden, ende voergheleit 590
550 Niemant besondert, maer alghemein,
Om dat hi siet dat men soe klein
Op waeldoen acht bi dat men dede.
Doet wale hi houdes sinen vrede;
Mer wie op erden sayt sijn saet,
Hem es doch lief dat wel opgaet.

Selo seker segelt ende sweert. — 519. Mettien versuchte dat edel wijf. — 521. Si sprac : Vrient, ic moet weder. — 526. U en deerfer niet om lusten. — 531. Ic woude dat anders. — 541. Hebben, ic moet henen gaen. — 547. Ter borch wert die over seone; ic sprac : Vrouwe, God moet u lonen. — 551. Hoveschlicje na mijn begheren. — 568. Die van vrouwen Eren toren, Dies nu luttel ieman deert. — 572. Scaemt u der scandeliker meren. — 583. Ghi selet selve al ontgelden. — 585. De vier volgende versen ontbreken. — 589. Augustijn. — 591. Nie man besonder dan algemeine. — 595. Op ere acht vore dat men dede.

ZEDELESSEN.

Wie soe der wijsheit wille volgen,
Ende wille bliven onverbolghen,
Ende met rechten reden leven,
Die moet sijn herte daertoe gheven
Te voerpeinsen ende te voerweghen
Al dat hem mach comen jeghen,
Ende alle dinc hebben waert
Na der rechter naturen aert,
Ende niet na der liede tale;
Want het bereit dicwile quale.
Dat eest dattu weten sout :
Men heit dat goet en wans nie scout;
Ende sulken dunct dat niet en doech
Dat wert es ende te prisene hoech.
Eest dattu begheres vroet te sine
Soe set daertoe die herte dine
In toecomende dinc te siene
Dat moghelijk es te ghesciene.
Van allen saken die ghescien
Soutu om dinen orber sien;
Als du heves vonden 't beghin,
Soe peinse dan dinde daer in.
Voer waer wet dat in somigen saken
Saltu gheduren ende waken.
Van dinghen, die in twifel staen,
Soe ghef dijn vonnesse niet te saen,
En si dat al dijn waen si
Gherecht vonnes ende vri;
Mer dijn ghepeins dat si ghestade,
Ende altoes van sekeren rade :
Nemmer idel sinne in dine tale.
Oec en saltu te ghene male,
Eest dattu best van sinne vroet,
Te drien tiden beset dinen moet
Ende ordineren die jeghenwordichede,

Comende dinc die visere oec mede,
Ende gedenke in dine seden;
Dinct over die sijn leden,
Ende laet rusten dinen siu;
Wes niet bezerich altoes daerin. 40
Die ruste van dier vreden
Si vol der studien der wijsheden.
Mate eest datter dijn sin aen staet,
Si besnoeit al overdaet;
10 Dinen sin soutu bedwinghen
Vaste in neuwen dinghen.
Du sout willen in dinen sennen
Dat men den wert bi den huse kennen;
Maer 't huys bekennen bi den here,
Dat's een volmaecte lere. 50
Eest dattu soe mate sijs
Smekinghe scu in alre wijs;
Peinse dat es een groet verlies,
Dat mi smeket es een quaet ries,
20 Alse oft men di van quaden daden
Prijs ende ere wilde beraden.
En west te stout noch te fier mede,
Noch en werpt dijn in ghere stede;
Emmer oetmoedich ende mate,
Behouden d'ere van dinen state. 60
Gherne castie elken man,
Hoefschelike begripen dan.
Begrijpt di iemant van dinen mesdaet,
Hi en doet an di gheen quaet;
30 Ende scelt di iemant sonder scout,
Hi wil di goet, doet niet ghewout,
En ontsich gheen scarp woert :
Aen 't smeken legbet die moert;
Ende scouwe selve emmer quaet,
Om andere lieden mesdaet; 70

Wes ghenadich in dinen moet
Hem die onwetende aen di mesdoet;
En prijs niemenne te sere,
Noch verouwert min noch mere;
Niet met quaden valschea wane
En laetti emmer ghanghen ane;
Maer die quaet versieren
Bi der simpelre manieren,
Hoe si iemant moghen vaen,
Saltu stoutelike wederstaen;
En es gheen doghet maer misdaet
Den quaden te vergheven sijn quaet,
Hi en ware in sulken state
Dat men hopen mochte der bate;
Noch sal lichten een dach soe clare
Dat men sal al openbaer
Alle die quaetheit ende die sonden
Der werelt sien van gronde te gronden.
Sulc sijn die de doet ontsien,
Noch sterven connen, noch levens plien :
Sine connen sterven noch leven;
Tusschen tweek hanghen si ende cleven.
Hier om radic elken man,
Die leven wilt ende leven can,
Dat hi doe nut sinen sinne
Wantroest ende domme minne;
Daerom gheen goet en staet in staden
Hem, dier mede sijn gheladen.
Wacht dat di niemant en verraet;
Scou altoes een scalke quaet.
Wat boesheit ende moert
Armen crancken sijn testoert,
Ghef oec dijn orconscap mede;
Niet doer vrienescap maer dor waerhede.
Eest dattu wilt der maten plien
Vlie dorpers dade, eer si ghescien;
En ontsiet niemen also seer
Als dijns selve, dat es dijn eer.
Houd alle diuc over cleen
Sonder ghiericheit alleen;
Elc ander hebbe spot ende spel,
Soe peins om doecht ende niet el.
Wes blide, du en salter niet an verliesen
Als du niet en ghenoecht den riesen;
Want als die quade om dijn onteren

Dijn weldoen ten quaetsten keren,
Wes niet t'onghemake daer of;
Houd over enen volmaecten lof.
't Swaerste poent dat es van maten :
Dat 's smekers te scouwen ende haten, 120
Ende prijs van hem te steken,
Ende haer recht pinen te breken,
Ende ontbinden des menschen sin
Om algader haer ghewin.
80 Den sprekenden hoer, swijcht, ghedoech;
Den vragher te berichtene poech;
Goedertierenheit soutu hanteren;
Vrecheit scouwen in alre manieren.
Na wijsheit, na macht, na maten
Settet gherechticheit ter haten. 130
Weldaet gheleert ende niet ghedaen
En mach niet te staden staen.
Dinen vrient soutu heimelike wisen,
Ende niet openbaer prisien.
90 Du mochtstu houden voer vroet
Constu di selven gheraden goet.
Niemant en can hem so ghedecken
Dat hi dat iet can ghemecken,
En moet werden openbaer
Saen, wat hi meint truffe oft waer; 140
Want varinghe keert hem die sin,
Daer die waarheit niet es in.
Men es den goedertieren here
Gherne onderdanich sere,
100 Ende wet dat die manlike sin
Hevet een fierheit in.
Wil men onderdoen ende boghen
Soe wil hi opwert dan ten hoghen.
Men lieten bet met nieman....
Dan den men met pinen can ghewinnen. 150
Het's haesticheit ende verwoetheit groet
Ghenoechte te hebben in 's menachen doet.
Dat men onversien verheest,
Dat scaet dicwile alre meest.
110 Die in sijn geluc hoefscheit pliet,
In sijn mesval in hope siet.
Lants heren godertieren in daden
Doen elken scamen van sinen quaden.
Die waeldoen swighen saen :
Laet hem segghen, die hevet ontfacen. 160

Men doet ghene weldaet soe groot,
Die quade en vint een redene bloet,
Daer hise mede besmetten can :
Daer hi sonden bosen man.

Als vele liedevolcs mesdoet te samen,
Soe comen si allen uuter scamen.

En es gheen lichticheit van sinne
Dat hem een man voeghe daer inne,
Als men hem sine dolinghe leert,
Dat hi hem daer af bekeert;
Soe mach hi wel segghen ende togen :
Ic waende een ander, ic ben bedroghen.

Dompheit eest dat een ontsiet
Dat hi en can ghescouwen niet.
Onwert te sine met quaden lieden
Willic over prijs bedieden.

Lachstu, met di lachen vele,
Weenstu, het gaet uten spele.
Elken dunct sine costume best
Daer hi langhe in es ghevest;
Wat eest dat men mach sere prisen
Dan den man, die hem soe can ghewisen
Dat hi can ghedoghen al,
Arbeit ende ongeval.

Niet licht en mach men die jogheth
Ombedwonghen bringhen ter doghet;
Mer het 's nuttelijc ende groot ere
Dat mense dvinghe ende mede lere;
Sonder meester ende ombedwonghen
Keert die jogheth al ten sonden;
Want des lichaems overdaet
Viseret alle daghe nuwe quaet.

Ghesel, en weest metten smekers niet;
Want het 's volc dat bedriegghens pliet :
Selke pleghens herde vele
Als dese smekende menestrele;
Sulc smeket in sulker ghebare
Oft hi een simpel dorper ware,
Ende al sine simpel sijn woert,
Hi en peinst anders niet dan moert.
Selden vint die waerheiden
In hen cameraen haer steden;
Ende selen se nu hebben die liede,
Si moeten se copen metter miede;
Die ghenaden hevet noet,

Die sijn ghenadich, dat 's recht groot.

Het es vrese in meneghen dinghen
Onder meneghen ghesellen te minghen;
Soe dier meer sijn overhoep,
Soe ontliker es die coep; 210
Want men onder vele ghesellen
Dicwile siet ende hoert vertellen
Luxurien ende overdaet,
Die den sin maken quaet.

170 Waerachtich gheselschap, merct in desen,
Moeten met eleyne meninghen wesen.

Scouwe den quaden gheliken,
Want dier es vele die ghewiken.
Gheselle, weest met hem die doghen
Ende die di beter maken moghen. 220
Na oec den ghenen die di ghenaken,
Dat si aen di leren goede saken;
Want als een enen anderen leert
Hi wijst hem selven ende eert.

180 Scamelheit es ene dinc
Te prisene in den jonghelinc;
Wiese heeft in sine sede
Hi scout meneghe sonde mede.
Sulc es hi, en twivelt niet,
Dat iemant te ontsiene pliet 230
Dat hi hem doer sine minne
Ordinere van sulke sinne
Dat hi mesdaet achterlate;
Want hier af comt grote bate.

190 Salich es hi, sijn seker des,
Die sijns selves soe meester es,
Dat hi den dach van morghen
Wel ontbiedt sonder sorghen.
Hoep niet te vele, vrucht niet te sere, 240
Oft du wilt bliven in dine ere,
Doe dat dine werke ende dine woerde
Altoes sijn van enen acorde;
Der liede sin, der lieden woert
Gaet alle daghe weder ende voert :

200 Nu prisen si nu dit, nu dat,
Ende schijnt wesen in menegher stad
Des menschen swesen spot ende spel;
Maer die armoede sal du wel
Doen verstaen die wijsheit das
Wie dijn ghetrouwe vrient was; 250

Die van di sceiden hi es onghetelt,
Hi en volghet di niet dan om ghelt.

Weldoen die hem wel bekent
Wort in 't inde al torment;
Want goet spisen evel maken,
Die ons duncken suete smaken;
Spel met vrouwen dat verslijt
Den lichame voer den tijt;
Hier toe en es gheen mere bate
Dan bi haer te wesene in die mate.

Der lieden prijs, der liede waen,
Dien laet voer henen gaen;
Het es al dolinghe ende el niet,
Sine weten wat die dinc bediet,
En peinsen in engheentre wijs
Dat si wert es enichs prijs.
Die doet es diet al openbaert
Wien soe enichs prijs es wert.

Dine woerde ende dine daet,
Siet dat beide over een gaet;
Vele talen sal niemant wael behaghen :
Luttel woert ende die last draghen.
Als men sal vertrecken dware,
Sellen simpel ende openbare
Die woert sijn ende onbedect,
Ende cortelike vertrect;
Langhe tale ende weder ende voert,
Ende der in gheveinsde woert,
Die soect alder liede hulde,
Ende doet waers wauen die verdulde.
Dwase liede spreken over lauc;
Si sijn gherne traech aen hare ganc.
Dies radic elken in bispele
Traechlicke te spreken ende niet te vele.

Dicke sien wi quaetheit bedect
Met dogheden name ende onvertrect,
Men seghet hi es ries ende verwoet,
Die heeft enen ghematen moet.
Men seit hi es traghe ende blode,
Om datti hem wacht voer die node.
In desen dinghen ende in mere
Doelt die werelt dicwile zere.

Vrientscap, pais, recht ende vrede,
Die maken die erdsche rijchede.
Eest dat sonden soe vaste steken,

Eer soutuse in dijn herte breken,
Ende van di werpen, al eest smerte,
Beide sonden ende herte.

Niet en leert soe menich quaet
Als welde ende overdaet;
Si hebben der mordeneren sede,
Want met harer beheudechede
Bedrieghen si in haren smeken
Des menschen sin, eade steken
Ende brenghense soe verre voert
Dat bise al te male veramoert.
Si maken bede al ketijf
Des menschen sinne ende oec sijn lijf;

Aldus eest wale in schine
Om dat meest es die pine
Dat hi meest orbaer doet,
Die den quaden maect goet,
Ende hem doet sijn sonden begheven
Dan die liede goeden in haer leven.

260 Leert, wijst ende trect voert
Doghet, die ter zielen hoert.
Soe welc tijt dat onse memorie
In welden smoert ende in idel glorie,
Soe valt die sin in melancolien;
Hine acht dan leren noch castien.

270 Alle mesdaden licht ende swaer,
Soe si meer sijn in 't openbaer,
Soe si met miure medecine
Ghebetert worden ende met miure pine;
280 Dan sijn si aller swaerste ghemect,
Als si met heymelicheide sijn bedect.

Niemant en is, sijt aeker das,
Heden dat hi ghisteren was;
Een dinc eest dat meneghen wisen
Dat men mach sere misprisen
Dat elc hem in hem selven voecht,
Ende dunct dat hem wel ghenoecht
Dat men prijs aen hem leit,
Ende het waer es, alse men wel seit;
290 Soe eest ghenoechlijc in den moet,
Als mense heit goet ende vroet.
Ende als hem comt die waen in desen
Dat si werdich willen wesen,
Soe en connen si tien stonden
In hem ghevinden smette noch sonden,

300

310

320

330

Ende bliven verloren ende ontsiet
Om die hoverde die hem let.
Cume es yemant die 't kent,
Waer men ghestade bliscap vent;
Maer die gulse ghierichede
En wet dende noch mate mede.
Hi es een keytijf ende onvroet,
Die node doet dat hi doen moet;
Maer niemant en ghesiet den dach
Dat hi alle dinc hebben mach.

Over warachtich minen liehame

Twi ghevic hem anderen name
Dant een erden-bant si,
Ghebonden om mine ziele vri.
Die sin der waerheit merken can,
Ende besceiden sere es dan,
Hoe hi volghen sal ende vlien,
Ende alle dinc soe wel besien
Dat hi elc dinc prise wale
Na rechte, niet na der liede tale;
Maer in allen dinghen ghestade :
Dit 's een sin van hoghe rade.
Daer en leghet di niet an
Dat di prisen wijf ende man;
Ganc te di selven in dinen sin,
Ende meret wat doechden vinstu daerin,
Ende di selven jugeren dan,
Als du souds enen anderen man;
Ende altoes houdt in dinen gheest
Dijn ghebrec aldermeest;
Ende ghene sonden soe en sijn
Si en hebben soet venija.
Luxurie prijst die ketive,
Ghenuecte van dinen live;
Maer het steet alte hant der of
Ende blaset henen alse stof.
Reden cest van ons allen
Wat ons doet in sonden vallen;
Want wi onsen sin gheven
Hoe dat wi dit corte leven
Gheneren sellen in dit dal;
Dlanghe lijf vergheten wi al.
Wat wondere cest dat men vint
Die hem niet en ontsie een twint.

Wie soe gaepst omme miedc,

Altoes t'ontfane onder de liede,
Hi verghet herde saen
Dat hi die miede heeft ontsaen;
Want dat leden es, dat 's verloren,
Om nuwe miede wil hi horen.
Argher es niet dan ghierchede
Daer hi verghet der hoveschede;
Ghiericghe vrecheit die es quaet,
Want si om el niet en staet,

350 Dan om te hebbene allene

Dat der werelt es ghemene.
Gherne dancken, loven mede
Als men ontsaen heeft hoveschede;
Roef, al es hi somighen man
Te sinen wille comen an,
Al doecht hem sijn gheval;
En was nu, noch wesen sal
Dat durege bliscap ghelach
Aen roven ofte aen quaet bejach.

360 De minsche en heeft niet lcters in
Dan redene ende sinen sin.

In desen doen, in desen manieren
Heeft hi voerdel voer die dieren;
Want si en hebbenre niet een haer;
In desen volcht hi Gode naer.

410 Naect quamen si in deser hoverden,
Ende naect selen si ter erden.
Niemant oec van den heren,
Die met rijcheit climt ter erden eren,

370 En es niet sculdech te noemen groet;
Twi dat es, merct al bloet.

Wi dolen algader in dien
Dat wi niet en merken wat si sien :
Sine paruere hebben wi te mere,
Als oft hire mede gheboren were.

380 Waer dan yemene die begherde
Man te prisene na sine werde
Soe doet ewech erve, ere ende paruere
Ende ghifte der valscher avonture;

Laet liden den lichame henen
Weder si lelijc oft scone scenen;
Besie ende sine seden, ende sinen sin,
Oft hi sulcke wijsheit hevet in.

Soude men niet segghen openbaer
Dat hi onwijs ende dul waer

390

400

410

320

430

Wie soe dreve groet mesbaer
Dat hi over ·M· jaer
Nie levede hier te voren?
Oec soude men duncken doren,
Die daerom dreve rouwe groet
Dat hi ligghen sal al doet
Over ·M· jaer hier naer.
Dit es openbaer ende claer :
Dune waers niet, dune sout niet wesen.
Nature heeft ons bracht in desen
Hen mach nuwe heiten niet
Dat allen lieden es ghesciët.

.
Allene maect dijn inde goet :
Al evel dinc dunct te richter hem,
Die peinst, als ic van henen ben,
Soe sal ic emmer meer na desen
In vierghe sonden wesen.

Die ghene die haer ·V· sinne
Ter werelt setten, ter erdscher minne,
Die latic al onghetroest;
Want als die welde yet gheloest
Sine ghenoechten, sine redene seecht
Dat hem gbinder al es ontweecht.

Wie es argher ende wert gheleert
Dan die doecht in quaden keert,
Ende der hovescheit verghet,
Ende sine sin also set
Dat hi clene misdadighe saken
Groet ende hoghe wilt maken.

Ic wanne men hem domme beten soude,
Die een ors copen varen woude,
Ende nergens aen sijn merke en leide
Dan aen breidel en aen ghereide.
Aldus es hi seere ontwijst
Die anders ghenen man en prijst
Dan bi den clederen ende bi den gheslachte :
Het's menich sot gheboren in machte.

Rijcheit, heren, moghentheden
Verkeeren meer der liede seden,
Als mer toe comt, dan armoede;
Daerom en achtet niet die vroede
Op dese dinc in ghere uren;
Maer en dede doecht van der naturen.

Ledecheit, sonder leringhe,

Dat sijn alle verloren dinghe;
Merc, peinse vast, waene
Dat die werelt al siet ane;
Dus sal hem elc scamen dan
Ende peinsen mesprijs esser an.
Wat hulpt cleine dinc oft groet :
Alle dinc sijn voer Gode bloet.

440 Dronckenscap en es anders niet
Dan dat men enen minsche siet
Sijns dancs, bi sijns selves bewisen
Sinen vrien sin verliesen.

Wijn ontstect des menschen sin;
Waer daer iet heimelijcs in,
Met scamelheiden overdect :
Die wijn doet dat men 't vertrect.
Maer liede vint men die dor scamen
Sonden scouwen des lichamen;
Dat es die minne der doecht.

450 Wie soe dronckenscap verhoecht
Die verliest sin ende sede,
Ende alle sine scamelhede.
Hier toe soe wie droncken es
Die verghet al wie hi es.

Scouwe heerscapie mede :
Het 's wint ende overdadichede.
En es gheen wijsheit meer van sinne
Dan eer evel comt daer inne,
Oft eert gheweldelike in d'aderen
Die nature laet vergaderen,
Ghevoelt ende gheweert;
Want 't ierst dat hem bekeert,
Dat 's in den aderen ende in 't bloet;
Soe eest te draghen noch also goet
Als het te verdriven si;
Redene proeft men hier bi.

500
510
520
Men bedwingt die jonghe joecht
In 't beghin teghen ondoecht,
Eer si daer ghecustumere;
Verloren soe al die were,
470 Valt die joecht in die onmate;
Het 's beter dat men lopen late
Dan men weder soude tware :
Licht hi wert moede van vare.
Aen hem met rade ende pine
Om sijre sinne medicinie,

Wat hulpt dat die visikeren sijn
Gheroepen om hulpe sijn,
Eer dat evel es in dalen,
Ende eer men oec mach verhalen
Met hulpen dier nature;
Want het 's verloren ayonture
Al die wile, no min no mee,
Dat die stroom stort in die zee :
Soe en can men 't scep ghestueren niet;
Maer als men den stroom wiken siet 530
Soe eest dtijt dat men sla die hant
Aen den roeder ende aen 't ghewant.
Moerder, ribaude, hoeren mede;
Men weet wel dat die rijchede
Desen drien decke aencomen.
Hoe mocht men dan rijcheit goet noemen?
Dat 's goet dat niemant en hevet
Dan dien God reine sin ghevet;
Ghelove es dat heilichste bejach,
Dat erdsche minsche hebben mach. 540
Mate es bendeken mede
Over die erdsche weldichede.
Van hoghen lieden horic callen
Sine gheslachte te vallen,
Die haer edelheit verliesen,
Ende bi crancke sinne riesen.
Also menich hoeft, also menich ghedane,
Ende also menich sin ic wane,
Ende elc heeft sinen wille,
Dus leecht men herde selden stille. 550
Buten sijn scone die woert,
Ende binnen die vos die denct moert.
't Wijf weet al ende bediet

Dat in die werelt ghesiet;
Si es die triest niemare weet;
Wachse ter poerten ghereet.
Het 's sere mesdaen in allen kere
Dat men dlijf minnet voer die ere;
Niet en es te verdraghen soe quaet
Als een pijnlijcs wijfs onmaet. 560
Scone, vrome en suver leven
Selden sijn si ghevriende bleven.
580 Van dinghen, die in twivel staen,
Soe en ghef dijn vonnes niet te saen;
Maer houdt die sentencie suspens
In dinen sin, in dijn ghepens.
Oec en sterc gheen dinc in waren :
Te sere sulc schijnt vrient in 't openbaren,
Dat nochtan niet en es waer;
Ende sulc schijnt lieghende claer, 570
Dat men daerna al te hant
Met rechte waerheit ondervant.
540 Die siet men waer voer oghen
Hem ghelijc der loghenen toghen,
Ende die loghen oec mede
Dic ghedect metter waerhede;
Want als die maenlichte
Di tonet een droeve ansichte,
Ende di smeken blide oghen;
Dus can haer die sake toghen. 580
Die el niet en pijnt haer dan
Dan drieghen honende man,
Ende alle om gaen ende honen,
Ende haer bedecte metten sconen.
Die vroede en wil niemant bedrieghen,
Noch niemen en mach wachte lieghen.

DE SCHEPPING.

O Heilige Gheest, Vader ende Sone,
Die een God es in drien persone,
Een ewech wesen, dat tuucht mijn sin,
Voir al die werelt eubeghin,
Doen dijn woert hier neder quam :
Faciamus hominem ad ymaginem et similitudi-
Sprac sijn woert wael minnelijc : [nem nostram.
« Makeu wi den minsche ons ghelijc. »
Doen hi Adame maken soude,
Dat was teken datti woude
Maken in der menscheit
Een beelde der drivoldicheit.
Doen maecte hi Adame meer no min
Siele, lichame ende sin.
Die siele was met sinen lichame,
Sijn lijf was met der zielen name.
Die sin en was gheen van beiden,
Elc was een ende onghesceiden;
Want in dese drieheit
En was maer een minscheit.
Haddic gheen siele ic waer beest,
Haddic gheen lijf ic ware gheest,
Haddic gheen sin soe waer ic wonder,
Dus sijre drie ende gheen besonder;
Want waer een van drien ghebrake
Waer twivel minscheliker sake;
Dus es siele, sin ende lichame,
Drie in eens minschen name,
Als Heileghe Gheest, Vader en Sone,
Een God es in drie persone.
Nu heeft God ghenouen lijf
Aen een maghet, die oec es wijf.
Si es maghet in der reinicheit;
Want nie en dacht si dorperheit.
Si es oec wijf als men vint,

Want God sprac : « Wijf, sich dijn kint. »
Si hadde oec weduwen name verworven,
Doen Joseph was haer man ghestoryen;
Dus es si weduwe na mannes doet.
Si was wijf gaende met vruchten groet, 40
Si es maghet, want sy nie ghedede,
Noch en gedachte dorperhede.
O wedue, maghet ende wijf,
Drie namen in eens wijfs lijf.
10 O Heileghe Gheest, Vader ende Sone,
Die een God es in drien persone
Hulpe ons siele, sin ende lichame
Te regneren in dijre name.
Uut deser werder triniteit
Een edel boem ghewortelt steit, 50
Dat es dat godlike woert,
Daer bi al vrucht es comen voert,
Met bloemen ·VII· werven seven,
Die ons sijn in exempel bleven,
20 Als die schrifturen ons ghewagen;
Sijn telcken dat sijn seven daghen :
Maendach, Dijnsdach, Woensdach,
Donredach, Vrijdach, Saterdag,
Ende den Sondach ic meine.
In desen seven daghen reine 60
Sciep God dat Firmament,
Sterren, planeten ende 't element,
Ende water dat minscheit daer toebehoert,
Formeerde daer in sijn godlike woert.
30 In elken daghe maect hi ons blide;
Elken daghe gaf hi ons ·VII· tide :
Mette, prime, tercie, sexte, noen,
Vesperen, completen; dit woudi doen
Voer des minschen salicheit.
Den ·VII· tiden heeft hi ons bereit 70

·VII· heileghe sacrament.

Den sacramenten heeft hi ghesent
·VII· gaven des Heileghen Gheest,
Met ·VII· werken, soe men leest,
Van ontfermherticheit;
Lof hebbe die werde triniteit.

Nu heeft God ghemaect scone
·VII· hemel onder den trone;
Ende sulke sijn cristal,
Als astrologien tughen walc.
Onder die hemel, ic versta,
Sijn roerende ·VII· sphaera;
In die sphaera doe ic weten
Sijn ghestalt die ·VII· planeten :
Sol, luna, mars, mercurius,
Saturnus, jupiter, venus.
Die ·VII· planeten met riker onsten
Heeft God vervult met ·VII· consten :
Retorica, astrologia, philosophia,
Aritmetica, musica, logica, geometria.
Dit sijn die ·VII· consten tsaert,
Met ·VII· planeten gheopenbaert,
Lopende in ·VII· sphaera,
Die onder ·VII· hemelen ga,
Al volmaect in ·VII· daghen,
Die ons ·VII· tiden draghen,
Met ·VII· heileghe sacrament,
Daer God selve in heeft bekent
Seven gaven des Heileghen Gheest,
Met ·VII· werken, aldus eest,
Van ontfermherticheit;
Lof hebbe die werde triniteit.

Noch wanic dat daer ghescreven is
In Johannes boec Apocalipsis,
Doen hi in Phatmos was ghesint
Bi Domicianus es ons bekint,
Daer sach hi in den trone
·VII· kerken met visioene.
Bi den kerken wert hi gheware
Eenen gulden kandelare;
Bi den candelaren hi sach
Seven zeghel op dien dach
In enen scilt, also men las,
Die bina driecante was.
Dese driewerf ·VII· willic leeren,

Papen, leeken exponeren;
Want icse niet hebbe ghehoert
In sermonen brenghen voert.
Soe willic dan Austijnkijn,
Exponeren met worden mijn
Op dat mi God der eren an,
Want ic anders niet en can,
Ende niement yet van consten heeft
Ten si oft God van graciën gheeft.

80 Die seven kerken willic noemen :
Dierste es een paus volcomen;
Want God selve sprac alleen :
« Petrus, Petrus, du best een steen,
Daer ic op fundere mine kerke! »
't Fondament van goeden werke,
Dat es gherecht Oetmoedicheit;
Want God selve heeft gheseit :
Wie veroetmoedicht wert verheven.

90 Daden die pause diere ghelike,
Dat soude schinen in kerstenrike.
Dander es een cardinael;
Dat derde een legaat, dat wet wael;
't Fierde een erdsche bisscob si;
't Vijfste es een onder-bisscob vri;
Die seste es een abt oft een prelaet,
Oft een die in sijn ghelijc staet.
Die sevende sijn canoneke,
Reghelike ende ander moneke;

100 Dat es die staet van seven kerken,
Die in dogheden souden werken,
Dat ons van Gode si bekent,
Dit sijn die ·VII· sacrament.
Nu sijnre ·VII· candelare,
Ende alle ghemaect van goude clare :
Dyerste sal sijn een keyser,
Die sal wesen een voerreiser
Om te lichten kerstenhede,
Ghelijc Karle, die coninc dede.

110 Daeromme es hi ghecroent crone
Op erden metten gulden scone,
Om datti sal des Heren kerke
Van hemelrike met goede werken
Bescermen in kerstenheit.
Een swert sal hem sijn bereit :

120

130

140

150

160

16

Die een egghe sal tot allen tiden
 Met machte op donghelove striden,
 Die kerstenheit willen storen;
 Daer sal hi manlike varen,
 Ende ons ghelove wel bewaren,
 Lijf noch goet daer teghen sparen.
 Die ander egghe met scarpheit
 Sal hi doen voeren in rechticheit
 Op hem, die weduwen ende wesen
 Hier verdrucken ofte vresen.
 Dus es hier een recht candelaer
 Metten pause in den outaer
 Te lichten den heileghen Sacrament,
 Dat ons te troest hier es ghesent.
 Enen coninc met enen cardenale
 Sal daer lichten ghelijc wale;
 Een hertoge met enen legaet,
 Als een lichter lichtende staet.
 Een grave met enen erdschen bisscob si,
 Een haerus licht onder-bisscob vri,
 Een ridder die men in doechden noemt,
 Wær hi rijt of waer hi coemt,
 Licht met abten oft met prelaet,
 Oft enen die hem ghelijc staet.
 Een sciltknappe die den wapene dient,
 Ende soe es der eren vrient,
 Dat hi in werken ende in worden
 Leeft na dogheuliker orden,
 Die licht enen canoneke,
 Oft enen ghehorsamen moneke,
 Die noch gheen priester worden si;
 Maer gherne quame daer bi,
 Ocht hi met heilicheiden mochte leren
 Gods lichame consacrerem.
 Des ghelijcs sal in werken
 Een sciltknecht gherne doen merken
 Dat hi in dogheden soe vol vaert
 Dat hi met eren vaet aen 't swaert,
 Dat toebehoert den rechter recht,
 Alsoe hi niet mere willen wesen knecht.
 Dit sijn die ·VII· candelaren,
 Die lichten souden rechte clare,
 Met ·VII· kerken hier beneden,
 Ende houden Gods volke in vreden.
 Nu sijnre ·VII· hoetsonden,

Die de viant heeft ghebonden,
 Ende daer in verduystert mede,
 Daer 't siet seven claerhede :
 D'eerste heet Superbia,
 Daer men Hovaerde bi versta, **210**
 Die verdrijft Humilitas;
 Oetmoet, die in den pause was,
 Als Petrus leefde heilich leven.
 Doer sijn oetmoet wert hi verheven
 170 Hier nedere ende in hemelrike.
 Waren die pause diere gbelike,
 Dat si oetmoet minnen wouden,
 Ic wane die liede nemen souden
 Goet exempel in 't gheleine,
 Dat hovaerde beneemt alleine. **220**
 Avaricia hetet Vrecheide,
 Ende brenct heren ter ghecheide
 Dat si doer den vingher sien,
 Om gelt laten onrecht gheschien.
 180 Luxuria maket Onreimicheit;
 Gula maket Gulsicheit;
 Invidia maket Nijt;
 Ira maket Toren ende Strijt;
 Desidia maket Traechede,
 Ende verdrijft Goetwillichede, **230**
 Daer die liede mede souden
 Gode dienen oft si wouden.
 Dit sijn die ·VII· hoetsonden,
 Daer heb ic anxt met sijn ghebonden;
 190 Beide die hoefde van den seven,
 Nu aen ghesien van haren leven.
 Nu sijnre ·VII· zeghel claer,
 Die sinte Jan sach openbaer
 In enen scilt der Drieheit.
 Dat aengesicht der menscheit, **240**
 Dat es een schilt driebant,
 Gemaect van der godliker hant;
 Beneden scarp ende boven breit,
 Na der formen der Drieheit.
 200 In den scilt mag men ontsluten
 Seven segel als seven conduten :
 Twee aen den oeren en twee aen ogen;
 Daer mach men vier segel togen :
 Twee aen nese ende een aen mont.
 Die seven tugen telker stont **250**

Dat God met vaderliken lieve
Dus formeerde recht erfbrieve,
Daer wi souden mede
Winnen sijn erfachtiche.
Mijn een oere sal doghet verstaen
Om dat mi sal ter herten gaen;
D'ander sal boesheit horen
Om dat mi grouwen sal daer voren;
Tusschen tweën es bescheidenheit,
Die mi wiset die waarheit.
Mijn een oge sal wel scoen
Gode dancken in den troen
Sijne sonnen ende sijne maen,
Die sterren, die aen den hemel staen.
D'ander oge sal op erden
Onsen God lovende werden
Sijne beesten ende sijne lude,
Sijn vogel, sijne crude.
Lovic Gode in mijns herten gront
Soe doen ic recht in alderstont.
Mijn een nese sal rieken stanc,
Dat bediet des lijfs bedwanc;
Als 't lichame wilt te weldich sijn
Men sal hem geven disciplijn.
Nature en can haer niet gesaten
Sonder dwanc te sine in maten.
D'ander nese sal sijn bereit
Dat si sal rieken sueticheit,
Gode dienen ende wesen vro :
Letamini in Domino.
Nu en hebben wi niet dan enen
Mont, omme dat wi menen,
Worde, werken ende gedacht,

In dogeden al in eenre macht.
Gedacht sal wesen reine goet,
Onse woerde waerachtic wel behoet;
Lenden, handen sal men werken
Dat si altoes weldaen sterken.
Als die drie sijn geboget
Eendrechtelijc al in doget, 290
Soe leit die mensche een salich leven;
Hadde ons God ·II· monde gegeven,
260 Die een waer te spreken, dander logen;
Soe hadde ons God selve bedrogen.
Nu en gaf hi ons meer dan enen
Omme dat woerde, werken, menen
Leven selen al in 't waer;
Soe volgen wi sinen stappen naer.
Hi heeft gesproken, als men 't versta :
Ego sum via, veritas et vita ! 300
Hi es leven, wech ende waarheit
Tot der ewegher salicheit.
270 O ghi mannen metten wiven,
Wildi recht salich bliven,
Soe gheeft die siele in den Vader
Metter memorien algader,
Ende dat lichaem in den Sone
Metter verstannessen scone,
Ende den Heiligen Gheest den sin,
Met alden wille ende niet min. 310
In welden scouwet overmoet,
Leeft bi maten het wort u goet;
280 Niet mestroestich en sijt in liden;
In liden suldi u verbliden,
Ende leven in verduldicheit,
Dit es 't folc der drivoldicheit.

DIT IS VAN ·VI· VAERWEN ENDE ·XII· OUTHEYDEN,

DEEN METTEN ANDEREN BEDIEDT.

Ses varuwen sijn op erden,
Die God op erden liet ghewerden,
Met siner wouentlike goede,
Om dat die minsche met vrien moede
Sinen God soude leeren
Daer in dancken ende eren.
Van ·VI· varuwen, als ic versta,
Moech di horen, hoerter na,
Des willic nu onderwinden;
Men canre niet dan ·VI· vinden,
Want si seggen dat gra ermijn
Met anderen sal varuwe sijn.
Dat en es niet waer, alsoe mi dunct,
Wit ende swert te samen gemenct
Dat maect een gra onder hem tween,
Doch en eest gheen varuwe alleen.
Dit sijn ·II· varuwen principale,
Wit ende swert, dat weet ic wale.
Vanden witten maect men al
Varuwe, die men maken sal,
Ende als 't ten swerten es gecomen
Hevet sijn leste varuwe genomen;
Want op erden wijf noch man
Van swerten wit gemaken can.
Den grauwen salic dat sine geven
Na dat hem metten recht es bleven.

David die coninc heeft geseit
Dat die minsche tot sijne outhheit,
Bi ·XII· etaten op clemmen sal
Eer hi sine ende volleeft al.

Nu soe willic openbaren
Elken etate bi ·XII· jaren,
Ende elc varuwe in haren graet
Willic versellen met enen etaet.
Die ierste etaet, daer wi in sijn,
Die mach heten wit selverijn;
Want dat selver es rein ende wit
Het en verroest noch besmit;
Dus selen die kinder zielen sijn
10 Luter claer ende selverijn, 40
Onnoesel na der inghele aert,
Reyne wit ende wel verclaert.
Dat selver heeft soeten clanc;
Der kinder luyt heeft soeten sanc.
Die hem in reinen leven voeghen
Hebben si goede maghe-toghen
Si selen reinicheit bewaren,
Te minsten tot haren ·XII· jaren.
Van ·XII· jaren noch bat voert
20 Tot dat men ·XXIII· hoert: 50
Soe comt die groene cynopre vaer;
Men siet doch in des meyen jaer
Als die fyuel-bloemen, rosen,
Acoleyen, tidelosen
Uter erden hier ontspringhen,
Daer van die blide voghel singhen;
Soe siet men berch ende dal
Meest in groenen bedect al,
Aldus es oec die menschelijcheit
30 In 't wassen sijne vroylijcheit 60

Tot sinen ·XXIII· jaren;
Dan soe siet men openbaren
Die voer hoefde slecht ende claer,
Ende dat lijf wassende daernser.
Die werde wanghen siet men blosen
Ghelijc den soeten roden rosen;
Die monden roet in enen vonkel
Gloyen roet als een carbonkel.
Senewen, aderen, vleesch ende bloet,
Die nature wassen doet,
Beide aen mannen ende aen wiven.
Men siet dat die jonghe live
Dansen, hoven ende springhen,
Vroylijc leven ende singhen.
Wie ·XXIII· jaer heeft,
Ghesont ende met vrouden leeft,
Natuere mach hem nemmere gheven,
Al soudi eewelijc leven.

Van ·XII· jaren voert ghenomen
Datter ·XXXVI· comen,
Soe comt die kale-varuwe roet,
Die brenct coenheit ende crachten groet;
Want tót ·XXXVI· jaren
Sal cracht ende coenheit openbaren,
Daer omme siet men lantsheren
Dat si haer palen willen weren,
Ende scade willen si verhalen,
Ende met orloghe betalen :
Ouden wrac met erren moede;
In enen bernende gloede
Leeft dan in mannen die coenheit,
Ende in den vrouwen scemelheit.
Wie ·XXXVI· jaer leeft
En gheen coenheit en heeft,
Noch sijn onrecht niet en dar keren,
Nemmermere en sal hijt weren.

Van ·XII· jaren noch hier naer
Dat comen ·XLVIII· jaer;
Soe regneert die asure bla,
Daer men stedecheit bi versta;
Want tot ·XLVIII· jaren
Heeft wijsheit haer openbaren,
Ende waer omme het es gheseit
Dat blau heet Ghestedecheit,
Dat es bi redenen te merken;

Die hemel heeft dicwile swerken
Roet, gheel, swert ende groen,
Ygelijc na sinen doen;
Ende als die swerken al vergaen,
Mach men den hemel vinden staen 110
In sijne varwen van te voren;
Sijn blauwe dat blijft onverloren,
Ende want hi behout sijn oude cleit;
Soe heet men blau Ghestadicheit,

70 Want wanneer dat die man
·XLVIII· leven can,
Soe staet hi op den hoechsten graet
Over te siene al sinen etaet :
Sijn selver merct hi der kintsheit,
Sijn groen cynopre der vrolijcheit, 120
Sijn rode keel van starker cracht,
Sijn blauwe asure dat heefden bracht
Dat hi wijslijc sal oversien
Wat hem naemaels mach gheschien.

80 Wie ·XLVIII· jaer leeft
Ende ghene stedicheit en heeft,
Noch gheen wijsheit van sinne;
Nature brence hem nemmeer inne.

Van ·XII· jaren noch bat an
Dat menre ·LX· gheleven can, 130
Soe comt die ghele varwe guldijn;
Dat die goede gheëert sal sijn,
Die in eren ende in doechden heeft
Tot ·LX· jaren lanc gheleeft,

90 Ende daer in vast voert regneert,
Boven den goude wert hi gheëert;
Selen die jonghe redene plien,
Ghelijc dat men mach sien
Dat des soeten meyen bloemen
Unt der erden waren comen 140
Wit, roet, blau ende groen,
Yghelijc scone nae sinen doen.

100 Wanneer die zonne hoghende es,
Ende wermende te Sinte Jans-mes,
Soe siet men weder die bloemen delewen
Naturlijc ende verghelewen,
Overmids der sonnen gloet;
Dus dunct mi dat minscheit doet.
Die ·LX· jaren dicken roven
Des menschen coenheit, mach men proven; 150

Die staerc was valt in crancheden,
Die snel was comt in traecheden,
Die scarp was al in sijre sinnen
Beghint plompen van in binnen;
Nature moet haer scout betalen,
Waut sonder clemmen moet si dalen.

Van ·XII· jaren noch daer bi
Datter ·LXXII· si,
Soe comt dat swert sabelijn,
Dat mach wel simple varuwe sijn.
Als goede liede sijn ghestorven,
Die levende zwart verworven
Omme te leiden simpelheit,
Ende te scouwen hoverdicheit.
Oec minde die oude bi naturen
Simpelheit in allen uren.
Tot ·LXXII· jaren lanc
Nemt die oude sinen aevanc;
Dan hem dunct al verkeert
Dat hem die joecht heeft gheleert;
God te dienen ende sijn ghemac,
Ende simpel wesen ouder dac,
Dat mint hi voer hoverdichede;
Het's der goeder ouder sede.

Van ·XII· jaren voert ghenomen
Datter vierwerf ·XX· comen,
Soe comt dat recht grauwen ermijn;
David sprect in sijn latijn :
« Die vierwerf ·XX· jaer leeft,
Dat hi al baert in arbeit sweeft. »
Dus tellic dat grauwe voer arbeit;
Wat men dicwile heeft gheseit,
Als die liede in ordenen gaen
Dat si grauwe abijt ontfæen,
Om dat si Gode te regueren tien
Dienen willen in penitencien.
Oec siet men dat ghemeinlike
Dat die liede op ertrike
Meer versterven voer die jaer
Dan hier levende sijn daer naer.
Grauwen ermijn es al ghemenct;
Bi den witten, soe mi dunct,
Bedudic des menschen leven;
Ende swert daer in ghewreven
Mach bedieden des menschen doet;

Want het es een arbeit groot
Als die doet in 't leven mengt,
Ende sulke pine te herten brenct;
Want dat die ziele doer arbeit
Met anxt van den lichame sceit,
Dat es een arbeit voer al,
Daer men arbeit noemen sal.

160 O ghi mannen, metten wiven,
Wildi duechdenlike becliven,
Ende die varuwen cleiden leeren,
Soe moet u ten iersten keeren
In dat reyne wit selverijn.

Altoes wilt reyne van herten sijn,
Want God selve heeft gheseit :
« Reyne ghedach es heilicheit. »
Denct na die grone cynopre daer;
Doet wale, sijt vrolijk u jaer.
Hi dunct mi wesen wel ghemoet
Die vrolijke es ende wale doet.

170 Denct na dat edel keel roet;
Sijts coene ende van moede goet.
Vecht, orloghet ende strijt,
Niet in hovaerden oft in nijt;
Maer ghi sult in allen stonden
Vechten leeren teghen sonden.

220 Die hem selven niet can verwinnen,
Hoe sal hijt anderswaer beghinnen !
Denct na die asure bla,
Wie wale doet dat hi volsta;

180 Al hadde een goet man voer waer
Sinen here ghedient ·XL· jaer,
Woude hi in 't leste verraden
Sinen here oft scaden,
Hi hadde te male verloren

280 Alle sinen dienst van te voren.
Hadde oec een ermijt
Gode ghedient sinen tijt,
Woude hi in 't leste ten viant keren,
Hi verlore die hulde Ons Heeren;

190 Sal dan weldaet in u erven
Ghi moter in leven ende sterven;
Na der doet sal men u gheven
Na verdiente loen van leven,
Loen van Gode, Onsen Heere,
Ende lof na der werelt eere.

200

210

220

280

240

Denct na die ghele gulden vare;
Sidi jonc, hebdi jonghe jare,
Staerc van live, hoech van moede,
Rijc in eren, ende in goede,
Bedenct u waer es Alexander,
Julius Cesar, menich ander,
Karle ende Constantijn;
Coninc Artur, waer mach hi sijn?
Haer groet heerheit es al leden.
Selve moeti oec van steden;
Si varen vore, wi comen naer,
Hier comen na ons oec voer waer,
Die onser selen vergheten al;
En verghet uwes selves groet noch smal,
Scouwet hovaerde, eert den ouden,
Van mi blijft dijs onbescouden.
Denct na dat swert sabelijn;

Wilt eersam ende simpel sijn,
Ende scouwet overdaet;
God selve mint middelmaet. 260
Gedenct u na dat gra ermijn;
In wat arbeide ghi moghet sijn
Nemet verduldechliken an,
Ende denct in uwe sinnen dan :
Gheen dinc en es mere arbeit
Dan daer die ziele van live sceit;
250 Dus clemt na machte elc graet,
Elc sijn leven ende sijn etaet,
Bi gheliken na die werden
Siele ende lijf daermede ghewerden, 270
Naer dat hem God hier leven laet;
Ghi comter bi in hogher staet.
In den hemel ende op der erden
Sal uwe name ghemeert werden.

DIT ES EN EXPOSITIE VANDEN VIERE VINGHEREN

ENDE VANDEN DUME.

Daer staet ghescreven : Invenite,
In manus ejus sunt fines omnes terre.
In Gods hande sijn alle inde
Van ertrike sonder wederwinde;
Want hi beghin no inde en heeft,
Soe int hi hem daten gheeft.
Wie comen wille in siere hant
Daer boven in sijns vaders lant,
Die sal moten ter Gods ghenaden
Opclennen met vijf graden;
Want die mensche heeft vive
Vingheren, als men 't bescrive.
Elc vanden vingheren heeft drie grade
Met te comen in Gods ghenade,
Sonder die dume; die heeft twee,
Hem en behoerter oec niet mee.
Een meester sprac tot eenre stonden :
In den dumen sijn doetsonden.
Dat comt wel bi redenen an,
Alsoe als men 't merken can.
't Ghepuls comt uter herten aderen :
In den dume es sijn vergaderen,
Des willen meesteren vroet
Dat voer hem brenct herten bloet.
Den dume heeft wederstaet,
Want doch vorder nic en gaet.
Ghelijc dat ghepuls meer noch min
Ruert, soe ruert des menschen sin,
Consciencie, ende doet orconde
Des minschen sine hoetsonde.

Als men die sonden wederstaet
Soe es die dume die ierste graet;
Want hi heit Contricio;
In dietschen heet men Berouwen alsoe.
Als men betughen sijn twee graden,
Wanneer die mensche werdt beladen
Met rouwe, dat comt uut ·II· siden.
Als wi aensien verloren tiden,
Ende niemant sekerlike ende heeft,
10 Want niemant sekeren tijt en heeft; 40
Soe moghen wi dencken : « Lieve Here,
Als ic hier wesen sal nemmermere,
Soudic moeten doen versellen
Metter wormen uter hellen
Om die sonden, daer ic in ga !
Soe eest best dat ic 's ave sta. »
Want anxt comt, als ic scouwe
Die alre ierste vouwe.
Dander brenct hope ende minne,
20 Als 't een mensche denct met sinne : 50
« O lieve God, o lieve Heere,
Nu hulpe mi met dijne leere
Dat ic ghewinnen der ghenaden,
Die den salighen es beraden
Daerboven in den hoghen trone,
Daer berou es meest van lone. »
Als men heeft den graet ontfacen,
Soe wilmen toten anderen gaen,
Die hiet bi namen Confessio;
30 Die noemt men ende hiet men also. 60

Index hiet men oec bi stonden;
Want hi es een wiser vonden
Van diughen, die men niet en wiste;
Hi wist bi wilen oec bi liste
Dien priester, als hi biechte hoort;
Si mesdoen aen eens anders woort.
Dese vingher brencet die grade,
Die ons helpen ter Gods ghenade;
Die ierst es Vordachticheit,
Want wie sine biechte seit
Die moet sijn voirdechtich,
Sal hise spreken almectich.
Die ander graet die heit Waerheit;
Loghene en dochte niet gheseit.
Oec soude een minsche billec mede
Noemen tijt, stonde ende stede,
Hoe hi sonde dede ende waer,
In welk stadt, in scemelen vaer;
Want menich minsche seit bi stonden :
« Heere, ic helie mine sonden;
Ic hebbe ghebroken die ·X· ghebode,
Ende hebbe mesdaen jeghen Gode,
Ende jeghen die Heileghe Kerke. »
Maer si decken die blote werke;
Dat es t' onrecht, sire ghebiet
Op dat men 't weet ende niet en liet.
Die derde graet heit Ontfarmen;
In den herten sal men 't karmen
Ende denken : « Lieve Heere,
Ic en wil sondeghen niet meere;
Want God sprac selve in der nuwer ee
Tot ons allen : Non peccate!
Wille niet meer sonden in dit leven! »
Soe wort di dine sonden vergheven.
Als een minsche te biechten gaet,
Ende sine sonden al overslaet,
Heeft hi wille ten andren daghen
Sijn leven met sonden voert te draghen,
Hem en hulpt gheen absolveren,
Hi en hebbe wille weder te keren;
Maer als hi sine biechte seit,
Heeft hi meinen ende willicheit
Alre sonden af te staen,
Soe sijn si vergheven ende vergaen
Alle sine sonden ende mesdaden.

Des ander daghes laet bi hem dan raden
In sonden, dat es op nuwe sorghe;
Maer wille heeft dierste al verborghen.
Salich es hi, die 't volstaet
Metten goeden wille, ende altoes laet 110
Sonden, ende exempel gheeft
Metten werken dat hi wel leeft.
Die derde heet Satisfactio;
Penitencie dat maect ons vro;
70 Want si es een middelare
Tusschen Gode ende den sondare.
Die vingher langher es voer waer,
Als ic u toenen sal, hoert er naer,
Dan der ander enich si,
Ende daer es reden bi : 120
Berou ende Biecht es cort ghedaen;
Penitencie moet langher staen.
Si can ons te graden brenghen :
Almoessen, vasten, bedinghen.
80 Almoessen, als ic ghemoede,
Es niet allene met Gode;
Want God sprac in dewangelium :
Da michi cor tuum;
« Ghef mi dijn herte, sprac die Here. »
't Goet es Gods, ghef hem die ere. 130
Vasten en can ic niet wel bewisen
Alleen dat men darft der spisen;
Der mesdaet ende oncuysheit,
Dier sal men vasten ende scalcheit.
90 Bedinghe, die men hoert,
En ligghen niet alleen in woert;
Maer 't ghewerken met ghebode,
Dat volmaect die heilichede,
Opdat si comen uut goeden gronde;
Dese verdriven ons die sonden. 140
't Fierde mach een vingher sijn,
Heit Medicus, dat 's Medicijn;
Karitas heit sijn recht name.
Sinte Pauwels sprac wel bequame :
100 Si non habuisti caritas
Nichil habuisti. Gheloest mi das :
« Al hadde een minsche rouwe van sonden,
Ende reine waer in biechten vonden,
Ende penitencie hadde ghedaen,
Haddi caritas niet ontfaen, 150

Soe haddi roekeloes verloren
Sijn meeste weldaet, moechdi horen. »
Caritas, dat heiten wi Minne;
Die brinct ons die grade inne :
Dierste es dat men sal
Minnen Onsen Here voer al;
Dander onsen evenkerstija
Ghelijc ons selven minnende sijn.
Dat derde vergheven alle scout
Vriende, viande menichfout,
Alsoe als daer ghescreven is :
Debita nostra sicut et nos dimittimus
Debitoribus nostris.
« Vergheft ons onse sculde, here,
Als wi die, no min no mere,
Vergheven onsen evenkersten. »
Ghenade sal ons niet verversten.
Die vijfte vingher, die minste was,
Des heet hi billec Humilitas,
Dat es gherecht Oetmoedicheit;
Drie grade sijn hem bereit.
Wie in oetmoet wille volstaen
Moet den ghenen wesen onderdaen,
Die boven hem es gheset
In regiment oft in der wet.
Dander graet es, ons ghelijc :
Sijn si aerme, sijn si rijk,
Selen wi wesen onderdaen,
Willen wi in vreden staen;
Want si twee effen groot,
Effen sterc ende anders ghenoot;
Willen haer gheen in oetmoet leven
Soe wert hem selven vredelijc leven.
Die derde graet es dat wi mede
Die arme togghen oetmoedichede,

Die onder ons heeten sijn ghestaen,
Als God heeft door ons ghedaen.
Hi was coninc alder heeren;
Nochtan woude hi oetmoet leeren :
Den alre aermosten sondaren, 190
Die hier in der erden waren,
Nam hi te troesten ende ghinc der mede
Meer dan hi metten riken dede;
Nu hebdi die grade alle vive.
160 O manne, kindere ende wive,
Denct omme die dume ende hebt berouwen.
Ierst met anxte aen te scouwen
Hoe swaer dat es der hellen pijn;
Dan hebt berou van minnen sijn,
Ende blijft in hope vast ghestade, 200
Sonder mestroest op Gods ghenade.
Doet biechte met voerdachticheit,
Met waerheide ende ontfarmicheit.
Doet penitencie sonderlingen.
170 Almoesenen, vasten, bedinghen;
Hebt caritas in uwen sinnen,
Met Gode in der hoechster minnen.
Mint dinen evenkersten ghelijc di,
Laet dine sculdare vri;
Hebt oetmoet, blijft onderdaen 210
Die boven di hebben macht ontfanen
Sonderlingen inder Heiligher Kerken;
Dat sal God in 't hoechste merken;
Daerna dinen rechten heere.
180 Den aermen die oetmoedecheit leere,
Metten werke ende worden, en es gheen scande;
Het dede die coninc van allen lande.
Soe saltu leven emmermee :
In manus eius sunt omnes fines terre.

DIT IS SINTE JANS EWANGELIUM,

ALSOE 'T AUGUSTIJNKEN GHEEXPONEERT HEEFT.

Sinte Jan ewangeliste,
Die met Gods gracen wiste
Vander Godliker verholenheit,
Die heeft ghescreven ende gheseit
Een ewangelium rechte ende claer,
Ghelijc dat hier volghet naer,
Ende an mi God der salicheit,
Soe willic met sueter leren
Dit ewangelium exponeren
Om 't ghelove te starken met
Van onser kerstenliker wet,
Daer goede kersten leven in.
In Gods namen ic beghin,
In mijne hulpen blive Jhesum :
In principio erat verbum;
In den aenbeghin was een woert,
Ende dwoert was bi God, seiti voert :
Et verbum erat apud Deum.
Hi sprect : *et Deus erat verbum;*
In God was dwoert, sprect hi naer;
Hoe sal men dit verstaen claer?
Dat dat woert hadde een beghin,
En God beghin heeft meer noch min;
Dwoert was bi God ende God was dwoert;
Soe moghen die liede segghen voert :
In Godes woert daer beghin leit an,
Soe hadde God een beghin dan.
Nu willic u segghen waerbi
Dat God dat woert selve si,

Ende eer dat woert ic began
Hoe dat woert bi Gode was nochtan,
Ende hoe men beghin aen 't wort bekiude,
Ende God beghin en heeft noch inde.
Die almoghende Godlijcheit
Es een God der Drievoldicheit,
Die alle steden vol besettet,
Ende gheen dinc en besmettet,
Ende buten hem en es niet;
10 In hem ruert dat men ruceren siet, 40
Ende hi en ruert min noch meer;
In hem en ruert liden noch seer.
Die vader der Godliker glorie
Es een ewighe memorie,
Die oversach sonder beghin
Al dat beghin moet bringhen in;
Verstandenes dat es die Sone,
Sonder beghin gheboren scone
Uter memorien, die es Vader;
20 Vergaende uut hem beiden gader 50
Es een wille, dat 's der Heileghe Gheest,
Ende gheen van drien en es der meest;
Niet ·III· gheesten in den vertocnen,
Maer een gheest in drien personen :
Verstandenes die Soen versteit;
Memorie den Vader der Wijsheit;
Alle die wijsheit die in hem sijn,
Welke die Heilige Gheest gheeft schijn
Uut den Vader ende uut den Soen;
30 In elken descen ·III· persoen 60

Rust die een in den anderen,
 Onghesceiden sonder wanderen.
 In den enen persoou es d'ander niet;
 Gheen sonderlinghe wil gheschiet
 Van den enen den anderen besonder.

In desen drienvoldighen wonder
 Was bi een woert sonder gront;
 Maer want elke persoou verstont
 Deen den anderen in een wesen bloet,
 Was der gheens sprekens noet.

Een van den substantie soe sijn si,
 Dus was dat woert in Gode bi,
 Ende onghespringhet in sijnre macht.

In dat woert lach al die cracht
 Der Godliker moghentheden,
 Daer hi al sijn werc uut dede;
 Want hi en hadde vleis noch bein,
 Bloet noch aderen nerghent ghein,
 Dus was hi in hem selven vri;
 Gheen vreemde dinghen en sijn hem bi
 Van substantie groot no clein;
 Hi was een wesen in hem allein.

Soude vreemde substantie comen voert,

Soe moest hi openbaren dwoert,
 Daer sijn Godlike woert lach in;
 Dus hadde dwoert ·I· aenbeghin,
 Dat nie en was verbaert te voren

Dat beghin in Adaems oren,
 Doen dwoert sprac ende nederquam :

90 *Faciamus hominem ad ymaginem et similitudi-*
Oec was dat woert Gode bi, [nem nostram.

Doe daer gheen diinc en was dan hi.
 God was dwoert voir waer gesacht,
 Dat woert heef weder woert ghewracht
 In Adams ende in Jeven tonghen,
 Uut welcken ·II· es dat ghedronghen
 Dat men menschen tonghen verstandet
 Waerden, dat 's voer waer bekaudet.

Dat wi oec niet met onser spraken
 Vreemde substantie connen maken,
 Ende dat woert der tonghen uitgeit,
 Wanneer men sterven hier besteit;
 Soe en sijn wi niet dat wariche woert.
 Daeromme heef David ghesproken voert :
Omnis homo mendax voerdachtich.

« Alle menschen sijn loghenachtich. »
 Nuwe manen, nuwe sonnen
 Met woerden wi niet maken connen.

Al connen wi woerden rueren,
 Nuwe vreemde creaturen
 En comen van onsen woerden niet,
 Daer en si meer toegheschiet.

70 Dat Godlike woert es daer in God;
 Dat waer woert gaf een ghebod
 Adam, datti niet en hilt;

Ende oft ghi dan weten wilt
 Waerom het was ons salichede
 Dat Adam brac ende misdede,
 Ende waerom dat Lucifer oec met

Uut Hemelrike was gheset,
 Ende viel in der hellen gronde,
 Ende waer mede hi dede sonde,
 Dat suldi hier in vinden wael;
 Ende waerom in den hemelschen sael

80 Enghelen vieleu, ende bleven met
 Noch suudeghen moghen, dat wel wet,
 Dat suldi kinnen hier en binnen;
 God hulpe mi ten rechten pinen.

Doen karitas, die rechte minne,
 Die godeliken gheest hadde inue,
 Omtrent hem wilde geselschap haen;
 Doen hief hi metter wijsheit aen,

Wille ende moghentlike woert,
 Ende sciep tijt ende stat hier voert;
 Want voerwaer wet dat

Dat God en hadde niet tijt no stat,
 Eer dat hise hem selven sciep,
 Daer hi niement over en riep.

Den hemel claer ende dat firmament,
 Sterren ende planeten daer omtrent
 Sciep hi al in sijn ghewalde,
 Ende al doer des minschen salde.
 Daer in sciep hi gheest ende bloet,
 Ende gaf hem tot harer moet

100 Vijf sinne gheestelijc;
 Doen beitent gheesten enghelijc;
 Anders hadden si voer Gods oghen
 Nemmermeer gesondegen moghen

En hadden si sinne niet ghehat.
 Vijf sinne waren in hem sat :

110

120

130

140

150

Memorie, wille, verstandenes, woert,
 Consciencie, als daer toehoert;
 Die sijn der inghelen sinne vive
 In gheest gheformeert, niet in live.
 Bi desen vijf sinne crachte
 Moesten si comen in gedachte
 Te rechte doe si ghescepen waren.
 Die haer ghedincken lieten varen
 In hoverde ende in sonden
 Vielen tot dien selven stonden,
 Sulc in hellen, sulc in swerken,
 Sulc in der lichten, 't sijn te merken;
 Daer na waert hem vallen kondech
 Nadat hi gedochte waren sondech;
 Lucifer in sinen gheest,
 Sijn hoverde was alre meest,
 Dies viel hi den hoechsten val;
 Des ghelike die andere al
 Vielen na mesdaet der sonden.
 Gherechticheit gaf die orconden
 In der moghentheit des Vader,
 Ende want deser enghelen ader,
 Vleis, bloet noch bein en haent,
 Soe comt toe dat niet en staent
 Na penitencie groot noch clein;
 Elc es een bloet gheist allein,
 Daer niet aen en es te verhalen;
 Met hem selven moet elc betalen
 Sonden, die hi ie ghedede;
 Of God sijn ontfermichede
 Noch aen hem sal laten comen
 Es mi verholen, es nachs niet comen.
 Die ander inghel die dachten goet,
 Met reinen dogheden in haren moet,
 Die moeten Gods dienre bliven;
 Wie soudse daervan verdriven,
 Want si en hebben vleisch noch bloet,
 Daer men die sonden mede doet,
 Oft datse ten sonden iet becoert
 Om dat si niet en brachten voert
 Den enen gheest, die nie mach sterven,
 Ende mochten si maer eenwerpen
 Wael ghedaen oft noch sonden pleghen,
 Daer hem loen an was gheleghen,
 Oft eneghe pijn van misdaden;

Maer oft God sijn ghenaden
 Aen die enghelen iet wil stellen
 In hemelrijc, oft inder hellen,
 Des en weet ic groot no cleen;
 Maer ons ghelove sprect neen. 200
 Doeu die Godheit aen gesach
 Dat niet an desen twee ghelach
 Gheselschap, als hem toe behoerde,
 Doe sciep hi met sinen woerde
 160 Den minsche, drivoldich, enich, vri,
 Ghelijc dat hi selve si;
 Want enghelen, duvelen eyghen sijn;
 Deen eynen vroghede den anderen pijn.
 Nu es die minsche tusschen beiden,
 Drivoldich, eengader, onghesceiden; 210
 Ziele, lichame ende sin
 Es een minsche meer no min;
 Memorie, wille ende verstandenes
 In onser zielen verborghen es.
 170 Aristotules die sprect noch
 In 't leven sijn ·III· zielen doch;
 Des leeft die minsche niet allein
 Can hi hem selven wel besien.
 Hi scrijft aldus : *In anima,*
Vegetativa, sencitiva, 220
Inde anima rationali.
 Daer noemt men ·II· zielen hi;
 Vegetativa wasset daer uut,
 Sonder ghevoelen als bornen cruyt;
 180 Gheen reden hout si min no meer.
 Sencitiva wasset daer in 't vee,
 Die ghevoelen in vleisch ende in bloede;
 Doch sijn sonder alle vroede;
 Ghelove noch weten hem en sceit,
 Hier omme David noch heeft gheseit : 230
Nolite fieri sicut equus et mulus,
Quibus non est intellectus.
 « Niet en ghelooft als mulen, als paert,
 Daer men verstandenes nie en waert;
 190 Maer ghelooft na der enghelen sin,
 Daer redene ende doghet es in. »
 Die inghelen dat proeven wi
 Hebben *anima rationali*;
 En hebben si reden niet verstaen
 Si en hebben wel noch arch ghedaen, 240

Niet meer dan een beeste doet,
Die noch wijs en es noch vroet.
Nu heeft God tot ons ghesien,
En gaf ons van allen driuen,
Dat wi niet en moghen spreken
Dat ous bi eyn iet mach ghebreken.
Wassende ziel gheloven niet,
Als boem ende cruyt men an ons siet:
Dat es aen naghelen ende aen haer.
Nu merket selve oft dit es waer :
Het wasset ende het ghevoelet nicht.
Ghevoelende ziel es ons gesticht
In vleisch ende in bloede roet.
Met den drien clein en groet
Bi den ·IIII· elementen cracht,
Als God heeft an ons gewracht;
Met al den inghelen inghelijc
Hebben wi een ziel redelijc,
Die al die selve sinne heeft,
Dier God vive den inghelen gheeft.
En hadden wi der memoriae niet
Hoe jammerlijc waer ons ghesiet.
Waervan souden wi bescouwen
Te comen in een gheest betrouwen
Van den sonden, die leden waren,
Die doet memorie openbaren.
En hadden wi verstandenes ghene
Soe waer ons ghelove cleue;
Caritas noch godlijc eere
En ghewonnen wi nemmermeere.
Soude mi dan ghebreken wil,
Soe mocht ic segghen lude ende stil :
God heeft mi ghemaect eighijn;
Want sonder wille moet ic sijn;
In mocht meer noch min verhalen
Dan van der naturen dwalen,
Als een vee dat volghet naer
Sijnre naturen hier ende daer,
Sonder wil van wederstaen,
Ende dunct hem alles wel ghedaen
Wat der nature scaemte doet;
Sijn wille en es quaet no goet.
Soudic conciencie derven,
Soe mochtic spreken na mijn sterven :
« Hadde ic doch ghehad van Gode

In mine ziele enen bode,
Die mi hadde doch ghecondicht
Die wege, daer men doch in sondecht,
Ic hadde der sonden wel ontboren. »
God die ons node laet verloren 290
Heeft ons die bode bi ghespiset,
Conciencie, die ons bewiset
Die weghe daer men in mesdoet;
Die sonde scouwet die es vroet.
250 En haddic dan gheen woert ghehad
In herten noch in tonghen blat,
Soe had ic namaels dan gheseit
Totter groter godliker ontfermicheit :
« Had ic woert in mi ghehat,
Ic hadde dicke in alre stat 300
Di aen gheworpen ende ghebeden,
Doer dine grote ontfermicheden
Dattu mi hads vergeven sonde;
Want ic niet der woerden conde
260 Es al 't ghebrec aen di belanc. »
Nu moet selve God des hebben danc;
Hi heeft ons allen woert ghegheven :
Ja, bi stomme die sinnen leven;
Al hebben si woert niet in monde,
Si hebben dwoert in hertsen gronde, 310
Ende wisen dat besceidenlijc,
Als die tonghe heeft worden rijc.
Oec die sot sijn gheboren,
Die en laet God niet verloren,
270 Daer doet hi recht ende ghenade;
Want si connen ghewinnen spade
Met harer ghecheit hemelrijc.
Oec waer hi wel onredelijc
Dat si moesten ter hellen pijn,
Die arch in doghet ende onwetende sijn. 320
Dan comt die goedertierenheit
Gods, met der ontfermicheit,
Ende bidden Gods gherechtichede,
Behouden sijre mogenthede,
280 Dat hi sijn ordel niet en rise
Over der minschen sonden wise;
Want daer in minderen mocht sijn ere.
Daer gheorloft die grote heere
Dat die liede sonder wisen
Rusten in den paradisen, 330

Niet om verdiente van haren daden,
Maer om waerdelyc ghenaden,
Dat hi al creaturen scief
Ende hadse als sijn kinder lief,
Die doghet noch arch en verwerven;
Maer rusten in haers vaders erven.
Noch selen wi voert beghinnen
Dat die minsche heeft ·V· sinnen :
Horen, rieken, smaken, tasten,
Dat sien van oeghen; desen gasten
340 Heeft ons God ghewiset toe,
Om dat hi sach dat wie ende hoe
Die enghelen in soe corte stonden
In waeldoen bleven ende in sonden.
Doen sciep hi Adaen ende 't wijf,
Redelyc ziel, wassende lijf,
Gheformeert in eens minschen name,
In hem beiden als hem betaemde;
Ende daer in set hi generacien
350 In hem beiden in sijne gracien;
Want die inghelen niet vruchtbaer waren,
Ende aen hem selven moest verbaren
Weldaet ende sonden macht,
Ende van hem quam gheen gheslacht,
Die sonden areven mochten,
Noch haer weldaet voer hem brochten.
Doen sciep hi minscheit, vleisch ende bloet,
Ende daer in die ziele vroet,
Ghelijc den enghelen in den troen,
360 Om dat wi te meeren loen
Comen selen dan die anderen,
Al wie te rech willen wanderen.
Als die wise ziele binnen
Ghesondecht heeft metten sinnen,
Es si wijs ende vroet
Soe sal si vleis ende bloet
Doen in penitencien leven;
Daerom hevet God ghegeven
Dat het te samen hem coelet,
Ende die ziele in 't lijf ghevoelet
370 Des lives wel, des lives wee;
Want dlijf en sondicht nemmermee
Ten si hi ghehenghen al
Der zielen, die met rechte sal
Dat lijf piuen te regeren

Toter wandeliker eren,
Diese van niete heeft ghescaft;
Ende met sijne godliker craft
Op den ·XLI· dach,
Daer dlijf in der moeder live lach, 380
Onmachtich in hem selven doet,
Daer senden God die ziele bloet
In den live onghedraghen;
Daer bi een inghel, die ghewaghen
Mach al sijne goder daet,
390 Als dlijf en ziel ten ordel staet.
Hier om die heeft lijf ende bloet,
Ende gheen penitencie en doet,
Noch doen en wilt nae den sonden,
Gherechticheit sal orconden 390
Waer men die mach bescouwen,
Sonder biechte ende sonder rouwe,
Die wijst men onder 's duvels roede;
Want hadde die viant in bloede,
Ende in vleische sijn ghedaen,
Hi hadde langher tijt ghestaen
Na penitencie hier te voren,
Ende heeft winnen, des bi heeft verloren.
Die oec in vleische ende in bloede sijn,
400 Ende houdent rein en fijn, 400
Daer men 't met sonden can geproeven,
Die clemmen allen enghelen boven;
Want vleisch ende bloet es becoert
In sonden weder ende voert;
360 Die dan die sonden wederstaen
Moeten den enghelen boven gaen;
Want die enghelen hebben groot no cleen
Bloet, ader noch been,
Dat hem ten sonden ye becoerde;
410 Want hi ten hemel dan behoerde. 410
Waer omme en soude die mensche dan,
Die vleis ende bloet hevet an,
Niet boven den enghelen gaen,
Die die sonden can wederstaen,
370 Ende jeghen sijn becoren vechten ?
Als conincs kinder boven knechten
Selen die goede menschen hoven,
Ende clemmen den enghelen boven
Bi onsen vader in 't conincs rike.
420 Die inghel selent willechlike 420

Ons dienen ende wesen vro;
Gloria in excelsis Deo,
Selen si voer ons tafel singhen,
Ende godlike gherechten bringhen;
Dat sal wesen boven alle maet,
Lof der heiligher Trinitaet.
Hierom heeft God ghehenghet dit :
Deus omnia bene fecit.
Hi sciep den enghelen ende den mensche
Sonder sonde in hoghen wensche, 430
Ende gaf hem sinen wille vri.
Die scult an God es niet, daer hi
Dat een van beiden sonde dede;
Maer sijn ghehenghen der mede.
Van den inghelen die worde knecht
Dat was om onsen wille slecht
Dat wi Gods kinder sijn altemale;
Aen sijn knecht exempel namen,
Ende wi scouwen die oneer,
Die gheschiede aen Lucifeer;
Om een hoverdie hi dacht 440
Wie scandelijc ende wie onsacht
Hi uut den hemel was gheslossen,
Ende noch es daer uut gheslossen.
Denct dan wie die in sonden
Hier leven willen langhe stonden
Met werken ende met ghedacht,
Oft dan die godlike cracht
Op sijn kinder mach hebben toren,
Die tot den erve sijn gheboren, 450
Ende dan buten des vaders rade
Dat overgheven bi misdade.
Des ghelijcke siet oec met
Oft God die goede enghelen set,
Doer een ghedencken in sijn rike.
Denct dan hoe verweendelijke
Sal hi die goede kindere erven,
Als knechten selken loen verwerven,
Dat oec die rike moghende God
Adam dien mensche gaf een ghebod,
Ende niet meer, waeromme hijt dede
Daer was grote reden mede.
Hi was soe rouwech van den enen,
Dat hi brac met bitteren wenen,
Eude met penitencien groot.

Al sijn leven tot in sijn doet
Was hi ghehoorsammich Gode;
Hadde hi ghebroken die ghebode,
Hi hadde soe groten rouwe ghenomen, 470
Hi waer in mestroesten comen
Ende en hadde met sinen live
Gheen vrucht ghewonnen an den wive.
Oec was onse salichede
Dat Adaem ie sonde dede;
480 Wi hadden in den paradise
Anders met des bomes rise
Ons gheleidet beestenlijc;
Wi en hadden hemelrijc
Nemmermeer ghewinnen moghen.
Adaems rouwe dede van hoghen 480
Des vaders soen comen der neder,
Ende menscheit aennemen zeder,
Die ons 't ghelove heeft ghelaten.
Adams sonde quam ons te baten;
440 Hi dede ons komen karitas,
Dat 's minne, die in Gode was.
Hi dede ons comen die waerheit,
Die ons vride van eigenheit,
Daer ons die viant hadt inue, 490
Overmids sondegher sinne.
Hi dede ons comen die wijsheit,
Die ons 't ghelove der salicheit
Hier neder maecte wel bekent
In den heileghen sacrament;
450 Dus suldi weten dat Xps was
Wijsheit, Waerheit, Karitas;
Die waerde God ende mensche;
Hi can ons tot allen wensche;
Des moet hi sijn ghebenedijt,
Die ons maecte staet ende tijt 500
Metten woerden niet was dom :
In principio erat verbum.
Dat woert maecte al beghin,
Doen hadde dwoert beghin in;
460 *Apud Deum* was dwoert bi Gode,
Doen dwoert stont tot sinen ghebode,
Eude ewicheit soe was hem bi;
Als een mensche recht di si
Mechtech te spreken oft hi wil
Ende swighen al willens stil. 510

Dat woert es bi hem in den sin;
Als dwoert ons comt heeftet aenbeghin.
Het woert was God, want sijn cracht
Hevet in 't woert al dincst macht.
Deus erat verbum, dat es waer,
Want het tughet al openbaer
Sonnen, mane, planeten, starren,
Dat wi wel alle sien van varren;
Die firmamenten met den zwerchen,
Dat niement en can ghewerchen
Sulc een werc van hier beneden,
Met machte oft met menschen leden;
Dat soete woert heeft al bevaen
Al dat werc dat wi sien aen.
Hoc erat in principio;
Dwoert was in den beghin also.
Soe het nu si meer noch min,
Daer es gheen verganghen in,
't En heeft preteriti noch futuri;
Maer het heeft alle weghe presenti.
Apud Deum es dat woert bi;
Want van hem niet bescheiden en si
Dat woert, dat men ons van Gode leeret,
In Gods gheest het wederkeeret,
Ende blijft in siere moghentheit;
Daer om heeft God gheheit :
Hemel ende erde sal vergaen,
Mijn woert sal eeweliken staen.
Omnia per ipsum facta sunt;
Dat bediet tot deser stont :
Al dinc sijn bi hem ghemaect,
Bi den woerde, dat eewich waect.
Die dese verstannes wel versta :
Plurali numero omnia
In God, die es singulari,
Want niet dan een God en si;
Soe es hi selve onghemaect,
Die levende God die tijt waect,
Ende levende woert dat hi selve sij;
Alle dinc sijn hem ghemaket bi.
Gheen wesen sonder hem wesen conde;
Die minsche doet in Gode sonde,
Doch en roect sonde Gode niet,
Bi God in God, wie das ghesciет,
Sijn gheest der van niet en ontreinet,

Wat gheen dinc in hem vereinet,
Dan dat volghet Christus pas;
Dat 's wijsheit, waerheit, karitas.
Die wijsheit scouwet sonde;
Caritas in reinen gronde
560 Wint in Gode boven al;
Waerheit niet ofkeren en sal
Nemmermeer, dus blijft si naer;
Die afkeeren sijn loghenaer.
520 *Et sine ipso factum est nichil*,
Ende sonder hem, die 't merken wil,
Soe en es emmer ghemaket niet;
Want God es dat eewighe yet,
Ende wat ons van den iet sceidet,
Dat es een niet vorwaer gheseidet.
570 Bidien niet neem ic sonde,
Die bi vrien wil, uuts herten gronde,
Jeghens wil heeft mesdaen;
Wat sculden sal God der in ontafaen.
530 Gheen scult en es hem te gheven;
Maer gherecht ons dat wi leven
In sonden, doer hem nie en gedede.
Danc heb sijn goedertierenhede,
Ende als die minsche uut sonden gheit,
Die godlike ontfermicheit
580 Es altijt bereit t' ontafaen;
Doch waert beter sonde ghelaen.
Quod factum est. In ipso vita erat;
Dat in hem ghemaect si, wet dat,
540 Dat was een ghewarich leven;
Want die menscheit onghegeven
Menscheit aen Maria nam;
Vleisch ende bloet niet en cam
Van der substancien der Godheit;
Doch God met sijne moghentheit
590 Nam minscheit aen Maria.
Via, veritas et vita
Ego sum, heeft hi ghescreven;
Dus es bi een ghewarich bleven,
550 Vleisch ende bloet in God ghemaect;
Des waert een name wel gheraect,
God ende minsche in Christus
Regneerde in des vaders huys.
Et vita erat lux hominum,
Die niet en gaet die weghe crom.
600

Het leven was des menschen lucht;
 Want gheen minsche den anderen en macht
 Rein ghedwaen van sinen sonden.
 Si waren al in 't duyster vonden
 Met erveliker sonden swaer;
 Doen quam sonder sonde een claer,
 Dat licht brocht tot ons menschen connen.
 Dat licht dat was onghewonnen,
 Noch van moeder noch van vader;
 Het was vleis, bloet, bein ende ader, 610
 Daer in ein ziel redenlijc;
 Maer die persoen was godlijc,
 Die onghewonnen dit aenam,
 Ende als een licht tot den mensche quam.
Et lux in tenebris lucet;
 Dat liecht hevet gheliechtet met
 In deemsternissen, dat es vonden;
 Want Joden waren in sonden.
 Daer heeft liecht mirakel ghedaen;
 Doen si Christus roerden aen, 620
 Die sonden waren daer gencsen.
 Daer toende hem dat claer liecht
 In den blinden, die worde siende;
 Den sondaer dus Christus diende.
Et tenebras eum non comprehenderunt;
 Die duysternis in ghere stont
 En conde begripen meer noch min.
 Het liecht en hadde gheer noch sin
 In sonden te leven, noch nemmêr en deit;
 Onbegrepen hi dan steit 630
 Van allen sonden, si u bekennt,
 Ende daerom sal dat jugement
 Aen hem staen ten lesten stonden,
 Om dat hi sonder sonde es vonden
 Gode ende minsche, eyn waerde Crist,
 Die een licht der lichten es;
 Want hi nie en mesdede,
 Ende heeft lijf ende lede
 Voir ons gheoffert in der pijn;
 Des moet hi hoech geloeft sijn.
Fuit homo missus a Deo;
 Van Gode was ghesent wel vro
 Een man, die Johannes hiet,
 Ghelijc dat men ghescreven siet :
Cui nomen erat Johannes,

Ende waer om hi dan es
 Van God ghesent suldi verstaen.
 Aen Sacarias soe quam aen
 Gabriel, die enghel tsaert,
 Die hem heeft gheopenbaert 650
 Hoe hi vruch aen sinen wive
 Ghewinnen soude met sinen live.
 Doch was si der naturen ondrachtich;
 Maer die enghel Gods waerachtich
 Brochte gheware boetscap voert;
 Maer dat godlike woert
 Gheen minscheit der aen en nam;
 Maer van sijne cracht soe quam
 Dat Zacharias aen souden rueren
 Vrucht van in der naturen, 660
 Die was verdorret ende uut gbeloyt,
 Ende bi naturen weder groyt;
 Want sonde nie en gheboet.
 Soe eest wel te verstaen bloet,
 620 Doen Gods enghel van Gods wegen
 Boetscap brachte daer ghedreghen,
 Dat vader, moeder der sonden sonder,
 Die vrucht wonnen in een wonder;
 Des Zacharias hadde verloren
 Sprake tes 't kint was gheboren : 670
 Johannes, dat van lichten sachte
 Waer seide ende boetscap brachte :
Hic venit in testimonium;
 Johannes comen es der om
 In een ghetughenisse claer
 Van den lichte, daer 't ewighe waer
 In es, ende was, ende bliven sal,
 Op dat die liede groot ende smal
 Gheloven selen aen Jhesum,
 Ende rechten haer ghelove crom. 680
 Waer om mocht men ghewaghen
 Dat Johannes mochte ghetughe draghen
 Van der waerheit, des hi niet en was,
 Om dat hi clare dan een ghelas
 640 Ghewonnen was, als ghi mocht horen,
 Bi mirakel, hier te voren,
 Sonder sonde; ende hi en dede
 Nie sonde in sijn menschelijchede;
 Des was hem te tughe gheladen
 Van Gode met der Gods ghenaden : 690

Ut testimonium perhiberet de lumine;

Ende dat hi 't ghetughe voer bat mee
Openbaren soude van den lichte,
Als hi bewijsde in riker stichte,
In penitencie, in karitas,
Ende volc te copen daer hi was.

Dus was hi een ghetughe claer;
Want Christus hielt sijn werken waer,

Ende liet hem dopen van Johanne
Met den anderen in die Joerdane,

Ut omnes crederent per illum;

Om dat si allen ende niet sum,
Bi Johanne souden gheloven;
Doch sal men tot der waerheit proven :

Non erat ille lux Johannes;

Hi en was dliecht niet, noch en es.

Al was mirakel aen hem ghedaen

Dat hi ghewonnen was ontsaen

In mirakel, bi wil van Gode,

Johannes bi sijns selfs ghebode

En mocht gheen mirakel pleghen

In den lieden an den weghe,

Die in evele hadden wee :

Sed ut testimonium perhiberet de lumine;

Maer op dat hijt soude verbaren

't Getughe van den lichte claren

Dat den viaut verdriven conde

Met ghebode sijns selves monde;

Dat was die werde reine Crist,

Der Soen, die gheboren ist

Uut den Vader sonder beghin.

Des vaders moghentheit es derin,

Die nemmermeer en gheen verga :

Erat lux vera;

Het was dat gheware lucht,

Dat ons allen verloesten mucht

Uten deemsterheit van sonden,

Als die Ewangelien orconden,

Die waer ghemaect sijn van hem :

Quae illuminat omnem hominem;

Die alle minschen verlichten haet

Met siner conincliker daet,

Ghecroent tot onser salicheit;

Ghestreden heeft sijn mischeit

Voer onse sonden redelije,

Ende heeft ons te hemelrije
Den pat ghewiset rechte voert,
Ende heeft ons die helle ghescoert,
Daer hi sijn lieve vrienden uut nam :

Isac, Jacob ende Abraham,

Ende al dat aen hem gheloest

Sijn der hellen ontroest,

Op dat si willen werken

Bi rade der heilegher Kerken.

700 Aldus tughet dat Ewangelium :

Venientem in hunc mundum;

Comende in dese werelt wijt

Es dat licht, des si ghebenedijt

Die naem des hoghen heren,

Die ons dus can visenteren

Alle dage in den outaer,

Als die priester met woerden claer

Opheft dat heileghe Sacrament,

In den welken die Vader kent

710 Des Soens vleis ende bloet.

Die des gheloven si sijn vroet;

Want Christus ghelove es dat best.

In mundo erat et mundus per ipsum factus est;

In die werelt was dliecht geraect;

Die werelt was bi hem ghemaect.

Wijsheit die werelt ordineerde;

Waerheit ons 't ghelove leerde;

Karitas ons heeft verloest,

Ende Christus, onser alre troest,

720 Heeft hem der werelt gheopenbaect;

Bi hem die werelt gemaect waert,

Hi dat liecht dat al besit.

Et mundus eum non cognovit;

Die werelt en kinde sijnre niet;

Want sijn gheboerte, wats gheschiet,

Was boven der elementen cracht.

Artsche natuer was sonder macht

Te bekennen die godlike aert,

Die den inghelen was in hem verbaert.

730 Hi sprac als men ghescreven siet :

« Ic en ben van der werelt niet. »

Die werelt heeft ghebrec in sonden;

Hi es volmaect rein vonden,

Ende bliven sal in alre stont.

In propria venit et sui eum non receperunt;

740

750

760

770

Hi quam in sijn eyghen dinghen,
 Ende die sine hem niet ontvinghen.
 Sijn eyghen was al ertrijc,
 Alsoe wel als hemelrijc;
 Want wi en hebben dach noch ure.
 In sijn ghebot es die natuere;
 Beseten heefti hemelrijc.
 Die creaturen van ertrijc
 Moeten in sijn oordeel staen :
 Die sine en wilden 's niet ontfaen,
 Die sijn woert in eeren sinnen
 Niet ontvinghen van binnen,
 Ende niet gheloefden aen him,
 Die en ontvinghen 's meer no min.
 Die sinen werken volgheden naer,
 Ende in hem gheloefden claer,
 Van hem hi wel ontfanghen si,
 Die den ghelove bleven bi,
 Ende niet en sceiden van Christum.
Quotquot autem receperunt eum;
 Alle die ghene die hem ontfingen,
 Ende hem niet en lieten dringhen
 Van becoren noch van heren,
 Noch om ghiericheit, noch om eere,
 Niet sceiden van den ghelove vri,
Dedit eis potestatem filios Dei fieri;
 Dien gaf hi macht in een verscoenen
 Al te sijn Gods soenen,
 Met hem selven al ghelijc
 Te besitten sijns vader rijc.
 Ghelijc hi gaf voer ons sijn leven,
 Des ghelike wille hi ons gheven
 Die rijcheit in sijns vaders huys
His qui credunt in nomine ejus;
 Die ghene, die hi mach proven,
 Die in sinen naem gheloven,
 Die gheloven in desen daghen
 Dat Christus was, als diene saghen;
 Want men aen sinen woerden proeft :
 Salich es hi die gheloeft,
 Ende noch niet ghesien en haet,
 Dat hi siet ende verstaet.
 Hierna seit dewangelium dus :
Qui non ex sanguinibus;
 Die niet en volcht den bloeden,

781 Sal men Gods kinder vermoeden.
 Die volcht den bloeden in allen stonden,
 Die volcht alle tijt den sonden;
 Bloet en roeket anders niet
 Dan dat al sijn wil ghesciet 830
 In der naturen ghenuechlijcheit,
 Oec wie 't metter zieler sceit.
 Luxurie, toren, hoverde, nijt,
 Gulsicheit, ghierich alle tijt,
 790 Ende in traecheit, daer rustet in;
 Bloet en can doecht meer noch min;
 Maer God sent doecht in den sinnen
 Der reinre ziele van binnen,
 Daer die ziel bi verclaert,
 Ende wederstaet des bloedes aert. 840
 Die ziele es gherne den bloede bi :
Sanguis est sedes animi;
 Wie volghen wil den sonden sijn,
 Ende spreken : « Here, o here mijn,
 800 Ic ghelove in minen sin. »
 Dat en wordet meer noch min.
 Wie wesen wil Gods sone
 Sal met sinen ghelove scone
 Gods wille doen ende sonde laen.
 Na sonde in penitencien staen, 850
 In biechten met berouwe sterven;
 Soe es hi soen der godliker erven.
Neque ex voluntate viri;
 Noch van den wille des mans si
 810 En es Gods soen lude noch stille;
 Maer hi es eighen des gheens wille,
 Dien si smeket ende doet sijn ghebot;
 Maer ontsiet dan sinen God,
 Die wise God ontsiende si :
Initium sapientiae est timor Domini. 860
 Een stervelijc minsche die moet sterven;
 Salic minen wille erven
 In sinen wille, ende Gode laen,
 Soe heb ic in Gode seer mesdaen,
 820 Die mi vri ghemaect haet,
 Ende mijn wille dan niet staet
 In sinen wille boven al,
 Die mi moet gheven groot ende smal,
 Daer al mijn salicheit aen leit,
 Ende miere zielen volmaecticheit. 870

- Gods wille wist ons een salich liet,
Wie daer sijn wille niet en sciet
En es Gods soen in gheenre stont.
Sed ex Deo nati sunt;
Maer die gheen, suldi horen,
Die uut Gode sijn gheboren,
Dat sijn die ghene die van binnen
Bloet verwinnen metten sinnen,
Dat sonde gheert vore ende na.
Vita hominis militia est in terra;
Die den minsche der stervelijcheden
Voer afgode niet aenbeden,
Ende liever minnen haren God
Dan se doen eens mans ghebod,
Daer si mede verdoemt waren,
Dan sal Christus openbaren
Vroghedelike min in 't lest.
Et verbum caro factum est;
Ende dwoert es vleis ghemaecht,
Dat der Godheit wel behaecht,
Daer dat ewighe woert in leeft,
Ende waer om dwoert allein heeft
Minscheit aen een maghet ontfanen,
Ende een wijslicj verstaen;
Want verstannes es dat woert,
Die derde persoon; daer ghi af hoert.
Die memorie des Vaders cracht,
Noch wille des Heilichs Gbeest macht,
En ontfinghen vleisch ende bloet;
Des wil ic u noch maken vroet:
Een minsche, die spreken wil een woert,
Dat ghewareden sal brenghen voert,
Sal te spreken hebben victorien.
Gheboren waert uut der memorien,
Ende dwoert in der zielen cracht,
Eer 't in woerden ghecrighet macht.
Als dwoert rust in memorien stille,
In hem beden es een wille,
Voergaende onghesceiden al;
Ende als men dwoert spreken sal
Tot den ghenen die dat hoert
Hi en verstaet niet meer dan woert.
Memorie, wille sijn doch daerin,
Des en vernoemt meer noch min
Die 't woert in eren heeft ontfanen.
- Dwoert brenct hem een verstaen
Dat hi ontfact ende in hem leeft;
Van der memorien hi en heeft,
Noch van den wille ontfanghen yet;
Al des ghelike soe es ghesciet
Dat godlike woert in een verstaen
Aen Marien heeft ontfanen
Vleisch ende bloet in reine glorie;
Des godlike wille ende memorie
880 Niet en ontfengen, dat si u cont;
Want Maria niet en verstont
Des Vaders memorie stille,
Noch des Heilichs Gheests wille,
Die onghesceiden waren in 't woert;
Maer wat dat si heeft gheboert
930 Van den enghel Gabriel :
Dominus tecum, ende niet el,
Ende heeft vleisch aen haer ontfanen;
Daer was dat godlike verstaen
890 Dat Maria wonnetlike
In hare oren verstandelike,
Ende in der zielen ontfanghen heeft;
Des vleisch ende bloet getuge gheeft
Dat van haer gheboren ist
God ende minsche, werde Crist,
940 Boven cracht die vier element
Van den Vader in ghesent,
Die niet en sciet van den soen;
Dus nam die derde persoon
900 Menscheit an ende niemant mee.
Noch waren die anderen twee
In den derden alle tijt
Onghesceiden in groter vlijt;
Een God in personen drie,
Ghelijc dat men ghescreven sie
950 In dat slot der nuweresse,
Dat es : *quicumque vult salvus esse;*
Wie dat wil behouden sijn
Voer dat drivoldich anschijn,
910 Voer alle werken, die hi doet,
Moete hi draghen in sinen moet
't Ghelove van der Heilegher Kerken;
Dat es in deser wijs te merken
Een God in der Drivoldicheit;
In dricheit een enicheit; 960

- Niet ghesceiden men die personen siet,
Noch onghelijc van substancien iet.
Elke persoeu almechtich si,
Doch maer een God almechtich vri;
Sulc als Vader, sulc es Soen;
Die heileghe Gheest in drie persoen
Die es Vader ende Soen ghelijc;
Doch en es daerin een vader rijc.
Niet drien Sonen, maer Soen eyne;
Nict drie Heileghe Gheest, eyne alleyn. 970
In desen drieheit sonder beghin
Es een God meer noch min.
Die godlike Vader, als ic toene,
Die es mere dan die Sone
In der minscheit, in der godheit niet.
Cristus die hem cruce liet
Es God ende minsche minschelijc,
Als lijf ende ziele redenlijc.
Een minsche si te samen dus
Es God ende mensch, ein Cristus; 980
Nochtan es Godlike substancie niet
In minschelike substancie gemenghelt yet.
Doen Cristus lijf ghecruyst waert;
Die dode lichaem geopenbaert
Aen den cruce hanghende doet;
Daer inne saghen levende broet
Die enghelen gheglorificeert;
Dus was dat corpus gheheert;
Het was God ende corpus met;
Want dlijf en hadde hem nie besmet 990
In sonde oft in sondighe ghedochte,
Daer van Gode sceiden mochte.
Die ziele die uten lichame was,
Die was clarer dan een glas;
Eyne ziele *rationali*,
Deus et omnia was si.
Si was seker sonder spot
In haer selven ziel ende God.
Si roerde der si henen dreef;
Die Godheit ongheroert bleef, 1000
God in haer ende si in Gode;
Want daer niet der sonde dede,
Nie tot gheenre tijt en gaerde
Egense sonde hier op aerde;
Dus bleef si ongesceiden voert
In dat godlike woert,
Dwelke ziel ende lijf hier neder
In den grave reinichde weder;
Die verresen ende sonder wee 1010
Een ghewarich God, ende niet mee,
Ghelorieerde in den paradise
Sijn vleisch, sijn bloet, en nu een spise
Der ewigher salicheit te leest.
Et verbum caro factum est,
Et habitavit in nobis;
In ons woende sijn cracht;
Onse ghelove met rein ghedacht
Sal sijn gracie in ons tien.
Wi selen sijn glorie sien,
Des ewighen Soens in sijns Vaders huys, 1020
Et vidimus gloriam ejus,
Gloriam quasi unigeniti,
Die van den Vader ontfanghen si,
Vol gracie in ganser eeren,
Leven, dode te judiceren,
Des hi in waerheit machtich is. 980
A patre plenum gratiae et veritatis.
Deo gratias; God si gheloeft,
Die dit leest hem behoeft 1030
Verstannes scarp in sinen sin.
Dat raet hem Austijnkin,
Dat hi niet daerin en dwale,
Noch gheen ander sin en hale
Dan men van rechte sal verstaen;
Want ons gelove leit daer aen, 990
Ende onser zielen volmaectheit.
Om 't beste heb ic 't ondersceit
In exposicien ons ghegheven
Van des gheles, dat hadt ghescreven
Ewangelista sinte Jan, 1040
Ende wie dat het beteren can,
Of daerin ghebreket iet
Ic weits hem danc, want men niet
Versmaden sal der goeder leere.
Lof hebbe onse lieve Heere,
Die selve met oetmoedicheden 1000
Emmer gheert in der menschelecheden
Dat hi oetmoedelike leve;
Des biddic hem dat hi ons gheve
Macht ende wille, dat worde anschiju 1050
Dat wi doen den wille sijn.

Hier beghint den AB recht ende averecht;

OP ELC LITTERE EEN VERS.

Aensiet dese vrouwen hoe si gaen,
Besiet hoe haer tuten staen;
Claer dat si hen blanketten :
Die cleeder soe lanc dat si hen letten,
Ende sleypen hen nae alop die eerde.
Fi, diere vuylder hoverde!
Ghi vrouwen, ende en scaemdi u niet!
Het is u scande dat men 't siet.
Ic sien, dies mi verwondert seere,
Knechte gaen gbelijc den heere. 10
Laghen si soms te bedde ·III· daghen,
Men soudse moeten in 't ghashuys draghen.
Nu soe merct noch meer in desen landen :
Overspel en is schiere gheen scande.
Priesters, die ons dit scrift uutgheven,
Qualijc dat siere selve na leven.
Rijcheyt versmaet dien armen;
Richters hebben clein ontfermen.
Siet oec hoe dat nu is ghestelt,
Soe en sach noyt man soe quaden ghelt. 20
Trouwe ende waerheyt is uten lande;
Valscheit en loesheyt is menigherhande,
Wi moghens aenmerken ende horen.
Xps name wort dicke versworen;
Ymoedicheit leecht onder de voet,
Zo hoverde draecht hoghen moet,
Ende wort vervult in menighen saken :
Nine weet men van den scape wat maken.
.... in u dit ende besiet;
Est niet aldus dat nu gheschiet?

Est in u dit, mi dunct wel jaet.
.... in u dit ende verstaet;
Condi ghemerken, ghi vindet waer,
Dit is oechsien al der werelt claer :
Zie aen alderhande staet,
Yn dese werelt alsoe nu gaet.
Xps woerde ende sijn ghebot
Van dusenten men niet een en hot.
Waer soe is vrienescap, eere ende trouwe
Toten evenkersten, als 't wesen soude? 40
Soect waer nu is gherechtichede!
Siet, wie doet dat hi woude dat men hem dede!
Rechverdichheit wort seere verghten;
Recht wort dicke crom ghemeten;
Quaetheit verdruct die doecht;
Proeft oft ghijt yet viuden mocht;
Onrecht siet men hier vele toe minghen.
Nu soe merct in allen neringhen
Metten waghen in 't gheco...
Loosheit, valscheit steekt hier in al, 50
Kerve hier met, soe wint men 't goet,
In lieghen niet, driegher heeten vroet.
Hier mede soe winnen sijt goet met hopen,
Grote lijfstochten dat siere mede copen;
Frisch ende weldich sijn se hier mede,
Ende dit betaelt die assissen van der stede.
Die arbeyder moet al betalen;
Coept hi notorft, hi moet halen
Bier, broet, vleesch, visch ende wijn;
Aldus verliest die arbeyder 't sijn. 60

De borch van Vroudenrijc,

DIE AUGUSTIJNKEN MAECTE.

Wel behaghen es ghenoecht;
Maer eest ondoecht
Daer men 't behaghen af ghesciet,
Soe en prisc sijn behaghen niet.
Die hem selven connen vensen
Ghenoechte te draghen in quaden ghepensen,
Daer sonde af comt ende vremde scade;
Dat 's quaet doen met voerrade.
Aunders dachs was mi ghesciet
Ene ghenoechte daer ic niet
Inne en vant dan eersamhede;
God vergheve mi of ic mesdede.
Die ghenoechte waerlijc
Was ene Borch van Vroudenrijc,
Soe versiert met sueten dinghen
Dat se niemen en mochte volbringhen
Te makene dan een meester rijc,
Alre meestren onghelijc,
Ende hem selven ghelijc alleen.

Dese borç hadde een voersteen
Ghelijc witten albastre ghehouwen,
Die soe rikelijc es aen te scouwen
Dat een sijns selves wert gheware
Daer in als in een spieghel clare.
Twee venstren saghic daer van verren;
Mijn sin tughede mi dat waren sterren,
Eer 't mi condich was ghedaen.
Een pilaer was ghestaen
Tusschen den venstren scone ende slecht;
In const u ghedoen negheen berecht

Na hare doecht, dat wetic wale.
Onder den pilaer stont ene sale,
Niet te cleine, te maten groet :
De muren waren met rosen roet
Wel ghemuert aen elke side,
Dat volprisen ware mi te wide.
Setelen wit ghelijc elpen beine,
Te maten groet ende niet te cleine,
Stonden uutghehouwen daer;
10 Effene, slecht, suver ende claer 40
Bleven si ende altoes wit,
Van alder vulnesse ombesmit.
Ene harpe hinc in dese sale,
Niet van coperen, noch van metale;
Na den inghelen was haer gheclanc :
Sueterere vele dan enich sanc
Was te horene dat ghelut.
Een dal volmaect stont daer uut
Beneden ane des berghes voete;
20 Dat was te scuvene al te soete. 50
Dese borch was met gouttrade
Soe wel ghedect, al haddicx stade
In conste niet volprisen na hare recht.
Dese borch die stont ghehecht
Op enen boem ghelijc oliven;
Hare doghet ware mi te hoghe te scriven.
Tusschen borch ende boem ic vant
Ghelijc witte albastre enen rant,
Soe wit, soe claer ende soe ront,
30 Het mochte wel sijn eens hemels vont. 60

Dese edel borch droech tacken twee,
Aen elken vijf telghere men no mee,
Daer men mede daghelike
Reine hielt die borch rike,
Boven, beneden ende alte male,
Ende daer toe setele ende sale,
Ende al dat de borch toe behoert.

Die borchgrave, vernemt mine woert,
Hi es gheheten Her Reinout;
Hi es frisch ende in doegheden stout,
Ende suver, sonder loes beraet.
In enen hof, die groene staet,
Leghet hi in desen boegaert verborghen;
In eren soe staet al sijn sorghen.
Wijn ende cruut, ende meneghe luust
Steet in den hof daer hi in ruust;
Hi es frisch ende scone van live.
Sine borch hueden ridderen vive,
Die vroeste die hi wiste,
Ghetrouwe sonder argheliste.

Die ierste heet Her Hoernaer;
Twee torren scone ende claer :
Aen elke side steter een an,
Maer als men hem comt an
Laet bijt sinen here weten,
Die dien casteel heeft beseten;
Maer heimelike soe moet men comen
Toten borchgrave; in cans niet ghenoomen
Hoe suverlijc si sijn ghewracht.

Die hier na heeft die meeste macht
Dat es Mijnher Cleer-besach;
Want hi behoet nacht ende dach
Die twee vensteren, dat daer binnen
Neghene vulnesse en mach gherinnen,
Noch comen in negheenre wijs.

Die hier na heeft die meeste prijs
Es Her Rouckaert, goede vrucht;
Hi es gherne in sueter lucht;
Daer omme verwaert hi te sinen dele
Den pilaer van dien castele,
Ende verwaerse soe wel dat neghene
Quade locht noch onreue
Daer inne niet en mach ghenaken,
Die sinen here mochte maken
Siecte ochte eneghe pijn.

Die vierde heet Her Smakelijc;
Van der borch es hi behoeder.
Hi es wiser ende vroeder
Dan enech ander die ic weet.
Voer den borchgrave dat hi sneet
Ende proefde vore hem sine spise,
Ende vent hi se in enegher wise
Anders dan reine ende goet,
Hi es wijs ende vroet,
Soe doet hi ander halen dan.
Cusscelike hi dienen can
Als goeden lieden wel betaemt.

Die vijfste es aldus ghenaeemt
Dat hi heet Her Licht-gevoel;
Te heet en wilt hi noch te coel,
In rechter maten voecht sijn dinc,
Ende es Her Reinouts camerliuc,
Des borchgraven daer binnen;
Want hi can alder naest bekinnen
Wat hi alder meest begheert;
Her Reinout heefstene herde weert.
Sinen hoechsten raet laet hi weten
Als hi met onlose es beseten,
Met siecten of met eneghe quale :
Her Licht-ghevoel loept in die sale
Ende luut die harpe suetelike;
Dan comen van buten meesters rike,
Al selken als sijn herte begheert,
Eude beteren hem al dat hem deert.

Dit es waer, want ic sach
Op euen dach al daer ic lach,
Soe saghic alle dese engyen;
Ghi hebse oec alle wel ghesien
Dese borch van Vroudenrijc.
Nu vraghic elken sunderlijc
Oft bijt iet weet of hise iet kint?
Den vijfsten ridder, diet tpaerlement
Te boudene pleghet daer binnen,
Dit es al te goet te versinnen.

Al vragic 's u, het 's cont hen allen,
Die an reine wive vallen,
Die gbestadich sijn, goet ende scone.
Berecht mi dat u God lone;
Want een goet vraghen ende een wel verstaen
Doet dicwile goede andworde ontsaen.

110

70

120

80

130

90

140

100

Dese borch es 't hoeft van eenre joncfrouwe	Horen, rieken, ghevoelen, smaken,
Haer voerhoeft es die voersteen,	[reen, Ende 't sien, dit sijn de saken
Die rechte pilaer hare nese si,	Daer men mede bediet te male
Haer mont es die sale daer bi,	Dat hoert ter borch ende ter salen.
Haer tanden die sijn setelen wit,	O reine wijf, nemt hoede
Haer wanghen rosen ombesmit,	Voer hem die draghen felle moede
Haer kinne dat es die borch-voet,	Datter negheen fellaert
Die oliveboem haer lichame soet,	Inne en come, die vertaert
Haer kele es die witte rant;	Dijns edel borchgraven machte,
Vijf vingheren aen elke hant	160 Die altoes leghet in reinen ghedachte.
Dat sijn telgheren ende tacken met.	Augustijnken leghet voer oghen
Haer herte reine ende ombesmet	Allen goeden reinen wive
Es die borchgrave daer inne;	Dat si behoeden waer si moghen
Sijn vijf ridderen sijn haer vijf sinnen :	Haer edel borch met haren ridderen vive.

170

VAN DER RIJCHEIT ENDE VAN DER DOOT.

God heeft ghemaect ·III· poente fijn,
 Die der zielen baten :
 Dat 's hope ende trouwe, daer si sijn
 Gheminct met karitaten;
 Maer ghiercheit ende valsch venijn
 Doen dese vele ommaten;
 Si doen die doghet, dat 's wel in schijn,
 Met crachte al achter laten.

Al benic edele gheboren,
 Ende daer toe herde scoene mede,
 Ende alle doghet mi behoeren
 Ende goedertierenhede,
 Wilt mi d'armoede becoren,
 Dit en hulpt noch noit en dede.
 Die rike die es uutvercoren :
 Men tijcht hem doghet ende wetenthede.

Als ic mijn dier paerment hebbe aen,
 Dat mi mijn rijcheit heeft ghegheven,
 Met knape achter mi te gane,
 Dan soe leidic een heren leven,
 Dan benic constech in verstane,
 Ende oec sere verheven.
 Vele liede sijn dan die mi bestaen;
 Dan soe sijn wi alle gheneven.

Maer als mi mijn goet afgaet
 Dat ic hier vormaels hadde vercreghen,
 Soe en vindic niemant die mi bestaet :
 Die maechscap es al af ghedweghen;
 Mijn wijsheit ende minen vroeden raet
 Mi dan t' ontloepene pleghen.

Als mi d'armoede slaet
 Mi es dan al die werelt jeghen.

Mochte den riken lieden 't goet
 Allene ·III· dinc toedraghen :
 Joecht gheven in vrouden spoet,
 Ende die felle doot verjaghen;
 Kinder te winnen scoene ende vroet,
 Die niet te stervene en plaghen.
 Si mochten gherne setten den moet
 10 Omme 't goet ende daer na laghen.

Ay, broessche mensche, bepeinse di
 Dat niemant der doot en ontsprinct.
 Wie es die soe livech si
 Dat sekerlijc sijn leven linct.
 Die den tijt sijnre doot weet, wie es hi?
 Ic wane dies niemant en ghedinct.
 Selc leeft heden ende waent sijn vri,
 Marghen leghet hi ende stinct.

O vule venijn der ghiercheide,
 20 O onseker minne,
 Du cans die werelt wel verleiden
 Met dinen loesen ghewinne;
 Du does pinen ende arbeiden
 Daer menech dlijf laet inne;
 Du cans sekere ure ontbeiden,
 Soe onsekere ic di kinne.

Die doot heeft met ·II· poenten swaer
 Die herte mijn beseten;
 Ic moet sterven : hoe ende waer
 30 En can ic niet gheweten;

40

50

60

Ende ic en can ure noch jaer
Van den tide ghemeten,
Ende waer ic varen sal daer naer,
Dies heeft mi oec vergheten.

Alse die hoecheit van der zale
Den mensche op den nese legghet,
Ic wane sijn sin hem te male
Alsoe lettelt alse te slike dreghet.
Conste hi hier met loesheiden talen,
Ic wane hijs ghinder niet en pleghet;
Daer men die waerheit voert moet halen
Daer es alle valscheit wederseghet.

Daer en hulpt die vroetscap twint
Die van rade hier subtijl sijn;
Wat si daer connen en es maer wint;
Men nempt mi daer met crachte niet dmijn.
Het's daer den rechter al bekint,
Ende en es penninc oec soe fijn,
Dien hi voer sijn recht iet mint,
Hine sal elken gheven 't sijn.

Dit heeft ghemaect 'I' constenare fijn,
70 Hi es comen van den live ter doot,
Gheheten was hi Augustijn;
God bringhe die ziele uut alre noet.

80

DIE NIWE DOCTRINAEL.

(ZIE BL. 75).

De varianten of afwykende lezingen, welke in het Leidsche Handschrift voorkomen, zullen wy hier nauwkeurig aengeven. Men zal hier by zien dat het Brusselsche Handschrift op vele plaetsen onzuiver is, en de hier en daer ontbrekende verzen toonen genoegzaam aen dat het met spoed werd vervaerdigd. Hier heeft men de twee teksten onder het oog, en door beide geholpen, zou men nu eene kritische uitgave kunnen bezorgen.

- V. 1. Gode so biddic. — 2. Dat hi verlichte.
 — 3. Cracht verleene ende ghewelt
 Te dichten daer ic toe ben ghestelt
 In dietscher talen...
- V. 6. Aen schine. — 10. Die volgen willen. —
 11. Onser moeder. — 12. Die onse weghe sijn ende
 onse styerroeder. — 13. Die riviere. — 14. Dat si in
 mi stiere. — 19. Ye began. — 20. Als ic best. —
 22. Ghetrecht van desen, — 23. Een begheren. —
 24. Te bescriven. — 25. Daer in dat hi te. — 26. Aen-
 siet. — 29. Te scriven. — 32. Dat *ontbreekt*. — 34. So
 saelt hier in 't dietsche sijn. — 37. Sal u. — 43. Daer
 jehghens. — 45. Wat dat sijn. — 46. Ende welke dat. —
 50. Van den sonden. — 51. Hoe dat. — 52. Sal moe-
 ghen biechten. — 53. Met VIII poenten, min of mee.
 — 54. Daer na so sal ic u bescriven die twee. — 55. Die
 daer. — 58. So sal ic. — 59. Ende van sulken. —
 60. In haer ende maken. — 61. Hen *ontbreekt*. —
 62. Den sieken. — 63. Over den doode. — 64. Boete
ontbreekt. — 65. So wort des boechs een eynde. —
 68. 't Welc wel mach heiten *den Spieghel van sonden*.
 — 69. In rechte manieren name. — 71. Hen allen. —
 72. Mijn dicht. — 77. Somyghe quaetheit ende sonde.
 — 79. Zweren, ydel sprake. — 80. Dat die liede nu
 gheen. — 81. Int sweren of int versweren. — 82. Och
 armen. — 83. Leeke oec els niet en. — 84. Dan hoe dat.
 — 85. Daerop so. — 86. Hem dunct dat si niet en mis-
 doen. — 87. Och leyder. — 89. Die papen. — 90. Of
 durren. — 93. Die bringhen si in secon exempelen
 voert. — 94. Sijn ghehoert. — 94. Sijn *ontbreekt*. —
 105. Dode werke. — 109. Op heyt. — 110. In doot-
 sonden leyt. — 115. Want wie dat. — 115. Alle die
 arme menschen die leven. — 117. Ende als hi dan in.
 — 118. So hadden die almose haer. — 120. In doot-
 sonden. — 121. Dat si bedriift. — 123. So es het goet.
 126. Gracie winnen. — 128. Dat aertsche. — 130. Die
 iemen doen. — 132. Den mensche. — 136. Hier om so
 eest. — 137. Doet tot allen. — 140. Van den viven. —
 146. Daer Gods uytvercorene. — 148. Dat mach elc. —
 149. Jare volleeft. — 151. Hy is sculdich. — 152. Dat
 hi kenne. — *Op v. 154 volgt het v.*: Ende oec die
 doetsonden seden. — 158. Ende *ontbr.* — 159. Ende
 onchuyshyeyt. — 160. Gulsicheit, gramscap. — 161. Toe-
 bringen. — 163. Ter ewighen doot. — 164. Daer
 omme so. — 166. Daer ons God allen moet behoeden
 voren. — 170. Ende ondrachelijc. — 172. Ende bi
 allen. — 173. Bi haer so. — 175. Sinen ghesontma-
 kren. — 177. Die verhief hem op. — 180. U rike dat
 sal. — 181. Ghi sult versteken worden. — 183. Dat sal
 sijn die. — 184. Ende sults. — 185. Tot du hoverde
 uyt u laet vloyen. — 187. Eer ghy sult comen tes. —
 — 188. Oft dat ghy oec Gode kinnen selt. — 190. Ende
ontbr. es nu heden. — 191. In so vulre; soe *ontbr.* —
 195. Want daer. — 197. Ende niemant in hem dit en
 beseft. — 198. So spruten. — 202. Elacio, Insolencia,
 Contencio. — 203. Contumelia, Contemptus; aldus *ontb.*
 — 204. Dus hebben wi achte. — 206. Van dese sou
 sijn die. — 207. Is *ontbreekt*; dat wel verstaet. —
 208. 't Bekennen van desen
 Sonden dat mach wel wesen.
- V. 211. Begheret hy. — 214. Die ander graet. —
 216. Als een mensche hem verheft allene. — 217. Andre
 die ghemene. — 218. Die *ontbr.* — 226. Dat nu is te.
 — 228. Ende dat men se priest. — 230. Contencio so.
 — 231. Es *ontbreekt*. — 233. Te stridene jehghen. —
 234. Weet het es also. — 238. Dats als ic jehghen
 eenen. — 239. Om eenich stic. — 241. Hoe scone re-
 dene. — 242. Te voren mach legghen. — 243. Ichouts.
 — 246. Den sestien graet heet Contemptus. — 250. Ende
 ic 't versume. — 254. Werc *ontbr.* — 260. Als oft
 hy. — 263. Die heet. — 264. Niet en mach dogen. —
 266. Van yemant die onder hem es. — 269. Dat 's over-
 hoerichheit. — 272. Ende behoeren. — 275. Van hem
 beiden. — 275. Ende sal men 't waer hier af niet
 sluten. — 276. Want dese moghen. — 277. Ghedaen,
 sy worden hoefstonden. — 278. Uut wien si spruten.
 — 279. 't U besluten. — 280. Ende welc tijt niet. —
 282. So clare is. — 287. Dan Heer, ic hebbe ghelo-

ghen. — 290. Een *ontbrekt*. — 294. Met rechte so qualike. — 296. Sere regneert. — 300. Ambicio so. — 304. Perjuria. — 303. Heet Rapina. — 306. Hier *ontbr.* — 309. Vreseliker venijn. — 312. So moghen. — 313. Die zielen zonden. — 319. El engheyne. — 324. Ambicio dat is.

— 328. Ende dan so eest hem na der giften leet
Dat hem die pennich so saent ontgheet :
Hy gheeft den pennich om der werelt ere.

— 330. Ende ghenen danc so en weets. — 331. Al doet hijt in caritaten. — 332. Dat hijt soude. — 333. Die ghifte en comt. — 335. Graet, als ic versta. — 336. Dien so noemic. — 338. Hoven ende in kerken.

— 339. Waer dat woent een gheestelije prelaet,
Daer moechdi vinden desen staet;
Want als beneficien worden gestelt in kerken
Men gheefse dan gheenen armen clercken;
Maer om eere, om bede oft om ghelt,
So zijn die beneficien nu alle ghestelt :
Al dusdanighe sonden noemt men Simonien.
Wy sien oec mede in canesten
In abdien, meer oft minder.

— 348. Dat sijn al.

— 350. Want si en moghen diken, no spitten,
Want si sijn teeder, sy en moghen niet werken :
Men doet se crune...

— 353. Die se proeft. — 355. Also men leert in cleinen scolen. — 356. Die die elergie sien dolen
Houden dit in haren sin.

— 358. En es in.

— 359. Ende segghen dat tot elker stonden :
Waren die dinghe so groete sonden.

— 364. Daer gaen die blinde al cromme weggen. — 378. Dan sullen haer werken hen volghen al. — 371. Dit scrivet tot elken mensche. — 375. Mer haer ghebreke sullen. — 381. Want spraken. — 382. Si nepen. — 383. Prochipapen ghekent. — 390. Wil gaen. — 395. Sacramente. — 397. Om hen te vercoopen. — 400. Souden groete onwerde. — 404. In hem selven sijn't. — 408. Als dese quisteerders die al omme lopen
Ende loven vele aflaet...

— 411. Wee hen allen ! — 414. Ende haer ghelt. — 416. Dat's woeker, als ic 't versta. — 418. Van ghelde dan. — 419. Die hem ghelt. — 423. Dat neemt hi wel, maer. — 425. Hi wille al meer. — 430. Dit heet eenen coop. — 433. Sijn recht verloren. — 434. Bruuct 't goet daer voren. — 435. Ende al 't ghenot. — 437. Als van der baten. — 438. My duncke die 't wel. — 439. Dat woeker es. — 440. Nu es daer noch een ander raet. — 442. Of ledichgangers, die. — 443. Maer *ontbr.* geen ambacht en connen. — 449. Des woekers scamen. — 451. Woeker wesen. — 453. Met voerspoede. — 456. Ende met goede. — 459. Dat men eenen andren leent. — 460. Wat ghi meent. — 462. Hoe swaerlijc

dat ghi. — 464. Daer 't folc hem selven. — 467. Al mert hi lanc, wat. — 468. Want ghy sijtter al af occu-soen. — 469. Nu es des woekers. — 472. Maer nu men quansuys. — 473. Om der boete wille. — 474. Si nu enen. — 476. Met yser, loot, coren, vlas oft wollen, So worden sy dan coopwif. — 483. Vercoopt die coepman. — 495. Of heeft hy dies selve scame,
So doet een ander in sinen name.

— 499. Eenen vlassen baert. — 500. Ende varen daer-mé ter. — 508. Riemen dat smelt. — 509. Ofte die beesten. — 510. Villen se om die vachte. — 511. Met vare doen. — 514. Ende dan met machte by ghierichede. — 515. Ende scalke acketten. — 516. Ende setten. — 518. Of ander beleyders, die daer na poghen. — 523. Want si stelen 't al den armen. — 526. Want dat gemeene ghebet es hen jegen. — 527. Eest lude. — 530. Want sonder biechte. — 532. Ende dat goet. — 533. Op haer gerecht oer. — 538. Om dat onrecht. — 539. Ende maken een vechten ende een discort. — 542. So is hy oersake, die 't ierst beriet. — 543. Ont-richten. — 546. Ende valsch. — 552. Droeve is lanc. — 554. Als si mesbaren van den dranc. — 555. Allen of occu-soen.

— 559. Elc pape wel toesie ende hem te absolveren wacht,
Want den busscope toehoert of sijn macht.

— 561 Die hommich coren. — 563 Soe wordet groot ende te mere vele. — 564. Of backers, die zemel. — 566. Of die hoer. — 569. Die eenen andren. — 571. Of wie den andren.

— 573. Ic segt hem, es hi deutsche of walsch,
Dat's ghiericheyt in dietsche valsche.

— 579. Dat orbarlike noetsaken ware.
Die hoep of wacht om anders doot
Om sijn goet, dat's sonde groot.

— 584. Ende den swaren goeden. — 585. Weder bie-den. — 586. Ende brenghen dat goede ghelt van den weghe. — 590. Wat hem baet. — 594. Die men vint. — 593. Al der lude dine. — 597. Dit is al ghiericheit. — 598. Die hier uyt gaet. — 604. Dese dinghen sijn. — 612. Onder die edele wel bekint. — 613. Heet men Transament. — 614. Dit sijn. — 615. Die dese haer. — 622. Eere sijn dat hijt doet. — 623. Man die en heeft. — 624. Ende dan enen. — 629. Niet daer jeghen toe-ghen. — 630. Dat hem iet sal moghen baten.

Na v. 634 staen de volgende versen :
Van so vele quader saken,
Hy en can tot gheender onscout gheraken,
Nochtan dat hy daer noyt om en dochte.
Ander heeren sijn van selken ambachte
Dat sy riden ghewapender hant,
Ende halen die rike liden op 't lant
Verradelijc uut haren huze,
Ende slaense in stocken met groter confuse
Op haer casteelen oft op haer borghen,

Daer sy dan sitten ende leden in sorghen.
 Sy pijnse dan met tormenten so groot
 Dat sy dicwile bicant sijn doet
 Om van hem goet te hebben oft scat,
 Anders en weten sy hem witen wat.
 Dit selde doen sy oec den coepman;
 In bosschen, in velde sy comen daer an
 Daer hi wandelen waent met vreden;
 Daer comen sy dan op hem ghereden :
 Sy slaen, sy steken, sy nemen hem 't sijn,
 Dat willen dan luden van wapen sijn,
 Ende selen goede lieds heeten.
 So waer dat sy oerloghe weten
 Daer verhueren sy haer lijf
 Om te doden, te roven man ende wijf,
 Om de steden te bernen ende te verraden,
 Die hem noyt niet en misdaden.
 Och, dier neringhe en der pleghen,
 Dat sy haer aldus Gode ontweghen;
 Ja, sy versmaden oec ende blameren
 Den ghenen die har broet winnen met eeren :
 Sy hetense carels ende vyleyne.
 Haer ontfermen ende haer doechs is cleine,
 Sy sijn in die quaetheit so verhart
 Datter nimmermeer doghet an en wert;
 Hare ambacht dat is roef ende moert,
 Dat leeren sy haren kinderen voert.
 Hoe wee so mach hem sijn te moede
 Dien sy gheerighen onder haer roede;
 Nochtan hoe vele quaets dat sy pleghen
 Sy hebben heeren die so dreghen
 Ende mede deylen an haer roven,
 Ende loven hem huize daer sy boven
 Ter noet op riden ende hebben onthout;
 Deser heeren tellic menichfout.
 Argher dan die dese ondaet doen,
 Ende sy sijn der al af oecsoen;
 Maer dit sijn so ghemein saken
 Dat sy daer gheen contentie of en maken, enz.
 — 658. Noch na dit leven gheen lijf hier boven. —
 642. Wat men daer in. — 644. Diet vele liever. —
 643. Onrecht wijst. — 646. Die volghet. — 649. In
 dietschen : Onrecht Vonnisse. — 653. Ende weet. —
 654. Goede brieve. — 655. Wildijs bliven, jan Aen
 ons segghen. — 664. Nemet hem uten hant. — 665. Dat
 beraet, ende settet uut so lanc. — 669. Met vele zaken.
 — Na 670 : Oft den ghenen daer 't recht aen staet. —
 671. Moeten coopen. — 672. Ende verkeeren 't recht in
 soe menigher wisen. — 673. Die si peysen. — 677. Va-
 rinc tussehen beyden kinnen sal. — 678. Sijn nu overal.
 — 680. Hier oec of plecht.
 — 681. Die haer tonghe om ghelt verhuerea
 Moghen hier in wel verhoeren.
 — 684. Met losen vonden. — 691. Hem helpen also dan.

— 692. Helpen ontbr. — 694. Soe leert dan so vele
 dat. — 697. Op hem wreken houde. — 698. Want haer.
 — 700. Ende latet onrecht. — 701. Dat meynt hy dat
 hijs en hevet. — 702. Die hout. — 707. Sonder weder-
 spreken. — 715. Als quanshuys. — 714. Dat ic t'on-
 recht hebbe in mijn leven. — 717. Dan gaet men daer
 jeghen visieren ende dinghen. — 718. Daer mocht brin-
 ghen. — 719. Soe gheeft men hem dan van viven twee.
 — 723. Si trecken henen. — 724. En steckt den denen.
 — 725. Die sijn testament. — 726. Ende stierten dan
 ter. — 728. Mit quaden goede missen ende sanghe groot.
 — 737. Alle quaet. — 739. Zoere dat men. — 740. Die
 en slaeps. — 751. Of en sneven. — 753. Uut nldicheden
 gaet. — 771. Sijns verhoghet. — 779. Dat en can. —
 787. Ic en gheve den armen meer no min. — 793. Of
 cloten, of clossen. — 797. Ghelt avontuerde, keve ende
 strede. — 798. Andren onttiden 't sijn. — 804. Alle
 daghe wel sien. — 808. In dlatijn. — 809. Hierna mach
 sijn. — 813. Aldus verrechten. — 818. So pine ie mi
 hem te. — 820. Dat's een beniden. — 824. Ende hebbe
 alre welden ghenoech. — 833. Nu gheploit. — 838. Wil-
 lent draghen. — 842. Op haer doeke. — 845. Ende dat
 haer ghevlochten besiden. — 853. Comt diewil. —
 870. Desidia. — 873. Die vierde Improvidentia. —
 877. Si en misdoen in enich van desen. — 879. Ver-
 sumen die stonde. — 883. Si volmaken. — 884. D'ander
 graet. — 886. Ic dan niet en can. — 887. Niet weder
 ontbr. So saen wedercomen daer an. — 888. Dat iet.
 — 889. Die steekt hier in. — 890. Decwile daarmede
 besmet. — 898. Improvidentia. — 901. Het valle dan
 goet of quaet. — 904. Dat als 't hem scaet. — 905. Dit's
 Improvidentia. — 907. Menigen tragen dwas. —
 912. Lange slapen, drinken oft spelen. — 914. Niet en
 wil winnen. — 916. Soe ghebricter. — Na 916 : Vleys,
 vis, torf, sout ende vier. — 917. Niet of hy en. —
 922. Wist sijt waer halen. — 933. Hen tich van vulen
 zaken. — 934. Scout, sy gheraken. — 935. Daer nader
 an. — 937. Si doet oec ledighe. — 939. Of leren marel-
 len. — 940. Ontrekenen ende stelen. — 948. Ende
 maket dan na. — 950. Ten lesten hijt. — 954. Luttel
 leeft enich man. — 955. Hi en es in eenich van. —
 963. Enen onreine wile. — 967. Si onsuvert en faliet.
 — 971. In die aderen.
 — 973. Moghen, of heytt van naturen,
 Dat doet die begherte der luxuren.
 — 977. Been ende zenuen. — 983. Oec bliven manne.
 — 988. Sy vercouden die joghet nu soe zere. —
 989. Plach te gheven. — 1002. Bi rade. — 1004. La-
 ghen in kerken, in weggen. — 1010. Dit brinet hem
 decke. — 1018. Gheen sonde en maect God so gram. —
 1031. Ende en ruke niet. — 1036. Noch ghemindert
 van. — 1050. Ende ontbr. — 1055. Also dat papepscap
 anevaen. — 1089. Ende ons goede exempel ter doghet
 gheven. — 1060. Hier in sneven. — 1061. Dat en sal

niemant berechten no merken. — 1062. Na sijn werken. — 1068. Ander knechten setten haren moet. — 1069 Om een wijf te bringhen in scanden. — 1070. Ende gheloven 't malcander. — 1071. Sijn trauwe. — 1077. Dan metten ghenen dien si. — 1079. Ghebouwet. — 1082. Die zoeken gaet. — 1083. Om goets wille of. — 1087. Hove om van een te sceyden. — 1090. Als of hi alle 't water in eenre nacht. — 1093. Ende sy es. — 1095. Dat hi die trouwe. — 1096. Tusschen hem beyden. — 1099. Die een wint of dander. — 1101. Dat sijn hoerbare kinder altemale. — 1104. Noyt en bestoet. — 1106. Dien willic verdietschen. — 1107. Mesdoe. — 1108. Van maechscappen toe. — 1118. So es God. — 1119. So versanc. — 1120. Adama en Gomorra. — Ende Vala *ontbr.* — 1121. Die soe groet waren. — 1124. Onnatuerlijke deilen. — 1125. Si elc met. — 1126. Dit sijn ghemene. — 1127. Groete dootsonde. — 1130. Sijnre naturen. — 1131. Scames hem ende wils niet sien. — 1132. Van den drien. — 1136. Wat sonde dat men betert; dese drie. — 1138. Ja sonderlinge, diere met willen in staet. — 1139. Dat es. — 1140. Alsoe quaet als men ghechrighen can.

Na v. 1140 staen de volgende versen :

Die duvel en verblijft (*sic*) hem om sonde gheene
Meer dan om luxurie alleene;
Want waer hise toe ghebringhen can,
Daer sondighen beyde wijf ende man;
Aldus vaet hi er twee met eenen slaghe.
Den vijftien graet hic hier ghewaghe,
Ende heet Stuprum, dat's maechden bringhen te
Hier na staen die manne meest alle, enz. [valle.
— 1145. Ende als sy haer wille dan hebben volbracht.
— 1146. Also bedacht. — 1147. Terstont een ander te.
— 1154. Daerom waer dese hoeftsonde goet omboren.
— 1157. Ende is als ic onleyde. — 1164. Si en ghebiet te cope haer lijf. — 1166. Te leven. — 1169. Ende die te. — 1175. Hem te beroemen. — 1179. Te houden trouwe.
— 1183. Wijf ende kinder liden groot ghebrec,
Ende hebben hunger in haren bec.
— 1192. Draghen mach nochtan. — 1195. So comet decke. — 1208. Want hoe bet. — 1211. Anders dan si der kelen smout uut blaken. — 1212. Die ongheneuchtelijc. — 1216. Voer Adame. — 1217. Want bi gulsicheit. — 1221. Overvloedt der gulsicheit. — 1222. Es voester ende moeder. — 1225. Uut hare verstoerschede. — 1224. Ende ghevecht mede. — 1225. Die rechte name gulsicheit mach sijn. — 1226. Gastrimergia. — 1233. Die heet men. — 1240. Drie ander grade van quader zede. — 1247. Ic 't u sal. — 1251. Boven die maten. — 1253. Dat si els nerghens. — 1254. Dan wel eten ende te drincken. — 1256. Dan haren vulen. — 1258. Nu pasteyden, nu tarten. — 1260. Nu goede crude, nu specie fijn. — 1261. Cost si versmoren. —

1267. Af sal scamen. — 1268. Hi heet oec. — 1270. Dat men 't weder overgheeft ter kelen. — 1275. So hadde hijs soe vele in ghesteken. — 1278. Also dat hi den vingher stac in sijn storte. — 1283. Was over bleven. — 1284. Hy was in sinen lesten leven

So arm worden dat hy was een keytijf.

— 1285 en 1286 *ontbreken.* — 1289. Ic kende die kinder die van hem. — 1291. Dat es. — 1293. Ic ben gheseten. — 1299. Wel gherekent sijn na. — 1301. Volre doe scinken. — 1302. Daer ic selve. — 1303. Dan des gheens bi. — 1306. Als quanshuys. — 1307. Mer si meynen. — 1308. Om te troesten haer gulsighe storten. — 1309. Die derde graet, die hier volghet na. — 1310. Heet Inabstinentia.
— 1311. Dat's als men ondertiden hoveert,
Ende boven maten der nature ghelaghe antiert,
Als sy dan wanen ter maeltijt eten,
Ende si ter tafelen sijn gheseten,
So gaen sy dan sitten rupsen ende walghen,
Ende werpen sele gheluyt uut heren balghen,
Dat hem allen deert die daer by sijn oft na.

— 1313 en 1314 *ontbreken.* — 1322. Is gheheeten Inhonestas. — 1323. Dat is ben ic bi. — 1325. Dat ic terstont die zoete morsele. — 1327. Desen graet is. — 1328. Groete sonde. — 1330. Uut der ghulsicheden van der spisen. — 1333. Daer ic seyde dat den opwas. — 1334. Gheheeten in. — 1337. Uut haer so risen. — 1341. Want die dronken is en. — 1343. Die ander graet voerware. — 1344. Es gheheten. — 1345. Want dronckenscap. — 1352. Ende wort ghelijc als.
— 1353. Also vele als een onvroetseepen,
Want als een van dranken is begrepen,
Ende heves ghenomen overvoert;
Soe worden, enz.

— 1357. Van den roken. — 1359. Niet een woort. — 1363. Al soe wel die beesten die. — 1364. Mogten haer nature vermincken. — 1365. In hem heeft brocht. — 1366. Gedocht. — 1369. Ghenoech ghegheten. — 1371. Dus porseren wy. — 1377. Ende dan wandelen. — 1379. Als si dan hebben. — 1382. Dat soe comt. — 1383. Oft dat hem die. — 1385. Ende lijf mede verderft. — 1390. Al horen sijt noede. — 1395. Sijn strange ordel. — 1395. Want dat is eene. — 1397. Ghi ghulsighe ende ghy zede. — 1398. Soe sal hi u beraden. — 1399. Gramscap es ene verstoerthede. — 1403. Met harer machte. — 1413. Alle dese achte. — 1420. Hi en valt te hant. — 1421. Ende trecket een mes uut of eenen knijf. — 1424. Noch so sware. — 1428. Op hem allen. — 1430. Nu laet ons gaen te Gods eeren. — 1433. Dit es een oude gramlichede. — 1434. Want si doorloept. — 1436. Hate ende nie. — 1438. Met den niden. — 1441. In 't vijfte ghebod. — 1442. Dat in de tafelse screef onse heere God. — 1445. Als ic tusschen twee lieven vrienden ga. — 1446. Die noyt quaetheit. —

1447. Mach onvrede. — 1454. Eenen andren scade. — 1460. Anders mynen moet. — 1462. Van hem ga spreken. — 1465. Onghedoehsamighede. — 1469. Ic en houtse soe langhe. — 1470. Datter my decke af comt smerte. — 1475. Hi yemant mesdoet. — 1477. Wroeghen te voren. — 1481. Ende gheheeten Furor. — 1482. Ghenoemt sijn. — 1483. Verwoetscap. — 1487. En hebben. — 1488. Daerna vroeden. — 1491. Hoetsonden. — 1495. Om dat hem elc mensche in allen stonden

Te bat soude wachten van sonden.

— 1497. Ter doghet waert. — 1498. Mer menegherande volc en spaert. — 1499. Sonde als nu. — 1500. D'een teghen andren. — 1502. Si d'een den andren. — 1504. Die alder beste. — 1514. So sellic u de tien gheboden leeren. — 1515. Sonderlinghe den Ieeken. — 1518. By dat ic hier in sal maken. — 1525. Daerwaert al te hande. — 1532. Niet en verstonc. — 1534. Maer dede sijn. — 1538. Ende hiet hem die stemme ofdoen. — 1540. Dat waren. — 1541. Op dat hi te bat soude moghen bekinnen. — 1547. Contra me. — 1548. Dat es deerste. — 1552. Toveringhen. — 1553. Of om andre. — 1554. Oec mesdoen. — 1556. Te nemen dat not. — 1568. Dese handen hem an. — 1569. In frenesien. — 1571. Si daden. — 1575. Hare ende dare. — 1576. Om vremden. — 1578. Als oft si. — 1586. Die soete vrouwe. — 1594. Haerder ghenade. — 1595. Doen sprac. — 1610. Gods altoes eeren. — 1629. Dat ic niet en can. — 1635. Toe versiert. — 1634. Of van sinen heylighen. — 1638. Niet ghegaen voert. — 1639. Den andren toe. — 1641. Al waert. — 1643. Gode daer't al. — 1645 en 46 *ontbr.* — 1649. So menegherande. — 1650. Martelie. — 1651. Men hem menichfoude. — 1653. Groter scherpen wrake. — 1657. Want al dat. — 1658. Dit is om onser aller behout,

Niet om gheen van sijnder scout.

— 1663. Een exempel. — 1669. Die uut sijne. — 1672. Die hem sijn maechs doet dan verwijt. — 1673. In sijn spijt. — 1674. Die sijn maech. — 1676. Ende onconst. — 1677. Ende sulc doet daer noch om een const. — 1686. Was voer ons arme menschen geschiet. — 1690. Als wi. — 1695. Van sinen heilighen. — 1696. Mer loghen es verre. — 1705. Der heiligher kerken. — 1707. Wel wacht van onreynen sonden. — 1708. In woerden, in ghedachte. — 1709. Hem waer vele beter. — 1715. So vele in slaet. — 1715. Met loghen. — 1716. Met coepen, met vercoepen. — 1719. Lijfcoep moghen maken. — 1720. Die gaen rollen ende wegghen. — 1721. Busen. — 1724. Volke: quaken, clossen ende caetsen. — 1726. Een lieve toeghe. — 1727. In goeden hoeghen. — 1729. Ende vercallen ende verbeyden. — 1735. Vele mer dan. — 1736. Ende verswinent ende. — 1758. Al daermede haren. — 1740. Daer om so wachs hem. — 1743. Dan aldus vieren. — 1746. Af ic dus vergadere — 1749. Dat doet decke. — 1751. Hen

haren wille. — 1754. Mer smeken daer mede. — 1756. Die men aldus in weelden opvoet. — 1757. Sy en kennen selven. — 1759. An ghekeert. — 1765. Nemmermeer.

Na v. 1767 staen de volgende verzen :

Oec so achten sy luttel om te eeren Gode,
Ofte te leven na der kerken ghebode.
Heeren gheestelije, priesters oft prelaten
En eeren si niet tot gheender straten;
Maer eenich ghebrech dat sy daer an weten
Dat vertellen sy ende overmeten,
Ende slaen daer liever meer toe dan af;
Oec so en doen sy eere noch lof
Haren ouderen, broederen, betren noch riken,
Haer dwaesheyte en wil niemant wiken,
Sy willen die beste sijn 'allen steden,
Ende dit coemt toe van dwaeshede.
Van alle dat syre in mesdoen,
Daer sijn hun ouders of ooccusoen. enz.

— 1771. Te broken. — 1774. In dit ghebod die menich. — 1775. Met menighen woorden. — 1776. Want als ic. — 1781. Sterft hi daer omme, ic. — 1782. Al en doed icken. — 1785. Nochtan make ic 't feyt. — 1784. Den doet daeromme moet.

Na v. 1785 staen de volgende verzen :

Dat van mijnder wegghen ruert
Omdat hy jegghens my heeft verboert,
Ende dat sijt uutlossen an my staet;
Sterft hy daerin, ic bin sculdic der daet,
Oft an der ghevanghen hier ende daer,
Oft sieke lieden, die ic voerwaer
Wel weet dat sy hebben ghebrec
Van coude, van hongher in haren bec,
In den huzen oft opter straten
Mach ich 't hem betren ende ich 't late,
By versumnissen oft by vrecheden,
Ende sy dan van ghebreelicheden
Doet bliven, hoe vele datter sterft
Dien doetslac is op my gheerft.
Bringhe ic eeneghen mensche buten sinen ghe-
Tot eenen sonderlinghen quaden sticke, [*michte*]
Daer hy selver niet om en dochte,
Ende des hy wel ontberen mochte,
In onchuysheyte oft in overspelen,
In valscher ghetughe, in vechten, in stelen,
Eest roef, mortbrant, oft doetslac;
Al 't quaet, dat daer af comen mach,
Daer sal God af op den mensche doen wrake.
Elc hoeden van al sulker sache,
Ende beters hem die 't heet ghedaen,
By rade van sinen prociacn.
Men vint oec selke lose wiven, enz.

— 1795. Oncuusheit driven. — 1805. Met valschen boeken. — 1807. Te doen ontknopen. — 1809. Gheen vrucht af berueren.

- 1811. So zicken sy ende liden groot verdriet,
Also dat selc verwonnen wert in der quale,
Ende verderft al t'enenmale;
Dus verliesen si, enz.
- 1818. Om sijn goet. — 1819. Is vele min sonde wie
't doet. — 1820. Legghen se te. — 1821. Die si voert-
bringhen. — 1823. Die sonden ghesconden. — 1824. Mer
sterven si. — 1825. Niet het een twint.

Na v. 1825 staen de volgende verzen :

Selc wijf weten een andren raet;
Als sy der naturen saet
Met ghenuchten ontfanghen zelen,
Dat sy daer valsche sonde in spelen
Om dat daer gheen vruch of sou comen;
Maer dit en willic hier niet nomen,
Misselije wie 't noch quaem te lesen,
Ende hem besondighen mocht in desen;
Want alle die dit doen of raden,
Die scheyden hem van der Goeds ghenaden,
Ende verdomen lijf ende ziele.
So wien dat dese const ghevele,
Ende men 't wiste die wareyt wel,
Hy waer waerdich der wraken van Israhel.
Aldus so machmen, enz.

Na v 1829 staen de volgende verzen :

Dat is : « Ghy en silt doen gheen hoerdom. »
Man ende wijf, oec niet som
Die in huwelije sijn ghebonden,
Ende dan overtasten, dat sien doetsonden,
Buten haren ghebonden gade,
Aen wat personen dat hy dat dade,
Eest an priesters, eest an nonnen, [ghebonden,
Oft an die ghene die in gheestelijcoerde hebben
Oft oec an die ghene die in huwelije sijn gheset,
Dit is al doetsonde dobbel ghetellet;
Want papen, nonnen ende moniken mede
Die beloven alle reynichede
Als sy gheestelije orden ontfæen;
Daerby so eest meest met hem misdaen;
Mer vele isser die 't achten cleyne,
Want het is nu so ghemcine
Die pape met sijnder cocubine,
Al waert huwelije in schyne
Sy winnen kindren ende voeden,
Ende brenghense te huwelije ende sy goeden
An de beste, eest in steden oft op 't lant,
Of eest totter gheesteliker hant,
So erighen sy provenen ende personaet;
Die heeren treckense in haren raet :
Het worden rentmeesters ende toelnaren,
Aldus so en placht niet te varen,
Men plac der papen kinder te seuwen,
Ende niemant en wouder gherne an huwen,
Noch comen aen 't gheestelije goet.

Nu dunc my, ic en weet niet wat doet,
Dat mense alomme trecht boven
In paus, in conincs, in heeren hoven :
Sy maken 't over al so als sy willen.
Die selke en sijn oec niet te stillen
Met eenen wive twee oft drien
Als sy stade en stonden sien;
Sijn sy eeloes wiven oft hebben sy man,
Moghen sijs ghecrighen sy comen daer an,
Eest met beden oft met ghiften;
Ja, ic hebbe anxct, al waren 't haer nichten
Sy en maken daer gheen concientie in.
Doc daer en sal niemant meer noch min
Letten oft merken op haer misdaet;
Mer elc besie dat hy selve wel gaet,
Want die sonden en sijn te minder niet
Al eest dat mense dicke pliet.
God die saelt noch naer rechte wreken.
Noe ander ponten hier in ghebreken,
Die tot desen ghebode hoeren;
Mer die staen ghescreven hier te voren
In den graet van der luxuren.
Dat sevende ghebot moet ic ons roeren,
Dat is : Furtum, enz.

- 1837. Na al sijn. — 1840. In dietschen belegghen.
— 1841. Valsche ghetughe segghen. — 1843. Mach
deren. — 1846. Die dat quaet. — 1849. Wien 't scaet
of deert. — 1851. Te broken.

Na v. 1851 staen de volgende verzen :

Ons sijn verboden te sweren alle eede
In 't copen oft in 't vercopen beede;
Al waer't oec waer, in gheenen dinghen
En salmen mer ja ende neen voertbringhen,
't En ware noetsake bekent
Om datter an laghe een jugement
In gherechte, ende men dan ware
Gheropen ende vermaect aldare.
Is ons verboden te sweren waer
So is die loghen ghesworen swaar.
Dat neghende ghebot, enz.

- 1853. Non concupisces. — 1855. Eens anders wijf.
— 1860. Meechden of ander wijf.

Na v. 1863 staen de volgende verzen :

Oft met scoender loghen dye hy licht,
Daer hyse by onteert ende bedriecht
Haers ondanx, enz.

- 1863. Huys of tiende. — 1866. Met losen vonden ont-
vinden of ontalen.

Na v. 1867 staen de volgende verzen :

Oft in haer hove haer bome scoren
Om dat die vrucht sou bliven verlore,
Oft glase veinstre by nachte slaen ontwee,
Oft in der weiden doet sijn vee
Heymelije oft op stal.

Dit coemt van nidicheden al,
Ende in desen ende andren stucken
Doet men sonde ende scade dicken
Den evenkersten oversvies;
Daer omme so waerscuwe icse die 't plien,
Eest dat men 's begheren moet,
So en can. enz.

— 1871. Ons allen ons heere God. — 1872. Concupisces. — 1873. Die dienstmaechden sijn. — 1877. Noch os, noch ezal, dat 's mijn meen. — 1878. In dit ghebod men niet en misdoet. — 1881. Dat men hem enich. — 1882. Of hinder, of verdriet. — 1886. Of verwerken met. — 1887. En canre in ghetrecken. — 1889. Wil hi selve hi mach se houden. — 1893. Waer omme so willen wy keytive. — 1896. Dan emmer doen dat God verbiet. — 1897. Onser helpen niet.

Na v. 1897 staen de volgende verzen :

Noch onser doehdeliken daden;
Wan hem en mach niemant scaden,
Hy is so moghende ende so rike;
Maer wy wormen ghemaecht van slike,
Cranc, onseker, van crancker naturen,
Die niet sekens en hebben een ure,
Ende niet goeds by ons selven en vermoghen,
Selen wy yet hebben dat ons sal doghen,
Dat moet ons sijn ghenade gheven;
Want sonder hem moghen wy niet leven,
Ende hi verliest ons al te noede.

— 1901. Sijn ghebode. — 1904. Met hem leven na. — 1907. Of ghi in enighe. — 1908. Brekie of mesdachich sijt. — 1909. Dat betert. — 1911. En condijns niet beteren daer ghi dan sijt. — 1912. God heeft ons cracht verleent ende sin. — 1913. Ons selven wel te. — 1923. Dat een teghen hem selven sondicht. — 1926. Ic u al claelijc. — 1929. 't Eerste is, als. — 1931. Soe gaen wi uten. — 1932. Men beveelt ons dat men Gode sal. — 1933. Gods name.

Na v. 1933 staen de volgende verzen :

Ende daer by sweren, eest loghen oft waer,
Daer en is die sonde niet even swaer.

— 1941. Men mindren der zielen. — 1946. Als doetslac, stelen. — 1947. Valsch ghetughe, te sine. — 1949. Of yemans anders goet te begheren. — 1950. Boven dat die ghebode. — 1953. By rade van den.

— 1937. Toren, nijt, gramscap ende ghiricheyt,
Die sal men betren met rechten oetmoet,
Ende met wederkeeren dat onrecht goed,
Na der wiser leeraers segghen, enz.

— 1961. Met soberheyden ende met penitencien. — 1964. Sal of comen. — 1965. Van die sonden jeghens domen. — 1966. *ontbr.* — 1967. Als die ierste drie gheboden wel voersiet. — 1969. Biecht, ende gheen. — 1970. Dat's doetsonde voer Gode ghetelt. — 1977. Doetsonde. — 1978. Mer niet al ghelijc. — 1979. Sulc

minre, elc na sijn graet. — 1981. Teghen die ghone. — 1983. Haer reynicheyt. — 1986. Daer sijn sy al. — 1987. Ende sculdich der ierster daer te voren. — 1988. Het's best ontboren. — 1989. Nu hebbic u clael. 1994. Mach sculen quaet. — 1998. Biechten mach ende. — 1999. Die hem moghen deren. — 2001. Dat emmer moet sijn. — 2004. Drie poenten sijn dus ghesconden. — 2006. Hoe so.

— 2011. Mer sellen wy ons clael ontladen
Van ons selfs sondighe daden.

— 2014. Dat es recht berou ende daerna also
Moeten wi in confessione gaen.

— 2018. Dat is bitter, scamelheyt, gheheel. — 2019. Ende biechten dicke. — 2020. Ende onderhorich wesen. — 2023. Men moet oec niet meer daer op micken. — 2024. Te comen tot sondelike. — 2026. Biechten waer te broken. — 2029. Ende keert weder ten quaden goede. — 2030. Die met voersienich moede. — 2031. Sitten in overspele te gader. — 2032. Ende vele quader. — 2034. Spot.

Na v. 2034 staen de volgende verzen :

Wanneer sy dincken : hadde ic ghedaen
Mijn biechte, so willic weder gaen
Doen dat ic dede eer icker quam.
Dese maken eenen vulen, stekighen dam
Om haer arme ziele daer over te gane.
Nu eest goed dat ic u mane
Der biechten poenten, enz.

V. 2035 en 36 *ontb.* — 2038. Bitterheyt. — 2043. Dat dietsch is aldus te versinnen. — 2048. In allen minen. — 2049. Sal belien ende Gode. — 2054. Dat's als ic mijn. — 2058. Willens ende wetens daer icken mede. — 2059. Dicwil vertoernt. — 2063. Harer sonden. — 2067. Dat ander dat. — 2070. Onweert. — 2073. Voersienichlijc. — 2080. Peccata reducenda. — 2085. Want daer sonde quaet. — 2086. Altoes in uwe weghe gaet. — 2087. Ter hellen waert om u te wroghen. — 2088. Dat vijfste poent moet ic hier voeghen. — 2089. Met wille volcomen. — 2090. Om die sonden te noemen. — 2095. Al lijht hy sijn sonde. — 2102. Oft versconen. — 2104. Dat si daer na poghen. — 2105. Hoe dat si hen dan. — 2116. Het sevende poent maec ic u vroet. — 2117. Ghy selt deckwile biechten. — 2123. Gheen dine en mach. — 2125. Want langhe versumen. — 2128. Dan te segghen ic hebbe gheloghden. — 2133. Eer 't uten ghedachte comt. — 2134. Dat leste. — 2138. Ende die soene. — 2140. Ende met vlijt. — 2146. Die hem verboeghet. — 2147. Hoeverdicheden. — 2152. Totter rechter. — 2158. Stille dan openbaer. — 2163. Ende so men. — 2167 en 68 *ontbr.* — 2171. Hi hem biecht. Vallet hi *ontbr.* — 2179. Want men mach. — 2180. Soe wanen doen. — 2183. Dat wort sonde. — 2190. Dat vierde pont is wel. — 2196. Es ghetreden.

— 2198. Ghedaen op kerchove ende in kerken
Oft op andren ghewyden steden
Dan in huys of oter heyden.

— 2203. Sijn ghebonden. — 2207. Want sneven sy
daerna. — 2208. Sy en sijn oersprone. — 2215. Noch-
tan sijn 't vele mindere sonden uut noede. — 2216. Te
stelen. — 2228. Namaels of hem. — 2231. Dus al sijn.
— 2243. Dat elc hem voeghe. — 2244. Als hi. —
2246. Wel verclare. — 2247. Die menighe winkel. —
2257. Wort suver van allen. — 2259. En heeft. —
2277. Of 't gheld daer af voer paesse. — 2285. Daer
mede. — 2288. Met rechte willen belasten. — 2292. Dan
hi mach. — 2301. Licht bat. — 2306. Mede es belast.
— 2308. Alle dat goet dat hy hier voren helt
Dat staet nu in ander ghewelt.

— 2315. Ende oec maecht. — 2314. Hoe wel dat. —
2315. Dan den ghenen. — 2322. Van den eertschen
goede. — 2323. Vast cleef in. — 2326. Doorquetst dat
herte en al die lede. — 2327. Bestreden. — 2328. Ende
soe zeere verwonnen. — 2333. Meester van medicien.
— 2334. Die hem can. — 2335. Clisteren. — 2336.
Cruyt ende dranc. — 2342. Mer levet voert an quader.
— 2343. Alsoe vermeert.

— 2344. In hem datten zieken verwint
Soe en hulpt sijn meester niet en twint.
Al om den pape, enz.

— 2347. Wel can. — 2348. Van alre verdiende sonden
die pine. — 2350. Een ghewaer berouwen. — 2352. Al
en tonet men. — 2355. Dat ele voldoen moet den even-
kerstijn. — 2361. Ende 't hem dan. — 2363. In wel-
daet. — 2371. Die 't wel verstoede. — 2374. Met lenen
gheereghen. — 2376. Weder, nu dat hijt vermach. —
2377. Ende also heeft hijs verdrach. — 2379. Van allen
dat. — 2386. In almoessen gheven. — 2387. Doechde-
like. — 2390. Te vinden en weet. — 2391. Daertoe be-
reet. — 2393. Weder dat goet an hem laet ghenaken.
— 2399. Ic meene. — 2401. Ende dat vermochte. —
2403. Begheerde oft weder an te nemen stoede. —
2409. Dat salse allegader so besmiten. — 2410. Dat sy
sullen. — 2415. Die bruycht. — 2416. Nu raet wat. —
2418. Ende daertoe qualije over hebben brocht. —
2425. Dit sijn algader. — 2426. Niet die. — 2427. Die
die herberghe hout maer alghemeenc. — 2428. Die
't spel bedriven of die doen die sonden. — 2429. Tot
menighen. — 2431. Dat goet dan. — 2434. Een recht.
— 2437. Droech. — 2438. Den moeder. — 2441. Al-
gader dat. — 2443. Met heeten tranen. — 2451. Daerin
voerwaer. — 2452. Hi crancket of. — 2453. Dat meent
men dat hi es bereet. — 2460. Hallinc. — 2463. Sel-
veren paert. — 2467. Ende wat onderwint hy hem dan
des. — 2470. Den duvelvollen waert. — 2473. Han-
tiert. — 2479. Maer en vergave God niemant die ghin-
ghe hier boven. — 2480. Na dat men die heilighe scrif-
ture moet loven. — 2485. Van ghescuwe sy. — 2486. Sal

si. — 2489. Wel te. — 2494. Indien dat hijs wille. —
2500. Den pape al goet. — 2503. Te vreden is ende
daerin wel bewaert. — 2506. Want die ziele vaert. —
2509. Dat es my verborgen. — 2512. Sijn oec goet. —
2515. Na hen selen deilen. — 2516. Die cierheyt droech.
— 2517. Ende dien 't al was onderdaen. — 2518. Riden
no gaen. — 2533. Ende doen 't om. — 2540. Niet meer.
— 2548. Om dien te offeren. — 2549. Ghierchede. —
2550. Zulke wel die. — 2551. Die dat quaetste van
haren. — 2554. Wider gaven. — 2555. Oft offerande.
— 2557. Dat doet ons Sinte. — 2560. Oft ghi enighe.
— 2561. Broeder hebt. — 2562. Keer weder eer ghi
den offer gheeft. — 2564. Dan offerdy Gode. — 2566.
Als wi dan van hoeftsonden sijn onbesmet. — 2572.
't Onrecht goet widerkeren. — 2582. Den wille van
binnen. — 2584. Als over scaut gheboden. — 2590.
El gheenrande. — 2591. Sijn leven doere. — 2592.
Doen misse dan die tot sijnre. — 2596. Of causeren.
— 2599. Met stelen, woekeren of met voercope. —
2614. Nochtans soude hem niet moghen baten. —
2617. Of der ghene. — 2618. Met onrechte nam. —
2619. Ende daer in hadde verduldichede. — 2621. Ende
Gode doen om. — 2626. Ende sciet daer. — 2630. Soe
sal men God. — 2636. Te minder en es Gods. — 2640.
Al geeft men 't eenen quaden bode. — 2641. 't Broot
en sals. — 2646. Poenten der zalicheyt.

Na v. 2646 staen de volgende verzen :

Hadde doen hy die warelt liet,
Dat is, als ic voer hebbe bediet,
Rouwe, biechte ende voldoen
Van allen dies hy hadde gheploen,
Daer sonden oft onrecht in lach,
Ghebeter, also verre als hy mach,
Al waert oec dat hem an den goede ghebrake,
Ende eenen wille der beteringhe an hem stake,
Dat altoes te betren oft hijs vermochte;
Met dien wille in goeden ghedochte,
So ontfaetten dan God ende wort vercoren;
Mer over die ghene enz.

— 2650. Ghene caritatelike werke. — 2652. So zeere.
— 2661. Wi alle. — 2662. Nu so willic. — 2664. Dat
hi minen. — 2665. Al soe hevet. — 2666. Sondigh
clerc.

— 2669. 't Welc hoee dat in heeft al bisondert
Der verse wel dertich hondert.

Daerna staen nog de volgende verzen :

Luttel min oft luttel meer.
Men sereeft in dat jaer van Onsen Heere
Dusent vier hondert, doen wast volent
Ent LJ. recht daer ontrent
Des smerghens na Sinte Maurisius dach,
Die na Sinte Matheus ghelach.
Die dit dichte hiet Willem, een Weert;
Allen liechten bid hy ende begheert

Over hem te biddene datten God verlichte.
Oec so bid hy hem die dit ghedichte
Lesen zelen oft scriven,
Dat sijt also laten bliven
Sonder te mindren oft te meerdren,
Ende den sin niet te corrumpere;
Want hy hevet fray ghescreven
Na 't latijn ende voert ghegeven
Een yghelic te lesen ter zielen baten,
Die haer sonden willen laten,
Dat sy hem hier in spieghelen moghen,

Hoe dat sy bliven ombedroghen
Van den viant tot allen stonden;
Want het es een Spieghel van Sonden.
God gheve dat sy alle so claer
Daer in sien moeten die 't hier naer
Selen lesen oft hoeren lesen,
Dat sijs te beter moeten wesen,
Ende dat hijs mede gheneete die 't dichte
Voer Gode dat hy ons ten eewighen lichte
Moet brenghen na dit leven;
Amen, hier mede so eest volscreven.



INHOUD.

	Bl.
INLEIDING.	III
Die dietsche Lucidarius.	1
Die niwe Doctrinael, door Jan Die Weert, van Ypere.	75
Dit's van Augustijnkens sceepkene	105
Zedelessen	113
De Schepping, door Augustijnken	120
Dit is van ·VI· vaerwen ende ·VII· outheyden, deen metten anderen bediedt	124
Dit es en expositie vanden vier vingheren ende vanden dume.	128
Dit is Sinte Jans Ewangelium, alsoe 't Augustijnken geexponeert heeft	131
Hier begint den AB recht ende averecht; op elc littere een vers.	143
De borch van Vroudeurijc, die Augustijnken maecte	144
Van der rijcheit en van der doot, door Augustijnken	147
Die niwe Doctrinael (Varianten van het Leidsche Handschrift).	149

ERRATA.

Bl.	2, v.	112,	<i>staet</i> :	hier an,	<i>lees</i> :	hier an;
	3,	213,	»	beiden,	»	beiden.
	6,	415,	»	vallen,	»	vallen;
	7,	528,	»	namen	»	namen,
	8,	606,	»	so wi hore	»	so wi horen,
	9,	658,	»	stede,	»	stede
	10,	734,	»	nu besie	»	vorme, nu besie,
	12,	919,	»	hire diere	»	hi, diere
	13,	1180,	»	Yeve.	»	Yeve
	16,	1273,	»	passi,	»	passie
	21,	1740,	»	her an	»	her an,
	23,	1931,	»	niet	»	niet.
	25,	2056,	»	Sonde	»	Sonder
	28,	2328,	»	rene;	»	rene,
	»	2529,	»	Om hem	»	Ende hem
	»	»	»	genade,	»	gedane,
	30	2515,	»	swike	»	swike,
	32,	2624,	»	proefde	»	proefdi
	»	»	»	Joseppe	»	Joseppe,
	»	2634,	»	sonden,	»	sonden;
	»	2631,	»	't quade	»	't quade,
	34,	2862,	»	't folc	»	't folc,
	36,	2992,	»	besuren	»	besuren,
	37,	3072,	»	verstaet,	»	verstaet;
	39,	3225,	»	Pauwel	»	Pauwel,
	»	»	»	Kerken	»	Kerken,
	40,	3317,	»	dan en	»	dan : « En
	»	3319,	»	doen.	»	doen. »
	44,	3676,	»	dan	»	dau
	52,	4373,	»	Wat	»	Want
	53,	4484,	»	narstelike.	»	narstelike
	»	4486,	»	geerigen	»	geerigen;
	55,	4686,	»	sterven,	»	sterven;
	»	4690,	»	steden.	»	steden,
	57,	4840,	»	bestaen	»	bestaen,
	59,	4958,	»	verdragen	»	verdragen,
	»	4959,	»	Op	»	Of
	63,	5345,	»	vroet	»	vroet :
	76,	109,	»	heeft.	»	heeft :
	»	146,	»	vueghen,	»	vueghen
	77,	168,	»	Hoverde	»	Hoverde,
	»	207,	»	verstaet,	»	verstaet.
	78,	275,	»	sluten	»	sluten,
	80,	468,	»	al beidt hi, wat	»	al beidt hi wat,
	81,	573,	»	dunsch	»	duusch
	»	579,	»	ware	»	ware.

Bl. 82, v. 651, <i>staet</i> :	onthouden	<i>lees</i> :	onthouden;
85, 904, »	staet	»	saet
» 934, »	smaken;	»	si raken
» 933, »	dinghen	»	dinghen;
» 936, »	volbringhen,	»	volbringhen.
86, 1003, »	spreken,	»	spreken.
» 1031, »	zoeken	»	roeken
87, 1061, »	werken	»	merken
89, 1236, »	allene,	»	allene.
91, 1460, »	nemen	»	minen
93, 1653, »	scepper	»	scerper
94, 1696, »	Der	»	Mer
96, 1892, »	spreken	»	spreken.
» 1894, »	live	»	live;
» 1912, »	cracht	»	cracht,
98, 2098, »	Dat seste	»	Dat seste :
99, 2146, »	verhoeghet. »	»	verboeghet. »
101, 2374, »	leven	»	lenen
102, 2471, »	brande	»	brande.
103, 2472, »	offerande.	»	offerande
112, 348, »	loen,	»	loen
113, 43, »	Mate	»	Mate,
120, 46, »	persone	»	persone,
121, 143, »	canoneke,	»	canoneke
» 144, »	reghelike	»	reghelike,
124, 29, »	·XII·	»	·VII·
126, 182, »	Wat	»	Want
128, 28, »	des menschen sin,	»	des menschen sin
» 30, »	Des	»	Den
» 34, »	alsoe.	»	alsoe,
» 35, »	men	»	mi
» 36, »	graden,	»	graden.
133, 161, »	swerken,	»	swerken;
» 162, »	lichten, 't sijn	»	lichten sijn
139, 696, »	copen	»	dopen
141, 893, »	woert,	»	woert.
» 896, »	persoen; daer ghi af hoert.	»	persoen, daer ghi af hoert,
» 934, »	verstaen	»	verstaen,

De nalezingen, de opgave der misstellingen, enz., voorkomende in de vorige deelen, zullen in een der volgende aengegeven worden.



